

ADRIANI HEERBOORD.

*Professoris in Academiâ Patriâ
Philosophi,*

PHILOSOPHIA,
NATVRALIS,
MORALIS,
RATIONALIS.



• LUGDUNI BATAVORUM,
E. Officinâ FRANCISCI MOYARDI,
Bibliopola trans Academiam.

c15 15 c11v.



MAGNIFICO, AMPLISSIMO, GRAVIS-
SIMO, CONSULTISSIMOQUE

VIRO,

D. GVILIELMO PAETS, J. V. D.

Dn. IN ABSPOEL, ad COMITIA ORDINUM GE-
NERALIU OLIM DEPUTATO, & ad CONSES-
SUM CONSILIARIORUM ORD. GENERAL.
QUONDAM, NUNC ad CONVENTUM ORDI-
NUM HOLLANDIÆ, DELEGATO, VIRO CONSV-
LARI REIP. LEYDENSIS, LONGE MERITISSI-
MO, JUSTITIÆ VINDICI INCORRVPTO, AVI-
TÆ BELGII LIBERTATIS PROPUGNATORI,
LITTERARUM AC LITTERATORUM MECÆ-
NATI, PATRIÆ NESTORI, CURIÆ CATONI,
CIVIVM LÆLIO, OMNIS GENERIS VIRTVTVM
CVMVLO, ORNATISSIMO,

Hæc Meletemata

PHYSICA, ETHICA, LOGICA,

Sacra Facit,

ADRIANUS HEEREBOORD,

Philosoph. in Acad. Leid. Professor.

Magnifi-

MAGNIFICENTISSIME, AMPLISSI-
ME, CONSULTISSIME
DOMINE.

Vetus est *Philosophia* nostræ, & à PLATONE profecta, in *Naturalem*,
Moralem, & *Rationalem*, divisio, quarum ista, rerum explicat
Naturas, illa Mores instruit hominis, hæc Rationem dirigit & excolit
in cognoscendo humanam: Et enim, cum omnis mortalium salus cogni-
tione sui absolvatur ac Dei, hujus quidem ex verbo hauritur Dei; at
homo, cum duabus constet partibus, animâ & corpore, ut rite recteque
se cognoscat, utriusque indiget notitia: corporis cognitionem humani,
imo cujusvis, exponit, *Physica*; animi, *Ethica*; in utroque cognoscen-
do, rationem sublevat promovetque *Logica*: Hanc triplicem *Philoso-*
phiam vestro inscribo nomini, ob tot beneficia, in Patriam, in me, col-
lata, quæ, si commemorare velim, superant longe captum ingenii ac
memoriæ meæ. Quare, ne palpum *Amplit. Vestra* obtrudere videar
à quo vitio sum alienissimus, sisto simpliciter hosce meæ industriæ Fœ-
tus, in grati animi signum,

Magnificencia & Amplitudinis Vestra,

CULTOR & CLIENS,

ADRIANUS HEEREBOORD,

Philos. in Acad. Leidenf

Professor.

COLLE-

P R Æ F A T I O A D L E C T O R E M.



Vid me moverit, Lector benigne, ut post tot Physicæ, Logicæ, systemata, syntagmata, ideas, medullas, nucleos, tabulas, methodos, institutiones, compendia, &c. passus sim meas quoque hic cogitationes ac MELETEMATA in apertam protrudi lacem, paucis exponam. Equidem, non me tenet illud seculi nostri cacoëthes, ista scripturandi insatiabilis prurigo, qua, scribimus indocti doctique volumina passim; omnes scribendi sero assumunt partes, qua non nisi paucorum sunt. Paucos hodie invenias memores precepti Horatiani, nonumque prematur in annum. Videas scriptores quosdam otio & litteris intemperanter abuti. Non is mihi genius, nec ea sedet mens. Verum nunquam hæc mea palam prodigunt, nisi vidissem eam esse secula, quibus, sine ullo Philosophia studio aut adminiculo, Studiosorum multi, si non plerique, ad disciplinas superiores, Theologiam, Jurisprudentiam, Medicinam, sed imprudenter, ac cum suo, & aliorum, Ecclesia, ac Reip. ineffabili damno, præcipiti nimis gradu contendunt. Dicendum est, quod sine dolore dici non potest. Cruda hodie studia, in Ecclesiam, in Rempublicam, in communem hominum societatem, protruduntur, dum neglecto omni Philosophia (ut de Linguis & Litteris humanioribus nihil dicam) studio, ad severiores & sublimiores sese conferunt disciplinas, atque ita, non ad solidam ac masculam eruditionem, sed ad caliginosam, magnis passibus, inscitiam, perveniunt. Qui Theologia operatur sacris, sine ullo Philosophia, ac præsertim Logica, subsidio, & modum disputandi ignorat, & terminos, quibus sua institui plerumque solent disputationes. Jurisprudentia Candidatus, omnis Philosophia expertus, Juris sui fontes, atque unde illud sit hauriendum, in totum nescit. Medicinæ Studiosus, Philosophiam uno saltu transiliens, non tam studia sua maturat, quam ægrorum mortem, maturat. Sic ista studiorum compendia, vita, honoris, bonorum, atque ipsius denique salutis, existunt dispendia. Atque, cum hanc studiorum pestem & corruptelam, nimiam festinationem ac precipitantiam, etiam hanc nostram Academiam invasisse atque infecisse animadvertissem, inquisivi in tanti mali causas: deprehendi, esse, præatendi saltem, & obscuritatem, & prolixitatem, & inordinationem, quibus res

Philoso-

Philosophicæ à multis tractari dicuntur. Clamant enim, hæc Philosophia vitia, animos abstrahere, quo minus Philosophentur, aut, si qui ad Philosophiam, paulum generosiores, animum adjicere decernunt, Philosophari quidem velint sed, paucis. Studui ergo pro virili, Philosophiæ, aut neglectæ, aut non satis excoltæ, siue causas, siue prætextus amovere, ne in posterum manibus pedibusque illotis in adyta superiorum disciplinarum irruantur, & res Physicas, Ethicas, Logicas, clare, breviter, ordinate, hic tradere, ut saltem primis labris libare eas digrentur, ne plane hospites in rerum divinarum humanarumque rerum notitiâ audiant. Physica quidem & Ethica, propriis, ad claritatem majorem, notis sunt illustrata: Logica iis caret, quod extent edita à me ad Synopsin Logicam Burgersdicianam. Salve Lector, & si quid nosti rectius istis, Candidus imperti, si non, his utere mecum, & Errata Typographica, quæ tamen sunt pauca, ipse emenda.

A. HEEREBOORD,

Professor Philosophia Ordinarius.

COLLE-

COLLEGIUM PHYSICVM. THESIUM PHYSICARUM SECUNDUM PERIPATETICOS,

Disputatio Prima,

DE

PRINCIPIIS CORPORUM NATURALIUM.

T H E S I S I.



Physica est scientia propriè dicta.

Scientia propriè dicta est, quæ gignitur demonstratione & *di* *on*, estque cognitio rei necessariz per causam proximam; alioquin quælibet cognitio cuiuscunque rei, quocunque modo accepta, scientia dici potest, sed impropiè.

2. Demonstrat enim proprias affectiones de subiecto necessario per causas proximas.

Subiectum Physicæ necessarium dicitur, quia corpora naturalia sunt & producuntur, vel immediate a Deo, vel à Natura uniuscuiusque corporis, quæ vicem Dei gerit; sic ut ea fieri vel non fieri, produci vel non produci, non pendeat ab arbitrio vel potestate hominis: nemo enim hominum, aut nivem, aut lapidem, aut stellas, aut plantam, aut aliquid corpus naturale, producere valet.

Per causas proximas intelliguntur materia & forma.

Per affectiones intelliguntur quantitas, qualitas, locus, motus, tempus.

3. Ejusque objectum est materiale vel formale.

Objectum materiale Physicæ ei eum Medicina est commune: objectum formale Physicæ est proprium.

4. Materiale, est corpus naturale, id est, ex materia & formâ substantiali compositum.

Corpus naturale dari in Physica præsupponitur, non probatur, quia subiectum in scientiis non probari solet sed præsupponi.

5. Formale, est quatenus naturale, id est, habens in se principium motus & quietis.

Objectum formale sic vocatur, quia est veluti forma sub qua objectum materiale ab unaquaque scientia pertractatur; sic Physica non agit de naturali corpore quatenus curari potest, ut Medicina, sed sub forma alia, scilicet, quatenus naturale est, id est, quatenus moveri potest, aut quiescere: nota veto, objectum formale semper significari per vocem quatenus vel quâ & vocari vulgo rationem formalem.

6. Itaque non pertinent ad Physicam Deus & Angeli.

Deus & Angeli non pertinent ad Physicam; quia sub objecto materiali non comprehenduntur, neque enim sunt corpora.

7. Nec objectum ejus rectè ponitur corpus mobile, multò minùs ens mobile.

Corpus aut ens mobile non est objectum Physicæ, quia pugnat utrumque cum ratione formali objecti Physicæ, quæ est quatenus naturale.

Mobile propriè significat id quod moveri potest, & sic non est objectum Physicæ, sed affectio de eo demonstranda; si mobile dicatur id quod movere potest, jam male loquimur, & clariùs hoc exprimitur per vocem naturalem.

8. Definitur ergò rectè Physica scientia corporis naturalis quatenus naturalis.

Definitio ista desumpta est à genere & objecto, tum materiali tum formali.

9. Dividitur rectè in partem communem seu generalem, & propriam seu specialem.

Divisio

Divisio ista est non generis in species, sed integri in membra.

10. Generalis agit de Corpore naturali in genere ejusque principiis & affectionibus.

11. Specialis agit de Corporis Naturalis speciebus.

12. Physica debet tradi methodo synthetica.

Ratio theos est, quia Physica est disciplina speculativa, qualis semper debet tradi methodo synthetica, de qua videatur ultimum caput Logicę Burgerdic.

13. Itaque faciendum est initium à principiis rerum Physicarum simplicissimis, & progrediendum ad ipsa corpora, quæ ex iis componuntur.

14. Principia alia sunt cognoscendi, alia essendi.

Principium in genere definitur, primum, unde aliquid fit, est, aut cognoscitur; hæc thesi sub Principiis essendi comprehenduntur & principia fiendi.

15. Principia essendi sunt, quæ ad ipsum esse corporum naturalium concurrunt.

Ad ipsum esse, scilicet, vel producendum vel constituendum.

16. Suntque vel externa, scil. Efficiens & Finis, vel interna.

Principia externa dicuntur, quæ corpus naturale non ingrediuntur, illud constituendo; interna, contra.

17. Interna corporum naturalium principia sunt, quæ non sunt ex aliis, quia non essent prima, nec ex se invicem; & ex quibus sunt vel sunt omnia.

Vocula, ex, ter hæc thesi ponitur, non semper eodem sensu: interdum ex notat partem componentem, sic principia non sunt ex aliis, neque ex se invicem: interdum ex significat terminum à quo, hoc sensu simul & priori, ex principiis sunt omnia corpora naturalia.

18. Eaque vel sunt constitutionis & transmutationis, vel transmutationis tantum.

Principia constitutionis aliis dicuntur compositionis, & transmutationis dicuntur generationis vel terminationis Principia.

19. Principia constitutionis & transmutationis sunt, Materia & Forma.

Materia intelligitur hic ex qua, non in qua, non circa quam, vide caput 26. de materia Logicę Burgerdic.

Forma intelligitur non accidentalis sed substantialis, quæ alteram partem essentia corporis naturalis constituit.

20. Principia transmutationis sunt, Materia, Forma & Privatio.

Privatio est Principium transmutationis tantum; at materia & forma insuper constitutionis.

21. Materiam dari ex eo manifestum, quia ex nihilo nihil fit naturaliter, id est, naturali modo, ordine, viribus naturæ, ab agente naturali: actio, quæ ex nihilo quid fit, vocatur creatio, quæ ex aliquo aliquid, generatio.

Naturaliter, id est, naturali actione, quæ ab agente naturali, naturæ viribus, secundum naturæ ordinem, instituitur.

22. Materia est prima vel secunda.

Hæc divisio non est generis in species, nec integri in membra, imo nec rei quidem divisio est, sed nominis tantum distinctio, & petita fere à mente seu ratione nostra: Materia enim secunda est materia uniuscujusque corporis Physici singularis: cum vero omnis materia corporum singularium in eo conveniat, ut singula corpora ex illa constituentur, tanquam ex parte componente & subiecto formarum, fit ut communis hæc natura & ratio materialium singularium, à corporibus singulis per mentem abstracta & concepta, dicatur materia prima.

23. Materia secunda est corpus aliquod naturale variis dispositionibus & qualitatibus vestitum ex quo aliud fit.

Materia secunda est principium non quorumlibet corporum naturalium, sed eorum quæ ex ea tantum nascuntur & producuntur.

24. Materia prima definitur vel positivè vel negativè.

Materia prima, quia ens est imperfectum, & principi-

principium tantum ac pars corporis naturalis, perfecte definire nequit, sed qualicumque descriptione adumbrari tantum potest, idque vel terminis positivis seu affirmatis, vel negativis.

25. Negativè, neque est quid, neque quantum, neque quale, neque aliquid eorum quibus ens determinatur.

Materia prima dicitur non esse quid, non quasi non sit ens aut aliquid, sed quia non est hoc aliquid seu ens certæ speciei: sic neque quantum esse dicitur, non quod nullam habeat quantitatem, sed quia non habet quantitatem determinatam: sic neque est quale, quia nullam habet qualitatem certam aut definitam, imo, si in se spectetur, ex se ne ullam quidem qualitatem habet.

26. Positivè, est primum subiectum uniuscujusque ex quo fit aliquid, id est, corpus naturale, cui inquit per se, non secundum accidens, &, si corrumpitur aliquid, in hoc ultimo resolvitur.

Materia prima significat id omne, ex quo aliquid producitur primo, sic ut maneat in producto, & productum in illud, quando corrumpitur, redeat atque revertatur: quod utrumque intelligendum est de productione & corruptione naturali, quæ sit ab agente naturali naturæ viribus, secundum naturæ ordinem; si enim talis materia generationis & corruptionis omnis subiectum non datur, aliquid ex nihilo fieret naturaliter, quod est absurdum.

27. Hæc propriè est principium generale, de quo hic agimus.

28. Materia prima non est corpus, neque per formam corporeitatis, neque per simplicem essentiam.

Per corpus intellige Physicum, non Mathematicum, & substantiam constantem materia & forma: nam principium corporis ejusque pars non potest esse ipsum totum corpus.

Forma corporeitatis dicitur, per quam corpus est corpus. Quæ ab aliis dicitur forma mixti, aut, si ab hac distinguatur, merum est signum.

29. Est tamen ens, & quidem substantia, licet incompleta.

Materia prima est ens, quia essentiam habet

& existentiam, imo & subsistentiam quæ non est in alio ut in subiecto, distinctas ab essentia, existentia, & substantia formæ, quia principium est distinctum à forma; porro dicitur substantia incompleta, quia ad corpus, tanquam substantiam completam, ut ejus pars & principium ordinatur: unde nec prima nec secunda est substantia, quia hæc est divisio substantiæ completæ, qualis non est materia prima.

Essentia live esse rei, est id quod definitione exprimitur: quia ergo materia prima definitur, habet quoque essentiam esse sibi propriam. Existentia est id, quo res ponitur extra causas producentes in hoc modo: atqui materia prima producta est, & stat extra causas suas, quæ existit in & cum materia secunda; ergo & existentiam habet. Subsistentia est modus, quo substantia non est in alio ut in subiecto: atqui materia prima non est in alio ut in subiecto, est quidem in secunda, sed ut pars essentia in toto; ergo & subsistentiam habet.

30. Habetque actum ex se entitativum.

31. Et simul est potentia subiectiva.

Actus entitativus vocatur, quo aliquid vere existit in rerum natura, extra causas producentes; ei opponitur potentia objectiva, quæ aliquid non vere existit, sed existere potest, atque objectum esse potentia activæ producentis à quo potest produci: quemadmodum mundus, antequam condideretur, erat in potentia objectiva Dei, postquam conditus est, habet actum entitativum, quo ut ens actu existit. Potentia subiectiva dicitur, quæ res, quæ est, potest esse subiectum alicujus formæ, sive substantialis sive accidentalis: huic potentia opponitur actus formalis, sive informans, quo res naturalis certam aliquam formam seu substantialem seu accidentalem actu possidet: quando materia prima dicitur esse pura potentia, intelligitur subiectiva, non objectiva; quando dicitur habere actum, intelligitur entitativus, non formalis: hæc duo pugnant, ut aliquid simul sit in potentia objectiva, & habeat actum entitativum. uti pugnant quod aliquid sit in potentia subiectiva, & habeat actum formalem ei materiæ respondentem: sed potest aliquid esse in potentia subiectiva & habere actum entitativum, ut materia prima.

32. Imò ex se planè est (esse essentia) informis.

Sensus thesæos est, quod materiæ primæ essentia in sui definitione & conceptu essentiali nullam formam includat aut involvat.

33. Nunquam tamen est (esse existentiz) sine forma.

Sensus thesios est, quod materia prima nunquam existat sine forma: ratio est, quia non existit nisi in materia secunda, quæ est formata.

Materia prima nunquam existit sine omni forma, potest tamen considerari aut intelligi, non considerata aut intellecta ulla forma, quia potest abstrahi ab omni forma, abstractione simplici ac præcisionis, quæ concipitur res una, non concepta alia, non vero abstractione composita aut negationis, quæ concipitur res una, negata alia; neque enim materia concipi potest, ut de ea negetur omnis forma.

34. Imò ne esse (esse existentiz) quidem potest.

Ratio thesios est, quia materia prima nunquam existere potest extra secundam, nam universalis non possunt existere extra singularia: at materia secunda nunquam existere potest sine forma; ergo nec prima quæ extra secundam non existit, imò tantum ratione ab ea distinguitur.

35. Materię primę tribuitur potentia universalis:

Potentia, scilicet, subiectiva non obiectiva, quod sensu intelligitur quoque potentia, Thesis 31.

36. Hæc est, quæ indifferenter respicit quamlibet formam.

Formam intellige vel substantialem vel accidentalem, sed potissimum substantialem.

37. Potentia hæc est essentialis materię primę, unde materia substantiatur per potentiam.

Essentialis, vel constitutiva, quia illa potentia universalis essentialiter materię primę constituit, vel consecutiva, quia essentialiter materię primę constitutam immediate consequitur, ut proprietas sui subiecti.

38. Potentia particularis est materię secundæ.

Vocatur potentia particularis, quia materia hæc aut illa particularis respicit & recipit hanc vel illam formam particularem.

39. Tribuitur materię quoque quidam appetitus universalis:

40. Nam particularis materię secundæ convenit.

Quia materia est ens imperfectius formâ, & 3 formâ perficitur, asseribitur ei appetitus quidam, quo formam appetit tanquam se perfectiorem, omne enim imperfectum appetit sui perfectionem; materia prima appetit perfici à quacunque forma; secunda vero ab illa forma quæ suæ naturæ convenit: ideoque illius appetitus dicitur universalis, huius vero particularis.

41. Uterque ab utraque potentia tantum ratione discrepat.

Potentia materię primæ ejusque appetitus re ipsa idem sunt, sed sola differunt definitione utri quoque potentia & appetitus materię secundæ.

42. Materię coarctæ est quantitas interminata, id est, indeterminata, cujus termini ab intellectu humano assignari nequeunt.

Quantitas interminata dicitur, non quod deur in rerum natura actu talis quæ omnibus terminis ac finibus careat, sic enim daretur aliud quod ens corporeum ac infinitum mole sua, quod est absurdum; sed vocatur interminata quantitas, ejus termini & fines, cum in se sunt finiti, à nobis tamen humana mente definiti, designari, ac determinari nequeunt: talis quantitas dicitur materia prima coarctæ, quia est proprietas ac quarto modo materię primæ, omne proprium & subiecto suo est coarctum, sunt enim ista duo simul tempore, & se mutuo ponunt ac tollunt.

43. Forma est actus primus substantialis corporis naturalis, unum per se cum materia constituens.

Actus primus vocatur principium operandi, actus secundus operatio: actus substantialis idem est quod substantia accidentalis quod accidens; forma dicitur actus, non enitativus, sed formalis.

Unum per se dicitur, aut quod habet essentialitatem simplicem & non compositam, quo sensu Deus, Angeli, & Animæ rationales dicuntur unum per se; vel quod, tamen habet essentialitatem compositam ex aliis, talem tamen habet ut partes componentibus sint ejusdem naturæ ac prædicamentis, & unione quadam mutua in unum coalescant: hoc sensu forma enim materia constituit corpus naturale unum per se.

Actus & potentia non sunt ejusdem naturæ: materia est potentia, forma est actus; ergo: Ref. Neg.

Neg. Maj. nam actus substantialis & potentia substantialis, ut sunt forma & materia, sunt ejusdem naturæ.

44. Dant formas substantiales, accidentium variorum in hoc subiecto concurfus, in alio non item, clare demonstrat.

Quod ignis sit calidus & siccus, aqua humida & frigida, ejus rei causa non est materia. quia illa se indifferenter habet ad omnem qualitatem, sicuti ad omnem formam; neque potest causa esse accidens aliud in igne aut aqua, quia de eo utrumque queritur, quare hoc potius sit in igne & non in aqua, ac vice versa; ergo oportet esse causam ipsam aquæ & ignis formam.

45. Forma est vel separabilis, quæ seorsum à materia existere potest, vel inseparabilis, quæ non potest.

Seorsum, id est, loco & tempore diversis atque divisus: forma inseparabilis tolli quidem potest, hoc est, auferri à subiecto, per corruptionem aut annihilationem, sed non potest separari à materia sua existere alio loco atque tempore.

46. Hæc dicitur materialis, illa immaterialis.

Forma dicitur materialis, quæ à materia sic dependet, cum sit, existit, atque operatur, ut citra vel extra eam fieri, existere, aut operari nequeat; immateriali contra, quæ sine materia & fieri potest, & existere, & operari, qualis est sola anima rationalis.

47. Formæ materiales non sunt ante sui productionem in materia actu, neque secundum se totas, neque secundum aliquam sui partem.

Ratio rhesos est, quia sic nulla foret generatio, quod est absurdum, nam nihil produceretur.

48. Sed educuntur ex potentiâ materiæ.

Potentia materiæ intelligitur non objectiva sed subiectiva, ex qua dicitur educi forma, quando materia sua capacitate & aptitudine actionis agentis naturalis formam materialem producentis juvat, perficit, ac promovet.

49. In quo differunt ab immaterialibus formis;

50. Nam hæc creantur.*

Forma immaterialis creatur, pnta anima rationalis, quia corpus materia hominis nihil confert ad ejus productionem; neque enim Ens corporeum potest allurgere ad productionem Entis incorporei.

51. Forma substantialis, sive materialis, sive immaterialis, in quolibet composito una tantum est specifica & ultima.

Specifica hic vocatur forma, quæ speciem largitur ultimam, id est, quæ non potest Ens per formam aliam superiorem transire ad speciem Entis perfectioris.

52. Plures tamen formas subordinatas vel disponentes dari in eodem composito, non est absurdum.

Subordinate formæ dicuntur, quæ rem quidem in certa specie corporis naturalis constituant, sed ita ut res illa per adventum formæ alterius ac superioris transire possit ad speciem Entis perfectioris: quemadmodum anima vegetans in foetu hominis cum quidem constituit in specie viventium, sic ut sentiens eundem collocat in specie animalium, sed ita ut fetus ille per accessum animæ rationalis transire possit in speciem perfectiorem hominis; ideoque non sunt formæ specificæ hominis, sed subordinate.

53. Privatio est absentia formæ quæ potest inesse.

Hæc privatio vulgo dicitur Physica, ad distinctionem privationis Logicæ, quæ est absentia formæ, quæ inesse debebat per naturam subiecti & tempus à natura constitutum.

54. Estque principium non constitutum sed terminativum.

55. Quatenus scilicet in generatione est terminus a quo.

Licet privatio non sit Ens reale, potest tamen esse terminus à quo generationis, & principium non quidem essendi sed fiendi.

56. Ex hisce tribus principiis oritur corpus naturale, quod ex materia & forma constituit.

57. Corpus enim Materiâ Formâque constans vocatur corpus naturale.

Ratio thesæ est quia materia & forma sunt ipsa natura corporis naturalis, uti hoc patebit Disputatione sequenti.

THESIUM PHYSICARUM SECUNDUM PERIPATETICOS,

Disputatio Secunda,

DE

NATURA, CAUSA EFFICIENTE, FINE, QUANTITATE, QUALITATE, ET LOCO.

THESIS I.

Corpus Naturale est quod habet Naturam.

Ratio thesæ est, quia naturale & natura sese habent ut concretum & abstractum.

1. Natura dicitur de Materia & Forma consideratis in ordine ad Motum, reliquasque affectiones Corporis Naturalis.

Natura non est diversa à materia & forma, sed eadem res quæ est materia, & eadem res quæ est forma, utraque simul quoque est natura: diverso tamen respectu, diversa sortitur nomina, & definitiones diversas. quæ res corpus naturale constituit & componit, & sic est principium ipsius corporis naturalis: dicitur materia vel forma, & utraque sub hoc respectu, disputatione præcedenti, fuit definita: atqui eadem res quæ materia & forma est, in quantum utraque in compositum naturali est, principium proprietatum & operationum in eo, utraque dicitur natura, & sub hoc respectu definitur thes. 6. hujus Disputationis.

3. Eadem enim sunt principia subjecti in Physica, quæ sunt affectionum demonstrandarum.

Exempli gratia: materia & forma sunt principia corporis naturalis, quod est, sive sit subjectum; eadem sunt principia qualitatis, loci, motus, temporis, quæ sunt affectiones in Physica demonstrandæ.

4. Naturæ vox interdum quamlibet rei cuiusvis essentiam notat, quæ cuiuscunque motionis principium est.

Sic natura tribuitur Deo, qui vulgo dicitur

natura naturans, quemadmodum creatura dicitur natura naturata.

5. Interdum eam ejus rei essentiam quæ ortui & interitui obnoxia est, ut hic.

Sic natura Deo tribui nequit, sed soli creature.

6. Definitur Natura Aristot. Principium & Causa motus & quietis, ejus, in quo est, primum, per se, & non per accidens.

Definitio naturæ non debet exigi ad leges definitionis perfectæ, quia principium, uti est natura, perfectam definitionem non admittit, quæ tantum est rei perfectæ.

7. Dicitur (Principium) respectu corporum, quæ constituit.

8. Dicitur (Causa) respectu motus & quietis in corpore Naturali.

Natura debet spectari duplici modo, vel prout corpora naturalia constituit, vel prout in corporibus constitutis origo est omnium proprietatum & operationum: hunc duplicem respectum videtur Aristoteles exprimere voluisse in definitione naturæ gemina voce principii & causæ, ut natura dicatur principium respectu priori, & causa respectu posteriori.

9. Particula (&) partim conjungit, partim disjungit.

Per particulam (&) intellige illud (&) quod secundo ponitur loco in definitione naturæ inter voces (motus & quietis) vocula (&) conjungit, quando motus & quies in eodem corpore, sed diverso tempore, inveniuntur: sic natura ignis extra locum naturalem positi est causa

cut

cur moveatur sursum ad locum suum, eadem natura ignis est causa, cur ubi ad locum suum pervenit ibi quiescat; particula (&) disjungit in corporibus diversis, quorum alterum tantum movetur, alterum tantum quiescit: tum natura est causa motus in corpore quod movetur tantum, ut in cælo, & est causa quiescentis in eo quod quiescit tantum, ut in terra.

10. Vox (motus) significat quamlibet mutationem naturalem.

Sic vox (motus) etiam generationem, quæ est mutatio instantanea, sub se comprehendit, à qua alioquin distinguitur, prout (motus) posita ex Aristotele definitur.

11. Vox (quietis) significat quietem in termino ad quem tendit motus naturalis, non vero quietem in termino à quo.

Quies, quæ est terminus ad quem motus, est illa, quæ per ipsum motum acquiritur, qualis est quies ignis, quæ sequitur motum ejus, quando extra locum suum constitutus ad eum pervenit.

Ejus in quo est, id est, natura est principium internum motus in corpori naturali, in quo est; sic distinguitur ab arte, quæ est principium motus externum corpori naturali, in quo motum exercet.

12. Vox (primo) removel accidentia, quæ licet nonnunquam sint principia motus; non tamen sunt primo.

Accidentia sunt principia motus secundaria & instrumentaria, ut calor calefactionis; sed natura sive forma ignis est ipsius calefactionis causa primaria & principalis.

13. Vox (per se & non per accidens) removel artem, quæ interdum internum est principium motus, ut medica in medico ægro tante est curationis, sed per accidens.

Dicitur per accidens ars medica curare ipsum medicum, quia per se illa destinata est ad curandos alios.

14. Hæc naturæ definitio æque convenit materiæ ac formæ.

(Æque) id est, æqualiter, sed non eodem tamen modo.

15. Materia est principium motus passivum.

Ratio thesæos est, quia materiæ nulla est actio aut efficientia, nam ejus est recipere formas, recipere vero aliquid est pati.

16. Forma est activum.

Ratio thesæos est, quia forma est origo, fons, ac causa omnium actionum.

17. Respectu motus, cuius est principium, dicitur Forma causa efficiens.

Non absurdum, ut eadem res sit & causa externa efficiens & causa interna forma, respectu diversorum terminorum; sic anima rationalis est forma hominis & causa efficiens suarum operationum.

18. In nullo motu natura agit temere sed semper aliquem finem intendit.

Est receptum axioma, quod natura nihil faciat frustra: ejus ratio est, quia natura nihil est aliud quam vis quædam Dei creaturis indita, quæ operantur, quæ vicem gerit quasi Dei, qui nihil facit frustra & omnibus rebus creatis aliquem finem præfixit.

19. Si finem non assequatur natura, dicitur aliquid fieri casu aut fortuna.

Finem dicitur non assequi natura, quando impeditur à causis aliis, quemadmodum fit generatione monstrorum: non tamen plane tum agit frustra aut sine suo exitu, sed si non posset assequi finem perfectissimum, quia impeditur, tunc assequi finem perfecto proximum, quantum per impedimenta licet.

20. Affectiones quæ per naturam tanquam principium demonstrantur de naturali corpore sunt, quantitas, qualitas, locus, motus, tempus.

Per affectiones hic intelliguntur proprietates, quæ solæ demonstrari possunt, non vero attributa communia.

21. Quantitas intelligitur continua.

Quantitas continua, id est, magnitudo, nam alioquin tempus etiam est quantitas continua.

22. Defi-

22. Definitur affectio per quam corpus undequaque est extensum.

Extensum dicitur, quod est longum, latum, & profundum, vulgo, quod est trina dimensionis præditum.

23. Ejus ratio formalis est sita in extensione partium in ordine ad locum.

Extensio partium in ordine ad locum tum fit, cum partes loco à se invicem disjunguntur, vocaturque vulgo extensio localis & quantitativa.

24. An realiter tanquam accidens distinguatur à corpore naturali, an vero ratione tanquam modus materiæ, in utramque partem disputari potest.

Quamvis in utramque partem disputetur an quantitas ens, & accidens distinctum à substantia, sicuti est qualitas, verisimilior tamen videtur opinio eorum qui eam à corpore non distinguunt re ipsa, quia quomodo cumque corpus immutaveris, absterles omnem colorem, saporem, odorem, canorem, aliasque qualitates, semper adhuc manebit extensum, id est, longum, latum, & profundum.

25. Quicquid sit, omnis quantitas corporis naturalis finita est, & terminata.

Quantitas dicitur finita & terminata, quia certos habet limites, ultra quos extendi nequit.

26. Ipsa quantitas materiam, termini & fines formam immediate consequuntur.

Uti forma materiam indifferentem naturam restringit ad certam corporis naturalis speciem, item eadem materiam quantitatem terminatam ad certos terminos fines ac limites redigit.

27. Itaque quantitas actu immateriata & infinita non datur ulla.

Accurate distinguendum est, inter infinitum & indefinitum, interminatum & indeterminatum: dicitur quantitas infinita ac corpus interminatum, quando in se, id est, in natura sua, nullos habet terminos aut fines; hoc sensu nullum corpus infinitum, nulla quantitas interminata datur, aut dari potest: indefinitum dicitur corpus & determinata quantitas, quando quantitas in se quidem finitæ fines, & corporis in se quidem terminati terminos, mens ramen nostra seu humana assignare, determinare, definire ne-

quit; quo sensu mundus teste dicitur indefinitus & indeterminatus, sed non potest dici infinitus aut interminatus.

28. Ergo nec corpus infinitum aut interminatum.

Ratio thesæos est, quia quantitas & corpus se mutuo ponunt & tollunt.

29. Si enim daretur, tolleretur motus localis.

30. Nam corpus infinitum localiter moveri est contradictio.

Ratio utriusque est, quia nihil foret loci, in quo corpus infinitum moveri posset.

31. Fines & termini sunt vel finiti vel indefiniti.

Divisio ista finium, ut & terminum, instituta est, respectu mentis, quæ interdum eos finire, hoc est, numerare ac comprehendere potest ac tunc dicuntur finiti, interdum non potest ac tunc dicuntur infiniti, ac extra mentem in rebus ipsis semper sunt finiti, sic verbi causa, figura mille angulorum in se finita est, respectu mentis nostræ indefinita.

32. Aliud enim est quantitas infinita, quam negamus, aliud indefinita, quam admittimus.

Vide notas ad thesæon 28. & 29.

33. Viventia & Heterogenea corpora habent quantitatem definitam.

Heterogenea corpora sunt, quæ habent partes diversæ nominis ac naturæ.

34. Inter non viventia & homogenea, elementa non habent certum magnitudinis terminum à natura, sc. naturata, materiata & finita, definitum.

Homogenea dicuntur, quæ habent partes ejusdem nominis ac naturæ.

35. Habent tamen quantitatis definitos terminos aliunde, id est, à corporibus ambiens.

Nisi exlum ambiens, ignem elementarem eum impediret, extenderet se ille in infinitum.

36. Nec habent terminum certum parvitatē à natura definitum, quia minima etiam pars mixti est mixta, & si Physice possent dividi in infinitum, etiam minimas partes elementa penetrarent.

Ratio est, quia elementa, ut omnia continua, in infinitum dividi possunt.

37. Habent tamen eum aliunde.

Ratio est, quia à corporibus ambientibus impediuntur, ne in infinitum in partes minores & usque minores elementa dividantur; si enim ad minimam partem pervenirent, non possent corporibus ambientibus resistere.

38. Mixta non viventia habent parvitatem à natura definitam, sed non item magnitudinem, quia non datur minimum Physicum.

Ratio est, quia si, verbi causa, lapides usque & usque dividantur, ex illa divisione tandem resultabunt elementa, quæ mixtum composuerunt.

39. Qualitas corporis naturalis est potentia ad agendum vel patiendum, quod naturæ est consentaneum, quia lapis in infinitum excreveret, nisi arderetur & exederetur ab aëre.

Per qualitatem hic intellige secundam & tertiam speciem qualitatis.

40. Est manifesta vel occulta.

Sic dividitur qualitas ratione essentiae, non existentiae; utraque enim existere ex operationibus liquet, sed quid sit occulta qualitas latet, quid sit manifesta patet: occulta subdividitur in Sympathiam & Antipathiam.

41. Locus Aristoteli est superficies corporis continentis proxima & immobilis.

Superficies, id est, latitudo, seu plana, seu concava, seu convexa: proxima dicitur, quæ rem locatam cingit ac circumscribit.

Immobilis, quia, si movetur res locata, manet locus; juxta, sublato libro de mensura, manet mensura.

42. Aliis spatium rei locatae; & rectius.

Spatium proprie nec substantia est, nec accidens, nec tamen nihil, sed privatio & absentia corporum quæ in eo esse possunt; atque cum jam sunt, spatium dicitur locus.

43. Quia juxta Aristot. definitionem non conveniret locus omni corpori naturali.

Nam eorum extremum seu ultimum seu supremum non foret in loco, quia nullum datur corpus illud ambiens, cujus superficies locus ejus esse queat.

44. Esse in loco convenit corpori propter quantitatem; Hinc

Ut quantitas est proprietas materię, ita locus quantitatē.

45. Quam necessarium est corpus esse quantum, tam necessarium est corpus esse in loco.

Ratio est, quia esse corpus, esse quantum, esse in loco, se mutuo ponunt ac tollunt.

46. Et dimensiones partesque loci, respondent dimensionibus partibusque corporis; hinc

Dimensiones, id est, longitudo, & crassities ratio thesco est, quia, ut totum corpus est in loco totali, ita partes corporis sunt in locis partiabilibus.

47. Non possunt duo corpora simul esse in eodem Loco.

Ratio thesco est, quia daretur dimensionum penetratio, quod ab omnibus habetur absurdum in Philosophia.

48. Nec magis unum corpus potest esse in duobus locis vel pluribus.

Ratio thesco est, quia corpus unum foret & non unum, nam unum est ex Hypothesi; non unum erit, quia erit divisum à se, quod enim in duobus pluribusve locis disjunctis est, illud non potest non à se esse divisum; at vero unum est indivisum; ergo corpus illud simul erit divisum & indivisum, unum & non unum, quæ est contradictio.

49. Locus omnis est repletus corpore.

Locus omnis, scilicet, in hoc mundo, nam ad dentur spacia, ut vocant, imaginaria extra hunc mundum, inter sese discurrunt Philosophi.

50. Vacuum itaque non datur.

51. Nec dari potest naturaliter.

b

Ratio

Ratio utriusque est, quia nulla sic fieret in hisce inferioribus generatio aut corruptio, motus aut mutatio; quia, admissio vacuo, virtus ac influxus cœlorum ad nos derivari non posset, quo tamen opus est ad mutationes & motus in inferioribus.

52. At quin supernaturaliter dari possit, non videtur negandum.

Ratio est, quia nec ex parte Dei, nec ex parte rei ulla implicatur contradictio; aut, si implicetur, ostendatur.

THESIUM PHYSICARUM SECUNDUM PERIPATETICOS,

Disputatio Tertia,

DE

MOTU, ET TEMPORE.

THESIS I.

Dari motum ipse testatur sensus.

Hic vox (motus) sumitur latius quam thesi 5. sic ut hic comprehendat generationem quoque & corruptionem, quæ ex definitione motus Aristotelica thesi 5. excludantur. Per sensum intellige externum.

1. Est inter affectiones corporis naturalis longe nobilissima.

3. Quia in ipsa definitione naturæ ponitur.

Est enim natura causa & principium motus, ubi vox motus iterum latius sumitur.

4. Est tamen explicatu difficilis ejus essentia, quia est imperfecta, & magna motuum varietas.

Natura motus est imperfecta, quia est ens in fieri, est enim motus nihil aliud quam terminus ad quem, dum sic; sic calefactio est ipsum fieri caloris.

5. Aristot. definit motum: actum ejus, quod est potestate, quatenus est tale.

Definitio motus ex Aristotele non est examinanda ad amulum & normam definitionis perfectæ, quia quod perfecte definitur, debet esse ens perfectum, quale non est motus.

6. Actus intelligitur non substantialis, sed accidentalis, isque non primus, sed secundus, non entitativus, sed formalis.

Actus substantialis est omnis substantia, & accidentalis omne accidens: Actus primus, est principium operandi, secundus, ipsa operatio.

7. Quamvis ratione termini ad quem aliquo modo primus dici possit.

Ratio thesios est, quia motus est quasi forma termini ad quem, dum sit, ut calefactio caloris forma est, dum calor sit.

8. *Ejus quod est*: significat mobile, seu corpus naturale.

Vocula (est) hic sumitur pro existit, & significat esse existentem, non vero esse essentiam, est enim motus actus ejus quod existit, non quidem ex toto, sed ex parte saltem, si enim terminus ad quem in totum existit, motus cessat: si vero motum referas ad patiens, vere est actus ejus quod existit, etiam ex toto, quia totum patiens existit; verbi causa, in calefactione patiens est aqua, quæ in totum existit, terminus ad quem est calor, qui existit ex parte.

9. Dicitur vero mobile esse *potestate*, non ratione motus; sed ratione formæ introducendæ.

Per formam introducendam intelligitur, terminus ad quem, qui in patiens introduci debet, & dicitur forma, quia patiens informat; sic calor introducendus in aquam, aquam informat, cum est introductus.

10. Intelligitur potestas non activa, sed passiva.

Ratio thesios decimæ hæc est, quia terminus ad quem simul & motus recipiuntur in patiente, seu subiecto; non potest intelligi alia potestas quam passiva, quæ subiecto seu patienti est propria, nam activa potestas est propria agentis, in

11. in quo nec motus nec terminus ad quem c-
jus est.

11. Illa verba; *quatenus est potestate*, signi-
ficant, motum esse quid imperfectum; & cu-
jus essentia consistat in fieri.

Essentia motus est proptie ipsum \rightarrow produci,
seu \rightarrow fieri iterum, & quandoquidem res quæ
sunt per motum non producuntur simul & se-
mel, id est, unico momento, sed succellive per
partes aut gradus; quæritur hic, an motus dica-
tur respectu partium vel graduum acquisito-
rum, an vero respectu acquirendorum: respon-
demus posterius, quia calefactio, verbi causa,
non dicitur respectu caloris jam introducti in
aquam, sed respectu caloris introducendi adhuc,
qui ideo dicitur esse potestate, quod, cum non-
dum sit, esse tamen possit, & hæc motus dicitur
actus ejus quod est, potestate (quatenus po-
tate) sic calefactio dicitur motus caloris, qui
non est sed potest esse, & quatenus potest esse.

12. In omni motu est: movens, mobile,
terminus à quo, & terminus ad quem.

Hæc quatuor debent esse inter se distincta,
quod ex sequentibus patebit.

13. Movens est, à quo motus est.

Ideo motus respectu moventis est actus se-
cundus.

14. Hoc debet esse distinctum à mobili.

Quo modo movens à mobili distinguatur, di-
citur thes. 16.

15. Omne enim quod movetur ab alio
movetur.

Hoc axioma intelligendum de motu tran-
seunte, non immanente; item de motu materia-
li, non immateriali, item de motu reali, non in-
tentionali, item de motu naturali seu Physico,
non morali seu Ethico.

16. Vel ut totum à toto, vel ut pars à par-
te, vel ut pars à toto.

Totum movetur à toto, ut quando equus tra-
hit currum; pars à parte, ut quando muscoli
movent brachium; pars à toto, ut quando cor-
pus hominis movetur à toto homine, aut rota
una horologii à toto horologio.

17. Nam non potest idem respectu ejus-
dem formæ esse, & actu, potestate.

Ratio est, quia sic idem esset, & non esset,
respectu ejusdem; quod enim potestate est, illud
non est, quod actu est, illud est: ergo, quod simul
actu ac potestate est, simul erit & non erit, quæ
est contradictio.

18. At hoc foret, si aliquid movetur à se
ipso.

19. Quod enim movet, formam introdu-
cendam actu continet, quod movetur, poten-
tiâ.

Hæc thesis vera est de motu univoco, quando
movens producit effectum suæ speciei, sed non
de motu æquivoco, ibi enim movens non conti-
net actu, id est, formaliter formam introducen-
dam, sed tantum eminenter.

20. Mobile est, in quo est motus.

Mobile idem est quod patiens sive subjectum.

21. Motus enim non est in movente, sed
in mobili.

Ratio thesicos est, quia terminus ad quem est
in mobili, non in movente; at motus à termino
ad quem non distinguitur: sic, quia calor est in
aqua, & calefactio est in ea.

22. Hinc omne, quod seipsum movet na-
turaliter, constat parte movente, & mobili.

Pars movens est forma corporis naturalis,
mobile est ejus materia.

23. Neque tamen actus moventis realiter
est distinctus ab actu mobilis, sed ratione tan-
tum.

Ratio est, quia actio & passio non distinguuntur
etiam re ipsa, sed respectu tantum diverso
ad agens & patiens.

24. Idem enim motus, quatenus à move-
nte, ut à principio est, dicitur actus agentis, qua-
tenus in mobili, ut in patiente recipitur, ac-
tus mobilis.

Respectus motus ad movens, explicatur
per præpositionem à vel ab, ad mobile per
præpositionem in, atque hinc patet veritas the-
sicos 21.

25. Movens debet esse conjunctum mobili.

Si movens nullo modo conjungatur mobili, nullus quoque fieret motus.

26. Vel virtute, vel supposito.

Movens dicitur mobili conjungi quoad suppositum, quando ipsum corpus moventis attingit corpus mobilis, ut cum aqua huius fiat, aut abluat manum; quoad virtutem vero, cum sola agendi vis ipsum attingit mobile per actionem, mediam, non vero ipsum corpus moventis, cum sol calefacit faciem nostram.

27. Itaque, non datur motus in distans.

Subintellige in tale distans, quo pertingere non valet, nec suppositum, nec virtus moventis, tum enim mobile est positum extra sphaeram activitatis, quæ moventibus creatis singulis sua est destinata; & sic creatura distinguitur à Deo, qui nullam habet sphaeram, qua in agendo circumscribitur, sed operatur ubique.

28. Plures termini duobus, à quo, & ad quem, dari nequeunt.

Ratio est, quia terminus à quo & ad quem opponuntur immediate.

29. Si plures videantur, vel non sunt totales, vel non sunt ultimi, vel non intrinseci, vel non per se, & primo intenti.

Terminus totalis, ultimus, intrinsecus, per se, & primo intentus, vulgo dicitur adæquatus, non totalis, non ultimus, non intrinsecus; non per se, & primo intentus, dicitur inadæquatus.

30. Termini motus inter se sunt oppositi, interdum contrarie, semper privative, negativè.

Semper privative, quia terminus à quo, vel nude negat terminum ad quem, vel si contrarium ponat, adhuc oppositum terminum ad quem nihilominus negat; quemadmodum frigus simul, & non est calor, & qualitatem ponit contrariam calori.

31. Abiectio tamen termini à quo, & acquisitio termini ad quem, non sunt duo diversi, sed unus idemque motus.

* Quemadmodum iter susceptum Lugduno Hagam, non est geminum iter, sed unum, licet

duo sint termini, unus à quo, alter ad quem; sic hic se res habet.

32. Motus formaliter non est forma in fieri, sed via ad formam.

Motus formaliter est ipsum fieri rerum, casualiter res quæ fit; est enim calefactio causa quod fiat calor, aut melius, causalitas qua fit calor.

33. Neque tamen reipsa differt à forma; seu termino ad quem, sed ratione tantum, ac definitione.

Cum motus non dicitur differe realiter à termino ad quem, intellige terminum ad quem in fieri, nam à termino ad quem in facto esse, reipsa differt, quia re ipsa ab eo separatur.

34. Terminus ad quem debet esse divisibilis.

Divisibilis, scilicet, vel in partes vel in gradus.

35. Quia, omne quod movetur, partim est actu, partim est potentia.

Ratio est, ex definitione motus, thes. 5. & 9. & 11.

36. Hinc sequitur, omnem motum esse successivum.

Ratio thes. 5. est, ex thes. 33. quia motus non distinguitur à termino ad quem, qui est successivus.

37. Itaque, nihil movetur in momento.

Ergo generatio & corruptio non sunt motus, vide thes. 52.

38. Et successio est de motus essentia.

Ratio est, quia terminus ad quem est de essentia motus; at de essentia termini ad quem successio; ergo.

39. Non tamen continuas.

Continuitas motus dicitur, quia partes motus ita connectuntur, ut inter eas nullum detur temporis interstitium medium.

40. Quia eâ sublatâ non tollitur motus essentia, sed tantum unitas numerica.

Unitas

Unitas motus numerica requirit unitatem temporis; at vero etiam si tempore dividantur duo ejusdem speciei motus, ut duæ calefactiones, quarum una nunc fiat, altera post horam, in eadem aqua, ab eodem movente, non est quidem unus motus numero, ac continuus, sed geminus atque interruptus: uterque tamen verus & vere motus, & successivus.

41. Unitas, & distinctio motus, generica, & specifica, desumenda est ab unitate & distinctione termini ad quem.

Ratio est, quia motus idem est realiter, licet non formaliter cum termino ad quem, unde ad divisionem vel entitatem termini ad quem, dicitur vel idem est motus.

42. Itaque tres tantum sunt motus species.

Species, scilicet, subalternæ non infimæ, id est, tria sunt motus genera subalterna.

43. Quia ad tria tantum prædicamenta pertinet ejus terminus ad quem.

44. Ad quantitatem motus est, qui dicitur augmentatio, & diminutio.

Accretio & diminutio nomen commune non habet, cum ramem convenient in communi natura generis, quod utraque sit motus ad quantitatem.

45. Ad qualitatem motus dicitur alteratio, quæ habet varias species.

Alterationis species sunt, calefactio, refrigeratio, rarefactio, condensatio, &c.

46. Ad ubi motus dicitur latio, vel motus localis.

Latitudo dicitur à ferendo, quia corpus, quod loco movetur, de loco quasi fertur in locum.

47. Situs, & habitus, decimi prædicamenti, mutantur per lationem.

Quia partes corporis & vestes non possunt mutari, nisi à loco moveantur.

48. Ad relationes non datur motus.

Relationes adveniunt quidem, saltem aliquæ, cum motu & per motum præcedentem, ut paternitas cum & per generationem, sed nunquam sunt terminus ad quem motus, generatio

enim non terminatur ad paternitatem, sed ad substantiam filii.

49. Ut nec ad quando, nisi impropriissime localis.

Tandem Quando est causa sine qua non motus fieret, seu, conditio ad movendam requisita, quia omnis motus fit aliquando, hoc est, in tempore.

50. Ad substantias non datur motus.

Ratio est, quia motus tantum datur ad terminum ad quem successivum & divisibilem, qualis non est substantia, quatenus est substantia.

51. Datur tamen mutatio, generatio, & corruptio.

Unde mutatio est quasi genus, dividiturque in momentaneam & successivam, tanquam species: momentanea est, generatio vel corruptio; successiva est, motus, hac Disputatione definitus.

52. Quæ cum fiant in instanti, motus non sunt.

Ratio est, nam motus fit successivus.

53. Motus motui est oppositus bifariam.

Bifariam, id est, ob duplicem causam.

54. Vel propter contrarietatem terminorum, ut in alteratione:

Sic contrarii motus sunt calefactio & refrigeratio.

55. Vel propter accessum & recessum ab eodem termino, ut in accretione.

Sic contrarii motus sunt actio & diminutio.

56. Motus localis est, naturalis, vel violentus.

Latitudo naturalis est, quæ fit ab interno mobilis principio; violenta, quæ fit ab externo agente; utraque potest dividi in rectam & circularem; recta est, vel à centro, vel ad centrum.

Centrum hic dicitur medium mundi ac terræ punctum.

57. Naturalis in initio tardior, in fine velocior est: contra violentus.

Naturalis, qualis est gravium cum ex natura sua

sua tendunt deorsum, & levium eum tendunt sursum ex natura sua.

58. Ratio est, quia in principio medium magis resistit, in fine minus.

Medium est id per quod movetur, atque intelligitur hic potissimum aer. Violentus motus initio velocior, in fine tardior est, quia vis impressio initio major, in fine languidior est.

59. Motus projectorum est à virtute projectis impressa.

Virtus impressa aut sola est causa motus violenti, aut si non sit sola, est saltem principalis ac precipua.

60. Tempus definitur Aristoteli: Numerus motus secundum prius, & posterius.

Motus hic est genitivi casus: secundum prius & posterius, id est, secundum partes priores & posteriores.

61. Numerus intelligitur, non numerans, sed numeratus.

Numerus numeratus idem est, atque res numerata seu mensurata: sensus est, quod sensus sit duratio corporis naturalis, numerata seu mensurata à motu, atque hoc tempus vocant internum; ipsum illud seu motus quo numeramus & mensuramus corporum durationem, vocant tempus externum.

62. Motus intelligitur præsertim cœlestis.

Intelligitur interdum & secundario quoque motus artificialis, *γυνήμων*, indicum, seu horologiorum, sciometricorum, ut hodie numeramus tempus.

63. Secundum prius, & posterius, scil. motus.

Id est, secundum partes priores & posteriores motus, seu cœlestis, seu artificialis; nam tempus numerari aut mensurari nequit, secundum partes priores & posteriores sui ipsius.

64. Unde, tempus esse successivum æque ac motum, patet.

Ratio est, quia ubi est pars una post partem aliam, sicuti est in tempore, quadrans enim quadrantem, hora horam sequitur &c. ibi est successio.

65. Partes temporis sunt: præteritum, & futurum: momentum est terminus temporis.

Præsens non est pars temporis, quia est aliquid indivisibile, at pars temporis est divisibilis, quia tempus est continuum quid, at vero continuum divisibile est in partes usque & usque divisibiles. nam componitur ex partibus divisibilibus in infinitum; præsens autem est terminus copulans partes temporis, scilicet, præteritum & futurum, sicut momentum aliud est inchoans tempus, scilicet, quo momento Deus in principio omnia creavit.

66. Tempus melius definitur: quantitas durationis successivæ quæ est in motu.

Melius, id est, clarius

Quantitas, scilicet continua & fluens, non discreta aut permanens.

Quantitas, id est, mensura, quia omnis mensura quanta est.

Duratio successiva dicitur, quæ per partes acquiritur, quarum una alteri succedit, unde res durare successive propter istam partium successionem dicitur in motu, quia motus partes suas habet, sibi invicem succedentes, quæ quamdiu succedunt aliæ aliis, motus durat; & tempus dicitur id quo istam motus durationem mensuramus, quæ mensura debet esse continua & successiva, quia ipse motus qui mensuratur est continuus & successivus, oportet enim mensuram et mensuratum esse ejusdem generis ac conditionis.

A N N E X A.

1. Tempus nec est ens reale, nec rationis.

2. An motus æque mensurat tempus, ac tempus mensurat motum? Quodlibet.

3. An tempus realiter distinguatur à motu? Quodlibet.

4. An aliquid posset agere in subiectum distans, non agendo in intermedium. N.

THESIUM PHYSICARUM SECUNDUM PERIPATETICOS,

Disputatio Quarta,

DE

MUNDO, ET COELO.

THESIS I.

Species corporum Naturalium considerantur vel aggregatè vel segregatè.

Disputationes tres precedentes exposuerunt principia & affectiones corporis naturalis in genere, nunc in posterum explicabuntur principia & affectiones corporum naturalium in specie, nam ad individua nulla descendit scientia: possunt vero, species corporum naturalium vel conjunctim spectari, prout comprehenduntur toto mundo, vel divisim, pro ut in mundo à se invicem distinguuntur.

2. Aggregatè considerata corpora constituunt Mundum.

3. Mundus est, ordinata compages omnium corporum naturalium *ab uno principio* pendentium, & *in unum finem* tendentium.

Hæc Mundi definitio non est perfecta, sed imperfecta, quia Mundus perfecta definitione explicari nequit, cum sit ens aggregatum.

Ab uno principio, id est, ab una causa efficiente, scilicet Deo.

In unum finem, scilicet Gloriam Dei.

4. Mundi considerandæ sunt causæ & affectiones.

5. Materia Mundi, ex qua constat, sunt corpora naturalia.

Materia Mundi generationis, ex qua factus est, fuit nihil, nam creatus fuit, id est, productus ex nihilo.

6. Forma Mundi est ordo.

Ratio est, quia Mundus est ens aggregatum cum ordine, non sine ordine, quemadmodum acervus lapidum est.

7. Hæc forma est accidentalis, non substantialis.

Ratio est, quia ordo accidens est, non substantia.

8. Substantia Mundi forma nulla est.

Ratio est, quia Mundus non est substantia una, sed multiplex.

9. Quia Mundus non est unum per se, sed ens aggregatum.

Unum per se dicitur, quod vel simplex est, ut non est Mundus, vel si ex variis partibus componatur, componitur ex partibus ejusdem generis ac naturæ unitis, & sic quoque Mundus non est unum per se.

10. Errant, qui Mundi formam faciunt Deum, spiritum aut animam, vel etiam Cælum.

Deus nullius rei forma esse potest, quia nullius rei essentiam ingredi potest, ut pars: spiritus, anima, aut Cælum, non possunt dici forma Mundi, quia sic Mundus foret unum per se, quod est contra thes. 9.

11. Mundus habet aliquam sui causam efficientem:

Ratio est, quia alioquin Mundus foret æternus; at vero Deus nihil patitur extra se, sibi coeternum: & si Mundus non haberet causam sui efficientem, esset à se ipso; atqui nihil potest esse à se ipso.

12. Ea non est fortuitus atomorum concursus.

Ratio est, quia sic tolleretur Dei providentia quod enim à fortuna est, & fortuito, illud non est à Dei directione.

13. Sed est Substantia intelligens atque infinitæ virtutis.

14. Id liquet ex ejus ornatu & vasta mole.

Ornatus mundi arguit causæ ejus efficientis sapientiam atque intelligentiam, vasta moles ejusdem infinitam virtutem.

15. Hæc Efficiens causa est Deus.

16. Deus Mundum non produxit ex informi materia præexistente, sed ex nihilo.

Ratio est, quia Deus mundum creavit, at creatio est productio rei ex nihilo: est autem creatio duplex, vel immediata, quando nihil plane præcedit rem creandam, & sic mundus fuit creatus ex nihilo, quæ vocatur creatio ex nihilo subjecti; vel mediata, quando præcedit creationem materia, sed inhabilis atque indispofita, & sic Adam creatus fuit ex nihilo, ut-cunque productus fuerit ex gleba terræ, quæ est creatio ex nihilo termini.

17. Itaque vere cum creavit: Hinc,

18. Deus Mundum fecit in tempore.

Ratio est, ubi succedit esse post non esse, ibi datur tempus: sed in eo quod creatur, succedit esse post non esse: ergo in eo datur tempus; ergo Deus creando mundum fecit in tempore.

19. Nam creatio cum æternitate pugnat.

Ratio est, quia in æternitate non est, non esse post esse, sed esse perpetuum.

20. Itaque contradictio est, cum quis Mundum statuit creari, & tamen esse ab æterno.

Contradictio est, si quis dicat Mundum creari & non creari: at qui dicit mundum esse ab æterno, dicit Mundum non creari; si ergo simul statuat Mundum creari, statuit Mundum & creari & non creari.

21. Quia, quod creatur, aliquando nihil fuit.

Ratio est, quia creatio est productio rei ex nihilo, ideoque nihil præcessit rem creatam.

22. At hoc non est æternum.

Quod aliquando nihil fuit, non est æternum, quia æternum nunquam fuit nihil.

23. Deinde, vel in momento factus fuit Mundus vel successive.

Illatio hujus dilemmatis valet, quia membra sunt immediate opposita, nec datur tertium.

24. Si successive, ergo non ab æterno.

25. Quia successio cum æternitate pugnat.

Ratio utriusque, quia æternitas definitur, interminabilis tota simul & perfecta durationis possessio: si vero duratio rei æternæ possideatur tota simul, ergo non per partes, ergo nec successive, quia successio partes dicit.

26. Si in momento, vel fuit illud primum, vel aliquid fuit illo prius:

27. Utrumvis dicatur, evertitur æternitas.

Ratio est, quia in æternitate non datur primum, nam æternum quod caret principio ac fine; nec datur unum momentum altero prius, quia sic foret successio, quam æternitas excludit; & continuum, quale est æternitas, componeretur ex indivisibilibus, quod est absurdum: denique duo indivisibilia forent continua, quod fieri nequit.

18. Imò ne quidem æternus esse potuit.

Ratio est, quia contrarium implicat contradictionem: primo, ex parte Dei, quia Deus, ex parte sui, nihil extra se potest habere contrarium: secundo, ex parte Mundi, quia nulla creatura, qualis est Mundus, ex parte sui potest esse coæterna creatori, sic enim creatura adæquaretur creatori, quod est absurdum: tertio, ex parte creationis, quia cum creatio sit productio rei ex nihilo, non potest fieri ut aliud simul possit creari, & simul esse æternum, quia creatio nihil ponit. æternum nihil negat.

29. Deus Mundum produxit liberrimè.

Ratio est, quia Deus à Mundo producendo potuit abstinuisse; quod intelligendum est, non post decretum de Mundo creando, sed antequam concipiatur decrevisse Mundum creare, potuit enim discernere Mundum à se creandum fore vel non fore: nihil enim hic est, quod Deo necessitatem induxit.

30. Finis Mundi est homo, hominis Deus.

Ratio est, quia Mundus est propter hominem, homo ipse & mundus simul sunt propter Deum; Deus enim omnia fecit propter se.

31. Omnia

31. Omnia enim imperfectiora serviunt perfectioribus.

Corpora simplicia sunt imperfectiora mixtis, & sunt propter mixta: hæc sunt imperfectiora viventibus, & sunt propter viva: hæc sunt imperfectiora brutis, & sunt propter bruta: hæc sunt imperfectiora homine, & sunt propter hominem.

32. At homo omnium corporum naturalium est perfectissimum.

Ratio est, quia homo possidet omnes perfectiones, scilicet, & sensum & vitam & esse mixtum & esse corporeum ac substantiale, quæ in aliis corporibus naturalibus reperiuntur.

33. Hinc Elementa, mixta, plantæ, bruta, sunt propter Hominem, quem ducunt ad cognitionem Creatoris, qui est finis Hominis.

Omnia reliqua corpora in Mundo ducunt hominem ad cognitionem creatoris, quatenus homo illa contemplando in iis invenit & ex iis eruit characteres sapientiæ bonitatis ac potentiz divinz.

34. Accidentia Mundi sunt, perfectio, quantitas, figura, duratio.

Accidentia, id est, attributa; sive re ipsa sive ratione à Mundo distinguantur, nihil refert.

35. Perfectio Mundi est, secundum quam omnes species ea serie sunt inter se connexæ, ut unaquæque alteram proximè attingat, & nulla earum in sibi debitis deficiat.

Perfectio Mundi alia est essentialis, & quoad species, alia integralis, & quoad individua: Mundus est perfectus priori modo, quia omnes habet species quibus eget, & unaquæque species habet perfectionem qua eget, quo sensu dicitur Deus post creationem quiescisse ab omni opere, quatenus nullas novas species rerum in Mundo postea produxisset; sed Mundus non est perfectus posteriori modo, quia potest Deus plures stellas, plura mixta, plures plantas, plura bruta, plures homines &c. partes Mundi in individuo producere, quam produxit.

36. Quantitas Mundi est continua vel discreta.

37. Ratione quantitatis continuæ, Mundus est mole & magnitudine finitus.

Ratio est, quia corpus mobile & Magnitudo infinitum dari nequit; nam sic nullus daretur motus.

38. Ratione quantitatis discretæ, Mundus est unus:

Thesis vera est, prout Mundus significat eompagem non tantum corporum inferiorum infra Cælum, sed & ipsorum Cælorum; nam, qui ex singulis Cælorum orbibus singulos faciunt Mundos, errant.

39. Nihil tamen vetat, plures Mundos esse posse.

Ratio est, quia nulla hic implicatur contradictio; aut ostendatur.

40. Figura Mundi probabiliter statuitur sphaerica.

Ratio adferri potest, quia perfectissimo corpori debetur figura perfectissima: sed Mundus est corpus perfectissimum, figura sphaerica est figura perfectissima; ergo.

41. An sit Mundus perpetuo duraturus, ex Philosophia definiri non potest.

42. Ex Sacris tamen constat, eum, aut interiturum, aut renovatum iri in Extremo Judicio.

Quæstio hæc in utramque partem disputari solet, & tum rationes, tum testimonia Scripturæ utrinque solipi ossunt.

43. Corpora naturalia segregate considerata sunt, Cælum vel Subcælestia.

Corpora naturalia dicuntur segregate considerari, quando considerantur non conjunctim sumpta, ut in mundo, sed divisim accepta.

44. Cælum non est elementaris naturæ, sed quinta quædam essentia ab omnibus elementis distincta.

Per naturam cæli aut ejus essentiam intelligitur materia & forma cæli, aut potius id quod ex utraque resultat.

Cælum est naturæ distinctæ ab essentia elementorum, quia forma cæli à materia cæli naturaliter est indissolubilis, at forma elementorum à materia eorum naturaliter dissolvi potest.

45. Ejus essentia componitur ex materia & forma, ut cæterorum corporum.

Ratio est, quia omne corpus constat materia & forma.

46. Materia cæli an sit ejusdem speciei cum elementari, in utramque partem disputari potest.

Peripatetici tamen malunt defendere materiam cælestis diversitatem specificam ab elementari materia.

47. Cæli motus est ab ejus forma & non ab intelligentiis.

Per intelligentias intelliguntur. Angeli, qui si cælum moverent, motus cæli foret violentus, quia esset à principio extrinsecus; at vero cæli motus est naturalis; ideoque à principio intrinsecus, quod nihil est aliud, quam forma cæli.

48. Pars Cæli, est stella.

Unde stella vulgo definitur pars densior sui orbis: sed hodie disputari cæprum est, an dentur tales orbis cælestes: quicquid fuerit, stella pars cæli est, sed lucida, ob materiam cælestis condensationem & in unum orbem contractionem; cælum ipsum pellucidum est, ob materiam cælestis raritatem.

49. Stellæ à reliquis Cæli partibus tantum differunt densitate.

50. Stellarum affectio aut potius forma est lux.

Lux est forma stellarum accidentalis, nam substantialis earum eadem est quæ cæli, cum cælum & stellæ specie non differant.

51. Lux non est forma stellarum, per quam sunt corpora naturalia, sed per quam sunt stellæ.

Qualis illa sit forma substantialis stellarum, pariter ac cælum, ignotum.

52. Hinc accidentaliter tantum, non specie, stella differt à reliquo cælo.

53. Est enim lux accidens & qualitas corporis lucidi, cælum reliquum est pellucidum.

Lux non est substantia aut corpus, quia reflectitur & repercutitur, quod est accidentis.

54. Cælum agit in inferiora, mediante lumine, motu, & occultis qualitatibus.

Inferiora vocantur, quæ sunt ad orbem lunæ ad ipsam usque terram, & in ipsa terra.

Lumen dicitur, quod à stellis gignitur in ære; lux, quæ manet in ipsis stellis ac corporibus lucidis.

Motus cæli est orbicularis.

Qualitates occultæ in cælo dicuntur, quærum essentia deprehenduntur in inferioribus, quid tamen ipsis sunt, ignoratur.

Lux est in corporibus lucidis subjective, ut in stellis: lumen est à corporibus lucidis effective, ut in ære à sole genitum.

55. Cælum accidentia producit principaliter.

Accidentia, ut calorem, frigus, humiditatem, siccitatem, &c.

56. Imo & substantias inanimes.

Ut lapides, gemmas, terram, &c. &c. tum mineralia, tum metalla.

57. Imperfecta viventium genera minus principaliter.

Imperfecta viventium genera sunt, verbi causa, quæ nascuntur ex putri materia, ut multa insecta, & exigua animalcula.

58. Perfekte viventia dispositive tantum.

Perfekte viventia sunt, quæ ab aliis viventibus producuntur ex semine, ut plantæ, bruta, homines.

Dispositive, id est, quatenus cælum suo influxu dispositiones varias in semen, ex quo gignitur vivens, introducit.

59. In voluntatem agit indirecte, quatenus voluntatis motus aliquo modo sunt à corporis temperamento.

Nullum agens materiale potest agere directe in patiens immateriale: sed cælum est agens materiale, voluntas hominis est patiens immateriale; ergo cælum non potest agere directe in voluntatem hominis: potest tamen agere in corpus hominis, ejus temperiem vel immutando vel alterando; & sic agit indirecte in voluntatem hominis, quatenus ea aliquo modo pendet à temperie corporis, dum anima humana corpori in hisce terris est alligata.

THESIUM PHYSICARUM SECUNDUM PERIPATETICOS,

Disputatio Quinta,

DE

ELEMENTIS.

THESIS I.

CORPUS subcileste vel est elementum vel corpus ex elementis mixtum atque conflatum.

Subcileste corpus dicitur, quod locum suum accipit sub Cæli.

2. Elementum est corpus, in quod reliqua corpora resolvuntur, ipsum in alia corpora, quæ specie diversa sunt, resolvi non potest.

Elementum resolvitur quidem in materiam & formam, sed non potest resolvi in corpora alia se priora; materia vero corpus non est, uti nec forma: contra mixtum omne resolvitur in corpora, non tantum se priora, sed & specie diversa; nam Elementa, in quæ fit mixtum, resolutio, & mixtis sunt priora, & sunt vera corpora & sunt specie diversa.

3. Hinc vocantur simplicia:

Simplex vel opponitur mixto, quod ex aliis corporibus non est conflatum, vel opponitur composito, quod ex materia & forma non est conflatum: priori sensu Elementa recte dicuntur simplicia, posteriori sensu non item; sic enim solæ substantiæ immateriales, puta, Deus, Angeli, animæ humanæ dicuntur simplices: Cælum quonque simplex est priori sensu, non posteriori: at mixta & ex materia ac forma componuntur, & ex aliis etiam corporibus.

4. Elementa, cum sint corpora, materiam habent & formam.

Nam in eo distinguitur Corpus à Spiritu, qui materia caret: idemque etiam eum formæ dicuntur, intelliguntur non informantes, quæ materiam præexigunt, sed assilentes.

5. Materia Elementorum omnium est una atque eadem: sed forma est diversa.

Ratio est, quia nullum accidens, ut est qua-

litas, potest esse forma substantiæ, ut est Elementum.

6. Formæ Elementorum non sunt qualitates, sed substantiales.

7. Quia substantia non potest componi ex non substantia.

Ratio est, quia totum & partes in uno per se sunt ejusdem generis ac naturæ.

8. Sunt tamen formæ illæ ignotæ, earumque loco qualitates adhibentur, quæ à formis emanant.

Formæ Elementorum sunt ignotæ, quid sint, sed non quid sint; nam eas esse, id est, existere, ex earum proprietatibus & operationibus manifestum est; sed quæ illarum sit essentia, aut ignotum aut obscurum est:

Adhibentur, tum ad explicandas operationes Elementorum, tum ad Elementorum definendas qualitates.

Qualitates, scilicet, propriæ non alienæ, non communes; hæc enim propriis formis non ponuntur, ut quidem propriæ.

9. Qualitates Elementorum sunt motrices & alteratrices.

Ut motus localis & alteratus sunt distinctæ species motus, ita distinctæ sunt qualitates Elementorum, quæ motum localem & alteratum faciunt.

10. Motrices sunt gravitas & levitas.

Gravitas facit Elementum moveri deorsum, levitas sursum.

In Elementis nulla datur qualitas mixta, quæ sit causa motus circularis, quia talis motus non convenit Elementis: si dicas ignem & aerem moveri in orbem à motu solis & Cæli; respondet, istum motum utriusque Elementi non esse naturalem, idemque non habere causam aliquam

aliquam qualitate naturalem, sed est motus præter naturam.

11. Ratione qualitatū motricium, considerantur Elementa ut sunt partes Mundi.

Quia Elementa, ut partes Mundi, & ad salutem universi vel sursum moventur vel deorsum.

12. Elementa ita considerata sunt quatuor; ignis, aer, aqua, terra.

Quaternarius elementorum numerus assignatur multis rationibus, sed quæ quoad maximam partem sunt probabiles, ut quæ desumuntur à quatuor humoribus, anni tempestatibus, & qualitatibus primis.

Efficacissima ratio desumitur à quadruplici motu elementorum, qui exponitur thesi 16. 17. si dicas, elementorum motus est tantum duplex, sursum & deorsum; respondeo, in genere quidem id verum est; sed motus sursum, iterum duplex est, uti & motus deorsum; & sic omnis elementorum motus est quadruplex.

13. Terra centrum Mundi occupat, hanc proxime ambit aqua, aquam aer, aerem ignis.

Centrum Mundi vocatur, quod est intra Mundi circulos, medium & intimum: quemadmodum in capæ intimum corculum in medio omnium tunicarum aut pellicularum situm est centrum capæ, aut quemadmodum punctum medium, quod à circulis ambitur, & centrum circulorum est; ita terra, respectu aquæ, aeris, ignis, & calorum se ambientium, omnium eorum est centrum.

Naturali quidem situ aqua ambit totam terram, sed quia tum terra non esset habitabilis, neque idonea, in aqua vivere homines & animalia; Deus voluit terram aliqua sui parte exflare extra aquam, unde aqua, terra, conciliunt unum globum.

14. Hujus rei ratio desumenda est ab impressa Elementis vel majore vel minore gravitate & levitate.

Quod enim gravissimum est ex elementis, uti est terra, infimum locum mundi occupat; quod levissimum est elementum, supremum, ita tamen ut supremum elementum media, & hæc infimum ambient: ideoque respectu reliquorum elementorum terra centrum est, & medium respectu aliorum corporum ambientium; quemadmodum punctum est medium respectu circuli ambientis.

Gravitas est qualitas motrix, quæ Elementum fertur deorsum, levitas quæ sursum.

Fertur, id est, movetur motu locali, hic enim latius dicitur.

16. Deorsum est vel medium vel versus medium Mundi.

Medium, hic est centrum Mundi, extremum Mundi sunt cæli, vel inter cælos, cælum extremum.

17. Sursum est vel extremum, vel versus extremum mundi.

18. Hinc gravitas & levitas est una simpliciter, altera secundum quid.

Levitas simpliciter vocatur, quia elementum fertur ad cælum usque; secundum quid, quia non ad cælum usque movetur, sed aliquo usque versus cælum; sic & gravitas simpliciter est, quia elementum fertur ad centrum usque; secundum quid, quia movetur aliquo usque versus centrum.

19. Levitas simpliciter est propria igni, secundum quid Aeri, gravitas simpliciter Terræ, secundum quid Aquæ.

20. Hæ qualitates motrices sunt vere qualitates & positivæ, non privationes.

Ratio est, quia cujus operationes veræ sunt & positivæ, id ipsum principium oportet esse verum & positivum; sed qualitates motricium operationes, scilicet, ascendere & descendere, sunt veræ & positivæ; ergo & ipsas qualitates motrices oportet esse veras & positivas.

21. Suntque causæ proximæ omnis Elementorum motus: & quæ instrumentales;

Qualitates motrices dicuntur causæ instrumentales motus elementorum, quia à forma elementorum ad motus eorum faciendos excitantur, elevantur, promoveantur; hæc enim ratio est instrumenti, ut ab alia causa secunda ad agendum applicetur.

22. Forma est causa motus Elementorum principalis.

Dicitur forma causa motus in elementis principalis, quia à nulla alia causa secunda ad agendum excitatur, licet excitetur à causa prima, uti omne agens creatum.

23. Geno-

23. Generans non est causa motus, nisi quatenus formis Elementorum gravitatem & levitatem indidit.

Generans id est, causa elementa produciens est causa motus in elementis, remota, non proxima.

24. In locis propriis Elementa, nec gravitant, nec levantur.

Gravitate, id est, descendere, levitare, id est, ascendere, quæ sunt operationes gravitatis & levitatis: itaque elementa, cum in locis sunt propriis, sunt quidem gravia & levia in actu primo, sed non in actu secundo, quia non habent quo vel ascenderent vel descenderent.

25. Ignis omnium Elementorum est rarissimus & levissimus.

Ratio est, quia ignis est omnium elementorum calidissimus.

Ignem elementarem dari probant vulgo ex proportionem qualitatuum inter se, quæ plane perit. igne elementari sublati: ut enim aer convenit cum aqua humiditate, discrepat caliditate, sic aqua convenit cum terra frigiditate, discrepat humiditate, & sic terra & aer nullam habent qualitatem communem: ita oportet dari elementum, quod cum aqua nullam habeat qualitatem communem, & habeat aliquam communem cum terra, puta siccitatem, & cum aere, puta caliditatem, est enim ignis calidus & siccus.

26. Ob summam levitatem summum tenet locum.

Ratio est, quia quo quid est levius eo altius ascendit.

27. Ob summam raritatem in suo loco non lucet.

Ratio est, quia lux oritur ex commixtione radii & densi, quod enim mere rarum est, non lincet, sed pellucet, id est, perspicuum ac pellucidum: ut est cælum & aer, sed quod lucem habet condensatam & compactam lucet, uti stellæ in cælo.

28. Igni proximus loco est aer, qui tribus regionibus distinguitur.

Distinctio trium regionum aeris, à nobis est & mente humana; aer enim est corpus continuum, non divisum, aut distinctum in partes.

29. Infima regio aeris pertingit a terra ad eum locum, ubi reflexi solis radii finiuntur.

Quia terra est corpus aliquo modo opacitum, radii solis ad superficiem terræ denique ad ea reflectuntur; cum enim lux incidit in corpus politum, ab eo repercutitur, quæ radiorum solarium hic reverberatio aliquo usque pertingit, & istic ubi finitur etiam finitur infima regio aeris.

30. Media à radiis reflexis ad altissimorum montium cacumina.

Exempla altissimorum montium sunt Alpes, aut si qui exstant iis altiores.

Nota vero, mediam regionem aeris nonnullam Philosophis dici frigidum, quod intelligendum est, quod sit nimis calida, quam suprema aut infima, nam totus aer calidus est; quod vero suprema aeris regio sit calidior, ideo est, quia igni elementari & soli propior est: sed quare infima dicitur calidior media, cum infima longius absit ab igne elementari & sole, quam media; respondeo, quia radii solis reflexi in infima regione aeris, à terra calorem ejus reddunt intensiorem, quod videre quoque est in speculis, quando ab iis infidem radii reflectuntur.

31. Suprema à montium cacuminibus ad locum ignis.

32. Aquæ locus est naturalis inter terram & aerem:

Ratio est, quia aqua est aëre gravior, & terra levior, id est, minus gravis.

33. At nunc ad bonum universi terra multis locis extat extra aquam.

Ratio est, quia terra debebat esse domicilium & habitaculum animantium ac viventium.

34. Terra est elementorum densissimum, & gravissimum, ideoque infimum tenet locum.

Ratio est, quia terra est elementorum figidissimum; at frigus est causa densitatis & gravitatis, sicut calor est causa gravitatis & levitatis.

35. Ex aqua & terra unus sit globus.

Itaque aqua & terra habent commune & idem centrum.

36. Qualitates Elementorum alteratrices sunt primæ vel secundæ.

Qualitates alteratrices dicuntur, quibus elementa alterantur, id est, secundum quas immutantur.

Et tum spectantur ut principia mixtionis.

37. Primæ, quæ non oriuntur ex aliis, ut, Calor, Frigus, Siccitas, Humiditas.

Nonnulli volunt qualitates primas sic dici, quia primo conveniunt corporibus primis, puta, elementis.

Alii volunt, quia non habent qualitates inferiores.

38. Hæ veræ sunt & positivæ, omnesque agunt in se invicem, Calor in Frigus, Humiditas in Siccitatem, & contra.

Ratio est, quia veras & positivas exercent operationes, agunt in se invicem: ergo omnes partim sunt activæ, partim passivæ qualitates.

Humiditas & siccitas dicuntur interdum passivæ simpliciter, quia minus efficaciter agunt; & calor & frigus dicuntur interdum activæ simpliciter qualitates, quia magis & efficaciter agunt.

39. Itaque datur reactio.

Reactio est mutua elementorum & qualitatum in se invicem actio & pugna: nam quia qualitates sunt contrariae in elementis, student sese mutuo expellere atque repugnare.

40. Ratione harum qualitatum dicuntur Elementa principia mixtionis.

Elementa sunt principia mixtionis efficientia. Atque etiam materialia; nam mixta ex elementis tanquam ex materia conantur.

41. Quia per has omnis in Elementis mixtio peragitur.

Quid sit mixtio, explicabitur disputatione 3.

42. Qualitates secundæ sunt, quæ oriuntur ex primarum temperie.

Qualitatum secundarum exempla sunt, tartarus, densitas, sapor, odor, &c.

43. Qualitates primæ mixtionem antecedunt, secundæ sequuntur.

Quia qualitates primæ sunt causæ mixtionis, secundæ sunt ejus effecta.

44. Caloris actio est, 1. calefacere, 2. homogenea congregare, heterogenea disgregare.

Homogenea non tantum intelliguntur græ per omnia sunt ejusdem naturæ, sed & quæ licet sint diversæ naturæ, in unam tamen naturam commutari possunt: sic & heterogenea sunt non simpliciter, quæ sunt naturæ diversæ, sed tam diversæ ut in unam commutari nequeant. Congregare, id est, in unam naturam colligere, aut mutare; disgregare, contra.

Quemadmodum cibis & potus, caro & piscis, commutantur in unum chylum; sic lapis & panis non possunt commutari in unum alimentum.

45. Frigoris actio est, 1. frigefacere, 2. frigefaciendo consipare, & sic homogenea atque heterogenea congregare.

Consipare, id est, obcurare.

46. Humiditatis actio est humectare, siccitatis exsiccare.

Humectare, id est, humidum facere, & exsiccare siccum facere.

47. Ignis est Elementum calidum & siccum.

48. Aer est elementum calidum & humidum.

49. Aqua est elementum humidum & frigidum.

50. Terra est Elementum frigidum & siccum.

Si Elementa potentia puta, uti non sunt, tum haberent singula singulas suas qualitates in gradu intenso ac superlativo: tunc vero, cum sint imputæ, eas possident in gradu remisso, & ut Grammatici loquuntur, positivo.

51. Ex Elementis quædam sunt symbolica, quædam alymbola.

Symbolum Græce dicitur signum aliquod commune, quale datur de nocte vigilibus, cum incenia urbis circumcunt: sic dicuntur Elementa Symbolica, quæ habent aliquam qualitatem communem; Alymbola, quæ nullam.

52. Symbolica, quæ una tantum qualitate diversa sunt, altera conveniunt.

Sic

Sic ignis & aer conveniunt calore, differunt siccitate & humiditate, differunt calore & frigore; terra & aqua conveniunt frigore, differunt siccitate & humiditate.

53. Asymbola, quæ utraque qualitate differunt.

Asymbola sunt ignis & aqua, aer & terra.

54. Per qualitates primas unumquodque Elementum in quodlibet mutari potest.

Quia per illas qualitates Elementa in se invicem agunt, donec se mutuo devicerint.

55. Facilius tamen mutatur symbolicum in symbolicum, quam asymbolum in asymbolum.

Ratio est, quia minor est resistentia & minor pugna, inter duo Elementa Symbolica, quam inter duo Asymbola.

56. Elementum symbolicum gigni potest ex symbolico & asymbolo.

Sic ignis potest gigni ex aere, & ex aqua, verum ut aqua prius mutetur in aerem; nam ut Asymbolum ex Asymbolo gignatur immediate, fieri nequit.

57. Asymbolum ex Asymbolo tantum.

Quando scilicet utraque qualitas contraria in contrariam mutatur simul & semel, non immediate alia qualitate in quam prius mutetur.

THESIUM PHYSICARUM SECUNDUM PERIPATETICOS,

Disputatio Sexta,

DE

GENERATIONE ET CORRUPTIONE.

THESIS I.

ELEMENTA, quia constant materia & forma dissolubiter unitis, generationis & corruptionis in inferioribus existunt causæ.

In eo differunt Cæli ab Elementis, quod Cælorum materia & forma à se invicem dissolvi naturaliter nequeant: in Elementis contra se res habet; quin materia & forma cæli dissolvi possint supernaturaliter, nullum est dubium: quod vero in Elementis materia & forma naturaliter possunt dissolvi, sit ob pugnam qualitatum contrariarum in illis, quæ in cælis locum non habet.

2. Generatio & corruptio non uno modo dicuntur.

3. Nam & substantiis & accidentibus utraque tribuitur.

Generatio & corruptio proprie de substantiis, & improprie de accidentibus dicuntur.

4. Accidentia, cum primum sunt, generantur, cum ultimum desinunt, corrumpuntur.

Generatio & corruptio accidentium, non sic dicuntur, ac si terminus utriusque ad quem foret accidens, sic enim generatio & corruptio confunderetur cum alteratione: sed accidens dicitur generari, cum primus ejus gradus in subjectum introduciatur, & corrumpi, cum ultimus ejus gradus ex subjecto expellatur; alteratio enim est totius accidentis pleni ac perfecti vel productio vel destructio.

Quando aqua primum incipit calefieri, primi caloris aut gradus in calore productio, est generatio caloris; sed reliquorum graduum caloris productio, est alteratio.

5. Generationem & corruptionem substantialem dari, experientia demonstrat.

Generatio & corruptio substantialis dicitur, à termino ad quem, qui est substantia.

6. Interdum enim corpora sic mutantur, ut ad pristinum statum reverti queant, interdum, ut nequeant.

Cum corpora mutantur, sed ita ut redire possint naturaliter, si sibi relinquantur, ad antiquum

quum naturæ statum dicuntur alterari, si non possunt, dicuntur generari vel corrumpi.

7. In illis forma substantialis non est mutata, in his quam maxime.

Sic aqua, quando calefit, dicitur alterari, quia calefacta ad pristinum frigus naturaliter redit.

8. Generatio & corruptio communi definitione definiuntur, *quando totum mutatur, nec sensibile quippiam ut subiectum idem permanet*, lib. 1. de Gener. & Corr. c. 4.

Per totum intellige, non totum compositi, sed totum compositum: per totum compositi intelligitur vel materia vel forma, quam naturam necesse est mutari, ut fiat generatio & corruptio, sed sufficit, si mutetur illud totum quod ex illis consistitur.

Ut subiectum idem, id est, ut subiectum ejusdem speciei vel idem numero: idem genere subiectum utrobique manet, sed non idem specie semper aut idem numero est in generatione aut aut in corruptione.

9. Hæc definitio distinguit generationem & corruptionem ab alteratione.

10. In generatione enim & corruptione, aut nullum manet sensibile subiectum, aut non idem, id est, ejusdem speciei: at in alteratione & idem manet & ejusdem speciei.

Verbi causa, in calefactione aquæ frigidæ manet idem numero, & ejusdem speciei subiectum, tum in calefactione tum in frigectione, scilicet aqua, at contra res habet in generatione & corruptione, ubi subiectum interdum non manet idem numero, interdum non ejusdem speciei.

Sic corpus mortuum non est ejusdem speciei cum corpore vivo.

11. Generatio non sumitur hoc loco pro sola animatorum productione, sed pro productione cujuscunque substantiæ.

Cum dicitur, quod generare sit naturalissimum opus viventis, aut quod generatio juxta accretionem & nutritionem sint actus animæ vegetantis, generatio sumitur stricte: hic vero latius accipitur, ut sub se comprehendat substantiæ etiam non viventis productionem.

Qualis est generatio lapidis in terræ cavernis, aut generatio nivis in aëre.

12. Generatio est mutatio à non esse ad esse simpliciter.

13. Corruptio est mutatio ab esse ad non esse simpliciter.

Intelligitur hic esse & non esse totius compositi, non vero partium singularium.

14. Utriusque idem est subiectum: non numero, nec specie, sed genere.

Idem, puta genere, non numero, ne hæc thesis pugnet cum octava.

15. Imo & iidem termini:

Iidem termini, scilicet, genere non specie, non numero.

16. Sicutamen, ut generationis terminus à quo sit corruptionis terminus ad quem, & contra.

Generatio enim incipit à non esse substantiam completam & tendit ad esse substantiam completam; corruptio contra incipit ab esse substantiam completam & tendit ad non esse substantiam completam.

Substantia completa est terminus ad quem generationis adequatus, ac remotus, & totalis: forma sæpe dicitur Philosophis generationis terminus ad quem inadæquatus, proximus & partialis.

17. Nam generationis terminus à quo & corruptionis terminus ad quem, est non esse simpliciter.

Non esse simpliciter, id est, non esse substantiam totam ac perfectam seu esse compositum.

18. Et corruptionis terminus à quo & generationis terminus ad quem, est esse simpliciter.

Esse simpliciter, significat esse substantiam totam ac perfectam, seu esse compositum.

19. Hinc, omnis generatio est quædam corruptio, & contra.

Exempli gratia, quando in foetum humanum introducit anima rationalis, corrumpitur anima sentiens & vegetans, non quod desinant existeret

existere, nam manent in fetu post animæ rationalis introductionem. sed dicuntur corrupti, quia non amplius tenent rationem formæ, nam una cum corpore, in quo sunt, faciunt materiam hominis; homo enim pro materia habet non corpus simpliciter, sed corpus animatum, anima vegetante & sentiente.

20. Quia eadem actione, aliquid generatur & aliud corrumpitur; seu generatio unius est corruptio alterius, & contra.

Hoc & sequens axioma intelligendum est, non formaliter aut in sensu formali, sed causaliter aut in sensu causali, id est, ipsa ratio, quæ aliquid generatur, non est eadem quæ aliquid corrumpitur, respectu ejusdem, sed corruptio unius formæ est causa, cur generetur forma alia, & vice versa: generatio unius formæ est causa cur corrumpatur alia, non quidem semper quoad entitatem, non quasi desinant esse formæ quæ corrumpuntur, sed, cum corrumpuntur, semper corrumpuntur quoad informationem, quia desinunt esse formæ, id est, desinunt informare aut munus formæ suslinere.

21. Subiectum generationis est materia.

Materia, subintellige, habilis, quæ actionem generantis juvet.

22. In quo distinguitur à creatione:

Nam creatio aut nullam habet materiam præ-existentem, aut si materiam habet prævia, ea est inhabilis.

23. Sic, & per materiam corruptio distinguitur ab annihilatione.

Nam in corruptione manet eadem materia, saltem genere, quæ fuerat in productione, ut visum est thes. 14. annihilatio vero, dicit non tantum compositi, non tantum formæ, sed & ipsius materiæ distinctionem.

24. Cum enim creatio sit productio totius substantiæ ex nihilo, annihilatione conversio totius substantiæ in nihilum, nullum potest fingi commune terminorum subiectum.

Nam repugnant, dari communem materiam ternini à quo & ad quem, & tamen rotam substantiam compositi ex nihilo fieri aut in nihilum redigi.

Si enim materia aliqua communis manet, neque substantia ex nihilo fit, neque in nihilum redit.

25. Materia generationis non est prima, sed secunda.

Materia secunda, est materia singularis, prima est universalis: at operario omnis, sicuti & existentia, singularium est; ergo & generatio fieri in materia singulari seu secunda, non in universalis seu prima.

26. Quia debet esse disposita.

Nam non ex quolibet ligno sit Mercurius, hoc est, forma non potest introduci in materiam quamcumque, non sane in indispositam, hæc enim non est idoneum formæ subiectum.

Sic non potest ex lapide naturaliter generari homo.

27. At dispositiones, formæ introducendæ convenientes, non primæ sed secundæ conveniunt materiæ.

Dispositiones, intellige, tum accidentales tum substantiales: hæc vocantur vulgo formæ disponentes & subordinate, illæ sunt accidentia. Sic cum ex ligno generatur ignis, debet primum introduci in lignum & calor & siccitas & ceteræ dispositiones accidentales, & in viventium generatione insuper debent induci dispositiones substantiales seu formæ quædam subordinate, ut in generatione hominis debeat introduci in semen seu materiam anima vegetans & sentiens.

28. Quare, in corruptione nunquam datur resolutio usque ad materiam primam.

Verbi causa, cum homo moritur, aut plantæ interit, anima quidem hominis à corpore ejus solvitur, sed ipsum corpus non statim fit materia prima, & in plantæ forma quidem, anima vegetans, relabitur in materiæ potestatem, sed quod superest plantæ corruptæ corpus non statim fit materia prima, verum utriusque & hominis & plantæ materia variis adhuc modis mutatur, vel in vapores, vel in vermes, vel in pulverem, vel in aërem; &c.

29. Sed præter quantitatem, quædam etiam qualitates manent exdem in genito, quæ fuerant in corrupto.

Qualitates quæ manent in corrupto, cum antecessent in genito, sunt qualitates quæ sequuntur formam vel Mixti vel Elementorum.

30. Imo sæpe forma aliqua substantialis
d
superest,

superest, sc. tum animata generantur & corrumpuntur.

Sic cum homo generatur, id est, enim anima rationalis corpori unitur, adhuc superest forma sentiens, vegetans, mixti, sed non sunt formæ hominis, nec exercent munus formæ in homine, sed faciunt una cum corpore materiam hominis, sicuti anima rationalis facit ejus formam: sic cum homo corrumpitur, anima rationalis desinit informare quidem, sed non desinit esse forma sentiens & vegetans, desinunt & informare & esse, manet tamen & superest forma mixti in cadavere seu corpore, materia hominis quæ ante erat in ejus corpore vivo.

31. Nam manet in genito quæ fuit in corrupto, & contrâ, forma mixti.

Forma mixti in corpore naturali dicitur, quæ resultat ex concursu quatuor Elementorum in corpore mixto.

Sic manet eadem figura cicatricis in cadavere, quæ fuerat in corpore viventis.

32. Hæc tamen, accedente anima, exercet munus dispositionis; at recedente, est specifica.

Dispositionis, id est, formæ disponentis, quæ quidem rem constituit in certa specie, sed tali quæ adventu formæ ulterioris ac nobilioris in speciem perfectiorem transire valeat.

Specificæ, id est, speciem facit seu largitur ultimam, id est, talem quæ in aliam speciem perfectiorem non potest transire naturaliter; quia naturali via & ordine ac naturæ viribus nobilior forma superaccedere nequit.

33. Quoties nova substantia generatur, duæ actiones distincte considerari possunt, formæ productio & ejusdem unitio.

In formis materialibus productio earum & unitio, non sunt res ipsæ distinctæ actiones, per mentem tamen distinguuntur, in formis materialibus respectu causarum secundarum, distinguuntur earum productio & unitio, nam crea-

turæ eas non producant, quia non possunt, nam creantur; a. animæ easdem corpori uniunt: respectu Dei, productio earum & unitio non differunt realiter, quippe qui eas producendo unit, & uniendo producit.

34. Generatio consistit non in productione formæ, sed in unitioe.

Et ideo homo rectè dicitur generare hominem, licet animam rationalem non producat, quia eam corpori unit.

35. Formæ substantiales, nec intenduntur nec remittuntur.

Scilicet, instar qualitaturn, sine variatione aut mutatione speciei; nam calor, nunc in eufus, nunc remissius, manet tamen idem numero calor: talis inentio & remissio non cadit in formas substantiales, sed, quæ accedit eum variatione speciei, ea à multis statuitur accidere formis substantiæ Elementorum in mixtione, vide Dispat. 8. & hesi 35. & 16.

36. Hæc causa est, quod generatio & corruptio fiant in momento.

Substantia omnis, seu completa, ut totum compositum, seu incompleta, ut forma, posita est in indivisibili, ideoque partium successionem nullam habet, & ideoque generatio & corruptio fiunt in momento: ac sic distinguuntur à reliquis moribus Physicis, qui habent terminum ad quem divisibilem succedive, in partes aut gradus, ideoque non fiunt in instanti sed in tempore.

37. Cur generatio & corruptio habeant locum in subælestitibus, non item cælo, ejus causa est subælestitium corporum alteratio secundum qualitates contrarias, quæ in cælo non sunt.

Hæc enim firma est ratiocinatio; ubi est pugna contrariarum qualitaturn, ibi locus est generationi & corruptioni naturali.

THESIUM PHYSICARUM SECUNDUM PERIPATETICOS,

Disputatio Septima,

DE

M E T E O R I S.

T H E S I S I.

Elementorum, Generationis ac Corruptionis, quibus tum Elementa, tum res Elementares, subiunguntur, doctrinam sequitur doctrina eorum, quæ ex Elementis fiunt. In divisione corporum in Elementa & Elementaria, unum membrum sub alio continetur.

Generalis est divisio corporum sub ælestium in Elementa & res Elementares, id est, quæ ex Elementis oriuntur quocunque demum modo.

2. Ea sunt, vel meteora, vel corpora mixta: hæc vulgo mixta perfecte, illa imperfecte mixta dicuntur, quod in illis omnia Elementa, in his non omnia coeant, aut sæpe una aliqua Elementi forma superfit cæteris pereuntibus.

Meteora dicuntur à voce græca *μετέωρον* & *αἰθήρ*, quia sursum tolluntur: hæc non differunt specie ab Elementis, uti quidem ab iis differunt perfecte mixta. vide thes. 12. hujus disputationis.

3. Materia Meteororum, vel proxima est vel remota.

Materia proxima est, inter quam & ipsum meteorum nulla intercedit materia media: remota est, inter quam & meteorum ipsum intercedit aliqua materia media.

4. Proxima est, vapor vel fumus: communi nomine, exhalatio vel halitus.

Vapor & fumus in communi sermone quidem confunduntur, sed hic ramen distinguuntur.

5. Remota, est aqua, vel terra.

Nec aer nec ignis sunt materia meteororum, neque ex iis ullum constar meteorum, propter naturam eorum nimis subtilem; exhalationes

enim ex effluviis, qualia sunt aqua & terra, exhalant elementis.

6. Ad aquam & terram etiam referri debent mixta illa, quæ, quia ex iis habent ortum, apta sunt halitum emittere, ut lac, vinum, sanguis, &c.

Hinc causa petitur, cur dicatur interdum lacte, vino, sanguine pluere, nimirum quia Sol calore suo primum attrahit, atque sursum elevat, crassiores lactis, vini, aut sanguinis partes, quæ postea resolutæ iterum decidunt: sunt autem liquida adhuc magis idonea ad exhalationes faciendas, quam solida; humida, quam sicca.

7. Fumus elicitur ex terra & rebus terrestribus, ideoque siccus est.

Ratio est, quia terra sicca est, & in rebus terrestribus siccitas præ aliis qualitatibus prædominatur.

8. Vapor elicitur ex aqua & rebus aqueis, ideoque humidus est.

Ratio est, quia aqua humida est, & in rebus aqueis prædominatur humiditas.

9. Sæpe fumus miscetur vaporibus, & vapor fumo.

Imo, quia Elementa sunt impura, semper fumo aliquid vaporis admiscetur & vapor aliquid fumi.

10. Communi definitione sub nomine exhalationis definiri potest, substantia levis, quæ ex corporibus gravibus virtute caloris rarefactis resolvitur.

Quod exhalatio omnis sit substantia levis, id ex motu sursum deprehendi potest; quod ex corporibus gravibus accipitur, inde liquet, quia ex terra petitur & aqua, quod resolutio utriusque

que Elementi fiat, per rarefactionem partium à calore, inde pater, quod omnis calor rarefacit, sicut frigus condensat.

11. Itaque, vapor nihil aliud est quam aqua, & fumus quam terra, sed rarefacti.

12. Atque utriusque forma substantialis est eadem quæ Elementi, ex quo oritur.

Quæ differunt sola raritate & densitate, non habent diversas formas substantiales, quando scilicet raritas & densitas de eodem dicuntur subiecto: ideoque quemadmodum stella non distinguitur specie à cælo, quia est densior pars cæli, & ipsum cælum, in quo sunt stellæ, est materia rarior stellis; sic & hic aqua spectata in se, quo respectu est densa, non distinguitur specie, non forma substantiali à se ipsa, ut est per calorem rarefacta, & tum vocatur vapor; tunc terra in se spectata, ut densa distinguitur à se ipsa, spectata ut per calorem rarefacta, & tum vocatur fumus.

13. Forma autem accidentalis est, impressio quædam variorum accidentium.

Forma accidentalis interdum dicitur de uno accidente, interdum de accidentium multorum concursu, uti hic ista vera accidentia varia sunt, variz partium figuræ, varia magnitudo, varii situs, varii motus: &c.

14. Itaque meteora non sunt unum per se, nec substantiæ meræ, sed unum per accidens, & substantiæ accidentalibus formis vestitæ, ut res artificiales.

Unum per se dicitur, aut quod est essentiz simplicis, ut res immateriales, aut quod ex pluribus quidem constituitur partibus, sed in naturam unam per unionem coalescentibus, sic ut totum & partes inter se sint ejusdem naturæ: sic homo est unum per se, merco neutro modo sunt una; non priori, quia sunt substantiæ materiales, non posteriori, quia totum meteorum est substantia, & partes ejus sunt, partim substantia, partim accidens: nec unio est substantialis, sed accidentalis, quomodo in horologio simul cum ferro & rotis concurrunt, varii motus, situs, partes, & figuræ ferri ac rotarum.

15. Causa efficiens Meteororum est calor,

vel astrorum, præsertim Solis, vel ignis subterranei, vel innatus.

Calor astrorum vel solis dicitur non quem in se habent sed quem motu suo produciunt, nullum enim in se possident.

Calor innatus dicitur calor Elementaris.

16. Meteora vulgo dividuntur in vera & apparentia.

Est hæc divisio non generis in species, sed ambigua vocis in significata.

17. Sed apparentia non nisi æquivoce sunt meteora, ut homo pictus est homo; apparens est Iris.

Æquivoca enim sunt seu homonyma, quando vox una quidem communis est pluribus. definitio non item, ut in exemplo alipolito videre est, neque enim in definitio hominis convenit homini picto. Vocantur apparentia meteora, quæ non sunt uti apparent esse, uti Iris quæ non est revera tanta varietas colorum in nubibus, ut apparet, sed deceptio tantum visus, ex quo quod lux solis per radios incidens in varios angulos à nubibus rorscis repercutiatur, & ex varia illa lucis incidentia ac repercussione putat visus se videre tam varios colores.

18. Vera ex fumo fiunt, vel ex vapore.

19. Quæ ex fumo fiunt, vel ex pingui fiunt, vel ex arido.

Fumus pinguis dicitur, aliis oleaginosus, quia multum habet admixtum olei, quemadmodum fumus, qui oritur ex cespitibus valde bituminosis, aut ex lignis in quibus est multum terebinthi: fumus contra aridus dicitur, qui parum olei habet admixtum, qualis est qui nascitur ex lignis sicciisimis.

20. Quæ ex pingui fumo generantur, dicuntur ignea, quæ ex arido, acra, quæ ex vapore, aquea.

Non dicuntur meteora ignea, quasi ex igne tanquam ex materia consent, nec ærea, quasi eorum materia sit aer, hoc enim falsum est; sic cum materia utriusque sit terra, quia illorum materia est terra pinguior, quæ ob pinguedinem facile flammam concipit, ideo hæc dicuntur ignea, & quia aliorum materia est terra aridior, quæ non ita facile flammam concipit, illa dicuntur ærea.

21. Me-

21. Meteora ignea, pro triplici aëris regione, distingui possunt.

De triplici aëris regione, vide disputationem §. thes. 29. 30. 31.

22. In infima aëris regione sunt, Ignis fatuus, Castor, Pollux, Heleua, ignis lambens.

23. Ignis fatuus, aliis erraticus, qui & errat & errare facit, & ambulo, habet pro materia fumum pinguem & viscosum; ejusque forma est saltus ad modum hominis fatui: in locis paludosis potissimum hæret.

Belgæ vocant *een Stal-keers*, aut *Draet-liet*, quia lucet instar candelæ, & facit errare eum de via, qui saltem ignem sequitur; inde dicitur vulgo homines abducere in fossas & in loca devia.

24. Castor, Pollux, Helena, ab igne fatuo distinguuntur, quod hic terræ, isti mari impendiant.

Hæc nomina desumpta sunt ex Gentilismo, in quo Castor, Pollux, & Helena, aut navium erant tutelares aut insignia; ac quamvis hæc meteora in mari conspiciantur, sunt ex halitibus terrestribus & aridis ad mare delatis.

25. Ignis lambens, est exhalatio tenuis, ex spiritibus animalium concinnata, ac circa crines eorum relucens.

Ignis lambens in júbis equorum vel equarum conspici solet, videturque idem fuisse, qui à Virgilio narratur conspectus in capite Alcæan.

26. In media aëris regione sunt, draco volans, stella cadens, fulmen ac fulgur, tonitru, procella.

27. Draco volans, pinguis est exhalatio & copiosa, quæ deorsum oblique cadit in nubibus, & refert draconem volantem.

28. Stella cadens, è nubibus veluti nucleus à digitis compressis excernitur, & generatur, ut draco.

Hæc duo nomina, ob similitudinem draconis & stellæ quam referunt, sic dicuntur: neque enim stella ulla in nubibus est sed in cælo; neque unquam ex nubibus decidit in terram, ut vulgus stulte credit.

29. Fulmen, est exhalatio multa & subtilis, in nube accensa, & deorsum ad terram usque vi erumpens.

30. Si in terram non perveniat, dicitur fulgur.

Fulmen & fulgur in eo differunt, quod fulmen pro comite habeat tonitru, & causa sit combustionis rerum in terra, fulgur vero non habeat adjunctum tonitru, neque ad terram usque descendat: Belgæ fulgur vocant, *Weerlicht*, & fulmen, *Blucom*.

31. Tonitru nascitur ex ictu illo, quo exhalatio in fulmine aërem & nubem frangit.

Quamvis tonitru natura prius sit fulmine, nam quia nubes frangitur, hinc lux illa fulminis nascitur, prius tamen videtur fulmen quam auditur tonitru, quia species visibiles citius deferuntur ad oculum, quam audibiles ad aurem, sunt enim hæc crassiores, at isti sunt subtiliores: sic primum videmus flammam pulveris pyrii sive tormentarii ex Bombarda erumpentem, quam audimus sonum.

32. Procella easdem habet causas quas fulmen.

Procella hic non significat speciem venti, vulgo *een Wy*, sed motum fulminis aut tonitru, varium & quaquaversum delatum, atque corpora objecta perfrangens.

33. Meteora ignea supremæ regionis describi debent figura & motu, quia hæc est causa ipsorum formalis.

Figura & motus in meteoris igneis supremæ regionis sunt quidem potissima causa formæ eorum, sed non unica aut sola; nam situs & quantitas ad formam eorum accidentalem quoque pertinent.

34. Suntque, capra saltans, trabs, Pyramis, stipulæ ardentes, Clypeus videns, fax, stellæ discurrentes, dolia & cometæ Elementares: De quibus videantur meteorologi.

Hæc omnia nomina sunt desumpta à similitudine earum rerum, quas meteora illa vel referunt vel expriment.

35. Meteorum aëreum est ventus.

Non quasi aër sit materia venti, sicut Stoici dicebant, ventum esse aërem motum, sed sic

vocatur, quia materia venti est exhalatio arida, ex terra profecta, quæ proxima ad aërem accedit, vide thesin 20. hujus Disputationis.

36. Ventorum materia est exhalatio sicca & calida.

Ergo venti materia fumus, non vapor, exhalatio terrestris, non aqua.

37. Forma ventorum est motus transversus per terram.

Quia venti terras perflant quaquaversum.

38. Vento pro Meteoro aëreo vulgo additur terræ motus.

Terræ motus non potest dici meteorum, quia non gignitur in sublimi, sed in ipsa terra, loco infimo, additur tamen meteoris & quidem vento, quia easdem habet causas.

39. Meteora aquea sunt nubes & ros.

40. Nubes, est vapor crassus, vi Solis ad mediam regionem aëris evehctus ibique loci

frigore condensatus, & partim insito calore, quo est evehctus, partim aëris motu, suspensus.

Dicitur mediæ regionis locus in aëre frigidus, quia est minus calidus, quam suprema aut infima regio; nam alioquin omnis aër est calidus; in eo est videre admirabilem Dei sapientiam, quod nubes, cum sint corpora tam gravia, nihilominus suspensæ teneantur in alto in ipso aëre.

41. Ex nube, vel resoluta, vel coacta, fit pluvia, nebula, grando, nix.

Nubes resoluta est pluvia; coacta, nebula, grando vel nix.

42. Ros est vapor subtilis, qui à debili occidentis Solis calore in aërem evocatus, à temperatæ & serenæ noctis frigore, in exiguas guttas condensatur.

43. Hæ guttæ, cum ab auroræ frigore congelantur, dicuntur pruina.

Ros & pruina fere differunt, ut aqua & glacies.

THESIIUM PHYSICARUM SECUNDUM PERIPATETICOS,

Disputatio Octava,

DE

MIXTIONE, ET TEMPERAMENTO.

THESIS I.

Corpus propriè ac perfectè mixtum, quod mixtum dicitur simpliciter, est, quod ex Elementorum mixtione oritur.

Corpus perfectè mixtum, dicitur mixtum simpliciter, absque additamento vocis perfectè, per Synecdochen generis: & quia divisio corporis mixti, est divisio Analogi in sua Analogata, id est, quia mixtum uni speciei magis, alteri minus, magis, perfectè mixto, minus, imperfectè mixto, competit.

2. Ortus mixtorum vocatur mixtio, est, quæ miscibilium alteratorum unio.

Maxima hæc difficultas est in voce, alteratorum. nam quandoquidem mixtio est productio substantiæ novæ ex Elementis, substantiis quo-

que Elementorum inter se mixtis, & alteratio sit motus ad qualitatem, quæritur quo modo mixtio definiti possit unio miscibilium Elementorum alteratorum? an igitur Elementata mixtione tantum mutantur, quoad qualitates: si sic, mixtio non est novæ substantiæ productio: si Elementa mutantur quoad substantiam in mixtione, cur tantum dicuntur alterari? respondeo; in mixtione novam substantiam produci, item Elementa seu miscibilia mutari quoad substantiam, sed quia Elementa mutari nequeunt quoad substantiam nisi prius alterentur quoad qualitates, & quia alteratio Elementorum in sensus incurrit, mutatio eorum non item, quæ quoad substantiam fit, hæc est ratio, cur in definitione mixtionis potius fiat mentio alterationis, id est, mutationis Elementorum quoad qualitates, quam corruptionis, hoc est,

est, mutationis quoad substantiam: initio dicitur porius quam unio, quia mixtio est actio quæ melius exprimitur per unionem quam per unionem, quia hæc est modus potius ex unionem resiliens, & terminus ad quem.

3. Per miscibilia alterata non intelligimus res quilibet, ut quæ in pharmaco miscentur, sed Elementa.

Possunt corpora mixta aliis corporibus mixtis misceri, uti fit in compositis medicamentis; sed hic intelligitur mixtio corporum simplicium, id est, Elementorum.

4. Horum unio non est confusio aut quedam accumulatio, sed substantialis conjunctio, quæ ex quatuor diversis Elementis fit una substantia mixta.

Mixtio alia est improprie, alia proprie dicta: prior est, quando corpora multa in unum aerum accumulatur, ut si quis siliqum urtico & utrumque avenæ commisceat, vel etiam cum multi liquores in unum confunduntur: fit enim hæc mixtio improprie dicta, vel confusio extremitatibus miscibilium vel iis distinctis, puta, superficibus: ad posterior mixtio proprie dicta fit, cum Elementa quoad substantias simul conveniunt, & ex eorum coalitione & commixtione recta exurgit substantia, quam vocamus mixtum.

5. Mixti generatio definitur ab *Aristotele* lib. 3. *Meteor. cap. 1. mutatio à qualitatibus æthereis proportionem cum subiecta materia naturæ convenientem habentibus.*

Per qualitates activas hic intelliguntur calor & frigus, quæ sic dicuntur, non quasi tantum agant, & nihil patiantur sed quia magis agunt quam patiuntur, si quid ex adverso: humiditas & siccitas dicuntur qualitates passivæ, non quia tantum patiantur, & nihil agant, sed quia magis patiuntur quam agunt; ut hic denominatio fiat à potiori.

6. Per materiam subiectam intelliguntur qualitates passivæ in concreto, humidum & siccum, per naturam forma mixti generandi.

Dicuntur qualitates sumi in concreto, quando se ipsas significant, & simul subiectum sumum: quamvis natura tam dicatur de materia quam de forma, hic ramen peculiariter de forma debet intelligi, & quidem de forma mixti, quia omnis forma nobiliori modo natura est.

7. Mixtio & mixti generatio re ipsa idem sunt, ratione vero differunt, ideoque & definitione.

Ratione, scilicet, ratiocinata, quæ habet fundamentum in re: ex hac thesi liquet, non ita ut ipsa differat, quæ differunt definitione, ita ut hoc argumentum non valeat; quæ habent diversas definitiones, habent diversas essentias.

Nam diversitas definitionum sæpe fundatur in diversis tantum respectibus, qui diversitatem æterum non inferunt; quemadmodum id liquet in actione & passione, quæ diversas habent definitiones, non tamen sunt res diversæ.

8. Mixtio de Elementis dicitur, generatio de substantia mixta: Elementa misceri, substantia generari dicitur.

Quemadmodum aliud est totum, aliud sunt partes, ita alia tribuuntur toti, alia partibus totum componitur, partes componunt; sic hic Elementa generant, mixtum generatur, & non generant Elementa mixtum, nisi prius inter se miscantur: ideoque mixtio proprie est Elementorum, sed mixti ex Elementis productio, constitutio, generatio, non nisi de toto dicitur mixtio.

Ut sese habent medicamenta simplicia, quæ à Pharmacopoli miscentur, ad medicamentum compositum quod ex illis generatur, ita sese habent Elementa quæ misceri ut ad omne mixtum, quod ex illis generatur: sed medicamentorum simplicium est misceri, & medicamentum compositum dicitur generari: ergo Elementa recte dicuntur misceri & mixtum generari.

9. Ad mixtionem tria requiruntur. Primo, ut Elementa in unum locum coeant. Secundo, ut in minimas particulas dividantur. Tertio, ut mutua actione & passione sese invicem debilitent.

Locus mixtionis est aqua & terra, tum in superficie sua, tum in partibus interioribus: sed hic gravissima oritur difficultas, quomodo ignis & aer, cum sint Elementa levia, ad superficiem terræ vel aquæ descendere possint, cum ille motus eorum sit futurus contra naturam, atque adeo violentus; at vero nullum violentum est perpetuum: respondeo, omnino corpora levia contra naturam ferri deorsum, respectu causæ efficientis internæ, quæ est forma, & sic omnino motus ignis & aeris, cum ad mixtionem in terrâ faciendam descendunt, est violentus. sed.

sed respectu finis, qui est salus universi, quod sine mixtione & mixtis consistere nequit, motus ille non est violentus, unum quodque enim Elementum studet servare universum, ejusque salutem procurare; sic videmus gravia quoque ascendere, & levia descendere, cum impediendum est vacuum, quod cum natura universi pugnat.

Minimas, id est, valde parvas, nam partes minimæ hoc sensu, ut non dentur minores, nullæ sunt, nam non datur minimum Physicum, & corpus naturale, quia continuum est, dividi potest in partes minores, & usque minores in infinitum, si fuerint proportionales:

Debilitant, nam si non se invicem Elementa debilitarent, sed si integra manerent, mixtum non foret unum per se, sed esset unum per aggregationem, ut acervus lapidem, quod absurdum est.

Elementa debent in unum locum coire, quia ita debent sibi invicem approximari, ut inter se commisceri valeant.

Et sic ille motus deorsum ignis & æris non est violentus, nec etiam naturalis, sed præter naturam: at motus violentus est contra naturam, & naturalis secundum naturam.

10. In hac Elementorum pugna formæ eorum substantiales non pereunt.

11. Si enim perirent ac penitus abolerentur, quomodo possent uniri?

Non possunt uniri quæ non sunt: atqui, si formæ Elementorum interirent, non essent; ergo, neque unirentur, neque uniri possent: & sic mixtio male definiretur unio.

12. Sed nec manent integræ:

14. Nam sic corpus mixtum non foret unum per se.

Ubi enim plura corpora concurrunt integra, totum ex iis compositum est unum per aggregationem, sive ordinem inter se habeant, ut exercitus, sive non habeant, ut acervus lapidum.

14. Verum castigantur, refringuntur, ac remittuntur.

Id est, formæ Elementorum in mixtione aliqua sui parre imminuuntur, & aliquid quasi de essentia sua perdunt.

15. Non tamen remittuntur eo modo, quo qualitates:

16. Quia hæc remissæ non mutant speciem, illæ quam maximè.

Formæ dicuntur remitti, non quod entitas earum aboleatur, sed quia perit earum forma. Ite, id est, non amplius exercent munus formæ Elementorum, neque constituunt amplius Elementa, sed faciunt novam speciem, quam vocamus corpus mixtum; in quo differunt à qualitatibus, quæ remittuntur, sic ut manent ejusdem speciei: & sic verum est, quod substantia recipit magis & minus, cum variatione speciei, qualitas recipit magis & minus, sine variatione speciei.

17. Atque ut formæ ita & qualitates Elementorum non abolentur sed castigantur.

Quia qualitates Elementorum emanant à formis, ideo, si hæc refringuntur, & refringi debent illæ: quamvis diversa sit refractionis ratio.

18. Et quia sic castigantur Ambe manent in mixto, dicuntur Elementa manere in mixto virtute vel virtualiter.

Ambæ, id est, & formæ & qualitates Elementorum.

Dicuntur Elementa manere in mixto virtualiter, quia & formæ Elementorum & eorum qualitates, quamvis sunt imminutæ, & non nihil castigantur, virtutes tamen suas calefaciendi, frigefaciendi, humectandi, exsiccandi, in mixto exerunt atque exercent.

19. Mixti ortum ac generationem sequitur ejus interitus: mixtionis resolutio, & generationi corruptio opponitur.

Ratio est, quia contrariorum eadem est scientia: interitus aliis Physicis vocatur corruptio.

20. Interitus est vel naturalis, 1. quoad individua, non quoad species, 2. ex lege naturæ universalis non particularis, 3. ratione materię propter potentiam ad esse & non esse formæ, 4. ratione formæ, propter pugnam qualitatum quæ ab ea emanant: vel intentus est contra naturam.

Questio gravissima est, quomodo corruptio sit naturalis, quan loquidem nullum corpus naturale tendit in sui corruptionem; respondeo: corruptio dicitur naturalis prout, naturale opponitur artificiali vel supernaturali; corruptio naturalis est, & respectu materię, quæ & subiectum & principium est corruptionis, & respectu formæ,

Aut formæ quæ est terminus corruptionis, forma enim est, quæ corrumpitur: corruptio autem ipsa non fit à principio externo, quale est ars, nec adeo actione supernaturali, sed à materia & forma unitis dissolubiliter; unio vero materię & formæ dissolvi potest in mixtis, quia qualitates in eo contrariæ se mutuo oppugnant ac debilitant, & licet corruptio non videatur naturalis, respectu corporum singularium in individuo, est tamen naturalis, respectu naturæ in genere, in qua nulla dari posset generatio naturalis, nisi & corruptio naturalis daretur; nam generatio & corruptio naturaliter se invicem consequuntur.

Nam unumquodque individuum sinit conservare se ipsum.

Materia est principium corruptionis, quia habet se indifferenter ad quaslibet formas, ita ut quæ materia nunc est sub hac forma, verbi causa, corpus sub forma viventis, alio tempore possit esse sub forma non viventis, & quidem naturaliter, quando scilicet vivens moritur: atqui materia est natura; ergo corruptio mixti, propter materiam, respectu ejus bene dicitur naturalis: forma quoque est principium corruptionis quando ea à materia dissolvi potest, quod fit cum qualitatibus pugnantium est origo: forma vero est natura; ergo corruptio mixti respectu materię quoque dicitur naturalis.

21. *Naturalis est putrefactio: contra naturam combustio, cui vulgo additur petrificatio.*

Putrefactio dicitur corruptio naturalis, quia ipsa materia rei putrefaciendæ disposita est ex natura sua ad corruptionem totius: est enim in materia potentia naturalis ad esse, vel non esse, sub hac vel alia forma; quæ potentia est radix corruptionis naturalis.

Quod videre est in pomo, aut ligno, quod putrebit.

22. *Putrefactio dicitur interitus mixti naturalis, quia universalis naturæ lege constitutum est, ut mixtum putredine intereat.*

Universalis naturæ lex est, quam Deus naturæ autor fixit in universo, quæ cautum est, ut, quæcunque sunt orta vicissim intereant: itaque respectu universi tam naturalis est corruptio quam generatio, licet, respectu hujus vel illius individui, quod studeat esse suum conservare, quam diu potest, corruptio videatur esse contra naturam.

Natura est vel universalis, id est, totius universi, vel particularis uniuscujusque corporis

singularis in universo; hic intelligitur natura prior.

23. *Putrefactio, est corruptio caloris proprii ac naturalis, in unoquoque humido, à calore corporis ambientis.*

Corpus ambiens est vel Sol vel aer, vel quodcumque aliud calore præditum.

Calor proprius, est calor insitus ipsis rebus naturalibus; calor ambiens, est à corpore extrinseci vel alio extrinsecus ad rem naturalem accedens.

24. *Combustio, est totius mixti à vehementi calore in ignem & cineres mutatio.*

Calore, scilicet, qui ab externo & ambiente corpore accedit.

25. *Petrificatio, est totius mixti à vehementi frigore in substantiam lapideam ac terrestrem mutatio.*

Petrificatio, nomen suum habet à petra, id est, lapis, & facio, quia per eam mixtum mutatur in lapidem.

26. *Affectiones, quæ corpori mixto insunt propter mixtionem, sunt, vel qualitates vel mutationes, quibus corpora mixta ob qualitates istas & per illas alterantur.*

Qualitates, quarum hic fit mentio, sunt propriæ corporis mixti, uti & mutationes, non vero Elementorum.

27. *Qualitates sunt, vel temperamentum, vel qualitas ex temperamento orta.*

Temperamentum dicitur à temperando, quia significat temperatam qualitatum Elementarium mixtionem.

28. *Temperamentum non est simplex aliqua qualitas à quatuor primis qualitibus distincta, sed ipse primæ qualitates refractæ, aut potius earum conveniens mixtura & complexio.*

Quæstio est inter Physicos, an temperamentum sit quinta quædam qualitas, distincta à quatuor qualitibus Elementorum; respondemus non esse, sed tantum congeriem quatuor istarum qualitatum remissarum & refractarum ad certam mensuram.

29. *Temperamentum est æquale vel inæquale.*

Hæc divisio non est generis in species, nec integri in membra. Sed ambigua, & in suis significationibus, quænamadmodum homo dividitur in pictum & verum.

30. *Æquale est, in quo qualitates primæ ad amissum sunt cœquatæ, vulgo, temperamentum ad pondus.*

Vocatur temperamentum ad pondus, quia æquales gradus caloris, frigoris, humiditatis, in eo collocantur.

31. *Tale non datur.*

Ratio est, quia nunquam qualitates Elementares ad istam æqualitatem in mixto redactæ reperiuntur, propter pugnam perpetuam in qua semper aliqua earum prædominatur, & victrix est.

Si daretur temperamentum ad pondus, violentia nunquam moreretur, nec mixta interirent.

32. *Inæquale, quod dicitur temperamentum ad iustitiam, ab hoc qualitatum primarum æquilibrio recedit.*

Temperamentum ad iustitiam sic dicitur, quia sicut iustitia est, unicuique suum tribuere, ita hoc temperamentum unicuique corpori naturali tribuit, istas vires agendi, quæ pro ratione naturæ ei conveniunt.

33. *Quod si una qualitate recedat, est temperamentum simplex: si gemina & utraque, dicitur compositum.*

Hinc orum ducunt, ista quatuor temperamentorum genera, sanguineum, cholericum, Phlegmaticum, Melancholicum.

34. *Qualitas ex temperamento orta, vel est qualitas sensibilis seu patibilis, vel potentia naturalis.*

Non omnis qualitas sensibilis vel patibilis oritur ex temperamento corporis mixti, nam calor est talis qualitas, item frigus. Atamen neutra qualitas ex temperamento oritur, sed in ipsis reperitur Elementis: hoc tantum dicitur in præsentiarum, qualitatem ex temperamento ortam, aliquam esse sensibilem, id est, in sensus incurrentem, aliam non item.

35. *Qualitas sensibilis temperamentum secuta, est vel sapor, vel odor, vel color, vel qualitas tactilis.*

Lux non recensetur, quia illa ex temperamento corporis mixti non oritur. Neque quicquam quoque inveniat in corporibus simplicibus, Cælis puta & Elementis quibusdam:

Qualitas tactilis intelligitur hic secunda, vide thes. 41. non prima, qualis est calor, frigus, siccitas.

36. *Sonus non sequitur mixtionem, sed motum localem & corporum collisionem.*

Corporum sive mixtorum sive simplicium, utrorumque.

Collisio corporum differt à commixtione, quod in collisione corpora collidentia singula suas habeant superficies distinctas & non confusas inter se; at vero in commixtione corpora, quæ commiscuntur, non habent superficies distinctas, sed inter se confusas.

37. *Sapor est qualitas mixti corporis, orta ex abiteratione siccitatis terrestris, per humidum aqueum à calore facta, quæ potest afficere gustum.*

Mixti, itaque pura aqua si daretur non saperet, in sapore prædominatur humidum, succumbit siccum; inde omnia liquida sunt magis sapida quam sicca: causa efficiens saporis est calor ipsius corporis sapidi:

Quomodo sapor afficiat gustum, an per species intentionales, an vero secundum esse reale, explicabitur Disput. 13.

38. *Odor est qualitas mixti corporis, orta à siccitatis terrestris sapidi in humido aereo vel aqueo digestionem, facta à calore, apta afficere odoratum.*

Mixti, itaque purus aer, aut aqua pura, si darentur, non fuissent: sed sapor omnis id est, odor malus, ex mixtione oritur. uti & bonus:

In odore prædominatur siccum, & succumbit humidum; inde corpora siccissima maxime sunt odorifera:

Quomodo odor afficiat odoratum, an realiter, an intentionaliter, explicabitur disputatione 13.

39. *Color non tam sequitur mixtionem primarum qualitatum, quam lucidi, perspicui, & opaci.*

Lucidum

Lucidum est, quod radiat, id est, quod radios luminis dispergit per & versus corpora alia: perspicuum dicitur, per quod lumen à corpore lucido demissum & dispersum pervadit, ac permeat; opacum est, per quod radij luminosi à corpore lucido profecti non pervadunt, neque permeant, sed in quo sistuntur ac terminantur: exemplum corporis lucidi est Sol, stella, ignis cunicularis; exemplum corporis perspicui est aer, vitrum, crystallus; exemplum corporis opaci est terra, lapis, paries &c.

40. Itaque, est qualitas mixti corporis, orta ex mixtione luminis & perspicui cum opaco, vim habens afficiendi visum.

Luciditas sive lumen, perspicuitas & opacitas, sunt qualitates singulæ suorum corporum, ex quarum debita temperatura oritur color, & pro varia earum mixtione color varius nascitur.

41. *Qualitates cassiles*, quæ ex primarum mixtione oriuntur, sunt variae, raritas, densitas, asperitas, laevitas, &c.

Raritas oritur ex prædominio caloris in mixtione, supra qualitates alias; densitas ex victoria frigoris, supra qualitates alias, &c.

42. *Potentia naturalis* ex temperamento orta, est *activa* vel *passiva*.

Addi potest tertium membrum, scilicet vel

potentia partim activa, partim passiva, quæ vulgo dicitur mixta,

Potentia activa, est principium transmutationis in alio, quatenus aliud est, sic in igne est potentia calefaciendi aquam: potentia passiva est principium mutationis ab alio, quatenus aliud est, sic in aqua est principium, quæ mutari potest ab igne, ea frigida in calidam: potentia mixta est principium mutationis in se ipso, talis est visus, nam mutat se ea non vidente in videntem, & visionem in se se retinet.

43. Ad activam pertinent Antipathiz & Sympathiz rerum naturalium.

Antipathia & Sympathia vulgo dicuntur qualitates occultæ, non quia ignoratur quod sint, sed quia nescitur quid sint, nam illas esse effecta demonstrant: est vero antipathia occulta qualitas, qua unum corpus naturale alterum fugit & fugat, id est corrumpit ac destruit: Sympathia est occulta qualitas, qua unum corpus naturale alterum amat, ambr, amplectitur, & amice cum eo conspirat; exempla utriusque videre est elegantissima in colloquio Erasmi, de Amicitia.

44. Mutationes mixti corporis sunt, coctio sive digestio, ejusque species, maturatio, elixatio, alatio, &c.

De hisce mutationibus specialibus corporis mixti videatur Magitus.

THESIUM PHYSICARUM SECUNDUM PERIPATETICOS,

Disputatio Nona,

DE

A N I M A.

THESIS I.

HAftenus de corpore inanimati est disputatum, sequitur animatum.

Corpus interdum significat totam aliquam substantiam materia & forma constantem, quo sensu substantia dividitur in materialem seu corpus, & immaterialem seu spiritum: interdum corpus significat alteram partem, puta materiam vel animam, oppositam animæ tanquam parti alteri, sic dicitur homo consistere, corpore & anima: priori vero sensu, dicitur homo corpus naturale, & species corporis naturalis; &

in quantum homo ut species spectatur corporis naturalis, in tantum agitur de anima in Physicis, quia & quatenus est hominis, ut corporis naturalis, pars ac forma.

Hoc sensu anima non est forma omnis corporis naturalis, hoc enim si verum foret, omne corpus naturale esset anima; tum etiam Cæli, Elementa, lapides &c. quod falsum est:

Nam ejusdem est disciplinæ, explicare partes, & explicare totum; ideoque, quia Physicæ est agere de homine aut corpore naturali, etiam de anima agendum est ei.

2. Corpus animatum, uno nomine vivens, est quod ex anima, tanquam forma, & corpore seu materia constat.

Vivens corpus opponitur non viventi, ac utriusque commune genus est mixtum.

3. Animam esse, ex operationibus ejus est manifestum.

Ratio est, quia dantur operationes, quæ non possunt adscribi corpori.

4. Illa enim natura, qua corpora vigent, & à se ipsâ moventur, dicitur anima.

Si vita, vigot, sensus, & id genus alia, proficerentur à natura corporum, jam ea competere omnibus corporibus: sed saltum est posterius; ergo & prius.

5. Anima aut est substantia, aut accidens.

Si dicas dari tertium inter substantiam & accidens, ideoque hoc Dilemma non valere, respondeo: quamvis detur tertium, quod sit medium negationis inter hæc duo, ut nec sit substantia nec accidens, divisio tamen hæc immediata est, & solida, quando instituitur de ente reali, quale est anima, nam inter entia realia non datur medium, ne quidem negationis, inter substantiam & accidens: sed omne ens reale alterum est; ideoque & anima alterutrum est.

6. Non accidens, quia per accidens non possunt substantiæ animatæ ab inanimatis distinguî.

Quod non constituit substantiam, non potest eam ab alia substantia distinguere: accidens non constituit substantiam; ergo &c. anima contra constituit substantiam, ideoque distinguit, ergo non est accidens.

7. Itaque anima non est temperamentum.

8. Quia sic vel foret harmonia quatuor primarum qualitatum, vel qualitas quædam ex primis resultans.

Utrumvis dixeris, animam ex numero accidentium non exemeris.

9. Si substantia sit anima, vel materia, vel forma, vel compositum erit.

Ratio est, quia substantia omnis in ista tria dividitur, id est, aliquid est istorum trium.

10. Non materia, quia materia indifferens est ad corpus animatum: anima vero est animatis propria.

Quod animatis proprium est, non potest dici eorum materia, quia materia eis cum inanimatis corporibus est communis. sed anima est propria animatis corporibus; ergo non est eorum materia.

11. Multo minus corpus est, quia dimensionem daretur penetratio.

Si anima corpus esset, homo ex duobus componeretur corporibus; & quando quidem anima non est extra materiam animatam, dimensiones utriusque, id est, longitudo, latitudo, crassities, scilicet invicem penetrarent.

12. Nec compositum est, puta Phycicum, quia non totum vivens, sed pars tantum vivens.

Pars unaquæque differt realiter à toto, neque potest esse eadem cum toto: anima est pars compositi viventis; ergo &c.

13. Est igitur anima substantia, immaterialis, incorporea, ac forma, una voce *ὁμοτιμία* seu actus.

Notetur hic accurate distinctio vocis hujus, immaterialis, quæ hic significat animam carere materia, tanquam parte essentiali ac constitutente: sed vero si hæc vox significet substantiam, quæ nullo modo, nec in æri, nec in esse, nec in operari dependet à materia, non omnis anima est substantia immaterialis, sed sola rationalis est talis; vegetans & sentiens, hoc sensu, non sunt tales, sunt tamen immateriales priori sensu, & quæque anime rationalis.

14. Est forma non assistens, sed informans.

Ratio est, quia anima non solum motum largitur corpori sed essentiam insuper.

Forma assistens est, quæ tantum largitur motum, ut nauta, qui clavum tenet, largitur navis informans. quæ & motum & essentiam largitur composito, ut est anima.

15. Est actus non secundus sed primus.

Actus secundus tolli potest, salva manente re cuius est actus secundus, primus non item; at anima, salva re animata, tolli nequit.

Anima est actus primus substantialis non accidentalis, quia sic foret accidens; quemadmodum

modum calor in igne est actus primus accidentalis, forma ignis est actus primus substantialis, calefactio est actus secundus.

16. Quia non est operatio, sed principium operationis.

17. Definitur anima, *actus primus corporis organicus potentia vitam habentis*.

Hæc definitio ex Aristotele est, & tanquam à priori: altera ex eodem, quæ adfertur thesi 23. est à posteriori.

18. Per corpus non intelligitur materia prima, sed corpus naturale constans materia & forma, quam mixti formam vocamus.

Ratio est, quia anima non in quamlibet materiam introduci potest, sed in eam quæ sibi congruit: nulla talis est nisi quæ formam mixti in se habeat.

19. Hæc forma mixti respectu animæ est dispositio, & ea adveniente non aboletur, sed definit specificare.

Scholastici dicent, non amittit entitatem, sed formalitatem, id est, non amplius constituit compositum in illa specie rerum tantum, in qua illud constituerebat ante.

Ideoque forma mixti manet post accessum animæ, sed non manet specifica & principalis.

20. Corpus organicum est, quod vario organorum apparatu est instructum.

Organa hic vocantur instrumenta exercendi operationes vitales & animales.

21. Per verba ista, *potentia vitam habentis*, intelligitur idem quod per vocem, *organicum*, & sunt hujus explicatio.

22. *Organicum* significat simpliciter, id quod habet varia instrumenta; *potentia vitam habens*, significat illa instrumenta corpori esse concessa ad exercendas vitæ operationes.

Discrimen inter ista duo videri potest in cadavere, quod quidem est corpus organicum, quia variis organis adhuc est instructum, sed ramen non potentia vitam habet, quia non sunt cadaveri ista organa relicta, ut instrumenta functionum vitalium & animalium exercendarum, utriusque enim cadaver caret.

23. Præter hanc animæ definitionem, alia adhuc extat apud Aristotelem: scilicet. *Anima est id quo vivimus, sentimus, & intelligimus primo*.

Id, hoc est, substantia.

24. Additur, *primo*, quia duplex est id quo vivimus, anima & corpus: sed corpore non primo vivimus.

Propterea compositum totum vivit per animam; sed quia hæc composito vitam largiri nequit, nisi primum faciat vivere corpus cui inest, secundario per ipsum corpus vivens, id est, per corpus vita ab anima donatum, totum compositum vivere dicitur.

25. Particula *quo* significat principium vitæ internum.

Internum, scilicet, substantiale.

26. Ex posteriori hac animæ definitione, oritur quedam animæ divisio in vegetativam, sensitivam, & rationalem.

Hæc divisio animæ ab omnibus quidem est recepta, sed non eodem modo explicata, de qua explicatione videbimus thesi 30. estque divisio desumpta ab effectis.

27. Vegetativa est qua vivimus.

28. Sensitiva qua sentimus.

29. Rationalis qua intelligimus.

Hæc sunt descriptiones incompletæ & imperfectæ, perfectior & completa uniuscujusque animæ dabitur Disput. 10. 11. & 15.

30. Hæc tres animæ sunt distinctæ quoad essentiam ac substantiam.

Quin hæc tres animæ in distinctis subjectis, scilicet, planta, bruto, homine, sint distinctæ, nullum est dubium; sed quæstio est gravissima, an in eodem subjecto, puta homine, sint diversæ essentia atque substantiæ: ita quidem videtur, nam quæ à se invicem separantur, distinctam habent essentiam & substantiam: sed in homine, & cum oritur, & cum moritur, tres animæ à se invicem separantur; ergo & essentiam habent & substantiam inter se distinctam: probatur minor; cum homo gignitur, longo tempore ante adventum animæ rationalis invenitur in fœtu humano anima sensiens & vegetans,

gerans, quod manifestum est ex utriusque operationibus, nam foetus diu ante & creatus & nutritur, & loco se movet; ergo istæ dux animæ vegetans & sentiens ita à rationali seji arantur, ergo & re ipsa distinguuntur.

Cum moritur homo, anima rationalis vel in Cælo recipitur, vel ad tartara deferretur: vegetans & sentiens post mortem non maneat in peritibus, alioquin immortales forent, ut rationalis; ergo & separatur ab anima rationali, ergo & realiter ab ea distinguuntur.

31. Itaque male dicuntur facultates unius & ejusdem animæ.

Substantia distincta ab anima rationali non potest dici ejus facultas, nam facultas est accidens, scilicet potentia: sed anima naturalis, vegetans & sentiens, est substantia distincta ab anima rationali; ergo neutra est ejus facultas.

32. Hæ tamen animæ inter se diversæ, in eodem tamen composito sibi invicem subordinantur.

Hæ subordinatio est, non categorica, quasi una anima sit geotica, altera specifica, omnes enim sunt specificæ, ac largiuntur speciem, sed diverso modo; quædam ultimam, ut anima rationalis in homine, sentiens in Bruto, vegetans in plantis; quædam non ultimam, ut sentiens in foetu humano, & vegetans in fructu bruto: verum est subordinatio hæc causalis, tanquam inter causas remotas & proximas, nam ex tribus hæc formis seu animabus, una tantum est hominis causa, & forma proxima, scilicet, rationalis; reliquæ dux sunt in homine, causa & forma remota, puta sentiens & vegetans; ac causa remota subordinatur proximæ.

33. Rationalis ita est diversa à duabus alijs, ut hæc in fieri, esse, & operari dependant à materia, illa non item.

Rationalis anima quamvis fiat in materia, non tamen ex materia, scilicet corpore, quamvis sit & operetur in materia, existit tamen & operatur quoque extra materiam, quando scilicet à corpore separatur: sed vero anima vegetans & sentiens non tantum sunt in materia, scilicet corpore, sed etiam ex ea, non tantum existunt & operantur in materia per instrumenta ejus sed insuper extra materiam existere & operari sine ejus instrumentis nequeunt.

34. Anima nulla est in aliqua corporis parte; sed per totum corpus diffusa.

Quia enim anima omnis est substantia immaterialis, facile per materiam seu corpus potest diffundi, nam omnis substantia materialis per dimensionem materiam suam impellitur, quo minus per aliam materiam diffundatur; daretur enim dimensionum penetratio, quod in Philosophia est absurdum.

35. Hæc tamen diffusio non eadem est, aut ejusdem rationis in singulis animabus.

Ratio est, quia utrunque animæ hæc tres sunt substantiæ quidem immateriales, id est, nullam materiam tandem partem essentialem includentes, quia tamen dux à materia dependent, tertia non item, in fieri esset operari; ideo etiam diverso modo, per sua corpora singulæ diffunduntur.

36. Anima vegetativa & sensitiva, ita sunt diffusæ per totum corpus, ut toti corpori coextendantur.

Hoc inde liquet, quod ad divisionem corporum in plantas & Brutas ipsæ quoque animæ dividi possint, patet in Aequilæ dissectis, & ramis arboris amputatis: in prioribus operationes animæ sentiæntis, motus scilicet et localis, deprehenduntur; in posterioribus motus animæ vegetantis: nam rami amputati, terræ iterum insiti, iterum crescent, quod argumento est, animam vegetantem in plantis, & sentientem in Brutis, sese extendere ad omnes totius corporis partes, & simul ostendit veritatem thesæos sequentis.

37. Itaque sunt totæ in toto corpore, sed non totæ in singulis partibus.

Nam si totæ forent in singulis partibus hæc dux animæ, nihil foret opus, ut ad divisionem plantarum & Brutorum in partes & ipsæ dividerentur.

38. At anima rationalis ita diffunditur per totum corpus, ut tamen non coextendatur ei.

Dicitur forma coextendi corpori, quando partes formæ respondent partibus corporis, sicuti tota forma toti corpori, & cum ipsa forma ad divisionem partium corporis, ipsa quoque in partes dividi potest: hoc modo anima vegetans & sentiens coextenduntur corpori, sed rationalis non item, quæ quælibet est in toto corpore hominis, omnibusque ejus partibus, ita ut nulla pars humani corporis animæ rationalis sit experta, sed tamen ipsa in se nullas habet partes, respon-

respondentes partibus corporis, neque ad divisionem corporis in partes, & ipsa quoque dividitur in partes.

39. Itaque est tota in toto, & tota in singulis partibus.

Hic sumitur vox tota, negativè, quia nec extra totum nec extra partem corporis nullam anima rationalis est, sic tamen in singulis, ut nullas ipsa partes ponat, uti rerum positive, sed omnes tollat ac neget; quo sensu dicitur aliquid

negativè totum, & Deus dicitur totus ubique, & Angelus aliquis totus in hoc vel illo loco.

40. Id est, nec in toto, nec in partibus corporis, ipsa est per partes, quia iis caret.

Anima rationalis caret partibus, quia spiritus est, & omni modo independens à corpore aut materia, cujus est habere partes: si autem caret partibus, non est per partes in corpore, quod per se est manifestum.

THESIUM PHYSICARUM SECUNDUM PERIPATETICOS,

Disputatio Decima,

DE

A N I M A V E G E T A N T E,

T H E S I S I.

Anima vegetativa, est actus primus corporis organi, quo illud vivit, nutritur, augetur, & ubi simile gignit.

Vox illa, vivit, tanquam genus sub se comprehendit, & nutriti, accrescere & generare.

2. Ejus facultates sunt tres, nutrix, accretrix, generatrix.

Facultrares hæ sunt instrumenta & potentia, quibus anima vegetans operationes vitales exerceat.

3. Hæ facultates non sunt reipsa distinctæ ab ipsa animæ substantia.

Quæritur an hæ facultates non tantum ab ipsa animæ substantia, sed & inter se se distinctæ realiter; ita quidem vulgo existimant, sed non videtur necessarium tot accidentia ponere in anima, ab ea & inter se realiter distincta; quid nisi enim eadem anima vegetans sit causa efficiens nutritionis, accretionis, generationis, per diversa tantum organa eas operando; neque diversitas organorum est sufficiens argumentum distinguendi realiter potentias ab anima vegetante & inter se.

4. Hisce facultatibus inserviunt aliquæ attractrix, retentrix, alteratrix, expulatrix, &c.

Fortasse plures facultates ministræ animæ

vegetantis reperiri possent, sed hæ quatuor sunt quidem maxime illustres & notissimæ.

5. Facultas nutrix est, qua anima vegetativa nutrimentum convertit in substantiam viventis, ut calor innatus conservetur, & partes per eum assumptæ restaurentur.

Quid sit calor innatus, dicitur Annexo 12. disputationis hujus; quid sit nutrimentum, dicitur thes. 7.

6. Ad nutritionem tria requiruntur. 1. anima vegetativa, nutritionis principium. 2. id quod nutritur, scilicet corpus animatum. 3. id quod nutritur, scilicet alimentum.

Anima vegetans est causa nutritionis efficiens remota, facultas nutrix est ejusdem causa efficiens proxima, alimentum est causa instrumentalis, corpus quod nutritur est patiens.

7. Alimentum est substantia corporea mixta, nec omnino similis, nec omnino dissimilis rei, quæ nutritur.

Substantia, ergo accidentia mera nulla nutriunt: mixta, ergo pura aqua non nutrit, & fabula est, aliqua animata solo aëre, ut Chamaeleon, alia nudo igne, ut Salamandra nutriti; nam Elemento nudo, aut corpore simpliciori, quocunque tandem, res nulla potest nutri.

Unumquodque nutritur quibus constat: sed nulla

4. nulla substantia constat accidentibus; ergo nulla substantia etiam accidentibus nutritur, ergo nec alimentum nutriendum potest esse accidens.

8. Debet esse simile alimentum, ut in corpus possit mutari.

Quod enim plane est dissimile corpori, in quod mutari debet, illud in id mutari nequit: sic saxa, quia sunt dissimilissima corpori humano, pro alimento assumi nequeunt; neque enim in substantiam hominis mutari possunt.

9. Debet esse dissimile, ut in id possit agi.

Quando enim agens & patiens omni modo sunt similia, id est, specie & gradu conveniunt, nulla datur inter utrumque actio.

10. Hinc nec Elementa, nec metalla, nec odores, nec venena aut medicamenta, quatenus sunt talia, alimentum dici possunt.

Hujus thesicos ratio petitur ex thesi 7. 8. Medicamenta, quatenus sunt medicamenta, non possunt nutrire; sed si contingat idem esse & alimentum & medicamentum, tum medicamenta nutriendum, quatenus sunt alimentum.

11. Alimentum vulgo distribuitur in cibum & potum.

Cibus est alimentum solidum & siccum, potus est alimentum humidum & liquidum.

12. Potus non est alimentum nisi quatenus est esculentus.

Nam nudus liquor non nutrit, sed alimentum solidum & siccum movet, quo facilius ad stomachi fundum deveniat, & ex stomacho in partes alias pellatur.

13. Appetitio cibi, dicitur fames.

14. Appetitio potus, dicitur sitis.

Intelligitur hic *Appetitus innatus*, non elicita, hanc enim est affectio animæ vel sententia vel rationalis, prout sequitur vel sensus vel rationis cognitionem.

Appetitus innatus dicitur, quæ inest rebus non tantum viventibus, sed etiam inanimatis, & quæ tam viventibus vita vegetante inest, quam viventibus sensitiva & rationali.

15. Nutritioni inserviunt facultates, attractrix, concoctrix, retentrix, expultrix.

Facultas nutrix, est facultas principalis; hæc quatuor sunt instrumentales. non quod sint quatuor realiter distinctæ facultates, sed unius facultatis diversæ quasi munera.

16. Attractrix est, quæ alimentum attrahit.

Attractrix est in stomacho, qui inanitus alimentum appetit, & cum offertur attrahit.

17. Concoctrix est, quæ alimentum alterando perficit & assimilatur.

Alimentum alteratur per calorem ventriculo insitum naturaliter:

Assimilatur, scilicet, corpori alendo, in quod debet mutari.

18. Concoctio tribus absolvitur actionibus.

19. Prima est, qua alimentum in ventriculo mutatur in chylum.

Chylus nihil aliud est, quam alimentum reductum per calorem ventriculi ad formam pulvis, habentis colorem album.

20. Secunda est, qua melior chyli pars in hepate, vel, ut hodie quibusdam placet, in corde mutatur in sanguinem.

Sanguificatio, id est, actio qua Chylus vertitur in sanguinem; initium quidem capit in hepate, sed consummatur & perficitur in corde, ubi demum sanguis perfectissime elaboratur.

21. Tertia est, qua sanguis per totum corpus distribuitur prius mutatur in rorem, deinde in substantiam corporis vertitur.

Ros hic significat substantiam liquidam rubicundam, qui per venas & arterias dispergitur, quemadmodum ros dispergitur per prata.

22. Retentrix, quæ alimentum aliquandiu retinet & conservat.

Nisi alimentum aliquandiu retineretur, non posset concoqui, multo minus in substantiam viventis mutari.

23. Expultrix, quæ excrementa & sordes ejicit.

Si excrementa & sordes retinerentur, nutritio impediretur & corpus vivens nimium oneraretur;

tur: sunt vero excrementa quædam primæ, quædam secundæ, quædam tertiæ concoctionis; porro excrementa quædam sunt nilia, quæ non efficiuntur, nisi cum ocellitas id exigat, ut semen, quædam iouilia, ut sudores, lacrymæ: &c.

24. Facultas accretrix est, qua corpus animatum ex assimilato alimento nutritum, in omnes dimensiones extenditur.

Accretrix, quæ facultas facit vivens crescere, id est, facit illud extendi in longum, latum, & profundum.

25. Accretio non fit sine nutritione.

Ratio est, quia cum accretio sit motus ad maiorem quantitatem, non potest vivens majus fieri, nisi accessu partium aliarum: at unde accedat, nisi ex nutrimento assumpto & ideo substantiam viveotis cooverlo.

26. Quia partes non possunt extendi, nisi post accessum alimenti, & ejus in substantiam viventis conversionem.

27. Potest tamen nutritio fieri sine accretione.

Videmus enim homines post ætatem adultam & virilem quotidie adhuc outriri ad finem vitæ, etiam si ad extremam perveioant ætatem, non tamen eo ulque crescere.

28. Ad accretionem tria requiruntur. 1. ut ex aliqua extrinsecus accedente materia augeatur vivens. 2. ut idem numero maneat id quod augeri dicitur. 3. ut non tantum toti, sed singulis partibus fiat additio magnitudinis.

Ad 1. non sufficit ut vivens augeatur à materia extrinsecus accedente, sic enim & lapides augeantur, sed requiritur ut illa auctio live augmentatio fiat à principio viventis interno, quo modo non fit in lapidibus, hoc principium ioterum in vivente sed facultas accretrix animæ vegetantis. Ad 2. id quod accrescit manet idem numero, per accessum novarum partium ad materiam, materia non fit diversa numero à se ipsa. Ita manet idem numero corpus iofantis, verbi causa, Petri, quod accipit quotidie maiorem in singulis partibus & membris magnitudinem. Ad 3. si uni tantum parti magnitudo accrescat, ut, verbi causa, capiti cum

illi adnascitur tuber, vel tergo cum illi subnascitur gibbus, tum monstrum fit, oeqve vivens naturali accretione accrescit.

29. Itaque accretio non fit per pulsum sed per maiorem partium extensionem.

Pulsus dicitur hoc loco, cum materiæ pars una alteram propellit; quemadmodum unguis crescit & pili, non sic crescit vivens, sed in ejus accretioe nova undique substantia ad partes crescentes accedit, per poteotiam cresceodi ioterum.

30. Et illi errant, qui existimant eam fieri per rarefactionem.

Quia rarefactio est motus ad qualitatem, accretio vero ad quantitatem, & ideo rarefactione nulla accedit nova materia, imo ne quidem oova quantitas, at ideo accretioe utrumque fit.

Spoogia rarefacta, nec novam accipit materiam oec oovam quantitatem, quam ante non habuerit, cum fuit condensata; sed cum corpus iofantis crescit, & novam accipit materiam & novam quantitatem in singulis membris.

31. Facultas generatrix est, qua vivens ex semine prolifico novam substantiam, sed sui similem, producit.

Semen vocatur prolificum, quia gignendæ proli est idoneum.

Sui similem, quoad speciem, scilicet, non quoad conditioes individuales.

32. Huic ancillantur facultas alteratrix & formatrix.

Quia ex semine non potest fieri proles aut vivens, nisi illud prius alteretur, & vario modo formetur, id est, variis organis afficiatur ac disponatur.

33. Alteratrix, quæ ex nutrimento viventis copiosiore elicit excrementum tertiæ concoctionis utilissimum, & semen inde elaborat; illudque ad generationem viventis præparat.

Semen deciditur ab omnibus viventis partibus, quia fit ex nutrimento tertiæ concoctionis, quæ nutrimentum coovertit ideo sublaotiam viventis, & omnes partes ejus: ubi vero hæc facultas alteratrix, & semen elaborans, sedem suam habeat, de eo nec Physici nec Medici inter se conveniunt.

34. Formatrix est, quæ in semen jam præparatum operatur & in eo distinctam formam efformat generanti similem.

Facultas formatrix est nihil aliud quam ipsa vis plastica feminis, id est, substantia feminis spirituosior, subtilior, rarior, quæ in parte feminis rearestiori ac crassiori effigiat organa ad vitæ functiones exercendas necessaria.

35. Animæ vegetativæ effectus vel affectio, est vita.

Vita alia est animæ, alia corporis seu totius compositi: vita animæ est affectio ejus propria, vita corporis aut compositi est effectum vitæ, quæ est in anima.

36. Omne enim animatum vivit.

Et reciproce, omne vivens est animatum.

37. Vita non est ipsa animæ substantia, non facultas, non corpus organicum, nec aliquid ex corpore aut anima constans, sed est ratio viventis in abstracto.

Vita & vivens sese habent, ut humanitas & homo: humanitas non est anima, non corpus hominis, non totus homo, non unio animæ & corporis, sed est id, quo homo ut homo intelligitur; ita & vita, nec est viventis substantia, nec pars ejus substantialis, nec unio animæ & corporis, sed id, quo vivens ut vivens intelligitur.

38. Itaque vita, non est proprie in anima, non in corpore, sed in toto vivente, sequiturque unionem materiæ, scil. corporis, & formæ, scil. animæ.

Vita est effectum quasi consequens ex eo quod materia, scilicet corpus, uniat formæ, scilicet animæ; atque ex illa unionem naturaliter vita resultat.

39. Vita consistit in calore.

Scilicet, causaliter, non formaliter; nam, ut innuitur thesi sequenti, qui invenitur calor primo unionis animæ & corporis momento, in semine maris ac foemina mixtio, causa est vitæ.

40. Quatenus calor à primo conceptionis momento est corpori præsens, vitæ causa est.

41. Calor in vivente duplex est, elementaris & vitalis.

Elementaris Calor invenitur etiam in non viventibus, ut in lapideis, metallis, &c. sed vitalis tantum in viventibus.

Qui oec elementaris nec celestis esse videtur sed terræ fere generis, & diversus ab utroque, si non specie saltem numero & ordine, cu causa efficiens; nam ignis est causa caloris elementaris, sol caloris celestis, sed ipsum semen viventis est causa caloris vitalis.

42. Calor Elementaris oritur ex Elementorum mixtione, & temperatione cujusque partis.

Calor Elementaris proficiscitur ab Elemento ignis, quatenus ingreditur Mixtionem & mixtum.

43. Non differt specie à calore vitali.

Quia, quorum operationes non differunt specie, ea ipsa principia non differunt specie: sed caloris Elementaris & vitalis operationes non differunt specie; Ergo.

44. Calor vitalis animam in corpore conservat, ejusque instrumentum est ad vitales functiones obeundas.

Quid sit calor vitalis, in Annexo 12. pluribus dicitur.

45. Vitæ opposita est mors.

Scilicet, privativè, ut vita enim habitus est, ita Mors privatio ejus.

46. Mors est absentia aut dissolutio animæ à corpore ob extinctionem caloris vitalis.

Dissolutio, id est, ablatio:

Caloris vitalis, quia calor vitalis est vinculum quo anima corpori unitur, & unita manet.

47. Mors est vel naturalis vel violenta.

Mors dicitur naturalis, non respectu individuum, est enim contra eorum naturam, ut moriantur; sed quia & quatenus proficiscitur à principio interno: omne enim corpus naturale, quod vivit, in se habet etiam principium moris, quatenus constat ex pugnantibus qualitatibus, quæ tam diu pugnant, donec se invicem interemerint, unde sequitur Mors totius.

48. Naturalis, quæ fit per ultimam humidi resolutionem à calore naturali, qui, absumpto à se humido, tandem consumitur.

Quæ-

Quemadmodum in lampade oleum humidum consumitur à calore flammæ, donec absumpto humido & ipse calor flammæ exstinguitur quam exstinctionem sequitur exstinctio totius lampadis; sic in vivente, ubi humidum radicale consumptum est à calore nativo, tanquam oleum à flammâ, exstinguitur ipse calor, nam caret pabulo, quod erat humidum, uti oleum est pabulum flammæ, ac tum sequitur naturalis viventis Mors.

49. Violenta, cum per vim externam calor nativus extinguitur, ut à nimio frigore, à strangulatione, &c.

Quemadmodum aqua affusa igni ignem vi externa extinguit, ita in viventibus, quando frigore obfriegelcent, calor internus eorum à vi externa frigoris extinguitur, quæ est Mors violenta; nam violentum est, quod est à principio externo.

ANNEXA DE SPIRITU, CALIDO ET HUMIDO INNATO.

1. *Partes hominis sunt, vel extreme ac primæ, anima & corpus, quæ uniuntur, vel mediæ & secundariæ, quæ animam corpori & vicissim uniunt, suntque spiritus, calor nativus, & humidum radicale.*

Partes hominis Scholasticis dicuntur, aliz, ut quod, barbare, aliz, ut quo: illæ sunt partes constituentes compositum, hæ sunt id quo partes constituentes inter se uniuntur: anima & corpus sunt partes prioris ordinis, sunt enim ex, quæ ipsum vivens componunt; posterioris ordinis sunt spiritus, calor nativus, & humidum radicale, quæ sunt veluti quibus anima & corpus sibi mutuo uniuntur.

2. *Spiritus in corpore, viventi, est corpus, subtilis & aeræ tenuitatis, è sanguinis vapore & aëris permixtione genitum, universale facultatis vitalis & animalis organum, uniusque animæ & corporis vinculum.*

Spiritus in Philosophia fere significat tria: primo, substantiam immaterialem, sic Deus, Angelus, anima rationalis dicitur spiritus; 2. significat corpus subtile ac tenue, quemadmodum ventus dicitur spiritus, nam spirat. 3. significat accedens seu virtutem valde actuosam, agitabilem, mobilem, quomodo vis plastica seminis dicitur spiritus seminis: hic sumitur secunda significatione. Facultas vitalis, dicitur facultas

animæ vegetantis; facultas animalis, dicitur facultas animæ sentientis.

3. *Hic Spiritus, in toto corpore quoad substantiam idem, pro variis functionibus & variarum partium, in quibus nonnihil temperari videtur, natura, diversa sortitur nomina.*

Spiritus, de quo hic agitur, non est substantia alia aut specie distincta à sanguine, sed subtilior & tenuior ac mobilior pars sanguinis; & quemadmodum substantia sanguinis per universum corpus est eadem, differtque tantum hic & illic accidentibus; ita & spiritus per totum corpus diffusus ubique ejusdem est substantiæ, sed non eadem semper habet in se accidentia: unde diversa quoque accepit, in diversis partibus, sex, per nomina.

4. *Spiritus hic alius est insitus, alius influens.*

Institus spiritus vocatur quoque innatus, influens adventitius.

5. *Institus, qui ex primæ naturæ principiis (Semine & menstruo sanguine) in singulis membris relictus est.*

Semen & sanguis menstruus dicuntur, prima naturæ principia, scilicet generationis non compositionis: utrumque, quia ex sanguine descendit, suum sibi habet spiritum, ex quo inferitur & innascitur ipsi futuri spiritus, qui ideo institus & innatus dicitur.

6. *Influens, qui quotidie, propter continuam dissipationem, in corpore generatus, membris affluit, & accedit, insitum & primigenium reparans, conservans & augens.*

Quia spiritus institus perpetuo motu consumeretur, opus est ipsi aliqua restauratione, quæ ipsi fit per spiritus novos ex alimento desumpto genitos, qui producti influunt in spiritum innatum eum reficiendo.

7. *Influens spiritus materia adhuc in hepate rudior, nimirum, sanguinis ibi elaborati vapor tenuis & calidus, à quibusdam spiritus naturalis dicitur.*

Cum influens spiritus hic dividitur in naturalem Annexo 7. in vitalem. Annexo 8. in animale. Annexo 9. non est existimandum spiritus hosce esse specie distinctos, sed perfectione tantum & accidentibus sunt diversi.

Quia in hepate sunt sanguinis novi rudimenta, quæ pars sanguinis cum primo incipit elaborari in jecore, subtilior ac tenuior est alia, illa dicitur spiritus naturalis.

8. In corde vero, copia illa halituum subtilium & flammule instar accensorum è sanguine magis attenuato & probe concocto, cum admixto & contemperato aere, per inspirationem aucto, virtute sinistri cordis ventriculi elaborata, & inde per arterias in totum corpus diffusa, dicitur spiritus vitalis.

Cum sanguis ex jecore delatus est ad cor, per calorem cordis maximum elaboratur adhuc plenius ac perfectius, & sic elaborati ejus pars tenuior & subtilior, per omnes corporis partes diffusa, dicitur spiritus vitalis.

9. Hic spiritus vitalis per cervicis arterias sursum ad cerebrum latus, in plexum retiformem aut ipsos cerebri ventriculos, vel motu cerebri, vel vi ac proprietate spiritus cerebro ingeni, ut alii volunt, cum aere per nares attracto contemperatus ac mixtus, dici solet animalis.

Quando spiritus vitalis delatus est ad cerebrum, novo ibi modo afficitur, & liceat sic loqui, qualificatur; atque ibi vocatur spiritus animalis, quia inservit ibi functionibus animalibus, id est, sensitivis exercendis.

Plexus cerebri retiformis dicitur, quia situs cerebri rete representat.

10. Spiritus universus est subiectum & vehiculum caloris innati.

Spiritus universus dicitur hic quasi spiritus tum insitus tum influens.

Calor innatus dicitur, qui ex semine & sanguine menstruato in foetu nascitur eo modo, quo spiritus innatus.

11. Calor in corpore humano est, vel insitus, vel influens.

Termini hi caloris insitri & influentis eo sensu sumuntur, quo dicuntur de spiritu ante.

Spiritus insitus & influens differt à calore insito, & influente, quod ille sit substantia, hic accedens.

12. Insitus est, qui toti corpori singulisque ejus partibus ab ipso ortu inest: eumque fixum vulgo vocant & primigenium.

Calor insitus hic idem est, qui Annexo 10. vocatur innatus.

13. Influens est, qui ex corde (caloris & spiritus quasi officina) insitit illius caloris conservandigratia, in cæteras partes, per arterias, tanquam canales, diffunditur.

Quemadmodum spiritus influens reparat insitum, ita calor influens restituit calorem insitum.

14. Ex spiritu & calore componitur calidum innatum.

Calidum itaque innatum est aliquid compositum ex substantia & accidente, spiritus enim substantia, est adeoque ipse sanguis subtilior calor accedens est.

15. Itaque calidum innatum est corpus compositum ex spiritu ut subiecto & calore ut adjuncto.

In hoc calido innato consistit vita totius tantum in causa.

16. Caloris innati pabulum, quo fruitur, est humidum.

Quia calor est maxime activus, debet habere aliquid in quod agat, quod consumat ac depascat, illud vero est humidum, non aquosum, sed oleaginosum: quemadmodum in lampade calor flammæ consumit oleum, atque oleum est pabulum, quo flamma nutritur; ita calor innatus consumit humidum oleaginosum, quod est pabulum, quo ipse calor nutritur.

17. Humidum illud est vel insitum vel adventitium.

Humidum insitum vocatur etiam innatum.

18. Insitum, à semine & sanguine menstruato ortum, corpori ab ipsa conformatione inest. Solet dici Radicale & Primigenium.

Quia semen & sanguis menstruus non tantum spiritum aliquem in se habent ac calorem, unde in foetu oritur & spiritus & calor insitus, sed quia utrinque insuper est humidum, etiam corpori viventis gignendo, ab ipsa conceptione & post nativitatem inest aliquod humidum, quod ex semine & sanguine menstruato humidis provenit, & quia ab initio inest, vocatur humidum nativum radicale & primigenium.

19. Ad-

19. *Adventitium, humoris infiti reparandi gratia ab alimentorum utiliore parte proficiscitur.*

Quia humidum radicale perpetuo depascitur à calore nativo, facile illud consumetur, nisi restauraretur ab adventu novi humoris, qui gignitur ex alimentis assumptis, in quibus, uti qualitates ceteræ, ita & humiditas inest.

20. *Radicale humidum, ab infantia est maximum, minus ætate conficiente, minimum in senectute: causa est, quod calor innatus illud perpetuo depascat.*

In infantia calor nativus est imbecillior, humidum radicale abundantius, quia infans temperies est humidior: in ætate virili calor nativus maxime crescit, humidum radicale non ram est abundans, quia temperies tunc est siccior,

utrumque ramen est moderatum: at in senectute calor nativus minor est, quam ætate virili, sed humidum radicale est maxime exiguum, quia senum temperies est maxime siccæ.

21. *Ut autem ab ipsa nativitate humidum radicale ad obitum usque decrescit, ita contra adventitium in initio crescit, deinde conficit, postea una cum radicali paulatim deficit.*

Quod humidum radicale à nativitatis momento ad mortem usque decrescat perpetuo, fit quia calor nativus fortior est in agendo quam humidum radicale in resistendo:

Humidum adventitium in infantibus magis crescit, quia infantes sunt voraciores & plus alimenti assumunt: in viris consistentiam aliquam habet, quia illi moderatius aluntur: in senibus maxime deficit, quia senes alimenti minus ac minimum assumunt.

THESIUM PHYSICARUM SECUNDUM PERIPATETICOS.

Disputatio Undecima,

DE

A N I M A S E N T I E N T E.

T H E S I S I.

Anima sensitiva est, qua animal sentit, appetit & locomovetur.

Definitio hæc est à posteriori & ab effectis.

2. Itaque ejus facultates sunt, cognoscitiva, appetitiva, locomotiva.

Hæ facultates non distinguuntur re ipsa ab animæ essentia nec inter se.

3. Non quod in omni animali omnes reperiuntur hæ facultates.

4. Nam in imperfectioribus sæpe deest locomotiva.

5. Sed quod in perfectioribus saltem reperiuntur tres.

Dantur quædam animalia, quæ se loco non movent, quia habent sibi præsens alimentum, quo nutriuntur: cujus generis præsertim sunt quædam Zoophyta: nam quæ non habent sibi

præsens alimentum, ea loco moventur ut alimentum conquirant, quo appetitui satisfaciant.

Zoophyta sunt vivientia mediæ naturæ inter animalia & plantas, qualia tuppibus marinis sæpe adherent immobiliter.

6. Anima sensitiva sine vegetativa esse nequit.

Ratio est, quia sensitiva anima operationes suas animales exercere nequit, nisi in subiecto viventi: at subiectum vivens nullum est, nisi per animam vegetantem.

7. Et, quando ei adest, si non sit ordinata & idonea ad suscipiendam animam rationalem, est forma brutorum.

Ex hac thesi liquet, esse animam sentientem duplicis ordinis: unam, quæ est forma ultima, neque apta ad formæ nobilioris susceptionem, qualis est Brutorum; alteram, quæ est forma subordinata, apta ad formæ superioris susceptionem,

prionem, qualis est anima sentiens in fœtu humano.

8. Facultatum prima est cognoscitiva, quam sensum vocamus.

Cognoscere vox est generalis, & significat quacunquē ejuscunquē rei perceptionem, si ve fiat mediis & organis corporis, qualis est sensus, si ve fiat absque adminiculo corporis, qualis est intellectus.

9. Sensus vox interdum ipsam animæ sensitivæ facultatem, interdum ipsam tensionem significat.

Cum dicimus sensum minui, vel roborari, intelligimus facultatem sentiendi: cum dicimus sensum fieri per species, intelligimus actum sentiendi.

Nomina verbalia in iis interdum significant actum primum, interdum secundum.

10. Hic sumitur à nobis pro facultate.

11. Et definitur, facultas organica, objecta sensibilia apprehendens ac cognoscens.

Sensus vocatur facultas organica, quia pro subiecto habet organum, id est, aliquam portionem corporis, sine qua operationem suam exercere non posset:

Objecta vocantur sensibilia, quæ apta sunt, ut sensus moveantur.

12. Hæc ut in actum deducatur, requirit objectum, species, medium & sensorium.

Liquet hinc sensum esse potentiam passivam, quia debet in actum deduci passive: causa efficiens sensationis est objectum, quod sensum movet.

13. Objectum sensus est, id quod movet sensum & ab eo percipitur.

Objectum sensus non tantum hic est, quod sensum terminat, sed & quod sensum ad sentiendum excitat, ac movet; ut sit hic & terminativum & motivum.

14. Estque singulare & materiale.

Ratio est, quia singulare & materiale solum est accidentibus sensibilibus præditum.

15. Universale enim & immateriale ab intellectu percipitur.

Hæc thesis non negat singulare & materiale ab intellectu quocunque percipi, sed significat non percipi tantum; nam præter hæc duo, etiam universalia & immaterialia intelliguntur, quæ tamen sensu non percipiuntur.

16. Itaque à Brutis cognosci neutrum potest.

Ratio est, quia bruta carent intellectu.

17. Objectum sensus est vel per se sensibile, vel per accidens.

Est hæc divisio receptæ & immediata.

18. Objectum sensibile per se est, quod primo per se & non interveniente alio sensum afficit.

Exemplum est, calor respectu visus, qui nullo alio intercedente visum afficit.

19. Objectum sensibile per accidens est, quod alio objecto interveniente sensum afficit.

Exemplum est, Petrus aut Paulus qui videtur medio colore.

20. Objectum sensibile est vel proprium vel commune.

Et hæc divisio est immediata.

21. Proprium, quod uno tantum sensu percipitur.

Ita singuli sensus habent objecta sibi propria, visus colorem, auditus sonum, &c.

22. Commune, quod duobus pluribusve sensibus percipitur.

Objecta communia sunt fere hæc, magnitudo, numerus, distantia, figura, motus, quies.

23. Ut objectum agat in sensum eumque immutet, requiritur species & medium.

Ratio thesæos est, quia nihil agit in distans: quandoquidem autem objectum non accedit ad organum, debet aliquid esse medium, per quod objectum organo approximeetur, hoc est, species, id est, imago objecti & medium, id est, illius imaginis subiectum & receptaculum.

24. Spe-

24. Species est qualitas intentionalis objectum representans.

Species dicitur ab antiquo verbo *specio*, & significat id per quod videmus, sed per Synecdochen speciei translata est vox ad significandum in genere id quo aliquid vel sentitur vel cognoscitur, unde species alia est sensibilis, alia intelligibilis: qualitas dicitur, in realem & intentionalem; realis dicitur, quæ invenitur in re ipsa, uti calor est qualitas realis parietis; intentionalis vocatur, quæ intenditur. hoc est, assumitur ad qualitates reales percipiendas ac cognoscendas.

Notandum vero est, ipsas species non sentire, omnia tamen sentire per eas; ideoque sunt objectum quo sensationis, non objectum quod.

Neque enim videtur imago, quæ oculo colorem representat, sed ipse color per imaginem.

25. Vocatur qualitas intentionalis, tum quia sensum movet eumque intendit, tum quia à qualitate materiali & subjecti sui essentia distingueretur.

Dicitur species sensibilis sensum intendere, quatenus eum facit actu sentire:

Qualitas realis dicitur materialis, quia est in subjecto materia prædito, & ab illo fluit; sed intentionalis non ita à materia dependet.

26. Dari species sic evincitur, quia objectum non potest movere facultatem, nisi cum illa uniatur.

Ratio thesæos est, quia in omni actione requiritur debita approximatio agentis ad patiens, sine qua nulla fit actio.

27. At non unitur cum facultate secundum esse reale.

Hoc est, objectum ipsum non transit ad facultatem sentientem; sic non transit color in oculum.

28. Ergo secundum esse intentionale, id est, per species.

Species sunt effluvia objectorum sensibilem ab objectis emanantia, & in aëre recepta argue ad organum delata, ibique objectum representantia.

29. Species ab objecto emanant, eo fere modo, quo proprietates à forma.

Sensus est, quod objectis sensibilibus positis statim ponantur in aëre & ipsæ species seu simulastra rerum sensibilem in aëre recepta.

30. Itaque nullus est sensus agens, à quo species in præsentia objecti efficiantur.

Sensus agens dicitur vulgo, qui faciat species resultare ab objectis suis; sed eo non est opus, quia talis est natura objectorum sensibilem, ut sponte sua de se diffundant, seu simulacra, seu representamina.

31. Sed species ab objecto naturali necessitate fluunt & quaquaversus per medium propagantur.

Dicuntur species fluere ab objecto naturali necessitate, quia in specierum emanatione ab objecto nulla prævia est consultatio.

Diffunduntur per medium ab unoquoque puncto objecti in omnes partes, quemadmodum lux candelæ in circulum vibratur quaquaversum.

32. Medium dari ex eo liquet, quia objectum positum supra organon seu sensorium nullam faciet sensationem.

Ratio hæc, si non in omni sensu vera est, vera saltem est in visu, sensu nobilissimo, & foras in aliis.

33. Medium illud positum inter objectum & organon non debet esse vacuum.

Vacuum dicitur, quod omni corpore est nudum; tale nullum datur.

34. Nam in vacuo nihil sentiri potest.

Ratio est, quia ad omnes operationes inferiores, atque adeo ad sensationes, requiritur influxus Cæli: atqui hic dari non potest, posito vacuo.

35. Sed substantia quæ apta sit recipiendis & propagandis speciebus.

Ratio: est, quia medium debet esse subjectum recipiens species.

36. Medium vel est internum vel externum.

Vocatur medium internum, quod in ipso sentiendi organo invenitur; externum, quod extra illud reperitur.

37. Internum est pars animalis sensus expers, quæ organon est vestitum ac tectum.

Sensus expers, id est, carens isto sensu, quod prædita est pars illa sentiens, in qua est sentiens organum.

38. Externum est corpus interjectum inter objectum & animal quod sentit.

Hoc corpus debet esse idoneum speciebus & recipiendis & traiciendis.

39. Medium externum in solo visu est necessarium;

Ratio est, quia solus visus non potest repleri immediate colore aut luce, sic ut ipse videat alium colorem aut aliam lucem.

40. In auditu & olfactu esse potest.

41. Quando scilicet aliquid e minus auditus & olfactus.

Ratio est, quia eominus, hoc est, in propinquo, potest ipse sonus & ipse odor subintrare aures & nares, & tum medio externo non est opus, sed è longinquo sive e minus omnino eo opus est.

42. Sed non est necessarium.

43. In gustu & tactu non habet locum, sed tantum medium internum.

Dicitur in gustu & tactu nullo opus esse medio externo, quia ipse sapor & qualitas tactilis realis organum penetrat: interim opus est medio interno, quia non potest organum gustus, uti gustet, esse infectum isto sapore quem gustavit, nec organum tactus potest esse infectum qualitate tactili in isto gradu, quo eam percipit.

44. Species in unaquaque parte medii representant totum objectum.

45. Quia sunt in representando indivisibiles.

Species duobus considerantur modis, aut in natura sua, aut in representando: in natura sua nec sunt divisibiles nec indivisibiles, quia esse divisibile aut indivisibile tantum convenit entibus realibus, qualia non sunt species sensibiles: ut vero in representando sunt indivisibiles, quia non respondet pars aliqua speciei sensibilibus par-

ti ipsius objecti, sed quæ species ab objecto sensibili emanant, receptæ in minutissima parte auris, totum representant objectum; unde etiam species objecti distulantur in circuitum, ad instar radiorum solis, aut lucis in candela.

46. Nec species ipsæ sentiuntur.

Gravis quaestio est, an non ipsæ species sentiantur? multi enim putant ipsam speciem visibilem objecti representati apparere in speculo & videri: alii dicunt, species viridis coloris foliorum videri, in manu aut linceo, aut papiro alba. Peripatetici tamen existimant nunquam species esse objectum quod videtur, sed tantum instrumentum, quod sentione fit.

47. Sed objectum sentitur per species.

Non tamen objectum sentiri videtur per species in omni sensu, nam in tactu saltem videtur sentiri ipsa qualitas realis, calor puta, aut similis sine specie.

48. Quia species movere possunt sensum, terminare non item.

Id est, species possunt excitare sensum ad sentionem, sed non potest sentiri terminari seu finire in ipsis speciebus. quasi illæ sentiantur, nam objecta per illas sentiuntur.

49. Hinc cum objectum lædit organon, non est illud à specie, sed à qualitate, quam una cum specie objectum producit.

Species sensibilis, cum sit qualitas intentionalis, non potest effectum edere realem, ideoque nec organum potest lædere; sed quando illud læditur, est hoc ab ipsa qualitate reali, quemadmodum oculus læditur à nimia luce.

50. Organon sensus est determinata pars corporis, in qua objectum sensibile recipitur.

Objectum sensibile recipitur in organo, non per se, sed per speciem sui.

51. Nulla pars corporis ad id est idonea, nisi peculiari modo sit figurata, disposita ac temperata, sic quidem ut à facultate sensitiva informari possit tanquam instrumentum sentionis.

In facultatibus materialibus, quæ in operando in totum à materia dependent, multum refert quomodo sint partes organi figuratæ, dispositæ,

positæ, ac temperatæ; neque enim quælibet corporis pars, ad quælibet operationes animæ sentiæntis, est idonea.

52. Pars ergo corporis secundum substantiam spectata, est subiectum sensus & sentiæntis.

53. At secundum facultatem sentiendi in se residentem, est instrumentum animæ ad sentiendum.

Eadem corporis pars, & subiectum & instrumentum est sensus ac sentiæntis: subiectum quidem, quatenus potentia sentiendi inest ei, & quatenus sensu in ea recipitur: instrumentum vero, quatenus anima sentiens illa parte corporis utitur, tanquam adminiculo, sine quo non potest operari.

54. Organon sensus debet esse convenienter dispositum & vacuum ab ea qualitate quæ sentiiri debet.

Aliquis hic obijciat, oculum non esse vacuum colore, qui videri debet, & tactus organon non esse vacuum à calore, qui tangi debet: respondeo, ad prius, istam partem oculi, quæ nempe est tunica retiformis, & instrumentum videndi, esse expertem coloris: ad posterius, esse quidem calorem in organo tactus, sed non isto gradu exsuperanti qui à tactu deprehenditur; si enim par caloris gradus esset in organo tactus, qui est in objecto tactili, tactus non tangeret objectum suum.

55. Organon sensus est vel proprium vel commune.

56. Proprium, quod uni tantum sensui inservit.

Organon proprium in visu, oculus est, quia oculo tantum videmus, non auribus &c.

57. Commune, quod pluribus sensibus inservit.

Organon commune dicitur, quia recipit species sensibiles singulorum sensuum, & eas disjunct.

58. Hoc est cerebrum.

In cerebro omnes species sensibiles omnium

sensuum exteriorum recipiuntur, atque ibi discernuntur & dijudicantur.

59. Quia est origo nervorum & officina spirituum animalium.

Quod nervi à cerebro & non à corde originem trahant, ipsa docet experientia, atque autopsia: vocatur cerebrum officina spirituum animalium, quia spiritus vitales à corde ad cerebrum delati ibi perficiuntur & elaborantur, ut inservire valeant functionibus sensuum exercendis.

60. At hæc duo in organo aut sensorio requiruntur.

Quia species sensibiles per nervos à spiritibus animalibus ex propriis organis deferuntur ac devehuntur ad cerebrum.

61. A cerebro derivantur nervi sensorii in organa propria.

Anatomia demonstrat, nervos visorios, auditorios, reliquosque ab ipsa cerebri substantia deduci ad organa sensuum propria, oculos, aures, &c.

62. Per hos nervos commeant spiritus animales ad organa propria.

Nervi isti habent suas fibras aut fibrillas, & sunt spirituum animalium velut vasa, quæ admodum spiritus animales sunt vehiculum speciem sensibilibus.

63. Sensus sunt vel interni vel externi.

Divisio hæc sensuum desumpta est à subiecto, in quo sunt, quod aliud est intra caput, aliud extra id.

64. Interni resident in cerebro.

Ratio est, quia cerebrum intus est in capite hominis, atque intra illud.

65. Externi resident in aliqua parte corporis externa.

Oculus, auris, reliquæque organa sensuum exteriorum possunt deprehendi in exterioribus partibus corporis.

THESIUM PHYSICARUM SECUNDUM PERIPATETICOS,

Disputatio Duodecima,

DE

V I S U.

THESIS I.

Visus, est sensus inter externos nobilissimus.

Alia est necessitas, alia nobilitas sensuum: quoad necessitatem, tactus superat ceteros, est enim omnium maxime necessarius, utpote sine quo vita animalis consistere nequit; sed sine visu, auditu & ceteris, vita servari potest: quoad nobilitatem vero, visus est omnium sensuum primus.

2. Quia ejus actio est celerrima & maxime immaterialis.

Ratio est, quia species visibiles sunt maxime immateriales & ab omni terrestri crassitie puriores.

Quo enim aliquid est à matetia purius & liberius, eo movetur celerius.

3. Objectum ejus, sunt omnia, quæ radiandi vim in se habent.

4. Radiare, est speciem sui recta linea diffundere.

Radiare proprie est radium lucis emitte, quo sensu proprie competit Soli: hic vero significat imaginem sui, seu speciem visibilem, de se, per aërem fundere, & ad oculum transmittere: fit autem radiatio in circulum sive orbem, quæ enim radiant ab omni parte sui rados ejiciunt.

Quemadmodum candelæ lux lumen suum spargit in omnes partes circumjacentis spatii.

5. Radiant lux seu lumen & color.

6. Lux seu lumen per se radiat, color non sine luce aut lumine.

Color non radiat actu, sine luce aut lumine, quia non videtur sine his: lux enim, seu lumen, est id, quo colores ipso actu videntur; ideoque de nocte nullos videmus colores.

7. Lux est, quæ manet; in corpore lucido.

Lux est propterea corporis lucidi, ideoque ab eo non migrat.

8. Lumen, quod diffunditur ad alia corpora.

Lumen est, quod à luce corporis producit in aëre, aut alio corpore perspicuo: itaque non communicatur subjective lux corpori alteri, sed corpus lucidum efficit in corpore alio lumen per lucem suam, quemadmodum calor gignit calorem.

9 Lumen est effectus emanans à Luce.

Lumen à luce emanat, sed à corpore lucido productur ut à causa activa.

10. Lumen non est corpus.

Quia lumen tum constaret materia & forma, at vero iis non constat.

11. Sed est qualitas corporis luminosi à corpore lucido producta.

Distingendum corpus luminosum à corpore lucido: hoc dicitur, quod in se atque ex natura sua lucem habet, ut Sol: illud vero, quod ex se eam non habet sed aliunde accipit, ut aër.

12. Si lumen corpus esset, daretur corporum penetratio.

Ratio est, quia lumen penetrat aërem; atqui aër corpus est.

13. Lumen magis est visibile ut quo, quam ut quod.

Color est visibile ut quod, quia visionem terminat, ut objectum: lumen dicitur visibile ut quo, quia fere est instrumentum videndi coloris.

14. Lumini privative opponuntur tenebræ.

Ratio

¹ Ratio est, quia tenebræ nihil significant positivum.

15. Lumen & tenebræ versantur circa idem subjectum.

Ratio est, quia privatio & habitus versantur circa idem subjectum. scilicet, successive non eodem tempore, ut visus & cæcitas circa oculum.

16. Cum lumen est actu, tenebræ sunt potentia, & contra.

Ratio est, quia opposita non possunt simul esse actu in eodem subjecto: ac lumen & tenebræ sunt opposita: ergo.

17. Color est extremitas perspicui terminati.

Extremitas, id est, superficies, sive plana, sive concava, sive convexa: perspicuum est illud, quod species visibiles trajicit ac transmittit; quod sinitur ad certos terminos. & non nimis condensatur, dicitur perspicuum terminatum.

Quemadmodum si aëris, qui totus est perspicuus, aliqua pars densetur, illa pars densata sistet & terminabit perspicuitatem, unde recte dicitur perspicuum terminatum, & colorem aliquem in se recipiet, quem ante non habuit.

18. Terminatum enim perspicuum habet colorem in superficie, non tamen tantum.

Sic ut color nihil aliud videatur esse quam lux aut lumen condensatum & variis modis ac terminis terminatum.

19. Color ille superficiei, visum terminat, sui speciem per corpus luminosum ad oculos transmittendo.

Dicitur color visum terminare, quatenus actio videndi sinitur, finitur, & sistitur in colore.

20. Perspicuum vocamus, quod habet partium tenuitatem transparentem, & quod lumen & colores recipere natum est, ut aër.

Perspicuum dicitur aliis pellucidum, quia lumen & colores non ibi sistuntur, sed per illud ac trans illud transmittuntur ac trajiciuntur.

21. Corpora densa lumen aut colorem non transmittunt.

Corpora densa, scilicet, omni modo; nam corpora quædam etiam densa, seu paululum tantum, lumen aut colorem transmittunt, uti vitrum & crystallus.

22. Color generatur ex condensatione perspicui cum admittance opaci.

Opacum dicitur corpus, per quod nullum lumen pertransit, & opponitur perspicuo.

23. Fit enim corpus coloratum, cum desinit esse pervium.

Sic materia calis, cum ob sui condensationem desinit esse pervia, scilicet luci aut colori transmittendis, sit stella, corpus coloratum, ac tum videtur.

24. Alia magis, alia minus sunt colorata, prout vel plus habuerint vel minus opaci, in admittance.

Cum plus est opaci quam perspicui, color ad nigrum magis accedit: contra, cum plus est perspicui quam opaci, magis vergit ad album: & hinc perenda est ratio colorum mediorum, quorum aliqui magis albicant, alii magis nigricant.

25. Et hinc est colorum varietas.

26. Ignis, aër, aqua, sunt perspicua, terra opaca est.

27. Hoc intelligendum est comparative.

Terra dicitur opaca, non quasi omnis lucis sit expertus, sed quia minus lucis habet quam Elementa cætera & plus opaci, nisi quod circa centrum censetur omni luce carere: aqua dicitur perspicua, non quasi sit expertus omnis densitatis, sed quia plus habet perspicui, quam opaci; sic ignis quoque & aër, licet, quia Elementa sunt impura, non omni careant opacitate, magis tamen sunt perspicua, quam opaca.

28. Ignis est maxime perspicuus, post hunc aër, aqua minus, terra minime.

Habent tamen omnia Elementa propter naturæ suæ impuritatem aliquid opaci & aliquid perspicui.

29. Ignis, si condensetur, paululum splendescit.

Id videre est in flamma.

g 2

30. Aër,

30. Aër, & aqua, si condensantur, albes-
cunt.

Sic videmus glaciem, quæ non est nisi aqua
condensata, albam esse.

31. Terra propter opacitatem plane est ni-
gra.

Quia perspicuum illud est, quod est in terra, tam
est exiguum ut sece nihil sit.

32. Color, etsi in superficie corporis colo-
rati visum terminat, non tamen ideo est in
sola superficie.

33. Sed color etiam in interioribus & me-
dio corporum est.

Paret veritas, si corpus coloratum in suas
partes dividatur, tum enim apparebit, in mediis
partibus corporis colorati videri quoque co-
lores.

34. Quia mistio perspicui & opaci non
tantum in superficie, sed & in intimis parti-
bus corporis datur.

Ratio est, quia quilibet pars corporis mixti
est mixta.

35. Color iste interior potentia est visibi-
lis, non actu.

Color partium Internus in corpore colora-
to actu videri nequit, quandiu partes non sunt
à se invicem separatæ, sed, facta separatione,
actu videntur.

36. Nec actu videtur nisi præsentī lumi-
ne.

Ratio est, quia medium in visione debet esse
illustratum.

37. Lumen tamen non est interna coloris
forma.

Lumen non facit colorem esse colorem, sed
facit colorem videri, qui ante non videbatur.

38. Sed est actus objecti colorati, quo actu
videtur.

Actus hic non significat formam, sed id quod
afluat, id est, quod colorem, visibilem in po-
tentia, reddat actu visibilem, id est, facit actu
videri.

Potest existere actus aliquis seu forma, licet
non actus, id est, licet actu non operetur,
quemadmodum ignis actu existit sub cinetibus,
licet non calefaciat.

39. Lumen facit colorem actu videri, dum
illuminat medium.

Sive illuminetur medium à corpore lucido,
extra se constituto, quemadmodum aer illumi-
natur interdiu à Sole, sive illuminetur à luce
organi, quemadmodum de nocte illuminatur
aër à luce oculorum in felibus.

40. Medium, quod à lumine illustratur, est
corpus interjectum inter visum & objectum.

Et ideo vocatur medium, quia interiacet me-
dio loco inter organon videndi, ad rem quæ vi-
detur.

41. Hoc non tantum est aër, sed & aqua, &
vitrum, & crystallus, & omnia transparentia.

Quia per ista omnia videmus, nam species
transiunt.

42. Identitas & diversitas medij non pen-
det ab identitate & diversitate essentia, sed à
perspicuitatis gradu.

Est quidem aër divisa essentia ab aqua, sed in
quantum utrumque est medium videndi, essentia
diversitas non spectatur, sed consideratur discri-
men graduum in perspicuitate, scilicet, quod
aër sit magis perspicuus, aqua minus.

43. Medium est causa visionis sine qua
non.

Quia sine medio nulla potest fieri visio; nam,
si objectum imponatur oculo, res non videtur.

44. Itaque, ad visionem requiritur, & lu-
men, & aliquod intervallum corporis perspi-
cui & illuminati, quod interpositum est inter
objectum & visum.

Visio ut fiat, requiritur & objectum, & or-
ganum & corpus inter utrumque medium, &
lumen in eo, & distantia ejus ab organo.

45. Hinc, si corpus coloratum proxime
admoveatur oculo, non videbitur.

Proximè, id est, ut objectum attingat ipsum
organon.

46. Vi-

46. Visionis organon est oculus.

Quia in oculo fit visio, & ibi species visibiles recipiuntur.

47. Oculus constat sex musculis, quinque tunicis, tribus humoribus, & nervo optico.

Musculi sunt, qui faciunt oculum moveri: tunicæ humores ambianus; nervus opticus oculi substantiam jungit cerebro, estque decussatus, nam qui a sinistro est oculo decussatim jungitur ei, qui a dextro est, ac vice versa; videatur oculi cum suis partibus pictura apud Eulachium in Physicis.

48. Ex his, visionis organon proprium est tunica retiformis seu retina.

Humor Crystallinus non est Organum visionis, ut vulgo exilliman, quia transparet, & species visibiles transmittit: at vero ista parte oculi fit visio ubi species visibiles sistuntur: at hoc fit in tunica retiformi, quia hæc opaca est, & nigricans, quemadmodum representatio rei in speculo, non fit in vitro, quia hoc species transmitteret, sed in argenteo vivo quod species sistit, unde argenteo vivo ablato, nulla fit rerum representatio in speculo: dicitur vero hæc tunica retiformis aut retina, quia refert prope modum rete.

49. Quia in ista tunica species visibiles in oculum illapsæ figuntur.

50. Visio fit specierum receptione, non radiorum emissionem.

Quia oculum consumeretur, si perpetuo tot eijceret radios, & visio fieret extra oculum, non in oculo.

51. Recipitur species per pupillam.

Per pupillam, scilicet, ut eam transeat.

52. Species rerum per pupillam ingressæ, oculi humores trajiciunt, impinguntur autem & hærent in retina tunica, cujus partes cum obscuræ sint & tenebrosæ, pingunt istam tunicam species, quæ pictura, objectum extra oculum, oculo representant: & sic fit visio.

Quemadmodum res extra conclave aliquod constitutæ per unicum foramen fenestræ lignæ representantur in papyro alba, conelavi ipso undique clauso: ita res extra oculum collocatæ, per pupillæ foramen intra oculum admittæ ibi representantur, & representatæ oculum per sui speciem quasi pingunt, & sic ab eo videntur, si enim talis chatra aut etiam speculum animata forent, viderent.

A N N E X A.

1. *An visus circa objectum proprium errare possit? Neg.*
2. *An circa objectum per se? Neg.*
3. *An circa commune & per accidens? Aff.*
4. *An visus ab excellenti visibili lædatur? Aff.*
5. *An visu possit fieri fascinatio & contagio? Neg.*
6. *An visus sit homini perfectissimus? Aff.*
7. *An visus possit terram penetrare? Neg.*
8. *An quibus præstantior est odoratus, sit visus semper deterior? Neg.*
9. *An visus aquilæ & bovis differant specie? Aff.*
10. *An angustia pupillæ faciat res videri majores & dilatazio minores? Neg.*

THESIUM PHYSICARUM SECUNDUM PERIPATETICOS.

Disputatio Decima - Tertia,

D E

AUDITU, OLFACU, GUSTU, TACTU, &c.
SENSU INTERNO IN GENERE.

T H E S I S I.

A Uditus, est sensus externus circa sonum.

Sensus & potentia omnis non potest definiri melius quam per genus & objectum; sic & hic definitur auditus.

2. Sonus, est qualitas orta ex plaga aëris percussæ & impulsæ.

Sonus nec prima est qualitas nec secunda: non prima, quia non est proprietas Elementorum; non secunda, quia non oritur ex commistione caloris & frigoris, humiditatis & siccitatis:

Errant, qui putant ad sonum requiri semper aëris fractionem, hæc enim in multis invenitur sonis, sed non in omnibus; sufficit enim in multis aëris percussio atque impulsio.

3. Plagam accipit aër, cum inter duo corpora plana, solidâ, lævia, inter se collisâ, intercipitur.

Corpora hic dicuntur plana, quæ sunt Jata, & superficiem habent, vel proptie planam vel concavam vel convexam: Solida, id est, dura, nam mollia corpora mollibus collisâ sonum non edunt, ut si plumam plumâ illidat: lævia, nam inter corpora polita & superficiei æqualis melius aër intercipitur, quam inter corpora glabra aut scabra.

4. Itaque, sonus non est proprie in corporibus percutientibus sed in aëre percussio.

Si sonus foret, in sonibus in corporibus insufficentibus, unum accidens foret in duobus subjectis: atqui hoc est absurdum: Ergo.

5. Aër acceptâ plagâ undiquaque concutitur.

Concussio aëris in orbem fere fit in circulum, unde sonus undiquaque auditur.

6. Hæc concussione ad aliquam distantiam propagatur sonus.

Scilicet, quo usque aër concutitur eo usque defertur sonus: at non concutitur in infinitum; ergo nec in infinitum defertur sonus.

7. Itaque, sonus dicitur motus non formaliter sed causaliter.

Si sonus foret motus formaliter, esset actio: atqui non est actio, sed qualitas: ergo; Interim motus aëris percussus est causa soni, unde hæc definitio soni, quod sit motus aëris, est causalis.

8. Sonus propagatur secundum esse intentionale per species.

Id est, non ipse realis sonus ad aures usque defertur, sed ejus species, id est, imago in arte recepta.

9. Hæ species sunt materialiiores, quam species visibiles.

10. Hinc res citius videtur quam auditur.

Exemplum est, in explosione bombardæ, & ronitru ac fulmine, ubi utrobique citius videtur lumen, quam auditur sonus.

11. Cum sonus, aut potius soni species, in cavum corpus incidit, repercutitur.

Repercutitur, id est, redit, quemadmodum lumen polito corpore reflectitur, aut pila reticulo rectorum revertitur.

12. Ista repercussio, Echo dicitur.

13. Itaque, Echo non est novus sonus, sed sonus repercussus.

Quemadmodum lumen reflexum non est novum ab eo quod primum in corpus positum incidit, sic idem sonus in cidentis in corpus cavum reverberatur.

Repercussio soni plerumque quidem fit, quia in corpus incidit cavum, sed & nonnunquam fit cum sonus incidit in corpus planum. inodo illud fit è regione oppositum corporibus sonantibus.

14. Cum sonus in unicum corpus reflexioni idoneum incurrit, unica est Echo, aut repercussio; si in plura, est multiplex.

Reflexioni, id est, repercussioni, aut motioni tetragradæ.

15. Organon Auditus, non est aër innatus, sed pars aliqua interior auri, quâ nervo Auditorio conjungitur.

Quænam pars interior auri proprie sit immediatum organon audiendi, non est valde certum.

Aër innatus vocatur hic, qui à nativitate inest auribus animalium, æstque non semper idem, sed per varios motus variatur, semper tamen auribus inest aliquis.

16. Olfactus est sensus externus circa odorem.

Olfactus alius dicitur odoratus.

17. Odor,

17. Odor, est qualitas patibilis misti corporis, orta ex temperatura qualitatum primarum, dominante calido & sicco.

In odore omnes quidem concurrunt qualitates Elementares, sed calor & siccitas prædominantur; unde videbimus illa corpora esse maxime odorata, quæ sunt maxime sicca & calida, quod liquet ex aromatis, pipere, zingibere.

18. Medium, per quod odor defertur, est ær & aqua.

Quod ær sit medium, per quod odor vehitur, liquet tempore pestis, cum odoribus foetidis est inquinatus: quod aquæ quoque odores deferat, ostendit, liquet ex piscibus, qui sub aqua odorantur escam aut simile quod injectum in aquam.

19. Diffunditur odor per medium secundum esse intentionale, id est, per species.

Ita quidem plerumque fit, sed non semper, nam interdum odor realis defertur ad nares, quod liquet cum ipse nasus odore aliquo seu bono seu malo repletur.

20. Organon olfactus sunt processus mamillares in superiori parte narium siti.

Processus vocantur mamillares in naso, quia sese habent, sicut mamilla mulierum.

21. Gustus, est sensus externus circa saporem.

22. Sapor, est qualitas patibilis corporis mixti, orta ex humidi aquei prædominantis & sicci terre decoctione.

In sapore omnes quoque concurrunt Elementorum qualitates, sed prædominatur humidum aqueum & siccum terrestre: dicitur humidum aqueum, ad distinctionem humidi æreæ, quod propter tenuitatem suam non est idoneum ad saporem, per nimiam suam subtilitatem: notandum vero est ea, quæ sunt maxime humida, esse maxime sapida.

23. Sapores sunt vel extremi vel medii.

Quemadmodum colores alii sunt extremi, alii medii, qui ex extremorum mixtione oriuntur, ita & sapores quidam sunt extremi, qui inter se nihil habent commune, alii medii, qui ex extremorum compositione nascuntur.

24. Extremi, dulcis, amarus.

25. Dulcis, ex mediocri & temperato sicco terrestri & humido aqueo moderatoque calore producitur, ut in melle.

In sapore dulci qualitates sapide, id est, saporem efficientes, sere sunt resalæ ad aliquam temperaturam.

26. Amarum, ex multo sicco terrestri & paucum humido aqueo, per abundantem calorem gignitur, ut in felle.

In sapore amaro nimius calor humidum aqueum consumit, unde fit ut remaneat multum siccitatis terreæ, quæ amaritudinem inducit.

27. Sapores medii sunt, falsus, acer, austerus, acidus, &c.

Ex saporibus mediis, alii ad duleem, alii ad amarum propius accedunt, pro inquali extremorum mixtura, & temperatūra.

28. Organon gustus, sunt nervi linguz.

Nonnulli organon gustus faciunt cuspidem linguz, nec male, quia ibi maximus est nervorum in lingua concursus.

29. Odor & sapor in multis conveniunt, in multis differunt.

Ratio est, quia odor & sapor quasdam habent causas communes, quibus conveniunt, quasdam proprias, quibus differunt.

30. Conveniunt, quatenus uterque consistit in humido & sicco: differunt, quia sapor præsertim in humido, odor præsertim consistit in sicco.

Hinc est, quod humida magis sapiant, odorifera minus.

31. Conveniunt in materia sive subiecto: quia, quicquid sapidum est, est & odoriferum, & contrâ.

Datur tamen semper aliquis excessus saporis præ odore, aut odoris præ sapore.

32. Conveniunt in causâ efficiente, quæ utrinque est calor: differunt, quod in odore calor superet humorem, in sapore contrâ.

Calor in omni mixtione est causa efficiens.

33. Tactus,

33. *Tactus*, est sensus externus circa qualitates tactiles.

Qualitates tactiles vocantur, quæ tactum afficiunt: sunt vel primæ, calor, frigus, humiditas, siccitas; vel secundæ, raritas, densitas, &c.

34. *Tactus* est unus specie, non plures.

Si tactus foret multiplex specie, quia objectum ejus est tale, nam calor & frigus specie differunt, item humiditas & siccitas, asperitas & densitas, &c. etiam visus esset multiplex specie, quia objectum ejus est tale, nam color albus & niger specie differunt: posterius est falsum: ergo & prius.

35. *Quia*, licet objecta sint materialiter plura, formaliter tamen in una ratione tangibilis conveniunt.

Id est, eodem modo tactum afficiunt & organon immutant qualitates tactiles, etiam quæ sunt oppositæ speciei.

36. *Omne animal prædeditum* est tactu.

Ratio est, quia tactus comes vitæ, & quod tactu caret, vita caret, calor enim natus utriusque est causa; quod autem calore nativo exutum est, vitam perdidit.

37. *Homo tamen habet tactum omnium excellentissimum.*

Ratio est, quia temperies hominis supra alia animalia est temperatissima.

38. *Organon tactus*, sunt nervi ac membranz, seu membranacea & nervea partium substantia.

Alii faciunt organon tactus cuticulam, quæ corpus cingit & ambi.

39. *Præter hosce sensus externos*, dantur interni.

Vocantur sensus interni, quia intra corpus hominis sedem suam ac subjectum habent, non in exteriore ejus parte, ut sensus externus.

40. *Quia omnia animalia sentiunt se sentire:*

Id est, animalia reflectuntur super sensationem factam à sensibus externis, hæc est, cognoscunt se videre, audire, &c.

Hoc autem non est ipsius visus, nec ipsius auditus, imo nec sensus externi: neque enim oculus videt se videre, neque auris audit se audire, &c.

41. *At*, hoc non est sensuum externorum;

42. *Quia nulla facultas materialis potest super actum suum reflecti.*

Obstat ipsa materialitas facultatis materialis, seu dependentia ejus à materia, cur minus super actus suos reflectatur.

43. *Organon & sedes sensus interni* est cerebrum.

Ratio est, quia inde derivantur nervi, ibidem sedem habent spiritus animales, quibus utriusque sensus internus uritur, in sensatione sua facienda.

44. *Sensus internus* est tantum unus;

Id est, sensus internus est tantum una potentia, facultas, aut virtus sentiendi, quamvis diversa gerat nomina, & diversas edat operationes.

45. *Sed*, ob diversas functiones & officia, sortitur varia nomina.

Quænam functiones diversæ sensus interni sint & officia varia, disputatione sequenti explicatur.

46. *Dicitur interdum sensus communis, interdum phantasia, interdum æstimativa, interdum memoria.*

Æstimativa in homine nonnullis vocatur cogitativa.

47. *Qui ex quatuor ventriculis cerebri deducunt numerum quaternarium sensuum internorum*, errant.

Profecto, quidni possit una potentia esse diffusa per quatuor cerebri ventriculos?

Quemadmodum una potentia loco motiva diffusa est per pedes, manus, & reliqua corporis membra.

48. *Nam quatuor isti ventriculi aliis usibus inservire possunt, vel generandis spiritibus, vel excrementis ejciendis, &c.*

Intelliguntur hic spiritus animales.

Excrementa intelliguntur hic fuligines, cerebri defluxiones, mucus, &c.

49. Sensus internus res cognoscit per species.

Species sensibiles, quibus res cognoscit sensus internus, vel fuerunt prius in sensibus externis, & vocantur sensatæ, vel non fuerunt, & dicuntur species non sensatæ, aut insensatæ.

50. De singulis sensus interni muneribus agetur Disput. sequenti.

A N N E X A.

1. An idem numero sonus per totum medium ad aures usque propagetur? Neg.

2. An Echo sepius quam semel sonum reddere possit? Aff.

3. An aqua possit esse medium auditus? Aff.

4. An soni sit aliqua efficacia aut efficientia? Neg.

5. An omnia animalia eodem modo odorentur? Neg.

6. An odor sit vapor, quem spirant corpora odorifera? Neg.

7. An cum odore aliquid exhalet substantiæ? Neg.

8. An aqua sit medium quoque odoratus? Aff.

9. An sapor reperitur in corporibus simplicibus? Neg.

10. An tactus solam qualitatum redundantiam sentiat? Aff.

11. An qualitates tactiles bene dividantur in primas & secundas? Aff.

12. An qualitates primæ sint activæ simul & passivæ? Neg.

13. An calor sit magis activus quam frigus? Aff.

14. An frigus sit qualitas positiva? Aff.

15. An detur Antiperistasis? Aff.

16. An humiditas bene definiatur, qualitas patibilis, suo termino difficulter, alieno facile sese continens? Neg.

17. An humiditas alia sit aquea, alia aërea? Neg.

18. An siccitas bene definiatur, qualitas patibilis, suo termino difficulter, alieno facile sese continens? Neg.

19. An sit duplex raritas & densitas, una in predicamento qualitatis, altera in predicamento situs? Neg.

20. An quod rare fit acquirat novam quantitatem? Neg.

THESIUM PHYSICARUM SECUNDUM PERIPATETICOS.

I Disputatio Decima - Quarta,

DE

SENSU INTERNO IN SPECIE, APPETITU SENSITIVO, ET LOCOMOTIVA.

T H E S I S I.

Sensus communis officia sunt varia.

Per hæc officia distinguuntur sensus communis à Phantasia & Imaginaria, Memoria, non res fed ratione.

2. Primum est, sensibus exterioribus communicare spiritum animale.

Sensus exteriores egent spiritu animali, non ut sentiant, sed ut species sensibiles receptas ad cerebrum ac sensus internos deferant.

3. Secundum, externorum sensuum operationes percipere.

Externi sensus sentiunt, sed non percipiunt suas sensationes, hoc est, sensus interni, qui cum hoc agit, vocatur communis sensus.

4. Tertium, objecta externorum sensuum percepta discernere.

Nora, sensum communem percipere & discernere objecta externorum sensuum, presentia tantum.

5. Quod munus non exercet componendo, aut dividendo, sed simplici plurium objectorum intuitu.

h

Compo-

Componere & dividere Phantasia est, & non sensus communis officium, qui non alio modo discernit objecta varia externorum sensuum, quam ea diversis actibus simpliciter percipiendo: verbi causa, cum à visu ad sensum externum deferuntur simul species coloris albi & nigri, quia uterque simul videtur, sensus communis utrumque percipit, & quia species utriusque aliter repræsentat colorem album, aliter nigrum — utrumque percipiendo alterum ab altero discernit.

Componere & dividere significat affirmare & negare: at qui simul apprehendit colorem album & nigrum, & apprehendendo discernit, is non affirmat aut negat, atqui sic apprehendit utrumque sensus communis: ergo nec affirmat nec negat, quod utrumque solius Phantasie est.

6. Phantasie munus est primum, species sensibiles depurare & convertere in naturam Phantasmatis.

Species sensibiles, quando primum ad sensum internum deferuntur, sunt impuriore & materialiores; in cerebro percipiuntur, non nihil putrescantur, hoc est, à terrestribus conditionibus materiz non nihil purgantur, quod facere est Phantasie officium.

7. Alterum, eas varie componere ac dividere.

Ergo bruta etiam componunt ac dividunt, id est, affirmant & negant, sed non ratiocinantur, seu non utuntur discursu aut syllogismo.

8. Tertium, objecta externorum sensuum absentia cognoscere.

Cognoscit Phantasia objecta absentia externorum sensuum, quatenus species in cerebro receptæ ibi perpetuo manent.

9. Hinc distinguitur à sensu communi, qui tantum circa præsentia versatur.

10. Estimativæ officium est, ex speciebus sensatis colligere species non sensatas.

Exemplum est, eum ex viso lupo ovis colligit ejus odium & inimicitiam, hic tum lupo à sensu interno percipitur, per speciem sensatam, id est, per speciem sui, sensu interno, puta visu, perceptam: inimicitia & odium lupi percipitur ab eodem sensu interno, per speciem non sensatam, quia odium & inimicitia in sensum externum non incurrit.

11. Quod facit, cum de rebus sensu perceptis format notiones boni vel mali.

Notio cum boni & mali sensibus non percipitur externis: intellige vero hic bonum utile vel jucundum, & malum inutile vel triste nam bonum honestum & malum turpe, non sunt objectum sensus sed intellectus.

12. Vbi æstimativa rationem utilis & inutilis ex rebus sensu perceptis elicerit, movet appetitum ac locomotivam ad rem vel prosequendam vel fugiendam.

Appetitus enim & locomotiva non feruntur in rem ullam, nisi à sensu externo primo cognitam & interno judicatam.

13. Memoriz sensitivæ munera duo sunt.

Dico, sensitivæ, ad distinctionem memoriz intellectualis, de qua disputatione sequenti.

14. Primum est, species sensatas & non sensatas conservare.

Unde memoria dicitur custos rerum perceptarum.

15. Eas interdum, cum necesse est, rememorare.

Dico, cum necesse est, quia non semper necesse est, quando scilicet objecta iterum sunt præsentia; nam memoria non versatur circa res præsentis, sed absentes tantum, nec absentes futuras, sed absentes præteritas.

16. Et tum dicitur Reminiscencia & Recordatio.

17. Hinc dicitur Memoria rerum esse præteritarum.

Rerum præteritarum: si enim res iterum sensui externostantur præsentis, non versatur circa eas sensus internus tanquam memoria, sed tantum sensus communis.

18. Sensus internus non ratiocinatur, ne quidem in homine.

Ratiocinari, est unum ex alio, scilicet conclusionem ex præmissis, inferre: atqui eo non assurgit sensus internus: sed quæ à brutis videntur proficisci operationes ab ratiocinatione, ex referendæ sunt ad Phantasiam eorum conjunctam cum instinctu naturali in his.

19. Sen-

19. Sensuum affectiones sunt, Vigilia, Somnus, & Somnium.

20. Vigilia, est non impeditum sensuum exteriorum exercitium propter spiritus animales, quantum est satis ad sentiendum, à cerebro ad organa missos.

Quamdiu spiritus animales descendunt ad organa sensuum exteriorum, & species secum vehunt ad cerebrum, tamdiu homo vigilat, ita ut in vigilia operentur & sensus externi & interni.

21. Somnus, est cessatio exteriorum sensuum, vaporibus nervos & meatus sensorios opplentibus, & spirituum animalium influxum prohibentibus.

In somno soli operantur sensus interni, quamvis non semper; non item externi, quia nulli descendunt spiritus animales, qui species sensibiles ab exterioribus organis ad cerebrum devehant: & spiritus animales descendere nequeunt, quia obstructa est via, nam in somno nervi & meatus sensorii implentur vaporibus ex assumpto cibo versus cerebrum ascendentibus; at per nervos & meatus sensorios spiritus animales descendunt & ascendunt.

22. Animal expurgitur, cum panduntur meatus per quos spiritus animales commeant.

Thesis loquitur de naturali expurgentia seu expurgatione animalium; alioquin vi externa, tractionis, pulsionis, clamoris, etiam solvitur animal somno, quamvis meatus & nervi nondum sint liberati à vaporibus obsidentibus.

23. Id fit, vel ab externa causa, sc. à sono, aut alio objecto vehementiore, vel ab infuso calore cerebri vapores dissipante.

Naturalissima causa expurgendi est, quando infusus calor animalis omnes vapores ad cerebrum delatos consumpsit & disiecit.

24. Somnium, est representatio objectorum absentium quasi presentium, sensu interno species conservatas varie versante & commiscente.

Quia sensus internus in somno non est otiosus, sese occupat circa species sensibiles vario modo contemplandas, volvendas, & revolvendas; ex qua actione oritur varia rerum in som-

no ac somnio representatio in sensu interno, quas cum cognoscit, dicitur animal somnare: quin non tantum representantur in somnio res absentes, quæ fuerunt, & sunt præterita, sed & res quæ nunquam fuerunt, nam somniamus etiam de montibus aureis &c.

25. Somnia fere sunt quadruplicia.

Dico, fere, quia vix possunt somnia ad certas classes reduci.

26. Vel oriuntur ex affectibus, quibus animal commotum ad dormiendum accessit, ira vel tristitia, &c.

Affectus in dormituro dormitantes reddunt sibi similia somnia: sic, qui iratus abiit cubitum, fere somniat de igne & incendio, &c. quia tum bilis commota est.

27. Vel ex studiis atque negotiis de die gestis.

Quia de nocte recurrunt totius astra diei.

28. Vel ex peculiari corporis temperie.

Temperies ut multum facit ad vigiliam & motes vigilantium, ita non parum confert ad somnum & somnia: sic, qui temperie sunt frigidiore & phlegmatica, de aquis & submersione fere somniant, &c.

29. Vel immittuntur à Deo, aut Diabolo.

Deus olim multa Prophetis & Apostolis à viris sanctis revelavit, per insomnia, cujus rei exempla exstant in Testamento veteri ac novo. Somnia diabolica seu à diabolo emissã fere sunt ea, quæ cum peccati fæditate sunt conjuncta.

30. Facultatem sensitivam cognoscen-tem sequitur appetens.

31. Ubi enim illa est, ibi & hæc.

Ratio est, quia facultates hæc ærissimo vinculo inter se sunt connexæ.

32. Appetitus sensitivus est facultas, qua animal inclinatur ad bonum sequendum, quod sensus approbat, & malum fugiendum, quod sensus improbat.

Bonum intellige præsertim jucundum, & utile, etiam non formaliter sed materialiter: ma-

lum intellige triste & etiam inutile, si materialiter sumatur & non formaliter: id est, appetitus sensitivus appetit quidem rem, quæ est utilis, & fugit rem, quæ est inutilis, sed non quia est utilis vel qua inutilis.

Nam quia sensus non potest percipere rationem medii ad finem, non potest percipere bonum utile qua utile, seu formaliter, ista enim perceptio fit per ratiocinationem, ideoque nec appetitus sensitivus sequitur perceptionem, sensus non potest quoque appetere bonum utile, qua utile, seu formaliter: patiter philosophandum est de malo inutili, quod sicuti sensus non percipit formaliter, ita nec appetitus illud appetatur formaliter.

33. Appetitus sensitivi sedes est cor.

Sedes, id est, subjectum, nam in corde ibi generantur spiritus vitales, qui maxime ab appetitu sensitivo moventur; unde videmus, affectibus vehementer motis, animalia interdum pati deliquium animi, interdum exstingui, quia calor vitalis per agitationem nimiam spirituum vitalem vel debilitatur vel absorbitur.

34. Quia cor afficitur appetitu sensitivo vehementius moto.

Hoc ipsa demonstrat experientia, quotiescunque aliquis affectus nimium excitatur, cor nimium dilatari, ut in lætitia, vel contrahi, ut in tristitia, &c.

35. Appetitus sensitivus per se est irrationalis.

Ratio est, quia facultas animæ irrationalis, puta, sensitivæ.

36. In homine tamen fit rationalis participative.

Ratio est, quia in homine anima sensitiva subordinatur animæ rationali, unde participat de eius ratione, libertate, aliisque proprietatibus.

37. Appetitus sensitivi objectum est bonum & malum:

Sed diversis actibus, ut indicatur thes. 39.

38. Bonum jucundum & malum triste.

Intelligitur bonum jucundum, quod sensibus voluptatem; triste, quod sensibus dolorem adfert.

39. Circa illud versatur appetendo, circa hoc aversando.

40. Circa bonum honestum & utile, malum turpe & inutile non versatur, nisi in quantum sequitur ductum rationis.

Nunquam tamen attingit sensitivus appetitus bonum honestum & utile, aut malum turpe aut inutile, formaliter: ratio datur thesi sequenti.

41. Quia hæc bona & mala iudicio sensus non subsistant.

Causa est, quia hæc bona & mala non dignoscuntur nisi ratiocinatione, quæ in sensus internos non cadit.

42. Appetitus sensitivus est sedes affectuum propriè dictorum.

Affectus hic spectantur naturales, seu in genere naturæ, non morales, seu in genere moris, prout sunt boni vel mali, ex circumstantiis moralibus variatis; sic enim pertinent ad ethicam.

43. Affectus, est motio appetitus sensitivi, à sensu interno, objectum vel bonum vel malum proponente, facta, ad illud consequendum, hoc fugiendum.

Proponente, non simpliciter, sed etiam iudicante: ad affectum hæc omnia concurrunt; primo, sensus externus & internus cognoscentes objectum; secundo, objectum ipsum iudicatum aut bonum aut malum; tertio, appetitus sensitivus objectum, ut bonum iudicatum prosequendo, ut malum iudicatum fugiendo.

44. Itaque errant, qui affectus volunt esse pravas opiniones:

45. Sic enim pertinerent ad facultatem cognoscentem, non appetentem;

46. Et concitarentur in cerebro:

47. At concitantur in corde;

Quæ distinguuntur subjectis, non sunt idem: affectus & opiniones distinguuntur subiectis; ergo non sunt idem: probatur minor; affectus sunt in corde & appetitu sensitivo: opiniones sunt in cerebro & facultate cognoscente.

48. Et sunt motiones facultatis appetentis:

Affectus sunt motiones partim activæ, partim

tim passivæ; nam & excitantur ab objecto in appetitu sensitivo, & sic sunt passionēs, & per illos appetitus appetit, & sic sunt actionēs, & in appetitu recipiuntur, atque sic iterum sunt passionēs.

49. Tales motionēs, quibus appetitus sensitivus movetur;

50. Unde & affectus vulgo dicuntur *passiones*.

Tum enim denominatio fit à potenti, quia affectus duplici nomine sunt passionēs, simplici nomine actionēs.

51. Non quod meræ ac solæ sint passionēs: Sunt tamen potissimum passionēs.

52. Nam & actionēs dici debent, & quidem immanentes.

Quia affectus manent in appetitu sensitivo.

53. Quatenus appetitus sensitivus, à sensu interno excitatus, etiam activè concurrat ad eas motionēs eliciendas.

Nam appetere, est agere, uti & fugere.

54. Affectus, alii sunt in appetitu sensitivo irascente, alii in concupiscente:

Non quod appetitus irascens & concupiscens sint distincti realiter inter se; sed sunt ejusdem appetitus sensitivi diversæ operationēs, propter diversam rationem objectorum, quæ appetuntur vel fugiuntur.

55. In concupiscente sunt, amor, odium, desiderium, fuga, gaudium, tristitia.

56. In irascente sunt, spes, metus, audacia, desperatio, ira.

Hi affectus undecim ita enumerantur à Peripateticis, cum tamen revera tantum duo sint, amor, & odium; nam reliqui affectus varii sunt tantum modi, quibus rem amamus aut odimus.

57. Appetitus concupiscens dicitur, qui versatur circa objectum bonum vel malum absolute simpliciterque spectatum.

58. Appetitus irascens dicitur, qui versatur circa bonum vel malum arduum, aut potius circa impedimenta, quæ efficiunt, quo

minus concupiscens, aut bonum consequatur aut malum evitet.

Quemadmodum bonum & malum, absolute spectatum, non differt à se ipso in quantum spectatur cum molestia vel difficultate, vel consequendi vel fugiendi; ita non differt appetitus concupiscens ab irascente, quorum ille appetit bonum absolute, hic malum difficile.

59. Appetitus executrix facultas est locomotiva.

Quia objectum, quod appetitur, & quod fugitur, non semper est præsens, per locomotivam virtutem acquiritur vel fugatur.

60. Hæc est facultas quæ animal ad imperium appetitus se movet ad sequendum bonum, & malum vitandum.

Facultas locomovendi subest imperio sensitivi appetitus, sicut hic imperio Phantasie.

61. Estque sita in Musculis.

Musculi sunt partes carnosiores datæ animali ad motum Organorum efficiendum, & sunt potissimum instrumentum motus localis.

62. Nervi tamen, tendines, ligamenta, articuli, & spiritus animales, suo modo ad motum concurrunt.

Hæc omnia inserviunt motui faciendo, sed minus principaliter, nam præcipuum instrumentum localis motus sunt musculi.

A N N E X A.

1. Phantasia, non est per se & directe activa:
2. Nec per se habet vim alterandi:
3. Nec est causa efficiens motus voluntarii:
4. Nec causa principalis sed instrumentalis tantum eorum effectuum, qui ei adscribuntur.
5. Magnam vim habet in corporis permutatione:
6. Afficit corpus per accedens, movendo alias potentias, quæ ipsum afficiant per se:
7. Imo corpus afficit medianzibus animi passionibus:
8. Item medianzibus motu humorum & spirituum:
9. Humores tamen & spiritus non movet per se:
10. Sed habet saltem vim dirigendi spiritum & humores.

THESIUM PHYSICARUM SECUNDUM PERIPATETICOS,

Disputatio Decima-Quinta,

DE

A N I M A R A T I O N A L I.

T H E S I S I.

Anima Rationalis, vel considerari potest, ut substantia quædam per se extra corpus subsistens, & sic pertinet ad Metaphysicam, vel quatenus est pars hominis, & sic pertinet ad Physicam.

Objectio: Quod corporis naturalis nec species est, nec affectio, nec principium, de eo male agit Physica: sed anima rationalis nec est species corporis naturalis, nec affectio, nec principium: Ergo.

Respondeo: Corpus naturale dicitur ambigüe: vel significat compositum naturale constans materia & forma, quemadmodum planta dicitur corpus naturale; vel significat alteram partem compositi, materiam scilicet, quæ corpus est, verbi causa, in planta; & contra distinguitur formæ seu animæ, quæ non est corpus.

Priore sensu naturale corpus est objectum Physices, & sic anima non ut species ejus, nec ut affectio ejus, sed ut principium ad illud pertinet; est enim homo corpus naturale priori sensu, hominis vero principia materia & forma; materia est corpus Organicum & naturale & animatum, prout corpus naturale sumitur secundo sensu; forma est anima rationalis; ergo anima rationalis, ut omnis forma, recte dicitur principium hominis, ut homo est corpus naturale primo sensu. Adde, ejusdem Disciplinæ esse, explicare totum & ejus partes: atqui Physicæ est explicare hominem; est enim species corporis naturalis primo modo sumpti: ergo & Physicæ est agere de anima rationali puta hominis principio & parte.

1. Animam rationalem dari, à nemine potest negari.

Qui enim negaret esse animam rationalem, eo ipso, quod negaret eam esse, convinceretur, quia negare est actus animæ rationalis; at actus omnis principium suum infert: neque valet consequentia, ubi est actus, ibi est potentia agendi, sed negatio cujusque rei, uti & affirmatio animæ intelligentis, ergo ubi illa actio est, & hæc est.

3. Ea est forma hominis.

Quia per animam rationalem homo est homo.

4. Nec assistens, nec informans.

Non assistens, quia non dat homini nudum motum, sed essentiam: non informans, quia non dependet à materia in fieri, esse, & operari, sicuti dependet informans.

5. Sed medix naturæ ac conditionis inter utramque.

Est anima rationalis medium negationis inter informantem & assistentem, qualis forma nomine hastenus caret.

6. Non est una in pluribus individuis.

7. Sed multiplicatur ad multiplicationem individuum.

Sicut substantiæ corporeæ constituuntur per formas, ita per easdem distinguuntur ab aliis substantiis corporeis; ergo, si substantiæ singulares, puta homines individui, inter se distinguuntur, & per formas eorum illos inter se distingui ultro sequitur: & profecto, si una foret anima rationalis omnium individuum hominum, eadem & saperet in Socrate, & desperet in Choro, & actione uteretur in homine sanæ mentis, & fureretur in homine insano; quo nihil potest cogitari absurdius.

8. Anima rationalis est forma immaterialis.

Non tantum dicitur anima rationalis immaterialis eo sensu quo substantia dicitur immaterialis, quæ pro parte essentiali nullam includit materiam; sic enim anima vegetans & sentiens sunt formæ etiam immateriales: sed anima rationalis etiam eo sensu est immaterialis, quatenus non dependet à materia, in fieri, esse, aut operari; quo sensu anima vegetans & sentiens non possunt dici esse formæ immateriales.

9. Ideo-

9. Ideoque est immortalis.

10. Ideoque est indivisibilis.

Utique thetis hoc probatur syllogismo.
Quod caret materia, caret radice corruptibilitatis ac divisibilitatis: anima rationalis caret materia; ergo.

Probat ut major. Si corruptibilitas & divisibilitas sequantur materiam, ergo quod caret materia, caret radice corruptibilitatis & divisibilitatis: sed verum est prius; ergo & posterius. Probat ut minor: si corruptibilitas sequatur potentiam contradictionis ad esse & non esse, & divisibilitas sequatur extensionem partium extra se invicem, ergo ambæ sequantur materiam: sed verum est prius; ergo & posterius. Probat ut major: quia corruptibile dicitur, quod cum est potest non esse: at materia quia est indifferens ad quaslibet formas, & nunc sub hac nunc sub illa cupit esse forma, causa est, quod forma, quæ nunc adest, possit abesse, & sic causa est, quod totum possit corrumpi, & animatum mori: deinde divisibile est, quod in partes dividi potest: sed materia partes habet, in quas dividi potest; ergo divisibile sequitur materiam sive extensionem partium in materia. Probat ut minor: quia in eo consistit ratio corruptibilitatis, ut quod est, possit non esse, & in eo consistit ratio divisibilitatis, ut quod unum est, possit in plura dividi.

11. Est immaterialis, & in fieri, & in esse, & in operari.

In fieri, quia materia generationis, scilicet, semen utriusque parentis, nihil confert ad animæ rationalis productionem. In esse, quia extra corpus existere potest, & de facto existit in statu separationis.

In operari, quia etiam dum unita est corpori, quando se ipsam cognoscit anima rationalis intuitivè, à materia sive corpore non dependet, ut nec quando separata à corpore aliquid intelligit.

12. Itaque non producit ut parentibus.

Ratio est, quia, si produceretur à parentibus, in fieri dependeret à materia, puta semine, quo mediante parentes generant.

13. Et potest subsistere extra corpus.

Ratio est, quia alioquin dependeret à materia in esse.

14. Et potest operari independentè à corpore.

Ratio est, quia alioquin dependeret à materia in operari.

15. Anima rationalis potest dici tota in toto corpore & tota in qualibet parte.

16. Sed debet tum totum sumi negative.

Vox totus, à, uni; aliter dicitur de spiribus, aliter de corporibus: de illis dicitur negative, hoc est, ut illi dicantur quidem esse in loco, sic ut nulla pars loci eis careat, sed ut ramen ipsi non habeant partes, quibus commensurari possunt à partibus loci: hæc vero, corpora scilicet, sunt tota in loco, locique partibus, sic ut liceat in ipsis corporibus assignare partes commensuratas partibus loci: unde cum anima dicitur esse in toto corpore, & in partibus corporis, significatur, eam nullas habere partes respondentes partibus corporis: at corpus dicitur esse totum in loco positive, quia habet in se partes respondentes partibus loci, sic ut qua parte loci est una pars corporis, eadem parte loci non sit alia.

17. Animæ rationales sunt dignitate impares & inæquales.

Non enim videtur omnis animarum rationalium inæqualitas esse petenda ab inæquali temperie & dispositione corporis: nam si sit imparetas & major & minor, ac major ac minor perfectio in Angelis, quidni in animabus rationalibus: sed verum est prius; Ergo & posterius: non quod substantiæ angelorum aut animarum rationalium inter se sint inæquales, nam omnes sunt substantiæ spirituales & expertes materiæ, sed hæc inæqualitas intelligenda est, quoad operationes intelligendi, ac volendi: nam non pugnat cum statu angelorum, aut animarum beatarum, ut detur discrimen graduum perfectionis majoris vel minoris in operationibus illorum, intellectio unius sit acutior, promptior, faciliior, & ad plura se extendat, quam intellectio alterius: nam uti in Inferno erunt gradus poenarum, ita in Cælo gradus gloriæ: cur non igitur ista inæqualitas statuatur quoque inter animas rationales, unitas corpori.

18. Facultates animæ rationalis vulgo statuuntur, intellectus & voluntas.

Sub intellectu comprehenditur memoria intellectualis.

Qualis superest in animabus separatis, nam etiam hæc remanescunt.

19. Quæ tamen potentie non distinguuntur inter se & ab anima realiter.

videtur

Videtur naturæ spirituali animæ rationalis obflare, quo minus ipsi tribuantur potentæ, quæ sunt entia & accidentia distincta ab ejus substantia: nam quod dicunt, nullam substantiam creatam esse immutabilem principium operationis suæ, id, ut dicitur, ita rejicitur; sufficit enim varietas objectorum, & modi, quo substantia una eademque in objecta varia tendit.

20. Intellectus potest considerari, vel ante intellectionem, vel in intellectione, vel post intellectionem.

Hæc triplex consideratio totam intellectus naturam absolvit.

21. Ante intellectionem, dicitur intellectus in potentia.

22. Non ratione suæ entitatis.

23. Sed ratione specierum & imaginum.

Intellectus dicitur in potentia, non quasi ipsa facultas intelligendi non sit actu in anima, sed quia, cum possit intelligere, actu non intelligit; non vero intelligit actu, quamdiu in se actu non habet species intelligibiles sive imagines actu repræsentantes objecta intelligibilia: est vero intellectus in potentia respectu quorumlibet objectorum, in infantibus ante rationis usum, in adultis respectu objectorum quorundam, quia adulti, cum non omnia intelligant, quædam possunt intelligere, quæ non intelligunt, & dum intelligunt unum actu, manet intellectus eorum in potentia ad intelligendum aliud.

24. Nam intellectus nascentium est tabula rasa.

25. Hinc nullæ species rerum actuales animis insitæ sunt.

Quemadmodum tabula rasa & charta pura nihil habet actu sibi insculptum vel inscriptum, omnia tamen in utraque insculpi & inscribi possunt: ita & intellectus infantium in se, ante rationis usum, nullas possidet actu species intelligibiles intellectui suo insculptas, quia cerebrum eorum nimis est madidum, & hinc ineptum ut aliquid actu ei insculpat aut inferibatur; ideoque infantes nihil cognoscunt, nec se, nec parentes, nec quippiam rerum.

Quare igitur dicitur nobis inesse idea Dei innata, aut species intelligibilis Dei insita?

Respondeo, non ideo quia aut quasi in infante recens nato statim inesset intelligibilis imago

Dei, qua actu Deum cognosceret: nullo modo; sed quia in infaniam & omnium hominum animis innascitur, & à primo nativitatis momento est insita species & idea Dei, non actu repræsentans intellectui Deum, sed quia, simul atque ad rationis usum ætate adultiori pervenit infans, sine ulla institutione, demonstratione, syllogismo, sine ullo termino medio extrinsecus assumpto, statim atque incipit ratione uti, ipsi offert atque ejus intellectui insitit, & actu repræsentat, Deum esse, quia Dei existentia tanquam character est insitus ipsius animæ, ad quam impressam Dei imaginem tum incipit attendere, quæ & qualis sit, unde orta, an ea sibi dederit, an aliunde acceperit, an omnia intelligat, ac non quædam ignoret, &c. nam ipsa anima ipsum inquirentem convincit per se ipsam, de Dei existentia: atque hæc est naturalis Dei notitia, hoc sensu hominum mentibus insita, innata, vulgo subjectiva, & testimonium nostræ conscientiæ in corde nostro testificantis esse Deum; atque distinguitur à notitia naturali Dei æquisita seu objectiva, quæ naturali lumine, ex objectis extra hominem positis sive ex rebus visibilibus, colligit per syllogismum ac rationationem, esse Deum invisibilem.

26. Cum intellectus intelligit, dicitur intellectus in actu.

Quemadmodum dicitur visus in actu, quando ei de facto repræsentatur objectum visibile: ita dicitur intellectus in actu, quando ei repræsentatur de facto objectum intelligibile; quia repræsentatio fit per species intelligibiles.

27. Intelligere dicitur, cum rerum intelligibilium species recipit à sensu.

Recipit intellectus à sensu rerum intelligibilium species: vel immediate, propriè & proximè, ut cum actu intelligit singularia & materialia; vel mediate, improprie & remote, & tum intelligit acta universalia & immaterialia.

28. Non tamen intelligit sola sensibilia, quæ sunt singularia & materialia.

Quod intellectus intelligat singularia & materialia, inde probatur: quia, quod potest facultas inferior, id quoque potest superior: sed sensus potest cognoscere singularia & materialia; ergo & intellectus, quia sensu est superior.

29. Sed & intelligit universalia & immaterialia.

Atqui

Atqui universalis & immaterialis per se & directe in sensus non incurrunt, quia carent qualitatibus sensibilibus.

30. Scilicet, notiones rerum immaterialium elicit ex materialibus, & universalium ex singularibus.

Immaterialia & universalis possunt diciphantissima, id est, percepta per species sensibiles, non quidem sui, sed rerum materialium & singularium, ex quarum specierum analogia ipsa immaterialia & universalis cognoscuntur.

31. Nam intellectus primo intelligit singularia.

32. Quia sunt sensibus vicina.

Quia in vobis hominibus sensuum usus prior est, quam rationis, etiam ea prius cognoscimus intellectu, quæ prius cognovimus sensu: sed singularia ob proprietates sensibiles prius cognoscuntur à sensu, quam universalis ideo quod prius cognoscuntur ab intellectu.

33. Et cognoscit singularia, ut sunt singularia.

Ratio est, quia intellectus à singularibus abstrahit conditiones individuantes, & sic singularia cognoscit, quia singularia, & simul universalis, ut distincta à singularibus.

Nam abstractio singularium à conditionibus individuantibus præsupponit ipsarum conditionum individuantium cognitionem.

34. Deinde, sepositis proprietatibus individuantibus, id solum intelligit, in quo singularia conveniunt.

Tres sunt operationes intellectus, quæ discerni debent cum intelligit universalis.

35. Et tum format conceptum rei universalis, sc. speciei.

Primo, apprehendit singularia, 2. apprehensa inter se comparat, & in quibus inter se conveniant, & in quibus inter se differant, attendit. 3. sepositis, id est, non conceptis conditionibus individuantibus, ea cognoscit, in quibus singularia conveniunt, ac tum cognoscit universale: cum verò universalis sint varia & quædam vicina singularibus, ut species infimæ, quædam remotiora à singularibus, ut species subal-

ternæ & genera, intellectus, quia se prius cognoscendi ordinem à sensu servatum, etiam prius cognoscit species infimas, tanquam viciniore singularibus, quam species subalternas aut genera, tanquam à singularibus remotiora: ut nota controversia, de ordine intelligenti, hic dirimatur; scilicet, singularia prius cognoscuntur ab intellectu, quam universalis, & minus universalis prius, quam magis universalis, ob rationem jam datam thesi 32.

36. Collatis speciebus & relictis differentiis specificis, format conceptum generis.

37. Itaque species prius intelligitur quam genus.

38. Et minus Universale, prius quam magis Universale.

Ratio: ratiū ratiū una est eademque, quia species propior est singularibus quam genus, & minus universale, quam magis universale.

39. Quia minus universale est abstractio facilius ab inferioribus.

40. Nam pauciores differentiæ sunt abstrahendæ.

Hæc ratio paulo latius debet explicari.

Quandoquidem universalis non cognoscuntur nisi per abstractionem à singularibus, et ito sequitur, illa universalis facilius cognosci & prius, quæ paucioribus differentiis distat à singularibus, à quibus abstrahi debent: sed species distat ab individuo paucioribus differentiis, quam genus; nam species distat ab individuo, per solas differentiis individuantes, quæ conveniunt individuis & non speciebus; at vero genus distat ab individuo, per differentias non tantum individuantes, quæ individuis competunt, sed & per differentias specificas, quæ speciebus conveniunt, non generi, ideoque species à paucioribus differentiis abstrahitur quam genus, & hinc prius cognoscitur quam genus ab intellectu; & omne minus universale ob eandem causam, quia paucioribus differentiis distat & abstrahitur à singularibus, prius cognoscitur ab intellectu quam magis universale.

41. Intellectus est potentia passiva.

Non tamen tantum, sed quemadmodum sensus potentia est primum passiva, quatenus sensibiles species recipit, pari enim est recipere effectum agentis; mox est activa, quatenus sensum elicit ac sentit; denique passiva, quatenus sensu-

sensiones in se recipit: ita intellectus, in quantum species intelligibiles in se primum recipit, patitur; in quantum per eas intelligit, agit; in quantum denique ipsam recipit intellectiorem, patitur iterum; ut sit duplici nomine potentia passiva, uno activa.

42. Itaque debet aliunde in actum deduci.

Ratio est, quia nihil se ipsum ex potentia valeret traducere in actum; nam, si hoc fieri posset, idem esset actus & potentia; quod enim deducit, est actus, quod deducitur, est potentia.

43. Quod cum in actum deducit, est obiectum.

Obiectum intelligibile, in intellectum agit, ut causa procatartica.

44. Et obiectum à sensu perceptum.

A sensu perceptum, scilicet, vel per se vel per aliud, mediate vel immediate, proxime vel remote.

45. Quod rerum singularium imagines ei offert.

46. Ex quarum collatione universalis intelligit.

Harum thesium explicatio pendet ex thesi 30. & sequentibus.

47. Itaque non est opus intellectu agente distincto.

Aristoteles & qui eum sequuntur, ponunt intellectum quandam actionem distinctum à patiente, quem nonnulli ipsi faciunt Deum, extra hominem intelligentem; alii facultatem quandam ponunt in homine intelligente, distinctam ab intellectu patiente: sed vero, sicut nullus requiritur sensus agens, ita & nullus requiritur intellectus agens, nam sufficit obiectum intelligibile, debite approximatum intellectui per species intelligibiles; nam ad actionem nihil amplius requiritur, quam ut obiectum debite approximetur potentia, quæ per vim sibi insitam, cum omnes adsint conditiones ad agendum requisitæ, in obiectum tum rendit & agit.

48. Potest tamen ipse intellectus dici agens.

49. In quantum à phantasmatibus excitatus, conceptum format in se.

Non abhorremus à phrasi intellectus agentis, modo non significetur aliquid distinctum ab intellectu patiente, qui idem est agens, cum actu intelligit; in actionibus enim immanentibus, qualis est intellectio, idem est agens & patiens.

50. Intellectus operationes sunt tres, simplex apprehensio, iudicium, discursus.

Quæ operationes intellectus faciunt duas, inventionem & iudicium, sub iudicio comprehendunt discursum, dividuntque in iudicium noëticum & dianoëticum, quod postremum est discursus.

51. Iudicium intellectus est speculativum vel practicum.

Hinc intellectus dividitur in theoreticum & practicum, quæ est divisio, non generis in species, non integri in partes, sed subiecti per adjuncta, aut causæ per effectus; aliud enim est minus intellectus theoretici in iudicando, aliud practici, nam theoreticus intellectus de rerum veritate & falsitate, sed practicus de rerum bonitate & malitia.

52. Speculativum versatur circa res ut res, & ut veræ sunt:

53. Practicum circa res ut bonas vel malas:

Obiectum quidem intellectus est ens, sed cum illud possit intellectui sibi ac representari, vel ut conveniens cum principis suis constituentibus ac definitivis, vel ut conveniens cum alio, tanquam vel finis, vel medium, priori respectu circa illud versatur intellectus & iudicium speculativum, posteriori respectu, circa eas versatur intellectus & iudicium practicum.

54. Estque vel absolutum, vel comparativum.

Absolutum practici intellectus iudicium, tam diversum est sive à comparato, ut quod iudicio absoluto iustificatum fuit ut bonum, illud comparato iudicaretur ut malum & vice versa; nam iudicium absolutum tantum iudicat rem vel esse bonam simpliciter, quia convenit cum lege, vel esse malam simpliciter, quis repugnat legi, sed comparatum iudicium iudicat rem bonam hoc loco & tempore, omnibusque circum-

stantiis

stantiis singularibus esse prosequendam, malam esse fugiendam: at hæc iudicia possunt esse opposita, ut liquet in exemplo Medæ iudicantis, simpliciter esse bonum, ut maneret in patria, iudicio absoluto, sed illud rescindentis iudicio comparato.

55. Intellectus post intellectionem dicitur intellectus in habitu;

Ratio est, quia species intelligibiles reservata in intellectu ibi sunt per modum habitus, quatenus intellectum faciunt ad facilius & citius intelligendum.

56. Aliis memoria intellectualis:

57. Quatenus rerum species retinet;

Species, scilicet, intelligibiles.

58. Non tamen semper ideo actu cognoscit:

Quia species non semper actu repræsentant res intelligibiles; alioquin homo, omnia ante cognita, semper cognosceret.

59. Quia ad intelligendum opus est phantasmatum concursus.

60. Nam oportet intelligentem speculari phantasmata.

Utique thesis vera est, de intellectionibus plurimis, non de omnibus; nam quando anima cognoscit se ipsam cognitione intuitiva, nullis est opus Phantasmatibus.

Cognitio animæ intelligentis, alia est abstractiva, alia intuitiva: prior sic vocatur, quia fit per abstractionem specierum, materialium & sensibilibus rerum, à materia & sensu: posterior sic dicitur, quia per eam anima intelligit absque ulla abstractione, & obiectum præiens intuetur.

Phantasma vocatur species intelligibilis, quæ primum fuit sensu percepta, & inde ad intellectum delata: tali Phantasmate non eget anima in cognitione intuitiva, sed in abstractiva tantum.

61. Voluntas etiam est potentia passiva;

Voluntas est potentia passiva, quatenus movetur ab obiecto bono, activa, quatenus vult: passiva iterum, quatenus volitionem in se recipit.

62. Ideoque & aliunde ad agendum debet excitari:

Vide rationem datam thesi 42.

63. Hoc est obiectum,

Obiectum voluntatem movet ut finis, vel ultimum vel subordinatus, qui est medium.

64. Quod non movet voluntatem nisi ante ab intellectu fuerit cognitum:

Ratio est, quia ignoti nulla cupido.

65. Cognosci debet obiectum, non tantum simplici intellectus apprehensione:

Ratio est, quia per simplicem apprehensionem intellectus obiectum nondum iudicatur ut bonum; atqui debet iudicari ut bonum, antequam possit movere voluntatem.

66. Sed requiritur intellectus iudicium,

67. Non tantum absolutum, sed comparatum:

Comparatum iudicium fertur de obiecti voluntatis bonitate, quando illud iudicatur, bonum & apperendum, omnibus circumstantiis expensis; ideoque vocatur ultimum iudicium, quia postremum est in actione, quæ sit deliberata, qualis est actio voluntatis in appetendo.

68. Ab hoc verè determinatur voluntas in agendo.

Non Physicè sed moraliter, id est, iudicium intellectus voluntatem determinat, ei rationes proponendo, ob quas obiectum bonum sit prosequendum, & malum fugiendum.

69. Voluntatis actiones sunt, velle & nolle.

Velle, est amare, nolle, est odisse; huic opponitur utrique, non velle, & non nolle, id est, vel amoris vel odii negatio: velle & nolle opponuntur contraries velle & non velle, item, nolle & non nolle, contradictorie.

70. Obiectum, bonum & malum.

Bonum & malum in concreto opponuntur contrarie, in abstracto privative.

Nam bonitas est habitus, & malitia privatio.

71. Circa bonum volendo, circa malum nolendo, versatur.

Circa utrumque versatur voluntas, interdum negative, id est, non volendo, non nolendo.

72. Neque potest malum velle, aut bonum nolle:

Formaliter, non materialiter, id est, voluntas non potest velle malum, quod intellectus iudicat esse malum, licet possit velle, & sepe velit, id quod est malum, sed quod intellectus erroneo iudicio iudicavit esse bonum; sic non potest nolle bonum, quod intellectus esse bonum iudicavit, quamvis possit nolle, id quod bonum est, sed quod intellectus erroneo iudicio iudicavit esse malum: & hoc est quod dicunt, voluntatem non posse velle malum, quam malum, non posse nolle bonum, quia bonum.

73. Licet possit utrumque non velle.

Sicuti, quando dormit homo, abstinere ab actu & volendi & nolendi.

74. Cum fertur in bonum, vel fertur in finem, vel in media.

In finem, scilicet, ultimum, quia omne bonum est vel finis ultimus vel medium.

75. Finem vult necessariò, item media cum fine necessariò connexa:

Ratio est, quia intellectus non potest non iudicare, finem ultimum esse appetendum, uti & media, cum illo fine necessariò connexa, quæ dicuntur esse illa, sine quibus finis obtineri nequit.

76. Media alia vult indifferenter.

Ratio est, quia intellectus iudicium indifferenter sese habet circa media, quæ non necessariò cum fine connexa sunt; potest enim iudicare, ex iis unum esse acceptandum, aliud esse reijciendum.

77. Sive velit sive nolit, semper determinatur ab ultimo intellectu practici iudicio:

Ratio est, quia ultimum intellectus practici iudicium plenam perfectamque objecti bonitatem voluntari iustit ac repræsentat, sine qua nulla ejus sequitur appetitio; quemadmodum sine

plena perfectaque mali repræsentatione facta, quæ non fit nisi ab ultimo intellectu practici iudicio, nulla ejus sequitur aversatio.

78. Attamen determinatio libertatem ejus non tollit.

Determinatio, quæ à naturali principio interno oritur, libertatem tollit, quemadmodum ignis ad tendendum sursum, lapis ad tendendum deorsum, determinantur ab interno principio naturali, forma, scilicet, sua, ideo neutrum dicitur agere libere; sed determinatio, quæ ab intellectu determinatur voluntas, est voluntari extrinseca, quia fit ab objecto iudicato, quod voluntati est extrinsecum.

79. Quia necessitatem hypotheticam tantum infert.

Nam nulla necessitas hypothetica, id est, talis quæ oritur ab aliqua conditione extra agentem posita, libertatem tollit, qualiscunque fuerit conditio, modo sit externa, sive antecedit, sive concomitetur, sive consequatur actionem, quam facit necessarium.

80. Ex intellectu & voluntate oritur liberum arbitrium:

Oritur, id est, componitur; intellectus enim & voluntas, cum conjunctim sumuntur, constituunt liberum arbitrium; dicitur enim liberum, respectu voluntatis, & arbitrium, respectu intellectus, cum quo utroque est idem.

81. Hoc est, facultas faciendi, quod, quando, & quantum intellectus faciendum esse iudicat.

Est facultas, ergo non actus, non habitus; deinde est facultas, non Ethica, quia quis agit, quæ vult, sine ulla restrictione legum, sic enim solus Deus habet liberum arbitrium, sed Physica, quia homo potest agere, quod, quando, quantum, & quamdiu lubet, per adminiculum bonorum, fortunæ, vel corporis, vel animi; tantum autem potest agere per ea, quantum lubet, id est, quantum ultimo intellectu practici iudicio agendum esse iudicat.

COLLEGIUM LOGICVM.

POSITIONUM LOGICARUM

DISPUTATIO PRIMA,

DES

PHILOSOPHIÆ ET LOGICÆ NATURA.

THESIS. I.



Hilosophia perfecte definiri nequit.

2. Nec enim est una disciplina aut habitus.

3. Sed plurium habituum compages.

4. Describitur tamen Philosophia, definitione imperfecta.

5. Philosophia est, rerum divinarum & humanarum ex principiis per se notis naturali intellectus lumine collecta cognitio.

6. Res divinæ vocantur aliis necessariæ, quæ extra nos causas suas habent cur sint vel fiant.

7. Res humanæ dicuntur aliis contingentes, quæ ut sint vel fiant, in nostro est arbitrio & potestate.

8. Hinc Philosophia in duas partes dividitur; Theoreticam, & Practicam.

9. Theoretica complectitur tres scientias, Metaphysicam, Mathematicam, & Physicam.

10. Harum objectum, sunt res necessariæ.

11. Finis, θεωρία seu contemplatio.

12. Practica comprehendit tres prudentias; Ethicam, Oeconomicam, Politicam.

13. Harum objectum, sunt res contingentes.

14. Finis, πραξις five actio.

15. Logica Philosophiæ sic divisæ non est pars.

16. Quia, nec scientia, nec prudentia, sed ars est.

17. Finis enim ejus, nec est θεωρία con-

templatio, nec πραξις actio, sed ποιησις effectio.

18. Est namque ἡ ποιησις habitus effectivus.

19. A praxi quis dicitur bonus vel malus; à poiesi peritus vel imperitus.

20. Unde ποιησις vulgo dicitur actio moralis; ποιησις effectio artificialis.

21. Logica æquipollet, quoad vocem, Dialectica.

22. Ejusque genus est ars.

23. Non prout definitur, ordinata præceptorum congeries extra mentem.

24. Sed ut est in mente ars, ac definitur, habitus cum recta ratione effectivus.

25. Itaque male assignatur ejus genus ab aliis, scientia;

26. Nec enim objectum, nec genus scientiæ, Logicæ quadrat.

27. Male item habitus instrumentalis,

28. Quia relatum non est genus absoluti.

29. Logica dividi solet in docentem & utentem:

30. Quæ non est distributio rei, sed distinctio nominis;

31. Eadem enim est, quæ cum præcepta tradit, docens, cum iis utitur, utens dicitur.

32. Pro consideratione tamen hac duplici, Logicæ finis & objectum sunt gemina.

33. Logicæ docentis objectum, sunt partim instrumenta cognitionis, partim instrumentorum istorum materia.

34. Instrumenta cognoscendi sunt quatuor;

tuor; Definitio, Divisio, Syllogismus, & Methodus.

35. Materia instrumentorum est; ex qua, & circa quam.

36. Materia ex qua, sunt affectiones Logicæ.

37. Materia circa quam, sunt themata, i. e. res quæ definiri, dividi, concludi, ordinari possunt.

38. Finis Logicæ docentis est, naturam materiæ duplicis explicare, & modum fabricandi instrumenta exponere.

39. Objectum Logicæ utentis, est proximum vel remotum.

40. Proximum, vel est mediatum, vel immediatum.

41. Mediatum est intellectus.

42. Immediatum, sunt intellectus operationes.

43. Intellectus à Logica utente dirigitur, subjective, operationes ejus, objective.

44. Remotum, sunt res omnes, etiam ficta & non-entia.

45. Finis Logicæ utentis est, dirigere mentem in cognitione rerum, entium & non-entium.

46. Ex fine & objecto Logicæ docentis, instituitur ejus divisio in thematicam & organicam.

47. Quæ divisio non est generis in species, sed integri in membra.

48. Thematica agit de themate & variis affectionibus, materia circa quam, & ex qua argumentorum.

46. Organica agit de ipsis instrumentis.

POSITIONUM LOGICARUM

DISPUTATIO SECUNDA,

DE

PRÆDICAMENTIS, IN GENERE:

ET

SUBSTANTIA, IN SPECIE.

THESIS I.

THema est, quicquid intellectui cognoscendum proponi potest.

1. Cognitio, est repræsentamen rei in intellectu.

3. Cognitio (aliis notio) est prima, vel secunda.

4. Notio prima repræsentat rem intellectui immediate ut est in se.

5. Notio secunda repræsentat modum, quo mens rem primâ notione apprehendit.

6. Thema, est simplex vel complexum; alii vocant terminum simplicem vel complexum.

7. Thema simplex unico mentis actu apprehenditur.

8. Thema complexum duobus pluribusve mentis actibus apprehenditur.

9. Thema simplex est, vel universale vel singulare.

10. Universale, quod de pluribus suapte naturâ prædicari aptum est.

11. Singulare, quod de uno tantum prædicari aptum est.

12. Vocaturalis individuum, quia non potest dividi in plura ejusdem nominis ac naturæ.

13. Themata omnia simplicia, tum universalis, tum singularis, disponuntur suis classibus, quæ Categorix vocantur.

14. Singularia infra collocantur ac basin faciunt Categoriarum.

15. Uni-

15. Universalia supra basin suo quæque ordine collocantur.

16. Categoria est, series rerum sub eodem summo genere gradatim dispositarum.

17. Categoriae sunt decem, una substantiarum, reliquæ accidentium.

18. Unde & decem summa genera sunt, non quidem *simplicia*, sed *composita*.

19. Ens verò genus summum non est;

20. *Res* quæ enim immediate prædicatur de individuo, atque de aliis.

21. At genus summum de individuis immediate prædicari nequit.

22. Imo ens, ne genus quidem dici potest, nisi æquivocum, aut, ut alii volunt, analogum.

23. Univocum saltem non est.

24. Quicquid de aliquo prædicari potest, in huius decem categoriis ponitur, vel directè, vel indirectè.

25. Directè in prædicamentis sunt, Entia realia & positiva, simplicia & per se una, completa seu tota, universalia, distincta voce significata.

26. Indirectè res in prædicamentis collocantur variis modis.

27. Fundamentaliter, ad categorías pertinent individua tanquam bases:

28. Analogicè, Deus:

29. Collateraliter, differentia:

30. Reductivè, concreta, aggregata, partes, principia, entia in fieri, modi rerum, & themata complexa:

31. Transcendentaliter, transcendentia:

32. Per accidens, entia intentionalia extramentem, entia rationis, ficta possibilis, privationes:

33. Nec directè, nec indirectè, sunt in prædicamentis, ficta impossibilia, & æquivoca ante factam distinctionem.

34. Prædicamentum Substantiæ præcedit categorías Accidentium,

35. Quia substantia prior est Accidente, natura, cognitione, dignitate:

36. Natura, est enim substantia causa accidentium:

37. Cognitione, Accidens enim per substantiam definitur:

38. Dignitate; quia nobilissimum habent modum prædicandi, sc. essentialiter & in quid.

39. Substantia est ens per se subsistens.

40. Per se subsistere, est, non esse in alio, ut in subiecto.

41. Esse in alio, ut in subiecto, est, ita inesse alteri, ut non sit pars, nec possit separatim existere extra illud.

42. Substantia Aristoteli dividitur in primam & secundam.

43. Substantia prima, aliis singularis, quæ non dicitur de subiecto.

44. Substantia secunda, aliis universalis, quæ dicitur de subiecto.

45. Dicit de subiecto, est, quoad nomen & definitionem subiecto tribui.

46. Hæc divisio non est generis in species, sed analogi in sua, ut loquuntur, analogata.

47. Prima enim substantia magis est & prius substantia, quam secunda;

48. Secunda quippe non est substantia, nisi quatenus inest primis.

49. Nam genera & species (ut substantiæ sunt secundæ) non existunt nec subsistunt nisi in individuis (quæ sunt substantiæ primæ.)

50. Non sunt tamen substantiæ secundæ in primis ut in subiecto, sed ut essentia in supposito.

51. Accidentia non sunt partes essentia subiecti in quo sunt, multo minus tota essentia.

52. At secunda substantia, aut pars est essentia, aut tota essentia primarum.

53. Hinc fit, ut definitio substantiæ secundæ sit etiam essentialis definitio primæ.

54. Nullus vero accidentis definitio est definitio substantiæ, nec primæ, nec secundæ.

55. Ideoque accidentia dicuntur de substantiis primis quoad nomen tantum, sc. in concreto.

56. Nam accidentia in abstracto, nec dicuntur de his quoad nomen, nec quoad definitionem:

57. At substantiæ secundæ dicuntur de primo quoad utrumque.

58. Nam & nomen generis ac speciei convenit individuis & definitio.

59. Substantiis ex *Aristotele* sex vulgò tribuuntur, sive proprietates, sive notæ.

60. *Prima*: nulla substantia est in subjecto, ut accidens.

61. *Secunda*: quædam substantiæ dicuntur de aliis *simpliciter* vel univocè, sc. secundæ.

62. *Tertia*: quædam substantiæ significant *non di n*, vel hoc aliquid, sc. primæ.

63. *Quarta*: nulla substantia habet contrarium, id est, nec prima primæ, nec secunda secundæ est contraria.

64. *Quinta*: substantia nulla recipit magis & minus;

65. Quia consistit in indivisibili.

66. Hæc nota intelligi debet, vel de una eademque numero substantia, vel de pluribus ejusdem ordinis, id est, vel primis inter se, vel secundis inter se.

67. *Sexta*: Una eademque substantia singularis suscipere potest sui mutatione ac successive contraria, non tamen omnis sed quædam.

POSITIONUM LOGICARUM

DISPUTATIO TERTIA,

DE

Q V A N T I T A T E

THESIS I.

Accidens definitur vulgò, ens substantiæ inherens;

2. Inherentia intelligitur non aptitudinalis sed actualis.

3. Accidentis genera sunt novem, quantitas, qualitas, relatio, actio, passio, ubi, quando, situs, & habitus.

4. Accidentium hic numerus origitur ex diversitate questionum, quæ de substantiis primis extrinsecè essentialiter institui possunt.

5. Quantitas primum tenet inter accidentia locum, quia sequitur immediatè materiam, & immediatè substantiæ inheret, alia accidentia eà mediante.

6. Quantitas est accidens, quod per se partem habet extra partem:

7. Partem extra partem habere, est habere partes loco & situ differentes.

8. Hinc est, quod vulgo dicitur, quantitas essentialiter sita in extensione partium situati, sive in ordine ad locum.

9. Extensio entitativa non est extensio, sed partium multitudo.

10. Quantitas est continua vel discreta.

11. Continua est, cujus partes communi termino copulantur,

12. Estque, vel fluens vel permanens.

13. Fluens est tempus, cujus partes, licet sibi invicem connectantur, fluunt perpetuo, nec unquam consistunt.

14. Partes temporis sunt præteritum & futurum.

15. Termini, *in se*, sive momenta.

16. Itaque, tempus præsens nullum est.

17. Et nihil temporis præsens est præter momentum. partium temporis copulam.

18. Tempus Aristoteli in *Physicis* definitur, Numerus motus secundum prius & posterius.

19. Melius, mensura durationis, quæ est in motu.

20. Permanens quantitas continua, *Aristot.* 5. *Metaph.* 8. dicitur magnitudo.

21. Magnitudo est Linea, Superficies, Corpus, sive corpulentia.

22. Linea est magnitudo uno modo divisibilis, sc. secundum longitudinem.

23. Superficies duobus modis, sc. secundum longitudinem & latitudinem.

24. Ma-

24. Magnitudo tribus, sc. secundum longitudinem, latitudinem, & profunditatem, seu crassitiem.

25. In hinc omnibus Magnitudinis species observari debent partes & termini.

26. Magnitudo componitur ex partibus non ex terminis.

27. Pars unaquæque Magnitudinis est Magnitudo, habetque partem extra partem:

28. Hinc omnis magnitudo in infinitum dividi potest:

29. Si enim dividendo ad partem perveniri possit indivisibilem, aut pars magnitudinis non esset, aut magnitudo componeretur ex indivisibilibus, contra quantitatis definitionem.

30. Itaque, in nulla magnitudine pars minima dari aut mente concipi potest, quin ea minor dari aut concipi possit.

31. Et nulla magnitudo in terminos dividi potest:

32. Terminus enim, ut terminus, indivisibilis est.

33. Terminus & claudit magnitudinem, & copulat ejus partes.

34. Unde vulgo distinguitur, in terminantem & copulantem.

35. Terminus actu terminans non est copulans.

36. Terminus actu copulans non est terminans.

37. Terminus copulans dicitur communis, quia est principium unius partis & finis alterius.

38. Lineæ terminus, est punctum;

39. Superficies, linea;

40. Corporis, superficies.

41. Linea nunquam existit actu sine superficie, nec superficies sine corpore:

42. Natura tamen, essentia, & definitione, differunt.

43. Ideoque ratione separantur & abstrahuntur à se invicem.

44. Quantitas discreta est, cujus partes communi termino non copulantur, diciturque numerus.

45. Numerus est, vel materialis, concretus, numeratus, vel formalis, abstractus, numerans.

46. Ille nihil est aliud quam ipsæ res quæ numerantur, ut tres homines, qui ternario numero numerantur.

47. Hic est, quo numeramus, ut unum, duo, tria, & quem definivimus th. 44.

48. Ex definitione sequitur, unitatem non esse numerum.

49. Numerus omnis finitus est, neque dari potest numerus actu infinitus.

50. Numeri causa, est distinctio rerum, vel realis vel mentalis.

51. Unde nonnullis dicitur, interdum ens reale, interdum rationis.

52. Locus ab *Arist. c. 6. Categ.* ad Quantitatem continuum refertur, quia in Phisicis eum definit, superficiem corporis proxime ambientis locatum.

53. Sed nec locus ad quantitatem continuam bene refertur, nec per superficiem bene definitur.

54. Motus & oratio sunt quanta per accidens.

55. Quia quanta sunt, ob id in quo sunt, quod quantum est.

56. Pondus non est quantitas, sed qualitas, gravitas puta & levitas.

57. Multo minus quantitas intensiva; talis quippe non est:

58. Quia essentia quantitatis est extensio, non intensio.

59. Notæ quantitatis ex *Arist. c. 7. Categ.* tres sunt.

60. *Prima.* Quantitati nihil est contrarium.

61. *Secunda.* Quantitas non recipit magis & minus.

62. *Tertia.* A quantitate res dicuntur æquales vel inæquales, pares vel impares.

Q V A L I T A T E.

T H E S I S I.

Qualitas est accidens, à quo subiectum quale duntaxat dicitur.

2. Qualitatis species sunt 4. Habitus & Dispositio, Potentia & Impotentia naturalis, Patibilis qualitas & Passio, Forma & Figura.

3. Duo singularum specierum nomina non indicant diversitatem specificam, sed solum diversitatem gradus, aut temporis, aut circumstantiæ alterius, quæ speciem non variat.

4. Habitus est, qualitas adventitia ad operandum cum facilitate: dispositio est, habitus imperfectus.

5. Habitus est, vel infusus, ut fides, vel concreatus, ut iustitia originalis, vel innatus, ut peccatum originale, vel acquisitus, ut ars, &c.

6. Habitus acquisitus est, vel corporis vel animi.

7. Habitus animi est intellectualis vel moralis.

8. Intellectualis, sunt Scientia, Ars, Prudentia.

9. Moralis, sunt Fortitudo, Temperantia &c.

10. Neuter cadit in Bruta,

11. Quæ enim ex habitu morali vel intellectuali videntur agere, ea ad instinctum & memoriam ac phantasiam referri possunt.

12. Habituum acquisitorum causæ sunt actiones;

13. Actiones habitum antecedentes & acquiritum consequentes non differunt specie sed gradu.

14. Habitus non corrumpuntur solâ actione intermissione, sed actione contrariâ aut saltem disparatâ.

15. Potentia naturalis est, qualitas sensibus non obvia, qua subiectum est aptum ad agendum aut patiendum: impotentia est diminuta potentia.

16. Potentia naturalis est, activa vel passiva, prima vel secunda.

17. Activa, est principium transmutationis in alio quatenus est aliud.

18. Passiva, est principium transmutationis ab alio quatenus est aliud.

19. Prima, quæ immediatè finit à formâ.

20. Secunda, quæ etiam finit ab organo & materiæ dispositione.

21. Qualitas patibilis est, quæ passionem efficit in sensu: passio est, cum cibus evanescit.

22. Differunt principio, quia hæc ex subitâ perturbatione oritur, illa ex firmioribus causis, tum etiam permanentiâ, quod hæc facilius, illa difficilius tollatur.

23. Patibilis qualitas est prima vel secunda:

24. Prima, vel simpliciter, ut lux cœlestis quæ prior est omnibus, vel in inferioribus, ut calor, frigus, humiditas, siccitas.

25. Secunda, sunt qualitates alie sensibiles, sapor, odor, color, gravitas, levitas, &c.

26. Figura est, qualitas orta ex terminatione magnitudinis: forma est figura cum colore.

27. Figura est rerum Mathematicarum, forma Physicarum.

28. Qualitas habet contrarium.

29. Hæc nota reperitur tantum in prima & tertia specie,

30. Nec tamen in omnibus primæ & tertiæ speciei qualitatibus.

31. Qualitas recipit magis & minus, seu intenditur & remittitur.

32. Hæc

32. Hæc nota omnibus qualitatibus convenire videtur præter quartam.

33. Qualitas omnis intenditur & remittitur, quæ aliam habet qualitatem, vel contrarie, vel privative sibi oppositam.

34. Intensio fit in qualitate per liberationem à contraria vel à privatione:

35. Remissio per admixtionem contrariæ vel privationis.

36. Unde intensio est, alteratio à minore qualitatis gradu ad majorem, remissio contra, à minore gradu ad majorem.

37. Recipere magis & minus, si significet, capere plures aut pauciores gradus essentialis in eodem subiecto, idem est quod intendi & remitti.

38. Quo sensu, nota hæc vera est de qualitatibus in abstracto: sic albedo & calor dicuntur intendi & remitti:

39. Recipere magis & minus, si significet prædicari per adverbium magis & minus, tum convenit qualitatibus in concreto, ut album & calidum est magis vel minus tale.

40. A Qualitate res dicuntur similes vel dissimiles.

POSITIONUM LOGICARUM

DISPUTATIO QUINTA,

DE

RELATIS.

THESIS I.

Relata sunt, quæ id ipsum, quod sunt, aliorum esse dicuntur, aut alio quovis modo ad aliud referuntur.

2. Relata, alia sunt secundum dici, alia secundum esse.

3. Relata secundum dici, sunt entia absoluta, quæ à nobis concipiuntur atque explicantur, ac si essent relata.

4. Relatorum secundum esse totum esse est respectivum, seu ferri ad aliud.

5. Discrimen inter relata secundum dici & secundum esse non tam in relationibus quam in vocibus situm est.

6. Nam vox quæ primario significat relationem, consequenter subiectum, significat relatum secundum esse.

7. Vox quæ primario significat rem absolutam, consequenter relationem, significat relatum secundum dici.

8. Relata sunt vel realia vel rationis.

9. Relata realia sunt, quæ sua natura referuntur ad aliud.

10. Horum tria sunt genera. 1. cum extrema sunt entia. 2. cum sunt reipsa seu rea-

liter distincta. 3. cum ordo eorum non dependet à mente.

11. Relata rationis sunt, quæ sola mentis operatione referuntur ad aliud.

12. Horum tria sunt genera, vel cum entia rationis ad se invicem referuntur, ut genus & species, vel cum extrema non sunt realiter distincta, ut identitas, quæ est relatio sui ipsius ad semet, vel cum relatio fingitur ab intellectu, ut cum dextrum & sinistrum dicuntur relata.

13. Relata realia sunt, vel prædicamentalia vel transcendentalia.

14. Transcendentalia, quæ referuntur ad aliud non sub ratione puri termini, sed & sub ratione causæ aut effecti, &c.

15. Prædicamentalia, quæ ad aliud referuntur sub ratione puri termini.

16. Ad Relationis prædicamentum pertinent, Relata secundum esse, realia, prædicamentalia; non item species oppositæ illis.

17. Abstractum relati est relatio, quæ est habitudo unius ad aliud.

18. Itaque in omni relatione duo sunt: unum,

unum, quod refertur; aliud, ad quod refertur.

19. Quod refertur, subjectum dicitur, illud, ad quod subjectum refertur, dicitur terminus.

20. Inter hæc gemina est relatio, una subjecti ad terminum, altera termini ad subjectum.

21. Itaque, omnia relata sunt mutua.

22. Relata non mutua, nulla sunt, sed videntur talia ob defectum vocabulorum.

23. Quod in una relatione est subjectum in altera est terminus, & contra.

24. Subjectum cum relatione vocatur relatum.

25. Terminus cum relatione opposita correlatum.

26. Si relato & correlato idem sit nomen, vocantur relata æquiparantia.

27. Si nomen utrique sit diversum, disquiparantia.

28. Subjectum & terminus ad relationis prædicamentum non pertinent, sed tantum relatum & correlatum, ac, quæ intercedit inter utrumque, relatio.

29. Præter subjectum & terminum in quibusdam relationibus requiritur fundamentum distinctum ab utroque.

30. Fundamentum est quo mediante relatio subjecto in hæret:

31. Hoc non in omnibus est distinctum à subjecto & termino;

32. Non in iis relationibus, quæ ex sola subjecti & termini coexistentia oriuntur,

33. At in aliis, quæ sic non oriuntur, distinctum est ab utroque.

34. Fundamentum relationis tum semper est accidens absolutum.

35. Relata habent contrarium, non omnia, sed quædam.

36. Relata recipiunt magis & minus, non omnia sed quædam:

37. Utræque nota convenit iis, quorum fundamenta vel subjecta sunt contraria aut magis & minus recipiunt.

38. Relata reciprocantur, omnia, sc. in casu obliquo.

39. Relata sunt simul natura, omnia, sc. quatenus sunt relata.

40. Relata sunt simul cognitione, omnia, sc. ut sic, formaliter, quatenus sunt relata.

41. Relationes non sunt entia realia realiter distincta à subjecto, fundamento, aut termino.

42. Multo minus accidentia Physica, ad modum qualitatum inherantia,

43. Sed accidentia Logica, quorum esse non est inesse, sed ad subjectum referri illudque quovis modo efficere;

44. Hinc est, quod relationes, nec component, nec mutant subjectum.

POSITIONUM LOGICARUM

DISPUTATIO SEXTA,

DE

SEX POSTREMIS PRÆDICAM.

THESIS I.

Postrema sex prædicamenta (sicut & relationis) non complectuntur accidentia Physica, i. e. entitate distincta, sed Logica, i. e. modo prædicandi diversa.

2. Itaque, definiri debent non per entia sed per modos entium.

3. Hi modi entium diversi diversum fundant modum prædicandi.

4. Actio est modus, quo quippiam dependet à causa efficiente.

5. Passio est modus, quo quippiam dependet à subjecto recipiente.

6. Actio

6. Actio & passio non sunt modi diversi, multo minus essentiae distinctae.

7. Sed enim idem modus sunt, respectu tantum diverso diversimodè definitur.

8. Itaque generaliter utraque definiri potest, modus quo res quæpiam est in fieri, aut potius, ipsum fieri rerum.

9. Hoc fieri, aut modus in fieri, ut respicit principium à quo proficiscitur, dicitur actio: ut subiectum respicit, in quo recipitur, dicitur passio.

10. Hinc ratione tantum distinguuntur actio & passio.

11. Actio ut actio requirit agens, terminum à quo, terminum ad quem;

12. Non requirit subiectum per se, sed ratione termini ad quem.

13. Itaque, non omnis actio requirit subiectum, sed ea solum, quæ terminum habet per se non subsistentem, eumque, substantiam completam.

14. Actio, cum subiectum habet, non est in agente sed in patiente.

15. Hoc tamen non intelligendum est de actione formaliter, ut est actio, sed materialiter, ut est passio;

16. Sunt enim unus idemque, & modus, & motus.

17. Actionum & passionum differentia sumitur à termino ad quem.

18. Alia est ex nihilo; alia ex subiecto.

19. Ex nihilo, vocatur creatio, cui opponitur annihilatio.

20. Ex subiecto, est vel immanens vel transtiens.

21. Immanens, cuius terminus est in agente, non tamen quæ agente, sed quæ patiente.

22. Nam in illà actione Agens & Pater idem sunt.

23. Transtiens, cuius terminus est extra agens in alio.

24. Eitque, vel ad substantiam, vel ad quantitatem, vel ad qualitatem, vel ad ubi.

25. Ad substantiam dicitur generatio, cui opponitur corruptio.

26. Ad quantitatem dicitur accretio, cui opponitur diminutio.

27. Ad qualitatem dicitur alteratio, quæ multis modis pro diversitate termini ad quem subdividitur.

28. Ad ubi dicitur motus localis, qui etiam varie dividitur.

29. Actio etiam dividitur in perficientem & corruptentem.

30. Perficiens, cum patienti aliquid accedit, & nihil decedit.

31. Versaturque inter terminos à quo & ad quem privativè oppositos.

32. Corruptens, cum patienti aliquid accedit & aliud decedit.

33. Versaturque inter terminos à quo & ad quem contrarios.

34. Actioni & passioni convenit, habere contrarium, & recipere magis & minus.

35. Sed non per se, verum ratione termini ad quem.

36. Ideoque non omnibus sed quibusdam tantum convenit.

37. Ubi est modus quo res finitè alicubi esse dicuntur.

38. Deus non est alicubi seu in aliquo ubi sed ubique;

39. Unde ipsi tribui solet ubi repletivum, quia omnia replet.

40. Creaturarum ubi, est vel circumscriptivum vel definitivum.

41. Circumscriptivum ubi, est modus existendi alicubi, ut ex isto ubi alia corpora excludantur;

42. Convenit solis corporibus naturalibus.

43. Definitivum ubi, est modus existendi alicubi, ut ex eo ubi alia corpora non excludantur;

44. Competit solis spiritibus finitis.

45. Quando est modus, quo res finitè aliquando, id est, in aliqua temporis differentia, esse, fuisse, vel fore, dicuntur.

46. Deus non aliquando, sed semper est.

47. Qui modus existendi, dicitur duratio infinita, & unà voce, æternitas.

48. Creaturarum quando, est modus perseverandi in existentia permanente vel successiva.

49. Prior, dicitur ævum, competitque spiritibus finitis.

50. Posterior, dicitur tempus, competitque corporibus.

51. Situs est modus corporis resultans ex ordine partium inter se.

52. Situs mutari nequit sine mutato ubi, sed Ubi mutari potest non mutato situ.

53. Non ergo situs & ubi debent confundi.

54. Nam ubi significat ordinem totius ad locum, situs ordinem partium inter se.

55. Non est tamen situs formaliter relatio, sed relatio ex situ nascitur.

56. Habitus est modus, quo vestis aut aliquid instar vestis corpori appositum, appensum, aut alio quovis modo adjunctum est.

POSITIONUM LOGICARUM

DISPUTATIO SEPTIMA,

DE

PRÆDICABILIBVS.

THESIS I.

EX rerum in prædicamentis dispositarum collatione, oriuntur notiones secundæ, siue affectiones Logicæ.

1. Hæ sunt vel simplices vel conjunctæ.

2. Simples, quæ singulis rebus seorsim conveniunt.

3. Conjunctæ, quæ pluribus rebus conjunctim conveniunt.

4. Simples sunt, Prædicabilia, totum & pars, causa & causatum, subjectum & adjunctum.

5. Prædicabilia sunt, quæ vere, proprie, naturaliter, atque immediatè, de alio aut pluribus affirmantur.

6. Ea sunt numero quinque.

7. Ex iis sunt duo universalia, Genus & Species.

8. Genus est, quod de pluribus specie differentibus prædicatur in questione, qua queritur, quid sit res.

9. Specie differre est differre essentialiter.

10. Essentialiter differunt, quando in essentiali unius ponitur quod non est in essentiali alterius.

11. Species est, quæ collocatur sub genere, directè.

12. Genus est summum, vel subalternum:

13. Summum, quo non est superius genus, subalternum contrà.

14. Species est subalterna, vel infima.

15. Subalterna, quæ est alia inferior species, infima contrà.

16. Genus & species, subalterna, non differunt re ipsa, sed respectu diverso.

17. Genus subalternum dicitur respectu inferiorum, species respectu superiorum.

18. Genus non potest conservari in una specie, sed potest species conservari in uno individuo.

19. Itaque, malè nonnulli vocant individua species specialissimas.

20. Species specialissima est, quæ de pluribus numero differentibus prædicatur in questione, quæ queritur, quid sit res.

21. Differentia est, quæ res à re differt.

22. Estque vel accidentalis vel essentialis.

23. Accidentaliter pertinet ad 4. & 5. prædicabile.

24. Essentialis est, quæ addita generi speciem constituit, eamque ab aliis speciebus essentialiter distinguit.

25. Hinc dicitur ratione generis divisiva, ratione speciei constitutiva.

26. Differentia essentialis definitur, quæ de pluribus numero vel specie differentibus prædi-

prædicatur essentialiter, in quæstione, quæ queritur, qualis sit res.

28. Itaque alia est generica, quæ de pluribus specie, alia specifica, quæ de pluribus numero differentibus, prædicatur.

29. Proprium, scil. quarto modo, est, quod non declarat quid res sit & tamen soli inest & cum eâ reciprocatur.

30. Proprium est vel internum vel externum.

31. Internum emanat ab essentia subjecti.

32. Externum ponitur in subjecto polita causâ extra subjectum.

33. Internum à subjecto in quo est separari nequit, nec separatione reali, nec mentali.

34. Nec potest subjecto alteri specie diverso communicari.

35. Accidens est, quod adest & abest sine subjecti interitu.

36. Quæ definitio intelligenda est divisim, non conjunctim.

37. Interitus intelligitur, tum Physicus, rei corruptio, tum Logicus, contradictio.

38. Accidens est separabile vel inseparabile.

39. Separabile, quod reverâ separari potest, viribus naturæ.

40. Inseparabile, quod viribus naturæ separari nequit.

41. Potest tamen separari virtute supernaturali;

42. Item per separationem mentalem, non tantum simplicem, sed & complexam.

43. Et in hoc differt à proprio, quod separatione mentali nullo modo à subjecto separari potest.

44. Licet subjectum separari possit à proprio, separatione mentis simplici, non item complexâ:

45. At subjectum five species ne quidem simplici mentis abstractione à differentia essentiali separari potest.

POSITIONUM LOGICARUM

DISPUTATIO OCTAVA,

DE

TOTO ET PARTE, CAUSA ET CAUSATO
IN GENERE.

THESIS I.

Totum dicitur, vel negativè vel positivè.

1. Totum negativè dicit partium carentiam, idemque est, quod indivisibile.

2. Unde, cum Deus dicitur totus ubique, aut anima tota in corpore, id est, non per partes.

3. Totum positivè, ponit partes, ad quas dicit respectum.

4. Unde benè dicitur, constare plurium, id est, partium unione.

5. Hoc totum hic spectatur, & à partibus unitis non differt realiter:

6. Differt tamen hoc modo, aut à partibus

singulis, aut à simul etiam sumptis, sed non unitis.

7. Partes sunt priores natura quam totum, vel secundum existendi consecutionem, vel secundum causalitatem.

8. Hinc notiores sunt toto simpliciter & cognitione distincta.

9. Totum est per se vel per accidens.

10. Totum per se est, cum, vel totum est de essentia partium, vel partes sunt de essentia totius:

11. Prius vocatur totum constituens & potentiale; posterius, constitutum & actuale.

12. Constituens, quia hoc totum essentiam partium constituit.

14. Potentiale, quia partes suas continet potentia.
15. Constitutum, quia ejus essentia à partibus constituitur.
16. Actuale, quia suas partes continet actu.
17. Totum constituens & potentiale est genus respectu specierum, aut species respectu individuorum.
18. Unde solet vocari totum universale vel Logicum.
19. Totum constitutum & actuale habet partes, vel ratione vel re ipsa distinctas.
20. Quæ partes ratione distinguuntur, ex constituunt totum formale seu Metaphysicum:
21. Hoc nihil est aliud, quam definitum respectu partium definientium, generis & differentiarum.
22. Quæ partes re ipsa distinguuntur, vel se mutuo penetrant, & constituunt Totum Physicum, vel situ discrepant, & constituunt Totum Mathematicum.
23. Totum Physicum, aliis essentiale, est compositum respectu materiarum & formarum.
24. Totum Mathematicum, aliis integrale, est, quod habet partem extra partem.
25. Hoc est, continuum vel discretum.
26. Utrumque vel simile vel dissimulare.
27. Similare habet partes ejusdem inter se nominis ac naturæ.
28. Dissimulare habet partes diversi inter se nominis ac naturæ.
29. Totum per accidens, est causa respectu diversorum effectuum, & contra: subiectum respectu diversorum adjunctorum, & contra.
30. Causa est, cujus vi res est.
31. Principium latius est, quam causa.
32. Omnis enim causa est principium, non contra.
33. Causatum est, quod à causis constituitur.
34. Omnis causa natura est prior causato:
35. Ideoque & notior cognitione distincta.
36. Non omnis tamen tempore est prior causato.
37. Causa est vel interna vel externa.
38. Interna, quæ ingreditur causati essentiam ut pars.
39. Externa, quæ extra causati essentiam maquet.
40. Interna est materia & forma; externa, efficiens & finis.
41. Itaque 4. sunt in universum causæ, non plures, non pauciores.
42. Idea non est quintum genus causæ, sed vel ad causam efficientem minus principalem, vel ad formam reduci potest.
43. Causæ internæ aliquam in causando imperfectionem involvunt quia causant componendo: externæ non item.
44. Hinc Deus vicem potest sustinere causæ externæ; internæ non item.
45. Causæ internæ inter se & cum externis necessario conjunguntur: externæ quidem inter se, cum internis non item.
46. Causæ internæ quia simul causant, causatum earum communi nomine vocatur compositum:
47. Causatum efficientis vocatur effectum; finis, medium vel destinatum.
48. Communis causarum affectio est subordinatio.
49. Causæ subordinatæ sunt, quarum una dependet ab altera.
50. Causæ dependent à se invicem, vel quoad existentiam, vel quoad causalitatem, vel quoad utrumque.
51. Totidem modis sibi invicem subordinantur.
52. Quæ quoad existentiam tantum sibi invicem subordinantur, aut quoad causalitatis exercitium in genere, ex subordinantur sibi invicem accidentaliter, aut per accidens.
53. Quæ vero sibi invicem quoad causalitatis exercitium ad effectum tale, hoc vel illud subordinantur, ex subordinantur sibi invicem per se & essentialiter.
54. Itaque, causa essentialiter alteri subordinata exigit. 1. ut à superiori ad causandum moveatur. 2. ut moveatur ad effectum tale.
55. Causa accidentaliter alteri subordinata requirit, ut vel causa inferior ab alia superiore nullo modo moveatur, vel saltem non moveatur ad effectum tale.

POSITIONUM LOGICARUM

DISPUTATIO NONA,

DE

MATERIA, FORMA, FINE.

T H E S I S I.

Materiæ vox significat, vel objectum, & dicitur materia circa quam, vel subiectum, & dicitur materia in qua, vel id ex quo aliquid fit vel constat, & dicitur materia ex qua.

2. Significatu tertio proprie causa est.
3. Causalitas materiæ est, formas excipere easque sustinere, & cum forma causatum constituit.

4. Unde causatum materiæ proximum sed inadæquatum est forma; remotum sed adæquatum est totum compositum: illud vocant Scholastici, causatum quo; hoc, causatum quod.

5. Materia est vel prima vel secunda: illa est universalis, hæc particularis.

6. Neque materia prima alia est aut diversa à secunda, sed differt ab illa, fere ut genus à specie.

7. Materia secunda certam habet formam, qua particulare aliquod ens cum ea constituit.

8. Materia prima consideratur ab omni forma per mentem præcisâ; inde dicitur informis.

9. Hinc, non dicitur sic quod reipsâ ab omni forma separari possit, hoc enim fieri nequit.

10. Materia utraque, tam prima quam secunda, est vel compositionis (alii dicunt immanens) ex qua res constat, vel generationis (alii dicunt transiens) ex qua res fit.

11. Dicitur transiens, non quod materia transire possit, sed quia, antequam ultimam formam accipiat, per illam formæ & dispositiones transcant.

12. Forma est causa interna per quam res est id quod est.

13. Ejus causalitas est, materiam informa-

re & cum materia compositum constituere.

14. Forma est materialis vel immaterialis.

15. Materialis, quæ producit ex potentia materiæ, immaterialis contra.

16. Produci ex potentia materiæ, est, ita in fieri dependere à materia, ut materia actionem producentis sua causalitate promoveat ac juvet.

17. Forma etiam est substantialis vel accidentalis.

18. Dari formas substantiales, præter argumenta alia, evincit diversorum accidentium in diversis subiectis concursus, & alterati corporis ad naturalem statum reductio.

19. Forma substantialis non incurrit in sensus per se:

20. Nec variatur gradibus;

21. Est principium proprietatum atque operationum.

22. Forma etiam alia est principalis, alia disponens.

23. Principalis tantum est substantialis, & unica in uno composito,

24. Instrumentalis est, vel substantialis, vel accidentalis, & potest esse multiplex in uno composito.

25. Principalis forma speciem per se constituit.

26. Disponens forma, qua talis, non constituit speciem, sed materiam aptam facit ad recipiendam principalem.

27. Divisio formæ in genericam & specificam vitiosa est, quia nulla est forma generica, sed omnis est specifica:

28. Quæ vulgo dicitur forma generica, materiæ habet rationem potius quam formæ respectu compositi ultimi, quod à forma specifica constituitur.

29. Nec bona est divisio formæ in assistentem & informantem, quia nulla est assistens, sed omnis est informans:

30. Finis est causa externa, quæ sui amore efficientem excitat ad agendum.

31. Quæ definitio intelligi debet de fine in intentione, non item in executione.

32. Finis enim in executione est effectum potius quam causam.

33. In illa excitatione efficientis ad agendum consistit causalitas finis, quæ vulgo motio Metaphorica dicitur.

34. Dicitur motio Metaphorica, non quod non sit vera motio, sed quod non sit Physica aut qualis est efficientis, immediate tendens in causatum.

35. Ut finis causalitatem suam exerceat, debet cognosci.

36. Non ipsa tamen cognitio, ejus est causalitas, sed conditio sine qua non.

37. Itaque finis movet, non secundum esse cognitum, sed secundum esse reale;

38. Non secundum esse reale actuale, sic enim est effectum, sed possibile, & sic est causa.

39. Finis est cujus vel cui: ille, quem efficiens expetit; hic, in cujus gratiam expetit aliquid.

40. Finis est principalis, quem agens primario, & secundarius, quem secundario expetit.

41. Finis est subordinatus, qui refertur ad ulteriorem finem, & ultimus, qui non.

42. Omnia agunt propter finem ultimum, vel virtualiter & implicite, ut res inanimes &

plantæ, & bruta, vel formaliter & explicite, licet non semper, ut homines.

43. Homines cognoscunt finem propter quem agunt ut finem, bruta rem cognoscunt quæ est finis, plantæ & res inanimes neutrum cognoscunt, sed tendunt in finem cognitum à Deo, à quo diriguntur.

A N N E X A.

1. *Quicquid habet materiam, habet & formam.*

2. *Quicquid habet formam, habet & materiam.*

3. *Materia prima est ingenerabilis & incorruptibilis, sed producta est per creationem & non potest desinere nisi per annihilationem.*

4. *Posita forma ponitur formatum.*

5. *Forma, quanto dians esse mobilis, tanto sunt nobiliores.*

6. *Forma Substantialis constituta est in indivisibili.*

7. *Omnis finis est bonum quid.*

8. *Finis & bonum reciprocantur.*

9. *Acquisito fine cessat actio.*

10. *Finis non habet modum aut mensuram.*

11. *Media habent modum & mensuram à fine.*

12. *Media sunt bona bonitate finis.*

13. *Finis est prior media.*

14. *Qui vult finem, vult etiam media ad finem.*

15. *Finis, qui primus est in intentione, est ultimus in executione.*

16. *Quo finis est ulterior, eo melior.*

17. *Hinc finis ultimus est optimus.*

POSITIONUM LOGICARUM

DISPUTATIO DECIMA,

DE

CAUSA EFFICIENTE.

THESIS I.

Causa efficiens, est causa externa à qua res verè causalitate proficiscitur:

2. Estque, vel emanativa, vel activa.

3. Emanativa est, à qua res immediate emat.

tè emanat, id est, sine media causalitate.

4. Nam ipsa causæ existentia est ejus causalitas.

5. Itaque, posita causâ emanativâ, implicat contradictionem effectum non poni.

6. Causa activa est, quæ causatum producit mediante actione:

7. Ideoque, posita causâ activâ, potest citra contradictionem effectum non poni.

8. Causa activa dividitur in immanentem & transeuntem.

9. Immanens est, quæ producit effectum in se.

10. Transiens, quæ producit effectum extra se:

11. Estque vel creans vel immutans.

12. Creans, producit effectum ex nihilo.

13. Immutans, ex præcedente materiâ.

14. Causa Transiens debet realiter distinguì à patiente.

15. Deinde debet conjuncta esse patienti, vel quoad suppositum, vel quoad virtutem:

16. Itaque, non datur actio in distans:

17. Tertiò, debet patienti esse dissimilis, vel quoad speciem, vel quoad gradum.

18. Causa efficiens est vel libera vel necessaria.

19. Causa libera est, quæ consultò causat.

20. Consultò causat, quæ agit ex prævio dictamine rationis.

21. Itaque libertas, est facultas totius hominis, ex præscripto intellectus & proæresi voluntatis, operantis.

22. Causa necessaria est, quæ agit necessitate naturæ.

23. Hæc necessitas naturæ sub se completitur necessitatem animalem.

24. Causa efficiens est, vel per se, vel per accidens.

25. Causa efficiens per se est, quæ producit effectum consilio aut propensione naturali conveniens; consilio, si sit libera; propensione, si sit necessaria; vel quæ producit effectum, quatenus est talis.

26. Causa efficiens per accidens est, quæ producit effectum consilio aut naturæ suæ dissidentium, vel quæ non producit effectum, quatenus est talis.

27. Causa efficiens per accidens est, vel fortuita, vel casualis.

28. Causa efficiens est, principalis vel minus principalis.

29. Principalis est, quæ suâ virtute effectum producit.

30. Ea nunquam est deterior effecto, sed vel nobilior vel par.

31. Estque univoca vel æquivoca.

32. Univoca continet effectum formaliter, ac producit effectum suæ speciei.

33. Æquivoca continet effectum eminenter, ac producit illud diversæ speciei.

34. Causa minus principalis est vel impulsiva vel instrumentalis.

35. Impulsiva est, interna vel externa: illa vocatur proëgumena, hæc procatartica.

36. Proëgumena causam principalem intus disponit vel etiam proritat ad agendum.

37. Procatartica causam principalem extrinsecus excitat ad agendum.

38. Huc pertinet objectum & causa Moralis.

39. Causa Moralis est, quæ non producit effectum per influxum realem, ut causa Physica, sed hortando, dehortando, &c.

40. Instrumentalis causa est, quæ ad effectum concurret dependenter à causâ principali.

41. Itaque, instrumenti ratio in eo est sita, quod ejus virtus elevetur à causâ principali.

42. Instrumentum naturale quoad activitatem à causa principali separatum nullum datur.

43. Causa efficiens est, vel prima vel secunda.

44. Prima, quæ à nulla alia causa pendet.

45. Secunda, quæ dependet à primâ.

46. Prima est, vel absolute talis vel secundum quid.

47. Absolute talis est Deus.

48. Hujus actiones tres sunt, creatio, conservatio, concursus.

49. Causa prima secundum quid est, cælum in genere actionum naturalium, anima in genere actionum vitalium.

50. Causa efficiens est, vel universalis vel particularis.

51. Universalis, cujus causalitas ad plura effecta extenditur:

52. Particularis, cujus causalitas ad unum tantum effectum pertinet.

53. Causa efficiens est proxima vel remota.

54. Proxima, vel absolute vel in suo genere.

55. Causa absolute proxima est, inter quam & effectum nihil omnino intercedit medium, nec causa alia nec conditio ad causandum requisita vel causalitas.

56. Causa proxima in suo genere est, inter

quam & effectum non intercedit alia causa ejusdem ordinis, licet intercedat causa efficiens alterius ordinis, & insuper causalitas.

57. Causa remota est, inter quam & effectum ejusdem ordinis causa alia intercedit.

58. Itaque opponitur proprie cause in suo genere proxima.

59. Causa absolute proxima est sola emanativa.

60. Estque vel interna, quæ est in subiecto illius accidentis cujus causa est, vel externa, quæ non est in subiecto ejus accidentis cujus causa est.

POSITIONUM LOGICARUM

DISPUTATIO UNDECIMA,

DE

SVBIECTO ET ADIVNCTO.

THESIS I.

Subjecti vox, vel significat id, cui aliquid præter essentiam adjungitur, vel id, de quo aliquid prædicatur.

1. Subiectum, quod dicit respectum ad prædicatum, vocatur subiectum axiomatum, vel denominationis, vel prædicationis.

3. Subiectum, quod dicit respectum ad adjunctum, vocatur subiectum topicum, & speciatim, vel inhærentis, vel adhærentis, vel occupantis.

4. Subiectum prædicati latius patet subiecto adjuncti.

5. Nam illud, de quo aliquid prædicatur vel falsò vel negative vel essentialiter, subiectum est prædicati, non item adjuncti.

6. Adjunctum enim, nec falsò, nec negative, nec essentialiter, prædicatur.

7. Itaque; nec omne prædicatum est adjunctum, sed illud tantum, quod præter essentiam alicui adjungitur.

8. Subiectum & adjunctum se mutuò definiunt, quia sunt relata.

9. Et quot modis dividitur unum, totidem & alterum.

10. Adjunctum est vel necessarium vel contingens.

11. Necessarium, quod copulam habet cum subiecto necessariam, ut est proprium quarto modo.

12. Contingens, quod habet copulam cum subiecto contingentem, ut est accidens prædicabile.

13. Adjunctum est vel absolutum vel limitatum.

14. Absolutum, quod subiecto convenit simpliciter, ejusque subiectum vocatur subiectum quod.

15. Limitatum, quod convenit subiecto secundum quid, ejusque subiectum dicitur subiectum quo.

16. Adjunctum est vel internum vel externum.

17. Internum, quod subiecto inhæret.

18. Externum, quod ad subiectum extrinsecus ordinatur.

19. Sub-

19. Subiectum adjuncti interni est subiectum inhætionis.

20. Subiectum adjuncti externi est, vel adhætionis, vel occupationis.

21. Cum subiectum inhætionis denominatur ab adjuncto interno, est denominatio intrinseca.

22. Cum subiectum adhætionis vel occupationis denominatur ab adjuncto externo, vocatur denominatio extrinseca.

23. Adjunctum externum, est vel objectum, vel signum, vel circumstantia.

24. Objectum est, circa quod res operando versatur.

25. Unde dicitur adjunctum occupans.

26. Objectum propriè est actionis; Substantiæ, facultatis, habitus, non nisi per & propter actionem.

27. Objectum est vel per se vel per accidens.

28. Utrumque est tale, vel ratione subiecti, vel ratione sui.

29. Objectum per se ratione subiecti, est circa quod subiectum natura sua versatur.

30. Objectum per se ratione sui, est quod ipsum quâ tale subiecto objicitur.

31. Objectum per accidens ratione subiecti, circa quod non versatur subiectum natura sua.

32. Objectum per accidens ratione sui, quod non quâ tale subiecto objicitur.

33. Objectum est proprium vel commune.

34. Proprium, quod uni tantum rei objicitur.

35. Commune, quod objicitur pluribus rebus.

36. Objectum commune vocatur in disciplinis materiale, proprium formale.

37. Materiale, dicitur res ipsa, quæ consideratur.

38. Formale objectum, dicitur modus considerandi.

39. Objectum est vel mediatum vel immediatum.

40. Mediatum est, quod alio mediante alicui objicitur.

41. Immediatum, quod nullo mediante alicui objicitur.

42. Signum est, quod se ipsum sensibus & id cuius est signum facultati cognoscenti internæ offert.

43. Hinc, quod in sensum non incurrit, non est signum.

44. Subiectum, cuius adjunctum dicitur signum, est res signata.

45. Signum est vel naturale vel arbitrium.

46. Naturale, quod significat sua natura.

47. Arbitrium, quod significat ex institutione.

48. Arbitrium est Divinum vel humanum.

49. Divinum, quod significat ex institutione Dei.

50. Humanum, quod significat ex institutione hominis.

51. Signum est vel notificans vel memorativum vel certificans.

52. Notificans, quod rem simpliciter indicat.

53. Memorativum, quod rei præteritæ memoriæ inducit.

54. Certificans, quod obsignat, vocaturque sigillum.

55. Signa sunt vel antecedentia rem signatam, vel consequentia, vel cum eâ conjuncta.

56. Signum est, vel materiale vel formale.

57. Materiale, quod rem signat seu significat, sed non repræsentat.

58. Formale, quod rem repræsentat.

59. Formale, vel repræsentat rem signatam, sine sui cognitione, vel per sui cognitionem.

60. Quod signum rem sine sui cognitione repræsentat, dicitur formale simpliciter.

61. Quod signum per sui cognitionem rem signatam repræsentat, dicitur signum instrumentale.

62. Signum est necessarium vel contingens.

63. Necessarium, certum Dei indicium facit: contingens incertum.

64. Circumstantia est adjunctum, quod circa rem est, eivæ adjacet vel appositum est.

65. Huc pertinent, Locus, Tempus, &c.

CONVENIENT. ET DISTINCT.

THESIS. I.

Affectiones thematis simplicis conjunctae sunt, convenientia, diversitas, oppositio, & ordo.

2. Convenientia est affectio conjuncta, qua plura aut quasi plura uniuntur.

3. Estque realis vel rationis.

4. Realis, est convenientia unius rei cum seipsa.

5. Uniuntur hic quasi plura.

6. Convenientia rationis, est convenientia plurium in uno conceptu.

7. Uniuntur hic plura.

8. Utraque species convenientiae ad res praedicamentales tantum, non item ad Deum, applicari debet.

9. Praeterea, convenientia est vel simplex vel analogica.

10. Simplex, est convenientia unius cum alio in eodem tertio.

11. Analogica, est convenientia plurium cum pluribus in eadem habitudine.

12. Convenientia simplex, est vel essentialis vel accidentalis.

13. Essentialis, dicitur identitas, estque unitas essentialis.

14. Identitas est, vel subordinata vel coordinata.

15. Identitas subordinata est, qua conveniunt superiora cum inferioribus sibi subiectis.

16. Estque haec convenientia realis.

17. Identitas coordinata est vel numerica vel specifica vel generica.

18. Identitas numerica est identitas unius individui cum seipso.

19. Estque haec convenientia realis.

20. Identitas numerica Scholasticis dicitur absoluta, quia est convenientia indi-

vidui secum sine comparatione ad aliud.
21. Idem numero est, qua res ita in essentia est una, ut numerari non possit.

22. Identitas specifica est identitas plurium individuum sub eadem specie.

23. Estque haec convenientia rationis.

24. Identitas generica est identitas plurium specierum aut individuum sub eodem genere, vel proximo vel remoto.

25. Quae sunt eadem numero sunt quoque eadem specie, & quae eadem sunt specie sunt quoque eadem genere, non contra.

26. Convenientia accidentalis est vel interna vel externa.

27. Interna est Paritas vel similitudo.

28. Paritas, est convenientia in quantitate.

29. Similitudo, est convenientia in qualitate.

30. Convenientia externa, est convenientia in causis, effectis, subjectis, adjunctis, omnibus externis.

31. Diversitas est, qua res à se invicem distinguuntur.

32. Estque realis, rationis, modalis.

33. Accuratius per dichotomiam dividitur in distinctionem rei & rationis.

34. Distinctio rei est, quae citra mentis nostrae operationem fit.

35. Distinctio rationis est, quae fit per mentis nostrae operationem.

36. Distinctio rei est realis vel modalis.

37. Distinctio realis est positiva vel negativa.

38. Distinctio realis positiva est, cum utrumque distinctionis extremum est positivum.

39. Distinctio realis negativa est, cum vel utrumque distinctionis membrum vel alterum est negativum.

40. Di-

40. *Distinctio modalis est, qua res una eademque distinguitur à seipsa per modos suos.*

41. *Non datur convenientia modalis opposita distinctioni modali:*

42. *Nam quæcunque modaliter conveniunt, si sit res eadem, realiter conveniunt; si sint res diversæ, solum ratione conveniunt.*

43. *Distinctio rationis est, vel rationis ratiocinantis, vel ratiocinatæ.*

44. *Distinctio rationis ratiocinantis est, quæ res distinguuntur conceptibus similibus.*

45. *Distinctio rationis ratiocinatæ est, quæ res distinguuntur conceptibus dissimilibus.*

46. *Quæ distinguuntur distinctione rationis ratiocinantis, faciunt enunciationem identicam: quæ verò distinctione rationis ratiocinatæ, non item.*

47. *Distinctio est præterea vel essentialis vel accidentalis.*

48. *Distinctio essentialis, qua distinguuntur res essentiali, vel essentialiter.*

49. *Distinguuntur essentiali, quando essentia unius non est essentia alterius.*

50. *Distinguuntur essentialiter, quando aliquid est in essentia unius quod non est in essentia alterius.*

51. *Distinctio essentialis est subordinata & coordinata.*

52. *Subordinata, qua differunt superiora ab inferioribus sibi subiectis.*

53. *Coordinata est, numerica, specifica, generica.*

54. *Numerica, qua distinguuntur individua ejusdem speciei.*

55. *Specificæ, qua distinguuntur species infimæ ejusdem generis, & earum individua.*

56. *Generica, qua distinguuntur generatum summa, tum subalterna, eorumque species & individua.*

57. *Quæ genere distinguuntur, etiam specie, & quæ specie, etiam individuo differunt; non contra.*

59. *Interna est diversitas in quantitate, quæ dicitur imparitas, in qualitate, dissimilitudo.*

60. *Externa est diversitas in causis, effectis, subiectis, adjunctis, omnibus externis.*

POSITIONUM LOGICARUM

DISPUTATIO DECIMA-TERTIA,

DE

OPPOSITIONE ET ORDINE.

THESIS I.

Oppositio est pugna rerum.

2. *Opposita sunt, quæ neque de se invicem, neque de eodem tertio singulari, secundum idem, ad idem, eodem modo atque eodem tempore affirmari possunt.*

3. *Oppositorum species sunt quinque, disparata, relative opposita, contraria, privative opposita, contradicentia.*

4. *Hæc oppositorum divisio intelligenda est de oppositione directâ.*

5. *Disparata sunt, quorum unum opponitur pluribus eodem modo.*

6. *Sic opponuntur. 1. multæ species ejusdem generis. 2. quæ ex distinctis generibus sumuntur, 3. quæ sub nullo sunt genere.*

7. *Relata sive relative opposita sunt, quæ id ipsum quod sunt aliorum esse dicuntur, aut alio quovis modo ad illud referuntur.*

8. *Contraria sunt duo absoluta, quæ sub eodem genere plurimum distant.*

9. *Intelligitur genus, non Physicum, quod vocant subiectum, sed Logicum seu universale.*

10. *Et tale genus vel remotum vel proximum.*

11. Distantia intelligitur non localis *κατὰ τόπον*, sed specifica, *κατὰ εἶδος*.
12. Atque hæc contrarietas Aristoteli & Peripateticis restringitur ad solas qualitates.
13. Videtur tamen etiam pertinere ad substantias & quantitatem.
14. Contraria vel sunt mediata, vel immediata.
15. Contraria mediata sunt, quæ admittunt medium; immediata contra.
16. Medium intelligitur participationis, non negationis.
17. Nam medium negationis cadit in omnia opposita, excepta contradictione.
18. At medium participationis reperitur tantum in contrariis, aut fortasse privative oppositis.
19. Contraria se mutuo destruunt, alterumque alterius contagione remittitur.
20. Nam, quod contrarium à contrario intendatur, est per accidens & per *ἀπὸ τῆς ἰσότητος*.
21. Contraria non possunt esse in eodem subiecto singulari.
22. Idque verum est tam de gradibus remissis quam intensis.
23. Versantur tamen circa idem subiectum vel genere vel specie.
24. Privative opposita sunt habitus & ejus privatio.
25. Habitus non significat primam speciem qualitatis, nec decimam categoriam, sed quodlibet accidens separabile.
26. Privatio intelligitur non physica, id est, absentia formæ quæ inesse potest, sed Logica, id est negatio formæ quæ inesse debet.
27. Itaque privatio est absentia habitus in subiecto non quolibet, sed in quo per naturam subiecti & tempus à natura definitum esse potest ac debet.
28. A privatione ad habitum non datur regressus.
29. Quod axioma intelligendum est de privatione potentie naturalis secundæ, ad quam naturæ viribus à principio intrinseco activo ipsius subiecti non datur regressus.
30. Contradictoria sunt ens & negatio ejus.
31. Estque vel inter terminos transcendentales vel inter terminos prædicamentales.
32. Contradictoria dividunt totam entis latitudinem.
33. Ideoque carent omni medio.
34. Hinc, contradictio est omnium oppositionum maxima, prima, ac mensura.
35. Quod enim cætera opposita opponantur, sit vi contradictionis quam includunt.
36. Contradictio alia est explicita, alia implicita.
37. Explicita, cum unum extremum finitum est, alterum infinitum.
38. Implicita, cum sine particula negationis alterum extremum ab altero evertitur.
39. Ordo est, secundum quem aliquid altero prius, posterius, aut simul dicitur.
40. Prius & posterius dicitur, tempore, natura, dispositione, dignitate, & honore.
41. Prius tempore, quod est altero vetustius & antiquius.
42. Prius natura, est vel existendi consecutione vel causalitate.
43. Prius existendi consecutione est, à quo non recipiatur existendi consecutio.
44. Prius causalitate est, quod recipiatur quidem secundum existendi consecutionem, & quomodocunque causâ est, cur alterum existat.
45. Prius dispositione dicitur, quod minus abest ab initio.
46. Prius dignitate est, quod est præstantius.
47. Prius cognitione, quod facilius cognoscitur.
48. Est prius cognitione sensuali & confusa, vel intellectuali & distincta.
49. Quod prius est cognitione sensuali & confusa, id nobis notius est.
50. Quod prius est cognitione distincta & intellectuali, id natura notius est.
51. Simul totidem modis dicitur quot prius: sed inter omnes modos est usitatissimus, quo res sunt simul natura.
52. Simul natura dicitur, vel simpliciter & absolute, vel secundum quid respectu tertii.
53. Simul natura simpliciter sunt, quæ recipor-

reciprocantur secundum existendi consecutionem, sed sic ut neutrum sit causa cur alterum existat.

54. Simul natura secundum quid sunt, quæ ex eodem genere æqualiter sibi invicem opponuntur.

POSITIONUM LOGICARUM

DISPUTATIO DECIMA-QUARTA,

DE

INTERPRETATIONE SIMPLICI ET COMPOSITA.

T H E S I S I.

Interpretatio est, vox articulata animi conceptus ex instituto significans.

2. Estque simplex vel composita:

3. Simplex est, cujus nulla pars significat separatim.

4. Composita, cujus pars aliqua significat separatim.

5. Interpretatio simplex dicitur dictio; composita verò, oratio, enunciatio, propositio, axioma.

6. In dictione est Etymologia & Conjugatio; Homonymia & Synonymia.

7. Etymologia est, ratio vocis in significando ex origine declarata.

8. Conjugatio est, vocum terminatione differentium in significatione affinitas.

9. Homonymia est in voce, quæ significat res, quibus ratio essentiz, communi nomini accommodata, est diversa.

10. Synonymia est in voce, quæ significat res, quibus ratio essentiz, communi nomini accommodata, est eadem.

11. In enunciatione sunt species & affectiones.

12. Species Enunciationis sunt, simplex & composita, pura & modalis.

13. Simplex, quæ non potest in plures enunciationes resolvi.

14. Ejus partes sunt subjectum & prædicatum.

15. Subjectum est, cui aliquid tribuitur in enunciatione simplici.

16. Prædicatum, quod alicui tribuitur in Enunciatione simplici.

17. Copula (est) est pars enunciationis, & quidem prædicati, si sit tertii adjecti, vel ipsum prædicatum, si sit secundi adjecti.

18. Composita, quæ potest in plures enunciationes resolvi, estque copulativa, hypothetica &c.

19. Pura est, in qua non exprimitur, quomodo partes coherrent.

20. Modalis, in qua exprimitur, quomodo partes coherrent.

21. Modi sunt 4. Necesse, Impossibile, Possibile, Contingens.

22. Affectiones enunciationis sunt, quantitas & qualitas.

23. Ratione quantitatis, est enunciatio universalis, & particularis, indefinita, & singularis.

24. Universalis, in qua subjectum universale accipitur universaliter.

25. Particularis, in qua subjectum universale accipitur particulariter.

26. Indefinita, in qua subjectum universale nulla quantitatis nota definitur.

27. Singularis, in qua subjectum est singulare.

28. Ratione qualitatis, est enunciatio affirmans vel negans, vera vel falsa.

29. Affirmans, quæ partes conjungit.

30. Negans, quæ partes dividit.

31. Utraque est, vel finita vel infinita.

32. Finita, quæ constat subjecto & prædicato finitis.

33. Subjectum & prædicatum est finitum, cum certam habet significationis latitudinem.

34. Infinita, quæ constat subjecto & prædicato infinitis, aut utroque, aut alterutro.

35. Subjectum & prædicatum dicuntur infinita, cum eorum significationem negandi nota infinitam facit.

36. Assertio prior est negatione, simul & notior.

37. Enunciatio vera est, quæ conjungit ea, quæ conjuncta sunt, & dividit, quæ divisa sunt.

38. Falsa, quæ conjungit divisa, aut dividit conjuncta.

39. Vera est, vel necessaria vel contingens.

40. Necessaria, quæ non potest esse falsa.

41. Contingens, quæ potest esse falsa.

42. Intelligitur hic necessitas & contingencia, non in essendo, non in causando, sed in prædicando.

43. Necessitas enunciationis in prædicando tribus absolvitur gradibus, quorum posterior priorem includit.

44. Primus gradus est *κατὰ πᾶσι*, quando

prædicatum convenit omni subiecto & semper.

45. Secundus est *κατὰ αὐτὸν*, quando prædicatum est de essentia & definitione subiecti, & dicitur primi modi, vel subiectum est de essentia & definitione prædicati, & dicitur secundi modi.

46. Tertius est *κατὰ τὸν χρόνον*, cum prædicatum & subiectum inter se recipiuntur.

47. Enunciatio falsa, est possibilis, quæ potest esse vera, vel impossibilis, quæ non potest esse vera.

POSITIONUM LOGICARUM

DISPUTATIO DECIMA-QUINTA,

DE

QUATUOR INSTRUMENTIS COGNOSCENDI.

THESIS I.

PARS Logicæ Organica, agit de cognoscendis instrumentis.

1. Esse quatuor cognitionis instrumenta, probat quadruplex mentis nostræ defectus, ignorantia, confusio, dubitatio, inordinatio.

3. Eorum primum est definitio, quæ est instrumentum Logicum explicans, quid res ipsa sit.

4. Estque vel perfecta, quæ rei essentiam explicat attributis essentialibus perfecte, vel imperfecta, quæ contra.

5. Omnis definitio perfecta essentialis est, non tamen omnis definitio imperfecta accidentalis.

6. Divisio est, totius per partes explicatio.

7. Unde, quotuplex fuerit totum, totuplex & divisio.

8. Syllogismus est oratio, in qua quibusdam positis, diversum quid à positis, propter ea quæ posita sunt, necessario sequitur.

9. Necessitas hic intelligitur non consequentis sed consequentiæ.

10. Partes syllogismi sunt tres enunciationes, major, minor, & conclusio.

11. Conclusio male dicitur nonnullis effectum syllogismi.

12. Figure syllogismorum tres sunt triplici dispositione medii.

13. Prima est, in qua argumentum sive terminus medius majori extremo subicitur, & de minore prædicatur.

14. Secunda, in qua argumentum de utroque extremo prædicatur.

15. Tertia, in qua argumentum utriusque extremo subicitur.

16. Quarta syllogismorum figura nulla est.

17. Syllogismus est Dialecticus, Apodicticus, Sophisticus.

18. Dialecticus est syllogismus generans opinionem aut alium quemlibet assensum præter scientiam.

19. Apodicticus est syllogismus generans scientiam.

20. Scientia est *ᾧ διότι* & *ᾧ ὅτι*.

21. Totuplex est demonstratio.

22. Hæc est divisio analogi in sua analogata.

23. In demonstratione *ᾧ διότι* medium debet esse causa proxima prædicati, eaque, vel efficiens,

efficiens, vel finis; & efficiens, vel interna vel externa.

24. Causa intelligitur proxima absolute.

25. Potest etiam medium esse causa, & quidem forma subiecti, sed non necessario est.

26. Præmissæ demonstrationis debent esse necessario veræ ac reciprocae, deinde immediatæ ac primæ.

27. Quod tamen totum intelligendum est potissimum de maiore.

28. In minore sufficit ut sit vera, licet nec necessaria, nec immediata fuerit.

29. Conclusio debet esse effectum præmissarum non tantum ut causæ cognoscendi sed & ut essendi.

30. Et præmissæ debent esse notiores & priores natura ipsa conclusione.

31. Demonstratio *τὸ ἄνω* est ab effectu & à causa remota.

32. Illa colligit causam ex effectu, hæc effectum ex causa remota.

33. Cum causa cognoscitur ex effectu & vicissim, vocatur regressus.

34. Regressus non est idem cum circulo.

35. Syllogismus Sophisticus est, qui generat errorem, seu ignorantiam pravæ dispositionis.

36. Hæc doctrina tam est necessaria pars Logicæ, quam doctrina de syllogismo vero.

37. Methodus est apta dispositio rerum eodem pertinentium, ut quam optimè facillimèque intelligantur.

38. Estque naturalis vel arbitraria.

39. Naturalis, quæ sequitur ordinem naturæ & cognitionis nostræ distinctæ.

40. Estque Synthetica & Analytica.


41. Synthetica, quæ progreditur à principiis ad composita, habetque locum in scientiis.

42. Analytica, quæ progreditur à fine ad media, habetque locum in prudentiis & artibus.

43. Itaque Methodus definitiva nulla est.

44. Arbitraria, quæ relicto ordine naturæ pro arbitrio est instituta.

F I N I S.



C O L L E G I U M
E T H I C U M
DISPUTATIONUM PRACTICARUM
P R I M A,

D B

CONSTITUTIONE PHILOSOPHIÆ PRACTICÆ.

T H E S I S I.



IVINÆ imaginis tennes in homine post lapsum reliquit, & quæ superest naturalis luminis exigua scintilla inter ignorantiz cineres micans non tantum ad rerum contemplationem sese extendit, sed & ad honesti in honestique discrimina pertingit. Non tantum mansere in animis hominum sapientiz originalis, sed & iustitiz igniculi, nec tantum universi naturam speculati, sed & debita erga Deum hominesque officia præstare, ipsa quidem nobis innata lex docet: Illa ergo insita nobis Philosophiz rudimenta excoli & studio perfici par est, quo magis ad Conditoris nostri imaginem accedamus. Cum igitur Philosophia theoretica pulcherrima variarum rerum cognitione animum exornet, sed secundum eam actiones nostras dirigere non doceat, ipsa luce meridiana clarius est, (a) *talem Philosophiam dari debere*, quæ mentem ea doctrina, quæ est de vita recte instituenda secundum naturæ rationisque leges, imbuat. Theoretica enim Philosophia frustra foret, nisi practica quoque esset, cui aliquo modo illa subordinatur. Hæc illa Philosophiz pars est, quam, quod actiones nostras dirigat, Practicam vel Activam, quod *τὰ ἠθικά* sive mores formet, Moralem sive Ethicam quidam vocant, licet hoc nomen aliis quandi ejus partem designet. Speculativa Philosophia intellectui speculativo, Practica practico inest: illa in veritate investigandam tantum incumbens, hominem ad Dei notitiam pleniorē (utpote jam per naturam à nativitate ejus inchoatam) per creaturas de-

ducit: hæc vero mortales cognitum ex rationatione diligenti Deum jubet colere, venerari, adorare: illa hominem sui cognitionem docet, mentisque humanæ qualemcumque cum Deo similitudinem summa cum delectatione contemplatur; hæc vero dirigere ejus actiones satagit, & viribus ejus jam exploratis, secundum eas, *περὶ* suas instituendi modum tradit. Hanc publicis disputationibus, Deo favente, proponemus; & quo melius ejus natura intelligatur, prima hac disputatione de ejus constitutione, quantum fieri potest, breviter & perspicue agemus.

(a) Ethicam dari & quidem distinctam à Theologia probatur ex principiis practicis sive notitiis boni & mali omnium hominum cordibus naturaliter insitis, quæ nihil sunt aliud, quam superstitites quædam reliquæ imaginis divinæ in homine, quas in se invenerunt gentiles scripturarum luce destituit, & ex quibus procederunt præcepta de vittutibus exerceendis & moribus honeste instituendis. Hæc Ethicam nobis faciunt ac constituunt. Præterea eam dari probatur à Philosophia Theoretica, quæ Deum docet, cognoscere ex libro naturæ, non scripturæ, lumine naturæ, non gratiæ aut fidei, ac frustra id doceret nisi alia foret Philosophiz pars, quæ exponeret Dei jam cogniti cultum ex lege naturæ, non revelatâ, quod facit Ethica dum explicat virtutes, docetque eas exercere, quibus exercitis Deus coeuit.

Imago Dei, secundum quam conditus est homo, consistebat in sapientia, iustitia & sanctitate; hæc per lapsum Adami multum fuit corruptæ atque imminutæ, non in totum sublata, ideoque remanserunt in hominis animo quædam reliquæ sapientiz primæ circa verum & falsum, quæ vulgo principia Theoretica vocantur.

& reli-

& reliquæ quædam iustitæ originalis circa bonum & malum, quæ vocantur principia practica; utraque dicuntur insita sive innata, quia horum principiorum notitia, non postea accedit institutione, sed ab ipsâ nativitate omnium hominum animis est insculpta, non quod statim atque homo natus est in ætatem prorumpat, infans enim nihil novit, nec Deum, nec se, nec parentes, nec aliquid rerum, sed quod, cum in cordibus nostris lateat, adultiore ætate, quando rationis usus accedit, sese exerat, fine syllogismo aut demonstratione, quia hæc principia sola vocabulorum significatione percepta cognoscuntur: speciatim dicuntur principia practica, sive notitiæ naturales insitæ boni aut mali, lex naturæ, aut innata, quæ distinguuntur à lege morali, quæ sunt revelatæ.

II. (a) Ut vero Philosophiæ constitutionem distincte & methodice explicemus, duo capita examinanda nobis sunt, *definitio*, ejusque membra, & *divisio*. Definitur autem Philosophia Practica hoc modo: *Philosophia Practica est prudentia humanas actiones dirigens, ut in hac vita naturæ viribus homo beate vivat*. Hæc definitio genere & differentia, ab objecto, officio & fine desumpta, constat, de quibus singulis quædam dicemus.

(a) Quæcunque Disciplina distinguuntur per diversos considerandi modos, non sunt eadem: sed Ethica seu Doctrina Morum ac virtutum, prout illa cognoscitur naturali intellectus lumine ex principiis naturæ insitis, & Theologia seu Doctrina morum ac virtutum, prout illa cognoscitur supernaturali intellectus lumine ex verbo Dei, distinguitur per diversos considerandi modos, ergo non sunt eadem; Major vera est, quia omnium Disciplinarum distinctio, à diverso considerandi modo, seu, ut alii loquuntur, objecto formali petitur; Minor sic probatur: Naturale intellectus lumen vocatur ipsa intelligendi potentia, qua omnes homines sunt præditi ex natura sua, & res intelligunt absque ulla revelatione, aut fide infusa, quæ vocatur supernaturale intellectus lumen, quia supra naturalem potentiam intelligendi illi superadditur: prius vocatur lumen Naturæ, estque omnibus hominibus commune, posterius vocatur lumen Gratæ, & convenit solis Christianis, ac fidelibus, non item paganis, aut infidelibus: quantum verò differt lumen Naturæ à lumine Gratæ, seu fidei, ratio à revelatione, tantum differt Ethica à Theologia. Porro principia naturæ insita dicuntur enunciationes quæ-

dam omnium hominum animis ab ipsâ nativitate inscriptæ, atque insculptæ, vulgo communæ notiones, per quas non quidem homo intelligit statim atque natus est, sed quæ, simul atque ad usum rationis pervenit, statim novit esse veras absque ulla institutione aut probatione, & ex quibus ratiocinando in aliarum rerum cognitione devenit. Hæc principia sunt: vel theoretica vel practica: Theoretica sunt, E.G. Idem potest esse, & non esse, his bina sunt quatuor, Totum majus est sua parte. Practica sunt, V.C. Deum cole, Parentes honora, Quod tibi non vis fieri, id alteri ne feceris. Ex Principiis Theoreticis deducitur mens conclusiones theoreticas, & deducitur in cognitionem rerum Physicarum, Metaphysicarum, & Mathematicarum. Ex principiis practiis deducitur Ratio conclusiones practicas de rebus agendis, & deducitur in cognitionem rerum Ethicarum, Politicarum, & Oeconomicarum: sic intellectus hominis ex principio hoc, Quod tibi non vis fieri, id alteri ne feceris, varias deduxit leges, & Præcepta de virtutibus exercendis, & vitiis fugiendis, V.C. Quia nolo mihi eripi vitam, aut bona, ratio mea infert, ergo nec ego alterius bona aut vitam eripere debeo; inde nata lex est, Non furaberis, Non occides, & nata virtus, Justitia, quæ docet suum cuique esse tribuendum & relinquendum, & Clementia, quæ docet iram esse moderandam, odium deponendum, eadem vitandam, ac sic procedit Ethica: at verò Theologia docet, non esse furandum, non esse occidendum, simpliciter, quia Deus id in Verbo suo & Lege morali per Moysen revelata utrumque prohibuit. Ex quibus omnibus patet, alio modo tradit Doctrinam Morum & virtutum in Ethica, & alio in Theologia.

III. Genus in definitione Philosophiæ Practicæ positum, est *prudentia*: (a) cum enim tres sint distincti habitus intellectuales, scientia, prudentia, ars (intelligentia enim non habitus est, sed naturale lumen; & sapientia non est habitus ab arte, scientia aut prudentia diversus) ad unum ex illis tribus necessario revocari debet. Ex definitionibus autem scientiæ & artis, (b) *strixi* utraque sumatur, ut sumi solet in Peripateticismo, liquido apparet, Philosophiam Practicam ad neutram revocari posse. Scientia enim omnis ad Philosophiam Speculativam pertinet, cum ergo Philosophia Practica distincta pars sit Philosophiæ, scientia dici nequit: deinde objectum scientiæ sunt res necessariae, finisque nuda cognitio:

gnitio; at Philosophiæ Practicæ aliud obiectum & finem esse mox apparebit. Quod quidam volunt hanc Philosophiæ partem esse scientiam, ut loquuntur, practicam, ne speciem quidem veritatis præ se fert: aperta enim contradictio in verbis est; & dum hanc Philosophiam scientiam esse dicunt, addita voce *practica*, se ipsos refellunt. Ars autem esse nequit Philosophia practica, quia non circa *πρᾶξις*, sed circa *πραξις* occupata est, ut statim dicitur. Nonnulli conantur probare Philosophiam Practicam non esse prudentiam hoc argumento, quod prudentia cum virtute necessario sit conjuncta, Ethica vero non item, sed quod ea etiam in homines pessimos cadat. Resp. Verum illud est, prudentiam cum virtute necessario esse conjunctam, ideoque Ethicam, cum sit prudentia, necessario quoque virtute comitatam esse debere; & per consequens eam non cadere in homines improbos: quamvis enim qualiscunque præceptorum moralium cognitio in improbis reperitur, non tamen Ethica reperitur: nam ista præceptorum cognitio in hominibus malis Ethica dici nequit, quia Ethicæ definitio ei non convenit; Nam Ethicæ attributa essentialia ei non conveniunt, à quibus definitio desumpta est.

(a) Ratio, ob quam tres tantum sunt ponendi habitus intellectuales & non quinque, hæc est, quia triplex tantum est obiectum circa quod cognoscendum eget aliqua facilitatione intellectus hominis; nempe vel est obiectum *ὑπερσυνεπές* tantum, vel *ὑποσυνεπές* vel *ὑποσυνεπές*, i. e. obiectum intellectui humano venit vel cognoscendum tantum, & circa id adjuvatur habitu intellectuali scientiæ, vel obijcitur non tantum cognoscendum, sed & agendum aut faciendum, differunt autem actio & effectio *πραξις* & *πρᾶξις*, quod actio seu *πραξις* agentem denominet bonum vel malum, effectio seu *πρᾶξις* eum denominet peritum vel imperitum: circa cognoscendum obiectum *ὑπερσυνεπές* seu agibile juvatur intellectus à prudentia; circa obiectum cognoscendum *ὑποσυνεπές* effectibile perficitur intellectus ab arte; intelligentia autem non est habitus, quia versatur circa prima principia. tñm theoretica, tum practica, ut sunt, Totum est majus sua parte, &c. Deum cole, &c. ad quorum cogni-

tionem & assensum intellectus nulla eget facilitatione, consequenter nullo habitu, qui facilitatem inducat; quia ista principia ex sola vocabulorum cognitione accepta cognoscuntur: sapientia vero non est habitus distinguens, sed ex scientia & intelligentia compositus.

Habitus intellectuales dicuntur qualitates quædam, quæ intellectui adveniunt per frequentes intelligendi actiones, in quibus ad facilius intelligendum disponitur, ac juvatur, suntque tres; *Scientia*, qua facile intelligit res necessarias, earumque veritatem, *Prudentia*, qua facile intelligit res morales, & civiles, actiones bonas & malas, & quid sit faciendum, & quid sit fugiendum, *Ars*, qua facile intelligit res artificiales, & quomodo opera artificiosa, & secundum quas regulas debeant produci. Ethica est Prudentia, quia intellectum juvat in facile cognoscendis actionibus bonis ac malis, virtutibus ac vitiis.

(b) Scientia sumitur stricte, cum significat cognitionem rei necessariæ per causam proximam; estque tum effectum demonstrationis: sumitur late, pro qualibet cognitione quocunque modo & medio accepta: Ars sumitur stricte, cum sumitur pro habitu cum recta ratione effectivo; late, cum sumitur pro congerie præceptorum recta methodo dispositorum.

I V. Sequitur *differentia* Philosophiæ Practicæ, quæ, uti diximus, ab *objecto*, officio & *sine desumpta est*. Obiectum & officium simul explicabimus. Obiectum sive *subiectum*, operationis, sc. non *considerationis*, seu potius, *contemplationis* (hoc enim, si proprie sumatur, ad scientiam tantum pertinet) in Philosophia practica est, tum ipse intellectus practicus, tum ejus actiones, circa quod obiectum Philosophia practica dirigendo versatur, quod ejus officium est: (a) intellectum practicum dirigit Philosophia practica *subjective*, actiones vero intellectus practici dirigit *objective*. Intellectus enim practicus duplici imbecillitate laborat: (b) nam sepe male de rebus judicium *absolutum fert*, quando judicat bonum esse malum, & contra; sæpius à recto absoluto judicio, reluctante affectuum impetu, discedit, & extra honestatis limites exorbitans, ignobili socordia se passionibus subjicit, quas domare, domitisque imperare, debet. Huius duplici imbecillitati hæc Philosophiæ pars practica medetur: nam, quod ad primam atti-

net, intellectum praepticum doctrina praeptisque imbuat, & cum ita fingit ac format, ut in iudicando à recto tramite nusquam aberraret: Quod ad secundam, eadem ita intellectum confirmat, ut postquam in thesi, i. e. universaliter, generatim, bene de rebus iudicavit, vel statim idem in hypothese, i. e. particulariter & in specie, ferat iudicium; vel si quæ oriatur animi fluctuatio ac dubitatio propter appetitus sensitivi contumaciam, non tamen cedat affectibus, sed post difficilem luctum ac pugnam, victor tamen evadat, & turpes istos motus rectæ rationis imperio subiciat.

- (a) Ethica dirigit intellectum praepticum subjective, quia ipsi intellectui praeptico inest, tanquam subiecto; est enim habitus intellectus, non quidem speculativus, sed praeptivus, quia est prudentia actionis intellectus praeptivi: dirigit objective, quia hæc sunt objectum circa quod Ethica occupatur; hoc enim agit Ethica, ut intellectus praeptivus bene consuleret, deliberaret, iudicaret, discernat, decernat, & cætera, quæ sunt actiones ejus.

Illud dicitur dirigi subjective à Philosophia practica, cui illa inest, illud vero objective, circa quod ipsum dirigendo occupatur: unde subiectum Ethicæ, cui inest, est intellectus praeptivus, objectum verò, quod dirigit, sunt ejus actiones. Intellectus praeptivus dicitur, qui & quando versatur in cognoscendis & iudicandis rebus, actionibus bonis vel malis, sicuti Theoreticus dicitur, qui & quomodo occupatur in intelligenda & iudicanda rerum veritate vel falsitate: Actiones Intellectus praeptivi, quas Ethica dirigit, sunt iudicia ab intellectu lata, de bonitate vel malitia rerum, rationum humanarum. In hisce iudiciis ferendis, quia intellectus sæpe aberrat, eget directione, & prout hæc iudicia sunt vel absoluta vel comparata, ita aberrat intellectus praeptivus gemino modo; nam interdum absolute simpliciterque iudicat esse bonum quod est malum, & contrà, interdum postquam aliquid quidem iudicavit esse bonum absolute & simpliciter, idem tamen, ut malum iudicat iudicio comparato expensis omnibus circumstantiis singularibus, ita fur aliquis simpliciter quidem & absolute iudicat furari esse malum, at cum respicit explicationem suæ lubricitatis aut voluptatis, quam non potest explere, nisi per bona aliena, & considerat Possessorem abesse, aut occasionem sibi natam bonæ ejus clanculum auferendi, hinc aliisque

circumstantiis expensis, quod iudicabat absolute esse malum, V. C. furari, quia erat veritum, idem tamen iudicio nunc comparato iudicat esse bonum, quia furatur ut illud sit medium & bonum utile explendæ libidini aut voluptati. In utroque iudicio ferendo, ut illud sit rectum, intellectum Præpticum dirigit Ethica, hunc subjective, & ipsa iudicia objective.

- (b) Quod fit, cum simpliciter iudicat esse bonum, quod est malum, qui crassus est & supinus error; sed cum novit quidem quid sit bonum simpliciter, quid malum, & tamen malum pro bono eligit vi affectuum abreptus, error est iudicii comparati, non absoluti.

V. Philosophia Practica intellectum, sc. praepticum, ejusque actiones, i. e. iudicia, non frustra, sed propter finem aliquem dirigit, qui vel subordinatus vel ultimus est in hac vita. Finis ejus subordinatus est (a) *μετῆς* ex rectæ rationis præscripto exercita. Finis ultimus Philosophiæ practicæ est *summum bonum* seu beatitudo, ad quam omnes suas actiones mortales dirigunt, & in quam indesinenter feruntur.

- (b) *Non enim appetitus noster circa summum bonum indifferens est, sive quoad actus exercitum* (ut barbare cum Scholasticis loquamur) *sive quoad prædicationem*, sed ab eo determinatur (c) *necessario, & tamen liberrime* beatitudinem expetit & desiderat. Cæterum (d) *beatitudo*, vel *objectiva* est, vel *formalis*: hæc est actus, quem circa summum bonum exercemus; illa est actus istius objectum. Videndum igitur, quænam sit beatitudo objectiva, quæ finis *μετῆς* nostrarum esse debet, & circa quam actus ille, in quo formalis beatitudo consistit, est exercendus.

- (a) *μετῆς* significat in Philosophia moralis, actionem imperatam facultatis inferioris, animæ sensitivæ aut vegetantis, in quantum subest imperio facultatis superioris, intellectui aut voluntati, quæ facultas utraque dicitur superior, quia est animæ rationalis, quæ sane longe superior ac longe nobilior est sentiente & vegetante.

μετῆς; Latine dicitur *Adi*, non quævis, sed humana, imo non quælibet hominis actio, sed illa, quæ producit ex intellectu & voluntatis imperio ob quam homo dicitur bonus aut malus, ideoque nutritio & accretio, quamvis sint actiones hominis, qui crescit & nutritur, non sunt tamen actiones humanæ, quia non producuntur ab homine

per imperium intellectus practici, & voluntatis, neque enim homo, aut crescit aut nutritur, cum vult aut iudicat sibi esse crescendo, vel se nutriendum, sed actiones videndi, incedendi, loquendi, gaudendi, tristandi, amandi, metuendi & itascendi &c. sunt actiones humane, quia nemo illas exerit, nisi quia vult & iudicat illas esse faciendas, atque hæc similesque dicuntur *per se*, vel Actiones imperatæ, quia ex impetio voluntatis & intellectus iudicantis producuntur, atque ab illis aliquis dicitur bonus vel malus, prout hic sequitur præscriptum intellectus recte iudicantis vel præve.

Finis ultimus, & summum bonum, ambo intelliguntur de hac vita, hoc est, quem finem, & quod bonum obtinere possunt homines dum vivunt, & utrumque acquirere valent naturæ viribus.

- (*) Dicitur appetitus indifferens, quoad actus exercitium seu quoad contradictionem, quatenus potest appetere vel non appetere; quoad specificationem aut contrarietatem, quatenus potest appetere vel odisse; nam appetere & non appetere, opponuntur contradictorie; appetere & odisse, contrarie.

Indifferens dicitur, quoad actus exercitium, quod potest agere, & non agere, quoad specificationem, quod potest agere hoc vel illud: neutro modo, appetitus indifferens est circa summum bonum, nam nullus hominum est, ne improbissimus quidem, qui non velit esse beatus, aut qui aliud potest appetere quam summum bonum: hæc necessitas appetendi summum bonum est ab ipsa natura hominis, Deus enim homini indidit istam inclinationem, qua non potest non ferri in summum bonum appetendo, qui sane appetitus frustra foret nisi summum bonum daretur; atqui Deus & natura nihil frustra faciunt.

- (c) Hinc liquet non omnem necessitatem pugnare cum libertate; sane necessario appetitus summum bonum, quia, ubi fuerit perceptum ab intellectu, ita trahit voluntatem, ut illa non possit non ferri in illud, quia hoc adeo verum est, ut nullus ne quidem nequissimorum hominum, imo nec ipse diabolus, non appetat necessario summum bonum; & tamen cum appetitus noster illud appetit, appetit libere, quia tum aliqua actio sit libere, quando sit ex voluntatis impetio & prævio rationis iudicio, atqui utrumque hic fit; appetimus, quamvis necessitas, summum bonum, quia volumus & iudicamus esse appetendum.

- (d) *Beatitudo* objectiva dicitur illa res, quæ nos beat, & felices reddit, *formali* dicitur illa

actio, quæ id, quod nos beat, sit nostram, & nobis applicatur.

VI. (a) *Hic quidem statuendum est*, beatitudinem objectivam debere esse finem absolute ultimum & nulli alteri subordinatum, infinitæ bonitatis, summe necessarium, immutabilem, æternum, immensum, qui sit causa efficiens rerum omnium, à quo omnia simul sint, & in quem omnia tendant. Summus enim si non sit, dabitur alter finis eo superior, & sic summi boni nomine erit indignus, utpote cum sit bonum subordinatum: ut autem summus finis sit, infinitæ bonitatis esse debet, ut sislere queat appetitum, animumque in summo felicitatis gradu constitutum, pulcherrima sui fruitione occupatum, detineat. (b) *Voluntas enim bono aliquo finito non satiatur*, & quamvis cuncta per multorum finium subordinationem ad finem ultimum tendant, illa tamen sola immediate summum finem desiderat, appetit, intendit. Porro ne in incipitis boni possessione parum felices sint mortales, interque spem & metum in dubio sit animus, beatitudo hæc objectiva, ens summe necessarium, immutabile, immensum, &c. esse debet: & quoniam nullus alius absolute ultimus finis esse potest, nisi qui rerum omnium sit causa efficiens (utrumque enim infinitum esse debet, nec præter unum infinitum, aliud ullum datur) recte illud summum bonum vocamus, à quo & propter quod sunt omnia. His igitur summi boni requisitis observatis, totam entium classem perlustremus, quæramusque tale ens, cui omnia hæc ante citata attributa exacte conveniant. Certe, nullum aliud reperire erit, nisi ipsum *Deum* *ter Opt. Max.* reverendum illud & colendum numen, qui totius mundi rerumque omnium causa procreans & conservans est, qui omnia ad gloriam suam, æterna sua providentia, decreto immutabili, dirigit ac refert.

- (a) Finis & bonum reciprocantur, scilicet hoc sensu; omne bonum, sive verum, sive apparenz, est finis, sive ultimus, sive subordinatus; & omnis finis, tum ultimus, tum subordinatus, est bonus, vel vere, vel apparenz; aut etiam omnis finis est bonum, vel honestum, vel utile, vel jucundum.

cundum, & omne bonum, vel honestum, vel utile, vel jucundum, est finis, vel ultimus, vel subordinatus, qui vulgo una voce vocatur medium; hic queritur finis ultimus, & bonum verum, ac honestum.

- (b) *Voluntas* sive *appetitus* hominis dicitur infinitus objective, quia nulla res creata, etiam si omnes ei fiant, desiderium ejus explet, est tamen finitus subjective, quia est facultas, aut potentia hominis, qui est creatura finita; solum autem summum bonum est infinitæ bonitatis, ideoque aptum ut satisfaciatur appetui nostro infinito, estque solus Deus, qui finis est ultimus, quia omnia fecit per se, & omnia fiunt propter ipsum. Si dicas in hac vita Deum ut summum bonum possideri non posse, Respond. omnino posse, nam qui Deum naturæ lumine cognoscit, & cognitum ex naturæ lege colit, is Deum tanquam summum bonum possidet, atque utrumque ab homine fieri potest in hac vita naturæ viribus, citra fidem aut revelationem, & factum est à Gentilibus.

Voluntas humana vulgo dicitur finita subjective, & infinita objective; sensus est, quod sit facultas subjecti finiti, puta, animæ rationalis, sed quod in appetendo, nullis certis objectis astringatur, nullis finibus coarctetur, sed in infinitum quasi abeat omnia appetendo; hæc causa est, cur nullum ens finitum sit vera beatitudo objectiva, quia infinito appetitui satisfacere nequit, quem explet solus Deus, qui, quia est infinitæ bonitatis, solus voluntatem in infinita sua appetitione satiat.

VII. His sic explicatis, removemus hinc omnia boni simulachra verius, quam bona, quæ multi mortales pro actionum suarum finibus sunt amplexi: Epicureorum voluptatem corpoream (si sic eorum sententiam explicare licet) Stoicorum habitus virtutum, Peripateticorum actiones virtutum, denique corporis & fortunæ bona, quæ ipi *ἡμῶν*, i. e. in nostra potestate non sunt, pro summo bono seu beatitudine objectiva haberi posse pernegamus, sive quodlibet eorum scorum, sive omnia aut pleraque simul sumas. Qui enim in his rebus felicitatem consistere contendunt, illi ex creatura Deum faciunt, & creatori debitum honorem, virtuti aut externis bonis adscribunt: hæc temeritas, ut impietatem eam vocem, in Ethicis tolerari non posset, & nihilominus tamen eam Christiani, per avia Paganismi Gentiles secuti asserunt.

ac defendunt. Tota rerum universitas Deum pro fine summo, *assimilationis* non indigentia, habet, etiam minutissima & vilissima quæque naturæ effecta propter Dei sanctissimi gloriam operantur, & interim homo, qui totum universum dignitate superat, totiusque orbis mirabile compendium est, nihil nisi divitias, honores, aut, si paulo generosior est, virtutem affectabit? Huc accedit, quod res aliz omnes non nisi per hominem ad Deum tendant, priusquam in hominem, & eo mediante in Deum ferantur. (a) Denique non frustra est illa naturalis, partim *instita*, partim *acquisita* Dei notitia, sed ad ulteriorem quem finem referri debet, qui non alius est, quam ipse Deus. Si quis querat, quid de virtute & bonis externis sentiamus? Resp. virtutem esse medium, ad summum bonum obtinendum, simpliciter necessarium: (b) Bona externa mediis quoque rationem habere possunt respectu summi boni, non tamen ad illud simpliciter necessaria sunt, nec ad *in* esse, sed tantum ad *in* bene esse.

- (a) Notitia Dei *instita* dicitur, quæ insculpta est omnium hominum cordibus, in ipsa nativitate, unde vocatur innata, non quod se statim exhibeat, atque homo nascitur, sed, quod cum ibi sit, postea sese exferat sponte sua, absque molestia aut probatione ulla, cum homo ad rationis usum pervenit, estque nihil aliud quam testimonium conscientie uniuscujusque de Deo. Acquisita notitia Dei est, quæ per terminos medios desumptos à rebus creatis, & per syllogismos ac probationes, acquiritur; utraque naturalis est, quia neutra est per revelationem, aut hausta ex verbo Dei, quæ notitia Dei dicitur revelata.

Notitia *instita* dicitur, quæ Deum cognoscimus ex nobis ipsis, seu ex Idea Dei, omnium hominum animis innata, seu ex Conscientia testimonio. Acquisita dicitur, quæ Deum cognoscimus ex rebus creatis extra nos positis in toto mundo; illa dicitur Dei notitia subjective, hæc Dei objectiva, quia illa ex ipso homine eruitur in quo est, hæc acquiritur ex objectis, sc. rebus visibilibus extra homines collocatis.

- (b) Bona sunt vel interna, vel externa. Interna dicuntur, quæ intra hominem sunt, suntque vel animi, ut *Virtus*, vel corporis, ut *Santitas*: Externa vocantur, quæ extra hominem sunt, & vulgo vocantur bona fortunæ, ut *Divitias*, *honores*: hæc non faciunt ad summi boni acquisitionem.

nem aut possessionem simpliciter, sed ad illud acquirendum & possidendum facilius.

VIII. Beatitudo formalis, sive actus, quem homo circa beatitudinem objectivam exercere debet, necessario est operatio animi præstantissima, quæ procul dubio est, Dei glorificatio, quatenus illa ab homine, in naturali statu spectato, Deo tribui potest & debet. Nam nuda theoria & otiosa speculatio hic non sufficit, sed requiritur præterea aliqua praxis, cum creaturarum omnium sit, Deum creatorem suum celebrare. Ideoque Apostolus gentes ἀκαταλόγητος esse dicit, διότι γινώσκουσιν τὸν θεόν, ἀλλ' οὐκ εἰς τὸν ἰδεῖσθαι, ἢ εὐχαριστοῦν. Utraque hæc, tum objectiva, tum formalis beatitudo, integræ hominis felicitatem constituit, & unius finis rationem habet. Ad finem autem hunc obtinendum necessaria conditio est ejus notitia, quæ conditio quoque in omni fine locum habet: (a) finem igitur hunc cognoscere nos oportet priusquam eum acquirere possimus. Hinc sequitur Philosophiam Theoreticam à Practica præsupponi, & hanc illa tanto nobiliorem esse, quanto nuda cognitione actio & operatio præstat. Porro ubinam & quomodo iste finis obtineatur per Philosophiam Practicam, circumstantia in definitione addita indicat, sc. in hac vita & naturæ viribus: ad futuram enim vitam media, quæ hæc Philosophia præscribit, non pertinent; & bonum supernaturale ad Philosophiam non pertinet.

(a) Omnis finis necesse est, ut præcognoscat, antequam appeti valeat, non tamen necesse est, ut semper præcognoscat ab eo agente, quod finem aperit; nam res inanimatæ & plantæ ob finem agunt cogniti, non quidem à se, quia ratione careant ac sensu, sed à Deo, qui illas dirigit in finem illis à se præstitum; bruta agunt propter finem à se cognitum, sed sensu tantum; homines agunt propter finem à se cognitum, sed ratione.

IX. *Fine* jam explicato ad media veniendum est, quibus hæc felicitas acquiri potest, & ad præcepta, quibus doctrina de hisce mediis traditur. Quoniam vero non unius generis ista doctrina est, ad Philosophiæ Practicæ constitutionem quoque pertinet *divisio*: quam omnium optime instituisse videtur *Picolomineus* in *trad. ad decem grad. civit. Phil.* 8. Hunc igitur secuti in duas partes hanc Philosophiam secamus, alteram generalem, quam Ethicam strictè dictam vulgo vocant (Ethica enim late sumpta totam Philosophiam Practicam nonnullis comprehendit) alteram specialem, quæ in Oeconomicam & Politicam subdividitur. Ethica, seu pars ista generalis generalia præcepta tradit, & certo vitæ generi non astricta: pars specialis generalia ista præcepta restringit, applicatque ad certa subiecta, atque ita mores hominis dirigit, quatenus ille alicujus societatis membrum est. Est enim homo natura πολιτικὸς ζῷον, ut recte ait Aristoteles quare hominem agere vitam moralicam non decet, nisi ipsius naturæ legi & sapientissimo Dei instituto, qui sociabilitatem hominum animis insevit, se opponere velit. Cum ergo omne vitæ humanæ genus, quod naturæ Philosophiæque præceptis sit conveniens, in hominum societate degendum sit, cumque societas illa sit duplex, familia & respublica; sequitur specialem Philosophiæ moralis partem, quæ vitam hominis, ut in societate aliqua degitur, spectat, bimembrem esse; ut una pars bene instituendæ vitæ in familia, altera in republica, regulas doceat: illam Oeconomicam, hanc Politicam vocant. Totam Philosophiam Practicam, tum generalem, tum specialem, sequentibus disputationibus (si visum fuerit *Deo ter Opt. Max.*) absolvemus: in qua pertractata tantam servabimus ἀκρίβειαν, quantam ipsa Philosophiæ Practicæ natura permittit: in ea enim aut nullæ sunt demonstrationes, aut saltem minus accuratæ.

SUMMO BONO.

THESIS I.

Philosophiæ practicæ definitionem ac divisionem prima exposuit disputatio, atque in definitione explicanda per partes, præter objectum, finem quoque proposuit, qui subordinatus, fuit *αγαθός*, ultimus, summum bonum seu beatitudo, in quam *αγαθός* tendunt: Hæc beatitudo divisa fuit in *objectivam* & *formalem*: illa, est ipsum objectum, quod hominem beat, hæc, acquisitio objecti, quæ est operatio, qua objecto beanti homo conjungitur: beatitudinem objectivam, non esse divitias, non honores, non voluptatem, sive animi, sive corporis, non virtutem, sive ut habitum, sive ut actionem, consideratam, istac disputatione fuit indicatum, ac, quæ tandem sit objectiva hæc beatitudo, quæ item formalis, obiter fuit significatum: verum quia potissima ratio habenda est finis in Philosophia practica, utpote qui veluti Pharos quædam est illustris, ad quam media per totam Philosophiam practicam explicanda tendunt, & nos quoque disputationum nostrarum cursum dirigemus, paulo plenius de hoc fine ultimo & summo bono agendum est; hæc enim summi boni ac beatitudinis accuratior explicatio, & operam nostram meretur, & frequentibus non exigam lucem affundet.

II. Ante omnia notandum hic est, beatitudinem non fuisse à nobis divisam disputatione superiori in objectivam & formalem, tanquam in duas partes logicas sive (a) *species*, quarum utraque quædam sit per se integra & totalis beatitudo, sed tanquam in duas partes essentialis aut potius integrantes unius totalis beatitudinis, quæ ex utraque integratur: quod ipsum quoque annotavit de divisione finis in objectivum & formalem, *Suarez. in disp. Met. 23. sect. 2. num. 12.* Enimvero, sicut finis objectivus

non potest esse nobis bonus, nisi sit à nobis per aliquam operationem acquisitus; & ideo ex ipso & acquisitione ejus componitur & integratur unus finis totalis, ad quem intentio agentis adæquate terminatur, & propter quem adæquate operatur (avarus enim non intendit pecuniam absolute, sed ut à se possedam) ita etiam beatitudo objectiva (nimirum Deus, quod postea demonstrabimus) non potest nos beare, nisi nobis per formalem beatitudinem conjungatur; unde ex utraque integratur totalis quædā beatitudo (nempe Deus, ut Scholastici sentiunt, visus, ut nos explicabimus postea, glorificatus) & hanc beatitudinem adæquate appetimus. Nam utraque hæc beatitudinis pars, & objectum quod beat, & actus quo beamur, ita sese habet, ut neutra sine altera possit beare: Coincidit cum hac divisione nunc explicata, divisio in beatitudinem *cujus* & beatitudinem *qua*, sicut eam usurpat & sic loquitur, *Thom. Aquinas in pr. sec. quest. 1. art. 8.* sed melius loquuntur ejus Commentatores, qui priorem beatitudinem appellant *quæ*, posteriorem *qua*. Utraque beatitudo, tum *objectiva* sive *quæ*, & *formalis* sive *qua*, vera est beatitudo: sicut tam finis objectivus quam formalis veram habet rationem finis: ac Deus quidem, qui est beatitudo objectiva, cum sit summum nostrum bonum, finisque ultimus, non potest non habere veram & propriam rationem beatitudinis: acquisitio autem summi boni finisque ultimi, quæ est beatitudo formalis, veram tenet ac propriam beatitudinis rationem, quia summum bonum non habet rationem beatitudinis nisi fiat bonum proprium ejus, qui beatur: interim fatemur, rationem beatitudinis prius convenire objectivæ, posterius formali beatitudini, quia ratio bonitatis

bonitatis & appetibilitatis, quæ reperitur in formali, derivatur ex objectiva: nec enim visio Dei, aut glorificatio potius, haberet rationem beatitudinis, nisi Deus esset nostra beatitudo: quemadmodum enim avarus non appeteret possessionem pecuniæ, nisi appeteret ipsam pecuniam; ita homo non appeteret visionem aut glorificationem Dei, nisi appeteret ipsum Deum.

(a) Cum genus dividitur in species, tota natura generis in unaquaque reperitur specie, sic tota natura Animalis reperitur in Homine, tota in Bruto: at cum integrum dividitur in membra, non reperitur tota natura integri in unoquoque membro, nam tota natura corporis non reperitur in capite, nec pectore, nec in pedibus, aut ulla sui parte, sed ut corpus sit totum oportet omnia membra concurrere; atque posteriori modo dividitur Beatitudo in objectivam, & formalem, nam non reperitur tota Beatitudo in objectiva, nec tota in formali, sed partim in hac, partim in illa, & ambe debent concurrere ad beatitudinem totam & integram constituentiam.

III. Antequam, quæ sit beatitudo objectiva ac formalis, plenius explicemus, tenenda hic est primum alia quædam beatitudinis divisio, in *naturalem* & *supernaturalem*: naturalis est, quæ est proportionata humanæ naturæ, ad quam homo pervenire potest per sua naturalia dona: supernaturalis est, quæ humanam naturam excedit, unde nec ad eam perveniri potest, nisi humana natura divinitus dono gratiæ supernaturalis elevetur. Dari naturalem beatitudinem commensuratam naturæ humanæ, satis arguunt tot Ethnicorum de summo bono opiniones; nam illi in illud non tam serio inquisivissent, nisi esse existimassent: at de supernaturali bono, illi ne somnariæ quidem potuerunt. (a) Nos impræsentiarum de *supernaturali beatitudine* non agimus, quam Theologis relinquimus, sed de *naturali*: & non est, quod quis miretur, Deum visum aut glorificatum, dici beatitudinem naturalem, quia Deus dicitur (b) *beatitudo naturalis* non ratione objecti, (Deus enim vera est ens supernaturalis) sed ratione modi, quo acquiritur beatitudo seu summum bonum, (c) *in quantum naturæ viribus sine au-*

xilio gratiæ aut doni supernaturalis possidetur. Solet etiam beatitudo dividi in *perfectam* & *imperfectam*: quæ divisio si omnem beatitudinem adæquate dividat, potest naturalis beatitudo, quæ solo auxilio naturæ comparatur, imperfecta dici, ratione beatitudinis supernaturalis, quæ, quia auxilio gratiæ habetur, perfecta est: interim tamen hæc ipsa, quæ perfecta est ratione beatitudinis naturalis, subdividi potest in perfectam & imperfectam, quatenus ex parte tantum possidetur in viâ, i. e. in hac vita, plene in patriâ, i. e. in futura vita. Est & alia quædam beatitudinis divisio in *speculativam* & *practicam*, quarum illa consistit in contemplatione, hæc in glorificatione Dei; sed illa est potius beatitudinis formalis subdivisio: quare hic non latius exponenda, & satis etiam exposita est *cap. 4. Ethicæ Burſd.* Ergo, quænam sit beatitudo objectiva naturalis atque imperfecta ex parte modi possidendi, & in quo consistat, porro videndum est.

(a) Beatitudo supernaturalis consistit in cognitione & cultu Dei, profectis ex fide secundum verbum Dei; fides enim includit conclusionem & assensum, quæ sunt rationis, & fiduciam seu acquiescentiam, quæ est voluntatis: neutra, nec fiducia nec cognitio, acquiritur lumine naturæ, sed gratiæ ac revelationis; ideoque beatitudo supernaturalis non potest ab omnibus possideri hominibus, sed tantum ab iis, quibus verbum Dei est revelatum, & fides data; estque hæc beatitudo salutaris, sive ad salutem æternam in patriâ seu vita futura: sed beatitudo naturalis consistit in cognitione & cultu Dei, accepris ex libro naturæ, per lumen naturæ, ac ratiocinationis factæ ex principiis practici innatis, non acquisitis, per fidem à Deo infusam, & hæc beatitudo, non est propria quibuscumque, sed communis omnibus hominibus, estque non salutaris, & obtinetur in viâ, i. e. in hac vita nostra, dum versamur in teris, ac cum morte desinit.

(b) *Beatitudo* huius vitæ, & naturalis, non est salutaris, i. e. non facit hominem participem vitæ æternæ; ad *Beatitudo* vitæ futuræ & supernaturalis hominem salutis æternæ participem reddit.

(c) Deus possidetur naturæ viribus, quando absque revelatione ex verbo Dei, absque gratia speciali aut fide donata, cognoscitur per solam naturalem intellectus nostri ratiocinationem ex rebus creatis, quas contemplando deducitur in cognitionem sapientiæ, potentæ & boni atis divini, atque adeo ipsius Dei, præterea quando colitur

non secundum legem moralem revelatam aut præscriptum literarum sacrarum, sed secundum legem naturalem, omnium hominum cordibus inscriptam, & præscriptum intellectibus eiusque dictamen, quod iudicavit per conclusiones ex principiis prædictis illatas.

IV. De re, quæ nos reddit felices in hac vita, beatitudine objectivâ, variz fuerunt Philosophorum opiniones: nec enim alia de re apud Philosophos tantâ sententiarum varietate unquam certatum fuit, ut de hominis quidem felicitate. Magnus ille *Augustinus* l. 19. de *Civ. Dei*. c. 1. citat *Parronem*, ducenas & octuaginta octo Philosophorum sententias colligentem de hoc negotio. Multa de eo scribit *Arist.* 1. & 10. *Ethic. ad Nicom.* 1. & 2. *Ethic. ad Eudem.* 7. *Polit.* & alibi. *Cicero* in *Tusc. quæst. de fin. bon. & mal.* & *Paradox. Seneca de Vita beata*. Nos missis auctoritatibus rem ipsam spectabimus. Beatitudo objectiva, idem est, quod objectum quod nos beat: estque ultimus finis & summum hominis in hac vitâ bonum, quod eo ipso, quod est summum bonum, est bonum perfectum & sufficiens: perfectum quidem, quia omnia propter ipsum, ipsum autem propter nullum est: sufficiens, quia ipsum solum si habeatur, facit vitam ratione sui eligibilem, & nullius alterius indigentem: itaque Beatitudo consistit in statu omnium bonorum aggregatione affluente: ac licet omnia bonorum genera in statu beatitudinis inveniuntur, in uno tamen, sc. bono animi, (a) essentialiter tantum consistit, cætera, sc. bona fortunæ aut corporis, illi adjacent, vel tanquam proprietates ab eo manantes, vel tanquam adjuncta & instrumenta secundum debitum decentiæ, i. e. decorum, requisita, quasi cætera bona debeantur possidenti bonum illud optimum: quod quis sit tandem, distincte inquiremus. (b) Bonum est, vel increatum, vel creatum: creatum est, vel internum homini, vel externum: internum, vel ad animam pertinet, vel ad corpus. Queritur jam, an beatitudo objectiva, i. e. res quæ nos beat, essentialiter sit posita, in aliquo bono externo? an in aliquo bono corporis? an in aliquo bono animi? an in aliquo bono creato? an & quomodo sit posita in solo bono increato?

(a) Quemadmodum aliud est, quod essentia hominis constituit, & aliud, quod facit ad ejus integritatem, ita quod aliud est, quod requiritur ad bonum animi, & aliud, quod ad ejus integritatem. Anima autem & Corpus homo non est homo, & per se essentia hominis si alterum eorum auferatur, at siue manu aut pede homo adhuc manet homo: sc. manet homo integer, & ablata manu, si pedes non tolluntur essentia hominis, sed perit ejus integritas, sic sine bonis Animi summum bonum non est summum bonum, & illis ablatis perit huius essentia, sed sine bonis Fortunæ aut Corporis summum bonum manet summum bonum, verum si ablatis, summum bonum non manet integrum, & essentia summi boni non augetur, sed perit ejus integritas: hoc est quod vulgo dicitur, bona Animi faciunt ad esse summi boni, at bona Corporis aut fortunæ ad bene esse. Bona externa vocantur, quæ sunt extra hominem, ut divitiæ, & extra hominis potestatem sunt collocatæ, unde Gentiles ea vocarunt bona fortunæ, quia hæc ab illisungebatur Dea, quæ talia bona uni concederet, alteri negaret, sed Christiani fortunæ bonum non norunt, quia sciunt omnia bona dispensari à providentia divina, quæ largitur talia bona cui vult, & negat cui vult.

V. Ut ab imperfectioribus progrediamur ad perfectiora, primo inquirendum est de bonis externis, quæ (a) alii fortune vocant, inter quæ præsertim numerantur divitiæ, honores, gloria sive fama, principatus sive dominatio, an in iis beatitudo objectiva consistat? dicimus, quod non, ob hæc rationes. 1. Quia de ratione beatitudinis est, ut sit bonum optimum & perfectum, ex th. præced. & *Aristot.* 1. *Eth.* c. 7. & 10. c. 6. ad *Nicomach.* Ergo ex sua naturâ excludit omne malum, quod ex se est malum, quale est (b) malum moris; constat enim inter omnes, malos felices esse non posse: at bona externa ac fortunæ etiam malis communia esse, probari non est necesse: quin etiam à viris malis, & facilius obtinentur, & abundantius possidentur. 2. Beatitudo, cum sit bonum perfectum, non solum non poterit communicari homini malo, sed ex sua naturâ nullo modo esse poterit principium aliqujus mali, testante *Aristot.* l. 1. *Eth.* c. 12. circa finem. At bona externa quam plurimæ sunt incentiva malorum, quod experientiâ nimis

nimis quam notum est. Ergo, &c. 3. Beatitude ex sua naturâ habet quod sit bonum per se sufficiens, nullius alterius indigens, ut passim docet *Arist.* 1. *Ethic. Nicom.* c. 7. l. 10. c. 6. l. 7. *Pol.* c. 6. Optimum enim non esset, si alterius extrinseci boni esset indigum: sed bona externa ex sua natura non sunt per se sufficientia, sed indigent quam plurimis aliis bonis, sine quibus nequeunt sufficere: indigent enim corporis incolumitate, animi sapientiâ & virtute, ut bene dirigantur. 4. Beatitude est bonum non dependens à fortunâ & causis externis, docente ipso *Arist.* 1. *Eth.* c. 9. *foelix enim* (ut ait ipse) *per se ipsum & in seipso foelix est*, ex eodem *Arist.* 7. *Polit.* c. 1. *ante finem*. sed bona externa pendent ab externis causis, præsertim à fortuna, unde bona fortunæ vocantur. Quare in iis essentialiter beatitudo non consistit. 5. De ratione beatitudinis est, ut eo sit melior, quo in maiore habetur excessu: *Arist.* 7. *Polit.* c. 1. nam cum non habeat finem, cuius gratiâ sit, nec etiam habebit medium, in quo consistat, sic ut extrema sint vitiosa: sed bona externa habent finem, propter quem expetuntur (sunt enim bona utilia & propter aliud) & præterea ex sua naturâ sibi vendicant quoddam medium, ita ut vitiosa sint, si illud excedant; quod etiam docuit *Arist.* *magn. moral.* l. 2. c. 3.

(a) Bona fortunæ dicuntur, quæ Gentiles asseriebant fortunæ, quam volebant ea impartiri huic & non illi; ita, quod unus esset dives, alter non, unus abundaret gloria, alter verò esset contemptus, dicebant à fortuna proficisci: sed Christiani hæc & similia adscribunt Providentiæ Dei. Iis enim fortunæ nomen est incongnitum.

(b) Malum moris opponitur malo naturæ; illud, est vitium vituri contrarium, hoc, est defectus aut excessus rectitudinis in natura requisita, uti est excitatio & gibus.

Malum moris opponitur malo naturæ & sic dicitur quia malos inducit mores ac contra honestatem, quemadmodum sunt Vitia ideo dicta mala moralia; malum naturæ est aliquis naturæ defectus, ut excitatio, uno verbo, quæ non pugnant adversus bonos mores aut honestatem.

VI. Sed in specie beatitudinem objectivam

non esse sitam in divitiis, sic ostendi potest 1. quia non sui gratiâ, sed propter aliud expetuntur, 1. *Ethic.* c. 5. 1. *Polit.* c. 5. 6. 4. *Ethic.* cap. 5. 2. quia homo (a) *finis est cui divitiarum*: natura enim divitiis insituit in gratiam hominis: at beatitudo objectiva hominis est bonum ipso homine nobilior, aliquin non posset illum beare. 3. subjacent fortunæ, inevitabiles sunt, & fallaces, & talis naturæ, ut homine invito facile amittantur. *Quod beatitudo objectiva non sit sita in honore*, patet, 1. quia honor exhibetur ut signum & testimonium excellentiæ, & expetitur tantum ut illa excellentia agnoscat: unde honor non est in genere bonorum simpliciter, sed in genere (b) *bonorum utilium*: testimonium enim excellentiæ ad ipsam excellentiam ordinatur, ut in finem: at beatitudo objectiva consistit in bono simpliciter, & finis est: quare, cum honor non propter se queratur, sed propter virtutis excellentiam, non est bonum optimum homini: & non potest expeti, ut finis, in quo quis quiescat, nisi inordinate & ambitiose; quod enim per se non est bonum, non potest ordinate expeti, ex testimonio *Arist.* c. 2. l. 8. *Ethic. Nicom.* 2. Cum honor sit testimonium excellentiæ, quæ est in honorato, (c) *honoris natura talis est, ut magis sit in honorante quam in honorato*: etenim actus ille testificans excellentiam, est in honorante, & ab eo per se pendet, non vero ab ipso honorato: Ergo honor ipse non solum non potest esse beatitudo formalis (hæc enim formaliter est in ipso beato) sed nec esse potest beatitudo objectiva; quoniam de ratione illius est, ut per proprias ipsius beati operationes & acquiratur & reipsa possideatur; aliàs non esset, nec esse posset, proprium beati: at vero honores assequimur aliorum actionibus. *Quod beatitudo objectiva non consistat in fama sive gloria vana, sc.* quatenus significat claram frequentemque alicujus notitiam cum laude conjunctam, hinc est manifestum, 1. quia gloria, nec haberi potest, nec possideri, per propriam actionem ejus, cujus est gloria, nec realiter potest cum ipso uniri: nam gloria est notitia, consequenter (d) *actio immanens*, existens in iis, qui excellentiam alicujus, & cognoscunt

& laudant: in eo vero qui laudatur, solum (e) inesse terminative & per denominationem extrinsecam: at de ratione beatitudinis objectivæ est, ut per ipsam actionem beati & acquiratur & possideatur, quod & statim indicavimus. 2. Beatitudo objectiva, cum sit bonum summum, non est collocanda in passione sed actione: sed gloria passio est; quia ponitur in notitia excellentiæ, non quatenus denominat cognoscentem, sed cognitum: nam gloriosus dicitur, qui cum aliquâ formâ & laude est ab aliis cognitus: constat autem (f) perfectius esse, cognoscere quam cognosci: siquidem non cognoscunt, nisi quæ in rebus sunt nobiliora; cognoscuntur autem, quæ in rebus etiam sunt infima. Ergo beatitudo objectiva non est posita in gloria, quæ nihil est aliud quam cognosci ab aliis, quod in homine cognito nullam ponit excellentiam, sed denominationem, ut dixi, tantum externam. Quod beatitudo objectiva non consistat in principatu, dominatione, aut potestate mundana, ac civili, ex eo patet. 1. quia (g) mundana potestas & dominatio est ex naturâ suâ ad finem: nam dicit potentiam ad agendum, cujus actio est propter finem, sc. propter bonum populi quod intendit. 2. quia instabilis est & parum constans, à fortunâ dependens & ab hominum judiciis atque opinionibus. 3. quia non potest hominem reddere quietum: est enim plena sollicitudinum & aculeis formidinum subiecta. 4. quia potest quæ ea male uti: atqui hæc omnia beatitudini objectivæ, & summo bono, repugnant: Ergo, &c.

(a) Finis cui, semper est nobilior sine cujus, ut æger est nobilior sanitate; sed hic finis cujus, scilicet Deus, est nobilior sine cui, scilicet homine.

Finis cui dicitur, in cujus gratiam aliquod expetitur, finis cujus dicitur, id quod expetitur; sic finis cujus, est sanitas, finis cui, est æger, sic divitiæ sunt finis cujus, homo, finis cui, quia illæ in gratiam hominis expetuntur: Censetur verò finis cui nobilior sine cujus, nam homo nobilior est sanitate aut divitiis, ar verò hic finis cujus, sive id quod expetitur, est Deus, finis cui est homo, homo vero non est nobilior Deo.

(b) Bonum utile, est id quod ad aliud ordinatur tanquam finem: bonum honestum est

ipse finis: tale est summum bonum, ergo. Honos non potest esse summum bonum quia ordinatur ad aliud, nec est bonum honestum, sed utile, nam referuntur in agnitionem excellentiæ tanquam in finem: ideo enim a quibus expetit honorem, ut sic virtus studiio, fortitudo, aut similis præstantia, quam possidet, ab alio agnoscatur.

(c) Honor magis est in honorante quam honorato, i. e. magis est situm in potestate honorantis honorem differre seu agnoscere & celebrare excellentiam & virtutem alterius, quam est in potestate honorati, i. e. qui honorem mereatur excellentiæ suarum virtutum, ut ob illas agnoscat & celebre ut; etiam si enim quis vel miles mereatur honorem ob suas virtutes, si tamen alii nolint eas agnoscere aut celebrare, nunquam honorabitur, neque is potest efficere dare, ut suæ virtutes ab aliis vel agnoscantur, vel celebrentur.

Honor dicitur esse magis in honorante, quam in honorato, quia etiam si quis possideat omnis generis virtutes, non est tamen hoc in ipsius potestate, ut ob illas honoretur, sed hoc est totum in potestate honorantis, qui, si velit, aliorum ob virtutes honorabit, si nolit, non faciet: ideoque cum non possit quis honorem possidere quando vult, potest autem summum bonum possidere cum vult, sequitur, summum bonum non esse situm in honore.

(d) Actio immanens dicitur, quæ manet iuxta ipsum agentem, qualis est cognitio, quæ manet in cognoscente: cum ergo Gloria sit cognitio alterius cum laude conjuncta, est in cognoscente istam alterius laudem, non vero in eo qui laudatur, nisi id quantum is qui laudatur est terminus laudis, i. e. in quo laus & cognitio alterius terminantur, unde is qui laudatur dicitur laudari per denominationem extrinsecam, quatenus laudatur ab alio extra se.

(e) Fama seu gloria dicitur terminativa & per denominationem extrinsecam, & inesse ei qui glorificatur, quia gloriosus dicitur & famosus, à gloria & fama, quam aliter de ipso celebratur, quæ celebratio in ipso tamen tanquam objecto terminatur passive, ipse enim celebratur.

(f) Quia agere nobiliter est, quam pati, ideo cognoscere nobiliter est, quâ cognoscit: sed qui laudatur, cognoscitur, qui laudat, cognoscit alterius excellentiam; ergo laus sua est in passione: ar beatitudo objectiva non est sita in passione, quia sita est in bono optimo, atqui passio non est bonum optimum. Actio enim est boni melius,

(g) Potestas mundana est ad finem, quia respicit bonum Reipublicæ: sed Beatitudo objectiva non est ad finem, verum ipse finis.

VII. *Sed si (a) bona externa beatitudinem objectivam essentialiter non constituent, an aliquo modo tamen ad eam pertinent? S: oici hoc olim negarunt, inde moti, quia homo externis bonis nullo modo potest esse bonus, cū tamen ad beatitudinem nihil pertinere possit, quod bonum homini non sit. Peripatetici contra affirmant, quia, etsi bona externa inter bona infimum locum obtineant, boni tamen rationem fortiuntur, si non absolute, per analogiam tamen ad bona per se, quatenus adjuvmenta sunt ad operandum opera virtutis, quæ sententia est Aristot. 1. Ethic. Nicom. c. 8. ab initio ad finem, & 7. Polit. 1. ubi docet beatum bonis externis indigere, quia illis ad bene operandum plurimum juvatur: itaque beatitudinis quædam quasi particulæ sunt, extrinsecus eam perficientes, non quod sine illis non detur beatitudo secundum se sufficiens, sed quia illis adiunctis beatitudo omni-*

bus modis est sufficiens, & ob id aliquomodo perfectior, sed accidentaliter tantum, ut exponitur 1. Ethic. Nicom. c. 7.

(a) Bona externa non faciunt ad esse summi boni, sed ad bene esse, quemadmodum manus & pedes non faciunt ad esse hominis, sed ad bene esse.

Distinguendum est inter π esse summi boni, & bene esse; bona fortunæ non faciunt ad esse, sed ad bene esse summi boni, quemadmodum vinum non facit ad esse, sed ad bene esse hominis. 2. inter rei essentiam & integritatem; bona fortunæ pertinent ad integritatem summi boni, sed non ad essentiam ejus, nam sine illis summum bonum esse potest, quemadmodum manus ad integritatem hominis pertinet, non essentiam, quia homo cui amputata est manus non quidem est homo integer, est tamen homo essentialiter, quia habet materiam & formam suam.

DISPUTATIONUM PRACTICARUM

T E R T I A,

D E

S V M M O B O N O.

T H E S I S I.

Beatitudinem objectivam non consistere in bonis externis, aut Fortunæ, disputatione præcedenti fuit ostensum; sequitur, ut eam non esse sitam in bonis internis, vel corporis, vel animi, porro ostendamus. (a) *Per bona vero corporis*, intelligimus, non tantum sanitatem, pulchritudinem, virium robur, quæ sunt bona corpori propria, sed (b) *& vitæ longevitatem*, quod est bonum animæ vegetativæ, & actiones omnes sensuum, tam externorum quam internorum, & voluptatem sensibilem, quæ sunt bona animæ sensitivæ: per bona vero animi intelligimus bona animæ intellectivæ ac rationalis.

(a) Sub bonis corporis dicuntur comprehendi bo-

na animæ vegetantis, & sentientis, quia hæc dux animæ ita à corpore dependent, ut extra corpus nec fieri, nec esse, nec operari valeant: at vero bona animæ rationalis referri nequeunt ad bona corporis, quia anima Rationalis non dependet à corpore, nec dum sit, nec dum est, nec dum operatur.

(b) Bona animæ vegetantis & sentientis, vocantur bona corporis, quia istæ dux animæ in operando, & eo quod sibi bonum est acquirendo, dependent à corpore, quia sunt formæ materiales, quæ omnes à materia in qua sunt in operando dependent.

II. Quod beatitudo objectiva non sit posita in bonis corporis jam relatis, facile probari potest, 1. quia bonis & malis communia sunt, & instabilia sunt, & voluntati nostræ non sub-

jacent, sed adveniunt sæpissimè, nobis, vel nolentibus, vel non cooperantibus. 2. quia hæc bona homini cum belluis sunt communia, in quibus perfectiori sæpe modo reperiuntur: nam hominem superant multa animalia, tum vitæ duratione, tum corporis viribus, tum velocitate, sensuum acumine &c. at forlicitas summa seu beatitudo objectiva est bonum homini proprium. *Arist. 1. Eth. c. 7.*

III. Sed speciatim beatitudinem objectivam non consistere in voluptate sensibili, hinc manifestum est. 1. quia nulla delectatio sensibilis potest esse finis: at beatitudo objectiva secundum se est finis. Ergo. Probatur major, ex ipsa naturâ delectationis sensibilis, quæ est generatio seu motus & acquisitio alicujus, quod est sensibili naturæ conveniens, vel est cum tali generatione & motu, *Arist. 7. Ethic. c. 12.* itaque oritur hæc voluptas ex concupiscentiâ alicujus, quod conveniat naturæ: unde supponit in naturâ sensibili deficere aliquid bonum conveniens naturæ, quod per generationem motumve acquiritur: quare consequitur propriè bonum, per generationem motumve, acquisitum. At vero, quod consequitur id, quod est finis, non potest esse finis. Deinde quamvis operationes sensitivæ essent propter delectationem sensibilem, ipsa tamen delectatio sensibilis secundum naturæ ordinem ordinata est ad aliud finem, ut bene advertit & argumentatur *Aquinas sum. contra Gentiles l. 3. c. 27.* verbi causa: delectatio ex cibo & potu ad conservationem corporis ac vitæ ordinatur: at vero quod non propter se est, sed propter aliud, ad quod ex naturâ sua ordinatur, non potest esse finis, ne dum ultimus. 2. Summum hominis bonum cum sit quid optimum, non potest consistere nisi in illo bono, quod ad partem hominis nobilissimam spectat: ita enim fiet, ut tale bonum homini conveniat, quatenus est homo: tales autem non sunt voluptates corporeæ, cum conveniant homini secundum partem sensitivam, (a) quæ in homine inferior est. (b) Plura argumenta videantur apud *Aquinas. loc. cit.*

(a) Anima vegetans & sentiens Scholasticis dicitur pars inferior in homine, Anima rationalis dicitur pars superior.

(b) Pars inferior dicitur operatio sensitiva: de vegetativa animæ.

IV. Si beatitudo objectiva non consistat in bonis corporis, an ergo in bonis (a) animæ, i. e. animæ rationalis aut intellectivæ, ea est sita? sed ne hoc quidem dicendum. Nam si beatitudo objectiva sit aliquid bonum animæ, vel esset ipsa animæ essentia, vel aliquid animæ, nimirum, vel potentia, vel habitus, vel actus, vel voluptas: sed nihil horum est beatitudo objectiva. Ergo. Minorem probabimus per partes singulas: ac I. quod beatitudo objectiva non sit posita in animæ essentia, facile probatur, quoniam anima non potest beare, ut est forma dans homini esse humanum: sic enim homo omnis esset beatus, quam diu esset: at hoc est absurdum. Ergo. II. quod beatitudo objectiva non sit sita in potentia aut habitibus animæ, hinc manifestum est, quia tam potentia quam habitus non possunt esse ultimus finis: ordinantur enim ad aliud tanquam ad finem, cum sint propter operationem: potentia propter operationem simpliciter, habitus propter operationem faciliorem. Sed hic paulo specialius ostendendum est, beatitudinem objectivam non esse sitam in habitu virtutis contra (b) Stoicos Philosophos. Nihil est manifestius quam possessionem virtutis esse propter usum, habitum propter actionem; nec enim justus laudatur, nisi quia iustitiam exercet, (c) nec fortis, nisi quia fortiter, cum opus est, pugnat: itaque actiones virtutis sunt ipsa virtute potiores: at summo bono nihil est potius: in virtute ergo per se spectatâ, vel in nudo ejus habitu, beatitudo objectiva consistere nequit.

(a) Anima & animus sic distinguuntur in Philosophia, ut anima significet, tam inferiorem, quam superiorem partem in homine, i. e. tam vegetantem & sentientem, quam rationalem animam; sed animus non significat animam vegetantem & sentientem, sed partem tantum immortalem in homine, animam scilicet rationalem: nisi quod quidam Philosophorum, qui virtutes collocant in appetitu sensitivo, eum vocaverint animum, ut cum dicunt, mores & virtutes animi; sed nos hic, cum loquimur de bonis animi, utroque sensu accipimus.

(b) In eo

(*) In eo est sita beatitudo objectiva, quod non est propter aliud, quia summum bonum est propter se tanquam finis ultimus, sed habitus virtutis est propter aliud, nempe propter actionem, ad quam ille habitus est ordinatus, omnis enim habitus dirigitur ad actionem aliquam vel bene vel male exercendam: Virtutis habitus ad bene exercendam; ita Fortitudo est ad bene pugnandum, Temperantia ad bene utendum cibo & potu &c. ergo nudus virtutis habitus absque exercitio actionis propriæ non est summum bonum, quia virtus sola non est propter se, sed propter actionem, ad quam refertur, quæ si abest, virtus quidem bonum est, sed non sufficiens. nec perfectum: at summum bonum est perfectum & sufficiens.

(c) Vulgo dicunt, non adjectiva sed adverbia faciunt viros bonos aut, barbare, virtuosos: ideoque qui tantum in se possident virtutis habitum & ejus actum non exerceat, vix est ut *ἀγαθός* seu virtuosus dici possit; neque enim fortis dicendus est, aut liberalis, etiamsi utriusque virtutis habitum in se possideat, si non, cum opus est, aut fortiter pugnaverit, aut stipem egeno porrexerit; & sic in virtutibus aliis.

V. Hoc ergo reliquum est, ut videamus, an beatitudo objectiva in operationibus animæ sit sita? Aristoteles quidem ubique locorum docet, felicitatem positam in operatione secundum virtutem. 1. *Ethic. c. 7. l. 10. c. 6. l. 1. Magn. Moral. c. 3. 4. & alibi.* Aristotelem vero agere de beatitudine objectivâ, satis patet ex iis, quæ inveniuntur *cir. c. 6. l. 10. Ethic.* ubi inter alia sic scribit. *Operationes autem eæ sunt per se expetibiles, à quibus nihil præter operationem queritur; tales autem videntur esse actus ii, qui à virtute proficiuntur: honesta namque studiosa quæ agere, ex iis est, quæ per se expetuntur.* Quæ verba satis significant, ipsum non agere honesta, ipsumque vivere secundum virtutem, esse objectum, quod nos reddit felices & beatos: cum vero operatio secundum virtutem sit operatio animæ intellectivæ (exigit enim *ἐν νουίᾳ*), & alioquin caderet in Bruta) omnino in aliqua animæ intellectivæ operatione ponenda videtur felicitas, ex mente saltem *Aristotelis* in eâ ponitur: nos tamen non dubitamus, contra *Aristotelis* mentem, cum *Aquin. summ. Theol. prim. secund. part. quæst. 2. ars. 7. & cont. Gentil. l. 3, c. 34. &*

Sanioribus Scholasticis, asserere, ultimam hominis felicitatem non consistere in actibus secundum virtutem moralem, adeoque nullam animæ intellectivæ seu rationalis, operationem esse, aut esse posse, objectum nostræ beatitudinis, quod sic probamus.

VI. (a) Omnis operatio animæ intellectivæ, seu rationalis, vel est intellectus, vel voluntas: neutrius vero operatio, potest esse beatitudo hominis objectiva finisque ultimus. nam animæ intellectivæ operatio, vel est actio intellectus speculativi, vel est actio intellectus practici, simul & voluntatis, quæ intellectus practici actionem solet sequi: at neutra est gratiâ sui, sed utraque gratiâ alterius: scilicet, utraque est propter objectum, quod est tanquam causa finalis omnium actionum immanentium: ac licet non usque adeo hæc sententia placeat *Suarezio, Metaph. disp. 12. sect. 7. n. 17.* est tamen verissima, si sit sermo & intelligatur de (b) *sine operis*, ad quem ab auctore naturæ actus est institutus: sic & intellectus & voluntatis operationes ex suâ naturâ à Deo institutæ sunt, ut objecta intelligibilia & volibilia cum hisce potentis uniantur: nam cum res nulla possit attingi, aut à potentiâ, cognitivâ, aut appetitivâ, nisi unicuique illarum in ratione termini uniat, institutor naturæ Deus instituit in utraque potentiâ actionem, per quam res cognoscenda & volenda uniretur, tum intellectui, tum voluntati: itaque simpliciter non sunt sui gratiâ istæ actiones, sed ex naturâ suâ sunt propter objectum: at beatitudo objectiva debet poni in tali bono, quod ex se, non alterius, sed sui gratiâ sit.

(a) Si actio virtutis sit beatitudo nostra objectiva, erit actio vel intellectus speculativi, vel practici, vel voluntatis: omnis enim actio virtutis ad aliquam ex his tribus referri debet: sed nulla istarum trium actionum est id quod nos beat, quamvis possit dici esse id quo beatur. Intellectus speculativus dicitur, qui & quando versatur tantum in contemplatione veri, Practicus, qui & quando versatur in cognitione boni. Voluntas est facultas animæ rationalis, quia appetit: sed quod nulla harum trium actionum, sive sit intellectus speculativus, sive practici, sive voluntatis, sit res quæ nos beat, hinc

hinc patet, quia omnis etiam actio refertur ad aliud, ad objectum scilicet in quod tendit, ideoque nulla est finis ultimus: sed beatitudo objectiva, sive res quæ nos beat, non tendit in aliud, estque finis ultimus absolute.

- (b) Finis operis dicitur finis ipsius rei seu actionis ad quem ex natura sua destinatur, sic objectum omne potest dici finis operis, quia ad illud acquirendum & tanquam scopum assequendum ex natura sua, potentia, habitus aut actio destinatur: finis operantis dicitur, quem agens intendit ex peculiari consilio. Sic finis operis in physica est simpliciter explicare corpus naturale, & scopus ejus ad quem collinat, illud objectum explicatum date; sed finis operantis, i. e. physici, potest esse, cognitione corporis naturalis accepta uti ad medicandum, qui est scopus agentis peculiari, nec à physica proponitur aut exponitur: hic finis vulgo dicitur usus.

Finis operis est illud, quod per Actionem acquiritur, & ad quod Actio natura sua tendit.

VII. Sed in specie, actiones intellectus speculativi non esse beatitudinem objectivam, inde est manifestum, quod subordinentur actionibus intellectus practici & voluntatis: at beatitudo objectiva debet esse finis ultimus. Sed enim, dicat aliquis, si scire, si contemplari, actiones intellectus speculativi, expetuntur, non alterius, sed sui gratia: Ergo sunt beatitudo objectiva. Respondemus, ex th. 6. quia operationes speculativæ ab Autore naturæ institutæ sunt propter objectum cognoscendum, quando dicuntur illæ esse tantum sui gratia, intelligitur quidem, illas non esse propter finem alium operantis, sed non tollitur, quo minus sint propter (a) finem operis, si scire enim & contemplari sunt propter objectum scibile & contemplabile: nam cum cognitio sit aliquid cognitioni, non potest cognitio appeti, nisi & objectum appetatur, & quia actio est propter objectum, prius haud dubie expetitur actio, posterius objectum, & actio propter objectum: Deinde si beatitudo objectiva consisteret in contemplatione, non illa foret contemplatio rei cuiuslibet, sed haud dubie objecti præstantissimi: (b) ac contemplatio objecti præstantissimi nunquam seipsa absolvitur; sed ex se tendit in actum voluntatis: fieri enim non potest ut contemplationem

objecti dignissimi, præstantissimi, altissimi, sc. Dei, non comitetur ejusdem objecti amor.

- (a) Finis operis est illud, sive objectum sive effectum, quod per Actionem acquiritur. & ad quod actio ex natura sua tendebat, ita contemplatio est propter verum, ut illud cognoscatur: quandoquidem autem objectum differt ab actione, recte dicitur actio esse propter aliud, cum dicitur esse propter objectum. Finis operantis est, quem operans sibi intendit & qui sequitur ex destinatione operantis. Contemplatio si refertur ad contemplationem, & spectatur ut finis operantis, est ejus respectu finis ultimus in Philosophia speculativa, si spectetur respectu objecti quod est verum, non finis est, nec in ultimus, sed medium ad finem.

- (b) Tanta est connexio actionum intellectus & voluntatis, ut se invicem perpetuo comitentur: nam tantum diligimus, qui est actus voluntatis, quantum intelligimus, qui est actus intellectus, & ignori nulla cupido: verum actus intellectus refertur ad actum voluntatis, non contra.

VII. Verum, nec actiones practicas in specie esse beatitudinem objectivam, facile probatur: Ratio 1. quia non sunt per se expetibiles, sed propter aliud, quod late probat ipse Aristoteles c. 7. l. 1. o. Ethic. ubi ostendit, (a) operationes politicas, quibus bonum commune ordinatur, & bellicas, quibus bonum commune defenditur, non esse propter se, sed propter aliud, & inde sumit argumentum, quo probet cæteras alias actiones practicas non propter se sed propter finem expeti, quod hæc omnium aliarum longe præstantissimæ propter aliud expetantur. Sed specialissime actiones virtutum moralium non esse beatitudinem objectivam, sic non male concludit Aquinas, loc. cit. contra Gentil. Ratio 2. Omnes morales operationes sunt ordinabiles ad aliud: sic actiones fortitudinis, quæ in bello liquet, ordinantur ad victoriam & pacem: stultum enim foret bella geri propter se; actus justitiæ ad servandam concordiam inter homines, ut unusquisque quiete, quod suum est, possideat: ac beatitudo objectiva non est ad finem ulteriores ordinabilis; est felicitas enim summa & finis summus: Ratio 3. Præterea cum actiones virtutum moralium versentur, tum circa

circa *res externas* (b) quæ in usum hominum veniunt, tum circa moderandos (c) *partis inferioris* & sensitivæ affectus, ac pars sensitiva sit propter perficiendum opus animæ intellectivæ, quis non videt, actiones virtutum moralium expeti, non propter se, sed, vel propter usum in vita humana, vel propter bonum animæ intellectivæ? scil. ut, affectibus per virtutum moralium actiones bene ordinatis, & mens expeditius possit incumbere contemplationi & animus ferri promptius in amorem objecti præstantissimi jam cogniti. Quare omnino concludimus, beatitudinem objectivam non consistere in operatione virtutis, contra *Aristot.* nec in ulla operatione animæ intellectivæ.

- (a) Quia omnes operationes & actiones morales & practice ordinantur ad aliud: sic actiones Fortitudinis, Temperantiæ, ordinantur ad Pacem & Victoriæ; Temperantiæ & honestam vitam.
 (b) *Res externæ* sunt: V. C. pecuniæ, cibi, & potus, sumptus & mercesimonia.
 (c) Pars inferior animæ in homine, dicitur omnis operatio animæ sensitivæ ac vegetativæ, quemadmodum operationes animæ Rationalis dicuntur pars superior animæ.

IX. Sed nec in voluptatē animi consistere beatitudinem objectivam, hoc argumento probat *Aquin. pr. sec. Quæst. 2. art. 2. sum. Theol.* In unaquaque re, aliud est, quod pertinet ad essentiam ejus, sc. ut illam constituat, aliud, quod est proprium accidens ejus, sicut aliud est, esse rationale, aliud, esse risibile, in homine: sed omnis voluptas animi est quoddam accidens & proprietas consequens beatitudinem, vel aliquam beatitudinis partem; nam ex eo delectatur aliquis, quia habet aliquod bonum, vel in re, vel in spe, vel in memoria: quod bonum, si est perfectum, est ipsa beatitudo objectiva. Ergo ipsa delectatio, quatenus talis, non est beatitudo objectiva: nam si delectatio sit proprietas, quæ consequitur beatitudinem objectivam, præsertim acquisitam, utique ipsa in se non poterit esse beatitudo objectiva: alioquin daretur delectatio ipsius delectationis ex bono acquisito, & processus in infinitum, quod est absurdum. Atque ita beatitudinem objectivam non consistere in bonis internis ipsius hominis, sive corporis, sive animæ, hac disputatione fuit ostensum, sicut eam non consistere in bonis externis, seu fortunæ, priori fuerat demonstratum.

DISPUTATIONUM PRACTICARUM

QUARTA,

DE

SUMMO BONO.

THESIS I.

Bona, quæ Hominem perficiunt, sunt in duplici differentia: quædam enim illum perficiunt, eo quod re ipsa in ipso existant aut ab eo possideantur; alia, quod ab ipso sint cognita & amata: prioris generis sunt bona, tum animi, tum corporis, quæ interna vocamus, tum fortunæ, quæ externa diximus: posterioris generis sunt entia omnia, tam sensibilia quam intelligibilia, quatenus cadunt sub speculationem intellectus & sub amorem voluntatis. Egimus huc usque de bonis prio-

ris ordinis, & in nullo eorum Beatitudinem objectivam collocavimus: reliqua sunt bona posterioris ordinis, quæ cum perficiant quoque hominem, ut sunt objecti cognita & amata, ulterius inquirendum est, an in illis Beatitudo objectiva sit collocanda? Et cum horum bonorum, quædam sint creata, quoddam increatum, ut Deus, queritur, an in bonis creatis, an vero in bono increato, objectiva Beatitudo consistat?

11. Quod Beatitudo objectiva non consistat in ali-

in aliquo bono creato, quatenus cadit sub intelligentiæ & volitionem, facile probari potest: quia beatitudo objectiva est summum bonum & ultimus finis; at nulla res creata est summum bonum aut ultimus finis: non summum bonum, (a) quia omnis res creata, sicut habet entitatem participatam ab alio, ita etiam habet participatam bonitatem: at talis bonitas non est summa: non finis ultimus, quia omnis res creata, sicut habet causam efficientem, à qua est, ita & finalem, ad quam refertur, ideoque non est finis ultimus. Sed hæc nostra assertio firmissime probatur ex natura objecti (ut loquuntur *Scholastici*) beatifici; quod cognitum, est verum omnium maxime perficiens intellectum; &, quod volitum, omnium plenissime satiat voluntatem: tale verum cognitum, non est res creata, quia habet veritatem participatam, quæ non est ultima perfectio intellectus; &, tale bonum volitum non est res creata, quia habet bonitatem participatam, quæ non plene satiat voluntatem. Hæc ratio est desumpta ex *sum. Theol. Thom. Aquin. pr. sec. quæst. 2. art. ult. & quæst. 3. art. 7.* quæ quia est efficacissima, non nihil eam explicabimus.

(a) Ens aliud est per essentiam, aliud per participationem. Per essentiam, quod entitatem suam à nullo habet, estque solus *Deus*: per participationem, quod entitatem suam participavit ab alio, sc. *Deo*, estque omnis creatura; ita quoque Bonum est aliud per essentiam, quod bonitatem suam non habet aliunde, ut *Deus*, aliud per participationem, quod eam habet à *Deo*, ut *Creatura*. Hinc liquet solum *Deum* esse summum bonum, & non *Creaturam*: sic quoque & verum dicitur per essentiam, quod veritatem obtinet ex natura sua, ut *Deus*, & per participationem, quod veritatem suam, qua verè est id quod est, accipit aliunde, scil. à *Deo*, estque *Creatura*; nam hæc est aurea Regula, *DEUS* est causa omnis entitatis, veritatis, & bonitatis in creaturis, unde nulla *Creatura* est summe vera, aut summe bona, *DEUS* enim & semper & magis verus est, & magis bonus: quia, propter quod unumquodque est tale, illud ipsum est magis tale: sed *Creaturæ* sunt veræ & bonæ propter & per *Deum*: ergo *Deus* est magis verus, & magis bonus; consequenter, solus *DEUS* est summe verus, & summe bonus, ideoque solus est Beatitudo nostra objectiva.

III. (a) *Objectum beatificum, quatenus tale est*, ex natura sua non tantum perficit voluntatem, ut est quoddam bonum, sed & perficit intellectum, ut est quoddam verum: hoc supposito sic procedimus. Beatitudo objectiva, in quantum est cognita, non potest consistere in vero, quod est tale per participationem, sed in eo, quod est verum per essentiam: Atqui nulla creatura est vera per essentiam, sed omnis est vera per participationem. Ergo in nulla creatura potest consistere beatitudo, ut cognita. Minor certa est, quia, ut creatura habet entitatem participatam, ita & veritatem: nam veritas entitatem sequitur. Major probatur: quia beatitudo objectiva, sicut ex sua natura habet, quod non per aliud sed per se beat, ita rationem beandi & perficiendi intellectum non ab alio habet, sed à se. ac proinde rationem veri, sub qua perficit intellectum eumque beat, non ab alio participat, sed à se habet: alioqui non per se sed per aliud bearet: at hoc dici non debet: quia id, quod est tale per aliud, necessario reducitur ad id, quod per se est tale. Pariter beatitudo objectiva, in quantum est volita, non potest consistere in bono, quod est tale per participationem, sed in eo quod est bonum per essentiam: (b) *Atqui nulla creatura est bona per essentiam*, sed omnis est bona per participationem. Ergo in nulla creatura potest consistere beatitudo objectiva, ut volita. Minor certa est, quia ut creatura habet & entitatem, & veritatem, ita & bonitatem participatam: nam & bonitas entitatem sequitur. Major probatur: quia objectiva beatitudo, sicut ex natura sua, non per aliud, sed per se beat, ac sic beat ac perficit intellectum; pari modo beat ac perficit voluntatem: ideoque rationem boni, sub qua voluntatem perficit ac beat, non ab alio participat, sed per se habet. Concludimus ergo, nullam rem creatam posse esse beatitudinem objectivam, ut cognitam vel volitam, quia nec intellectum nec voluntatem plene ac perfecte perficit. Nihil ergo restat aliud, quam ut beatitudo objectiva consistatur in ente increato, *Deo solo*; quod ex inductione jam clarum est. Nam beatitudo objectiva non consistit in bonis externis fortunæ, ut fuit ostensum in

disp. 2. nec in bonis internis animæ, vel corporis, ut fuit probatum *disp.* 3. nec in ullo bono creato, vel cognito, vel volito, ut *hæc disp.* nunc convicimus. Ergo in solo consistit Deo, quia nihil amplius est reliquum.

(a) Objectum beatificum, i.e. quod hominem facit beatum, homini est proprium: illud vero homini est proprium, quod ei convenit secundum partem superiorem, animam scilicet rationalem, quia corpus & animam vegetantem ac sentientem habet communia cum rebus aliis, sed animam rationalem non item; quod vero ei convenit secundum animam rationalem id ei competit secundum intellectum & voluntatem: ergo objectum beatificum hominem beare nequit nisi & intellectum & voluntatem perficiat, ideoque debet esse, & summe verum, & summe bonum.

(b) Ens vulgo dividitur, in ens per essentiam, & ens per participationem: prius dicitur, quod entitatem suam à nullo habet, & esse solus Deus: posterius dicitur, quod entitatem habet ab alio participatam, & esse omnis creatura: sic dividitur quoque, & verum & bonum; itaque Deus & est ens, & verus, & bonus per essentiam, quo sensu Christus dicit, Pater meus solus est bonus: Creatura est ens, & vera, & bona per participationem, quo sensu dicitur, quod Deus omnia viderit quæ fecerat, & erant valde bona.

IV. Deus ergo beatitudo hominis est *objectiva*, sive objectum, quod beat: sed in quo nunc consistit beatitudo formalis, sive id, quo objectum, quod beat, fit nostrum? duas enim beatitudinis quasi partes integrantes fecimus, *disp.* 2. objectivam & formalem. Omnis aliorum sententis, dicimus, *Beatitudinem formalem consistere in eo, quo Deus nostra beatitudo objectiva nobis objective conjungitur*: Deus enim scipso non potest nos perficere, nisi ut objectum: at non potest Deus nobis objective conjungi nisi per operationem. Ergo *Beatitudo formalis consistit in operatione.* (a) *Verum enimvero cum operatio sit multiplex, alia vitalis, alia non vitalis, alia transiens, alia immanens: Quæritur, in qua operatione consistat beatitudo formalis?* Respondendum, in operatione & vitali & immanente: atque hoc utrumque ex *Arist.* probari potest. Primum, cum beatitudo naturalis in vivendo consistat, docente *Arist.* l. 1. *Magn. Moral.* c. 4. ubi post multa ita

concludit; Ergo, & feliciter vivere, & felicitas in vivendo est: imo, cum sit vita quædam beata, ex testimonio *Arist.* 9. *metaph.* c. 9. *text.* 16. in fine, ubi ait, *felicitas vita quædam est.* Et 10. *Ethic.* c. 6. *text.* 26. lib. 1. *Ethic.* ad *Eudemum*, post principium, & alibi; utique beatitudo consistet in ultima perfectione vitali; at hæc est operatio: nam ex *Arist.* 2. de *Anim.* c. 2. *text.* 13. *idem est vivere, quod operari*: quin etiam operatio vitalis non solum est ultima perfectio viventis, sed etiam perfectissima, quod ex eodem *Arist.* colligere est, 2. de *Celo*, c. 3. t. 17. ubi sic scribit *Eorum quodque, quorum est opus, operis ipsius esse gratia constat*: sensus est; unumquodque eorum, quorum est opus; i. e. quæ alicujus operis sunt activa, esse gratia ipsius operis constat, i. e. constat esse activa gratia ipsius operis. Quare actus primus vitæ (sive potentia sit, sive habitus) ex sua natura est gratia actus secundi vitæ, tanquam finis. Alterum; quod beatitudo formalis sit actio immanens, sic probatur ex *Arist.* Beatitudo formalis est operatio in suo genere perfectissima, 10. *Eth.* c. 7. operatio autem immanens præstantior est transeunte: est enim propter se, 1. *Metaph.* c. 1. 10. *Ethic.* c. 7. 8. cum tamen actio transiens, non propter se sit, sed propter productum, 1. *Eth.* c. 1. *text.* 3. Ergo beatitudo formalis non est operatio transiens, sed immanens. Deinde, beatitudo formalis est operatio, quæ manet in beato operante, 1. *Magn. Moral.* c. 1. & 9. *Metaph.* c. 9. t. 16. operatio autem transiens non manet in operante, quod notum est. Et quid multis? Beatitudo formalis est quædam vita, ut jam vidimus: at operatio vitalis, non est transiens, sed immanens. Ergo &c.

(a) Operatio vitalis dicitur, quæ oritur à principio vitæ, i. e. ab anima aliqua, sive vegetante, sive sentiente, sive rationali, ut, crescere, intelligere, sentire; non vitalis dicitur, quæ oritur à principio non vivente. ut, in terram prolabi, oritur à forma mixti in corpore; & non ab aliqua anima, principio vivente: operatio immanens est, quæ manet in ipso principio operante, sicut visio manet in ipso oculo vidente: transiens dicitur, quæ extra principium operantis in alio subjecto recipitur, sicut calefactio extra ignem recipitur in aqua.

Operatio alia est vitalis, alia non vitalis: vitalis dicitur, quæ oriatur à principio vitæ, i. e. animæ seu vegetante, seu sentiente, seu rationali, uti est nutritio, visio, intellectio: non vitalis, quæ oriatur à principio, quod non vivit, uti est Solis motus & Elementorum, nam nec Sol nec Elementa vivunt. Operatio alia est Immanens, alia transiens: Immanens dicitur, quæ manet in ipsa causa efficiente, à qua proficiscitur, uti est, Intellectio, quæ manet in intellectu: Transiens est, quæ extra causam efficientem abit in rem aliam, ut Calefactio, quæ extra ignem abit in aquam.

V. Sedenim, si beatitudo formalis sit operatio vitalis & immanens, ulterius queri potest, utrum sit animæ vegetativæ, insensitivæ, an rationalis? Quod non sit animæ vegetativæ, illud quidem extra omne est dubium; quia illa non potest esse principium humanæ & moralis operationis; cum sit omnino experta rationis: sed nec sita est formalis beatitudo in aliqua operatione animæ sensitivæ; (a) quæ rationalis quidem non est per essentiam, est tamen per participationem: quia operatio sensitiva non potest nobis conjungere nisi bonum sensibile: at tale non est summum bonum, ut ante vidimus. Ergo, &c. Deinde formalis beatitudo ponenda est in operatione naturaliter perfectissima, 1. Eth. c. 2. & 5. 10. Eth. c. 6. At operatio sensitiva, quæcunque illa sit, non est perfectissima: nec ex parte principii, quia est ab anima sensitiva, quæ est minus nobilis, quam rationalis: nec ex parte objecti, quia terminatur ad (b) bonum sensibile, quod est longe inferius bono intelligibili. Denique beatitudo formalis non potest nobis esse communis cum brutis: nam convenit soli homini, 1. Eth. c. 9. 1. 45. & 10. Eth. c. 8. s. 30. Atqui operatio sensitiva etiam brutis convenit. Ergo beatitudo formalis consistit in aliqua operatione vitali & immanente, quæ conveniat soli homini & quidem quatenus est rationalis: talis est operatio intellectus & voluntatis: in utraque ponimus beatitudinem formalem, quod ulterius est explicandum.

(a) Anima rationalis, dicitur rationalis per essentiam, quia ejus essentia in ratione est sita, & per rationem definitur: anima sensitiva, quæ quidem est irrationalis in se, atque essentia sua,

dicitur tamen rationalis participatione, quia subest in operationibus suis imperio animæ rationalis, nam videmus appetitus, loco nos movemus, cum volumus ac iuvamus, sed anima vegetans, nec per essentiam nec per participationem, est rationalis. nec enim autemur, nec cresemus, nec nostri lumen prolem generamus, cum & volumus & judicamus.

Anima humana, quæ hominem constituit, intellectus ac voluntate est pradiata. est Rationalis per essentiam, quia ejus natura talis est, ut, si non fuerit ratione pradiata, ne quidem Anima sit futura, sed Anima sentiens. In homine dicitur Rationalis per participationem, quia, in quantum subest Rationali Imperio ac ductui ac dictamini, aliquo modo particeps sit Rationali: sensitiva Anima Bruti nullo modo particeps est rationis, quia non subest alicui Animæ Rationali.

(b) Bonum sensibile, est bonum jucundum, aur utile, quia utrumque sensu percipitur: Bonum intelligibile, est bonum honestum, quod sola ratione intelligitur.

VI. Dicimus igitur, beatitudinem formalem essentialiter constitui & integrari ex actione intellectus & voluntatis: illam vocant vulgo beatitudinem contemplativam; hanc activam. Hæc divisio sumitur ex Arist. 10. Eth. c. 7. 8. explicant eam Cœnimbric. in Eth. disp. 3. quest. 3. art. 2. Fonseca. 1. Metaph. c. 1. quest. 1. sec. 6. sed non eodem modo. Cœnimbricenses volunt duas illas beatitudines esse duas species, ita ut utraque per se & ratione sui veram habeat rationem beatitudinis. Fonseca aliter philosophatur, & docet, duas illas beatitudines esse partes integrantes unam essentiam unius totalis beatitudinis: quæ explicatio nobis magis arridet: (a) quia neutra se sola potest beare, sed utraque simul ad beandum est necessaria: Ergo utraque ad beatitudinem formalem pertinet tanquam pars unius beatitudinis, ex utraque integratur. Atque hæc explicatio ab ipso Arist. confirmatur, qui, libros de moribus ad Eudemum concludens, docet, omnes actiones nostras, omniaque studia, rerumque possessiones tunc judicandas esse meliores, quando magis adjuvant & faciunt ad Dei cognitionem & cultum; deteriora autem censeri, quæ nobis impedimento fuerint. Ex quibus Aristotelis verbis, ulterius liquet, (b) Beatitudinem formalem partem contemplativam consistere in Dei

Dei cognitione, *affirmam in ejus cultu*, quatenus nempe & cognitio & cultus Dei naturæ lumine ac viribus obtineri potest: nam hæc omnia procedunt de beatitudine naturali; quod in alia disputatione priore est monitum.

- (a) Cum genus dividitur in species, tota natura generis est una tota in altera specie, ut, tota natura Animalis est in homine, tota in Bruto; at cum integrum dividitur in membra, non invenitur tota natura integri in unoquoque membro, sed partim in uno, partim in altero, sic tota natura Corporum non est in capite, nec tota in pede, sed partim in capite, partim in pede, partim in reliquis membris: summum quoque bonum non totum existit in Beatitudine objectiva, nec totum in formali, sed partim in illa, partim in hac, nec enim Deus, Beatitudo objectiva, nos beat, nisi per beatitudinem formalem, Actionem nostræ intellectus & voluntatis, fiat nobis; ideoque hæc Beatitudinis divisio est non generis in species, sed integri in membra.
- (b) Pars contemplativa beatitudinis formalis, consistens in cognitione Dei naturali, accepta per lumen naturæ, ex libro naturæ, acquiritur per perfectissimam virtutum intellectualium scientiam, sapientiam, quæ est habitus contemplativus, versans circa objectum præstantissimum, puta Deum: altera pars consistens in cultu Dei naturali instituto secundum legem naturæ, ex libro scripturæ, acquiritur per perfectissimam virtutum moralium scientiam, pietatem, quæ docet Deum naturaliter cognitum, colere, venerari, amare.

VII. Beatitudinem formalem, partim esse collocandam in operatione intellectus, partim in operatione voluntatis, ex eo liquet, quia ad perfectam possessionem objecti beati-
ficæ, seu beatitudinis objectivæ, Dei, requiritur, & perfecta ejus speculatio & perfecta amor (perfectus, sc. naturaliter, quantum natura hominis in via, i. e. vita, permittit) dum enim Deum Dei quæ proprietates speculamur, Deo conjungimur: dum cognitum amamus, intime ei unimur: at speculatio actio est intellectus & amor voluntatis. Ergo, &c. Atque hic contra *Thom. Aquin. sententiam*, qui in *Summ. Theol. pr. sec. quæst. 3. art. 4. & contra gentes l. 3. c. 25. 26.* Beatitudinem formalem in solo actu intellectus (intelligere Deum) non item in actu voluntatis collocat. At vero,

si sententia *Aquin.* sit vera, sequitur, Dæmones beatitudine formali esse beatos, quia in ipsis altissima Dei cognitio naturalis reperitur: præterea & illi erunt beati, qui Deo sunt maxime in viis, quia in illis esse potest & sæpe est profundissima Dei speculatio: at hoc est contra *Aristotelem*, qui *10. Eth. c. 8. ad finem* ait diserte, *eum, qui vere & essentialiter esse felix, esse amicissimum Deo.* Sentimus quoque hic contra *Melch. Canum loc. theol. l. 9. c. 9* alio-
que, qui beatitudinem formalem ponunt in solo actu voluntatis, quæ sententia, præterquam quod sit contra *Aristotelem* ubique fere beatitudinem in speculatione collocantem, etiam rationi repugnat: Nam non potest existere amor Dei, nisi jam ante præcesserit ejus contemplatio: quippe actus voluntatis semper præsupponit & includit actum intellectus; alioquin voluntas non foret potentia rationalis. Nos ergo Beatitudinem formalem ponimus; ex parte intellectus, in perfectissima cognitione, quæ de Deo ex creaturis haberi potest lumine naturæ: ex parte voluntatis, in amore Dei naturaliter cogniti, (a) qui amor non est concupiscentia, sed amicitia: Sed in utra actione, intellectus an voluntatis, principalius ponitur beatitudo formalis? Ad hoc responderi nequit, nisi prius constet, an actio intellectus sit nobilior actione voluntatis? quæ quæstio licet in utramque partem à *Scholasticis* soleat disputari, ac non multum referat, utrumvis statuatur, nos tamen actioni voluntatis primas deferimus, (b) ac beatitudinem formalem potissimum consistere dicimus in actu voluntatis: actu intellectus non excluso, sed essentialiter incluso. Quomodo verò in hac Dei contemplatione & amore summum bonum consistat, non tam facile verbis exprimitur, quam quidem contemplantis & amantis animus sentit. Per contemplationem sane Dei, ejusque potentia, bonitatis, sapientie, ex rebus creatis cognitionem, homo quasi Deus fit: anima enim intelligendo fit omnia. 3. De Anim. c. 4. Per amorem ita Deo cognito unitur homo, ut totus in eum absorbeat, ac totus in eo sit, juxta vulgatum illud, Animus est magis ubi amat, quam ubi animat. Certe hic felicitatis humana est apex & in hac

vita fastigium, Deum ex rebus creatis rite recteque cognoscere, cognitum venerari & amare, in quo tota beatitudo absolvitur, quam aliquot jam disputationibus sumus profecuti.

(a) Amor concupiscentiæ dicitur, quo alteri cupimus bonum aliquid; amor amicitiae, quo desideramus frui re amata, aut quo amamus rem

nobis gratam: nos amando Deum nullum bonum Deo cupimus, sed i fecimus in illum tanquam in objectum nobis gratum atque amicum.

(b) Beatitudo formalis magis & potius consistit in Actu voluntatis, quam Intellectus, quia totus Intellectus, sive cognitio & contemplatio Dei, refertur ad Actum voluntatis sive Amorem Dei.

DISPUTATIONUM PRACTICARUM

QUINTA,

DE

SPONTANEO

THESIS I.

Summum Bonum, seu finem ultimum Philosophiæ practicae, exposuerunt Disputationes præmissæ: ordinis ratio postulat, ut fini ultimo jam explicato subjungatur explicatio finis subordinati, i. e. medii quem voce græca Πράξις expressimus disp. 2. th. 1. & disp. 1. th. 5. & latine th. 2. disp. 1. in definitione Ethicæ vocavimus actionem humanam: Nempe, Philosophia practica hominem imbuat cognitione virtutum, quibus imbutus, πράξις, actiones edit humanas, i. e. homine dignas, iisque summum bonum acquirit: Notandum autem est statim, πράξις, actionem humanam, interdum sumi late pro qualibet actione hominis, qua aliquid πράττει, agit, quocunque modo, interdum stricte pro actione hominis ut homo est, i. e. cuius homo dominus est, quæ & à rationis cognitione & à libera hominis voluntate proficiscitur: & hanc utramque significationem observabit in ipso Arist. quisquis c. 1. l. 3. Eth. ad Nicom. diligenter perlegerit: generaliter sumpta πράξις, actio humana, dividitur in spontaneam & invitam: τὸ quippe ἐκούσιον καὶ ἀκούσιον i. e. spontaneum ac invitum, distinguunt omnes actiones humanas: nam duplex est earum differentia: una ratione cognitionis, secundum quam actiones humanae, i. e. hominis, simpliciter & in genere, sunt, vel à scientibus,

vel ab ignorantibus: altera ratione voluntatis, secundum quam sunt, vel à volentibus, vel à coactis: quæ actiones sunt à scientibus & volentibus, dicuntur spontaneæ: quæ, vel ab ignorantibus (quomodo ignorantibus, postea explicabitur) vel à coactis, dicuntur invitæ. Sed vero si πράξις, actio humana, speciali significatione sumatur, jam sola spontanea talis dici debet. Nos hac disputatione actionis humanae, πράξις, in genere sumptæ, differentiam primam, τὸ ἐκούσιον, spontaneum; alteram, τὸ ἀκούσιον, invitum, explicabimus disputatione alia.

II. Arist. c. 1. l. 3. Eth. ad Nicom. sub finem, aut, sicuti alii ejus interpretes hoc cap. in tria dispartunt, c. 3. definit τὸ ἐκούσιον, ὃ ἂν ἄρχῃ ἐκ αὐτοῦ εἰδὼν τὸ καλὸν ἢ κακόν, ἐκ οὗτος ἡ πράξις, i. e. Spontaneum est id, cujus principium est in agente sciente singulari, id est, omnes circumstantias, in quibus actio est, i. e. consistit. Cum dicit ἐκούσιον esse, ὃ ἂν ἄρχῃ ἐκ αὐτοῦ, opponit illud τὸ ἀκούσιον, cujus principium est extra agentem; cum addit εἰδὼν, &c. opponit illud ἀκούσιον δι' αἰτίαν, τὸ καλὸν ἢ κακόν, (a) circumstantiæ singulares, vulgato isto versu comprehenduntur, Quis, quid, ubi, quibus auxiliis, cur, quomodo, quando. Duo itaque requiruntur ad actionem spontaneam. 1. Scientia seu cognitio rei agentis omniumque actionis circumstantiarum.

rum. 2. *Principium*, à quo proficiscatur Actio, *intrinsecum*. Videndum igitur restat, *Quomodo* aliquid sit *spontanèum ratione scientiæ*, deinde, quomodo *ratione principii intrinseci*.

(a) Circumstantiæ singulares omnem actionem humanam reddunt, vel bonam, vel malam, prout vel conveniunt cum recta ratione, vel non conveniunt, unde vulgo vocantur circumstantiæ morales, & ab illis dicitur dependere omnis bonitas vel malitia moralis, seu honestas & turpitudine actionum. *Quæ* significat personam agentem; *quid*, objectum; *cur*, finem, *ubi*, locum; *quando*, tempus; *quibus auxilium*, media, & instrumenta; *quomodo*, rationem agendi. Pro hisce circumstantiis variatis innotatur quoque actio humana, ex bona in malam, & contra: inter omnes autem circumstantias morales præcipue sunt finis & objectum. Ut vero aliqua actio sit bona, debent omnes circumstantiæ convenire cum recta ratione; ut sit mala, sufficit, si vel una circumstantia à ratione recta recedat.

Circumstantiæ singulares dicuntur, quæ circa unamquamque Actionem hominis singularem fiunt, i. e. inveniuntur, & exprimiuntur vulgato versu: *Quis*, quid, *ubi*, quibus auxilium, *cur*, quomodo, *quando*. *Quis*, significat personam agentem, *quid*, objectum quod agit, *ubi*, locum quo agit, *quibus auxilium*, media quibus agit, *cur*, finem propter quem agit, *quomodo*, modum quo agit, *quando*, tempus quo agit. Ab hisce circumstantiis singularibus pendet Actionum omnium singularium bonitas, aut malitia moralis in homine: sc. si omnes circumstantiæ hæ conveniant cum recta ratione, Actio humana est bona, si una tantum à recta ratione discrepaverit, Actio humana est mala; inter omnes verò circumstantias præcipue sunt, *quid* & *cur*, i. e. *objectum* & *finis*. Atque hæ circumstantiæ omnes intelliguntur in definitione *Spontanæ*, per vocem *singula*.

III. (a) *Scientia*, quæ actionem reddit spontaneam, Philosophis Ethicis, & magis proprie, solet dici *Conscientia*, quæ quid sit, an rationis seu mentis humanæ facultas, ipse intellectus, an ejus habitus, an actus, hujus non est loci, nec nostri nunc instituti, inquirere: cui lubet, videat ista disputata apud *Thomam Aquin.* Sum. Theol. p. 1. quæst. 79. art. ult. & apud *Arist.* l. 1. Cap. Conf. Nos impræsentiarum per eam intelligimus, actum rationis intellectus practicæ, quo ipsa judicat quid

sit bonum ac malum, quid fas ac liceat, quid nefas ac non liceat, & quo præterea præscribit, quid sit faciendum, quid omitendum. Atque hanc vocant *conscientiam de faciendo*, & juxta eam dicimur agere, vel secundum, vel contra conscientiam: Nam *conscientiam de facto*, h. e. illud intellectus judicium, quod factum consequitur, quod hominem, prout vel bene vel male egerit, vel accusat vel delectat, unde bene vel male sibi quis dicitur conscius, hic non spectamus. Sponte agere dicitur homo ratione conscientie de faciendo, in quantum hæc præconis instat est ac conculatoris, explicantis primo, ac præscribentis ei, quid legi naturæ rectæque rationi sit consentaneum, quid dissentaneum, quid permixtum, quid prohibitum; applicantis deinde vivendi ex lege naturæ & secundum rectam rationem universales regulas singulis ejus actionibus. Tale dictamen, tale judicium rationis practicæ de actionibus humanis faciendis, facit eas spontaneas, & prout conveniunt vel non conveniunt secum, bonas reddet vel malas moraliter: nempe, ut lex divina norma est actionum hominis Christiani spiritualium, lex civilis norma ad quam Resp. debet componi ac regi, sed utraque non nisi cognita, ita lex quoque naturæ norma est actionum moralium, sed cognita, quæ legis naturalis cognitio Ethicis, *Conscientia*, appellatur, & *Damascono* lex intellectus. Hæc amussim est actionum humanarum, & juxta eam vel male vel bene, ac semper sponte agit homo: bene agit, si agat, quod agendum præcipit conscientia: male agit, si non agat quod jubet, aut contrarium faciat: atque ex hisce liquet, fieri non posse, ut quis agat contra conscientiam & non peccet: nam sicut peccat, qui contra legem agit, quamdiu ea manet: ita peccat, qui contra conscientiam agit, quamdiu manet illa: est enim conscientia nihil aliud, quam lex cognita à ratione practica. Sed paulo adhuc plenius est hoc negotium explicandum.

(a) *Scientia*, quæ requiritur in Actione spontanea, dicitur *Conscientia*, quia homo, qui scit omnes circumstantias suæ Actionis, est conscius sibi, quid agit, quomodo, & cur. &c.

Quo-

IV. Quotuplex est iudicium intellectus practici, de re facienda si bona sit, vel omit-
tenda si mala sit, totuplex est conscientia: at
iudicium illud proprie est *triplex, rectum, proba-
bile, erroneum*: unde & *triplex, est conscientia,
recta, probabilis, erronea*: verum quia dubitatio
& *hesitantia* interdum nonnullis dicuntur iu-
diciis intellectus, factum est, ut similiter iis
conscientiis aliqua dicta sit *dubia vel scrupulosa*:
Et hinc Scholastici quintuplicem fecere con-
scientiam, quod sic ostendunt. Ratio practi-
ca, vel *statuit* aliquid agendum tanquam ho-
nestum, vel *dubitat* an sit honestum, vel *trep-
idat* anxie, credens, assentientis seu iudicans
scrupulose, ab homine vix quippiam fieri
posse sine peccato: si *statuit*, aut *firmiter* &
confidenter credit, assentitur seu iudicat, actionem
fore honestam, aut *probabiliter* opinatur:
si *firmiter*, aut *vere* & recte statuit creditque,
seu iudicat, aut non recte sed falso. Ratio,
recte, *vere* firmiterque, propter argumenta
vera atque evidentia, statuens ac iudicans, ac-
tionem fore honestam, est *Conscientia recta*.
Ratio *firmiter*, sed non *vere* nec recte, propter
argumenta, quibus innititur, fallacia, statuens
honestum fore opus, quod tamen est inhonestum,
est *Conscientia errans*. Ratio non *firmi-
ter* sed *probabiliter* propter argumenta, quae
sibi sunt probabilia (sive alteri certa, sive fal-
lacia habeantur) iudicans actionem futuram
honestam, est *Conscientia probabilis*. Ratio
cum *dubitat*, ac media inter duas contradi-
ctiones neutri credit, assentitur, est *conscientia
dubia*. Ratio cum *trepidat* animumque ex-
cruciat, metuendo peccatum, ubi non est,
Conscientia est *scrupulosa*. Hæc applicemus.
Contra conscientiam rectam, erroneam, probabi-
lem, agere, est peccatum: Nam agere commu-
niter & in genere contra conscientiam sta-
ruentem, iudicantem, credentem, assentien-
tem, hoc quod sit esse peccatum, est peccare:
at triplex hæc conscientia statuit, iudicat, cre-
dit, assentitur, hoc, quod contra se sit, esse pec-
catum: licet diversi sint termini medi, qui-
bus quæque iudicat. Ergo, &c. Certe homo,
qui per conscientiae dictamen iudicat, credit,
assentitur ac statuit, aliquid esse peccatum aut
malum, non debet hoc velle: Ergo, qui vel

certo ac *vere* sit atque *evidenter*, per S. l. Apod.
vel qui fallaciter per errorem, per Syll. Sophist. sed
tamen firmiter statuit ac credit, assentitur, vel
qui probabiliter per opinionem iudicat, per Syll.
Dialecticum, aliquam actionem esse malam, non
debet eam velle: si velit, peccare vult, & iam
volendo peccat. At qui agit contra conscien-
tiam rectam, erroneam, probabilem, id vult
actionem: de qua uno ex tribus istis modis
iudicat, eam esse malam. Ergo peccat. Se-
cundum conscientiam rectam vel probabilem, qui
agit, recte facit, ac non peccat. Secundum con-
scientiam erroneam, qui agit, interdum peccat,
interdum non. Peccat tam, qui secundum, quam
qui contra conscientiam erroneam, agit, (a) cum
error est vincibilis & de re per se mala: at si er-
ror fuerit invincibilis aut de re per se indifferen-
ti, peccat, qui contra, seu non qui secundum eam
facit. Contra dubiam aut secundum illam con-
scientiam, nemo agere potest, quia hæc dubitat,
an sit bonum aut faciendum, an sit malum
aut fugiendum: nam qui neutram contradi-
ctoriarum certo statuit aut credit, contra ejus
iudicium, aut secundum illud, fieri nihil po-
test, quia nullum est: at dubitans conscientia
suspendit iudicium, & neutram partem de-
terminat, actionem vel faciendam vel omit-
tendam. Ergo contra aut secundum eam agi
nihil potest: ideoque, ut ante monuimus, im-
proprie hæc conscientia aut iudicium dicitur.
Scrupulosa conscientia alteri contradictionis parti
adhæret, & quidem optime; statuit enim ali-
quid esse licitum, quod licitum est, sed cum formi-
dine peccati, atque ea quidem temeraria & sine
fundamento: quod peccare timeat, hoc lauda-
bile est: quod inepte timeat, periculosum,
non tamen peccatum: omne enim peccatum
voluntarium est: at scrupulus offendens con-
scientiam non est voluntarius, sed invitum
lædit hominem. Ergo, &c. si scrupuli excuti
atque amoveri possunt: qui secundum eam agit
conscientiam iis sublati, quandoquidem agit
quod licitum est & licitum esse statuit, rectissi-
me facit: qui contra eam agit, peccat: at si scrupuli
isti tolli nequeant, quin molesti adhuc sint,
id tamen agere, quod licitum est & esse statuit,
manentibus scrupulis, conscientia scrupulo-
sa, non est peccare: quia illud est agere non
contra

contra conscientiam scrupulosam, sed secundum eam contra scrupulos sine causa motos: imo prodest agere ex iudicio conscientiae scrupulosae contra scrupulos, eos contemnendo, & pro futilibus habendo. Nam ex tali modo agendi contra scrupulos obortos ac residuos, conscientia scrupulosa tandem ab iis liberatur, & in agendo, quod licitum est & esse statuit, confirmatur. Sed de conscientia, quae intelligitur hic *recta ac probabilis*, quae est prima spontaneae actionis conditio, hanc suffecerint: nunc alteram videamus, quae est, ut *actio spontanea* in agente principium deatur *intrinsicum*.

(a) Error dicitur vincibilis, qui ab errante vinci, seu superari, i. e. praecaveri, & praeveneri potuit ab ipso; Invincibilis est, qui non potuit.

Res per se mala est, quae lege aut verbo Dei est vetita; Res per se bona est, quae lege aut verbo Dei est praescripta; Res per se indifferens est, quae ex se nec bona, nec mala, nec praescripta, nec vetita est lege aut verbo Dei.

Error vincibilis est in Pontificis, quia iudicant esse abstinendum à carnium comestione, tempore quadragesimarum, quia illum & praeveneri poterunt, & deponere possunt melius instructi ex verbo Dei; & abstinere à carnibus comedendis illis temporibus, est res per se mala, quia omni tempore omnem sumere cibum ut licitum in verbo Dei est praescriptum, habetur enim alibi, quod omnis cibus sit purus, modo cum gratiarum actione sumatur: ideoque peccant Pontifici. cum secundum Conscientiam Erroneam suam à Carnibus illis temporibus abstinent.

V. Per principium intrinsicum intelligimus voluntatem: ac tum homo sponte agit ex principio intrinseco, quando vult hoc quod agit, sive ex ratione recta, sive ex libidine, sive ex ira, sive ex tristitia & metu, &c. agat. Licet autem conscientia aut conscientia sit principium intrinsicum sponte agentis, quia ei inest, καὶ ἰσχυρῶς, tamen voluntas hic ita dicitur, quia conscientia nullius actionis principium extra se est, nisi media voluntate: hic enim ordo est in sponte agendo: ut primum agens actionis suae finem praecognoscat, omnes ejus circumstantias examinet, an actio fini obtinendo inseruiat nec ne, utrum sit honesta ac licita nec ne?

& tum voluntati vel appetendam vel fugiendam imperet: quae imperio intellectus jubentis morem gerens vicissim imperat ac jubet facultatibus inferioribus, ut eam executioni mandent: unde actiones à principis suis & facultatibus, sc. inferioribus, productae, dicuntur à voluntate, & non ab intellectu tanquam à principio intrinseco profectae, quia à voluntate proxime jubentur & imperantur. Atque hinc manifestum est, per actionem spontaneam, à nobis ex Aristotele definitam & explicatam, intelligi actionem imperatam, id est, ab alia facultate, quam intellectu aut voluntate, ab utriusque tamen imperio, profectam: sicuti oppositae, ipsius intellectus & voluntatis imperantis, utriusque actiones immediatae, vocantur elicitae, de quibus alias erit agendi locus.

VI. Si actio spontanea ab homine proficiatur per intellectus & voluntatis imperium, ut est explicatum, sequitur, 1. idem esse in homine spontaneum & voluntarium, prout hoc actionibus imperatis tribuitur; 2. in spontaneum male tribui brutis & rebus inanimatis, cum nec scientia seu conscientia nec voluntas in rebus illis sit: & in inanimatis spontaneum differentia est actionis humanae seu hominis, non bruti aut rei inanimatae, quae circumstantias, καὶ καὶ ἰσχυρῶς, non considerant. (a) Non equidem diffremur rebus illis nonnunquam tribui in sponte operari, ut cum dicitur, lapis sponte descendere, planta sponte crescere, bos sponte sequi pabulum: at vero secundum spontanei definitionem Aristotelicam in sponte ipsis non competit: nam plantae & res inanimatae plane non cognoscunt, & bruta licet cognoscant, non tamen cognoscunt in καὶ ἰσχυρῶς seu circumstantias singulares: hoc enim tantum cadit in agentia, quae cognoscunt finem formaliter, ad quem actio spontanea secundum omnes circumstantias iudicata, & ex imperio voluntatis, tanquam principii intrinseci, instituta, tendit: (b) at bruta formaliter finem non cognoscunt: est enim in illis cognitio rei, quae est finis, non qua est finis: quare neque in brutis, neque in inanimatis neque spontanea, neque invita, id genus agentia dici velim, sed (c) media potius negationis esse, D inter

inter sponte & invite agere, i. e. bruta neque sponte agunt, neque invite, quod idem de pueris, ante rationis usum operantibus, statuendum existimem: aut si his & brutis sponte agere concedatur, eo sensu eis tribui debet, quo & voluntarium utrisque ab *Aquin. & Scholasticis* in 1.2. *Sum. Theol. quest. 6. art. 2.* tribuitur, scilicet, *imperfecte & improprie*: nam spontaneum & voluntarium perfecte ac proprie, ut bene notat ibid. *Aquin.* est, cujus principium est in agente cum cognitione finis sub ratione finis & mediorum sub ratione mediorum, quod in pueros ac bruta non cadit, ut jam est dictum.

(a) Sponte interdum de eo dicitur, quod non cogitur à Principio extrinseco, sic Aves sponte volant, & pisces sponte natant, quia nec ad volandum, nec ad natandum coguntur: interdum Sponte significat non tantum, quod non cogitur, sed & quod agit ex singularium circumstantiarum cognitione facta per Rationem, sic nec pisces sponte agunt, quia Ratione carent.

(b) Finis dicitur cognosci materialiter, cum cognoscitur tanquam modo illa res, propter quam aliquid fit, licet non cognoscatur ista habitudo, quam dicit finis ad media, quæ propter finem obtinendum adhibentur: dicitur finis cognosci formaliter, cum non tantum cognoscitur res quæ est finis, sed quæ est finis, i. e. cum cognoscitur ratio mediorum ad finem, seu cum agens cognoscit finem non posse obtineri, nisi per illa media, & media usurpari propter finem intentum: prius est simplicis iudicii, posterius est rationationis, ideoque prius cadit in bruta, posterius in hominem. bruta enim non rationantur; spontaneum cum dicit cognitionem in eo agente, quod sponte agit, dicit cognitionem finis formaliter, quæ est finis, & mediorum ac circumstantiarum, quatenus in finem istum tendunt; quæ cognitio cum sit solius hominis, non brutorum, etiam spontaneum proprie cadit in

solum hominem, non in bruta, & quæ voluntarium exigit præviā cognitionem rerum, non tantum quæ sunt finis & media, sed quæ sunt finis & media, etiam illud hominis est proprium, non brutorum. idemque est quod ponitur antequam stricte dictum.

Finis cognoscitur duobus modis, Materialiter & formaliter; Materialiter cum cognoscitur tantum Res, quæ est finis, & sic cognoscitur à Brutis: formaliter, cum cognoscitur non tantum Res, quæ est finis, sed quæ finis, i. e. cum cognoscitur Ratio finis ad Media, & medium ad finem; quæ cognitio non habetur, nisi per discursum, qui cadit in solum hominem & non in Bruta.

(c) Medium negationis est, quando utrumque extremum negatur.

VII. Quærat aliquis, an, si eadem sit actio spontanea & voluntaria, cum utraque etiam sit eadem libera? Resp. (a) si de actione imperata loquaris, ita esse: nam libera actio nihil exigit aliud, quam ut à voluntate, intellectus imperantis dictamen sequente, proficiatur: hoc enim liberæ actioni est essentielle: indifferencia quippe, quæ vulgo hic exigitur, est ei mere accidentalis: utrumque autem illud, esse à voluntate, ut à principio intrinseco, prævio tamen intellectus iudicio, in actione reperiri spontanea & voluntaria, jam est demonstratum. Verum hæc omnia disputationibus secuturis clarissima evadent.

(a) Actio imperata est omnis illa, quæ non immediate producitur ab intellectu & voluntate, talis enim, ut intellectus & volitio, quæ utraque immediate ab intellectu & voluntate proficiunt, dicitur illicita, sed quæ ex intellectu & voluntatis imperio ab alia facultate producitur proxime, dicitur imperata, ut est, ambulatio, locutio, &c. ambulamus enim & loquimur, quia intelligimus & volumus ita agere.

DISPUTATIONUM PRACTICARUM

S E X T A,

D E

I N V I T O.

T H E S I S I.

ACrionis humanæ duas fecimus *disput.*
præced. differentias, ἰγκύσιον & ἀγκύσιον,
spontanæum & invitum. Ut actio sit
spontanea, in homine requiri ostendimus ex
Aristotele, primum *notitiam*, ut qui agit sciat
 quid agat, deinde *voluntatem*, ut consentiat ei
 actioni. Quod si altera harum conditionum
 abest, actio dicitur *invita*: unde *ἡ ἀγκύσιος* in-
 viti duas fecit species *Philosophus*, l. *Eth.* 3. c. 1.
δοκῆς δὲ ἀγκύσιος εἶναι τὰ βία, ἢ δι' ἀγνοίας ἡ δὲ
μυῖα. videntur igitur *invita esse*, quæ vi, vel per
 ignorantiam, fiunt. Quando abest ab actione
 hominis voluntas, sc. ut non consentiat, est
invita per vim seu violenta: quando abest no-
 titia, est *invita per inscientiam seu per ignoran-*
tiam. Nos de utraque invitæ specie hac dispu-
 tatione agemus, prius de *violento*, mox de *in-*
vito per ignorantiam dissertaturi, secuti in eo
 ordinem ipsius *Philosophi*, lib. 6. cap. cit.

II. *Violentum seu actio invita per vim* est,
 cujus principium est extra agentem, volunta-
 tem agentis, ut is, qui agit, nihil adjumenti,
 ex propria quidem voluntate, conferat ad ac-
 tionem: hæc descriptio est ipsius *Arist.* *ibid.*
 tota vero in eo consistit, ut vis ipsa sit agendi
 causa & principium extrinsecus accedens,
 id est, ita externum, ut, qui vim patitur, nihil
 opis operæve conferat ad id quod agit, imo
 ne consensum quidem: quin ut actioni resi-
 stat potius ac renitatur. Itaque, ut aliquid vi
 factum ac vere violentum censei possit, non
 sufficit ab externa id factum & profectum
 esse causa, sed ita oportet esse factum, ut ad
 illud nihil voluntatis contulerit is, qui per
 violentiam agere dicitur: Nam alioquin fieri
 posset, ut quis ab externa causa principioque
 feratur, impellatur, deportetur, sed tamen
 libens ac volens, i. e. interiori causa, quæ vo-

luntas est, ad motum illum impulsusque ali-
 quid conferente, sc. consensum. *Aristot.* l. 6.
 c. cit. eleganter ad explicandum violentum
 proponit duas similitudines & exempla ea-
 rum rerum quæ vere per vim factæ dicendæ
 sunt: alterum est venti vehementissimi homi-
 nem nolentem, resistentem, repugnantem
 auferentis & absportantis: alterum eorum,
 qui à dominis, in quorum sunt manu & po-
 testate, sive ab aliis valentioribus & potentio-
 ribus, nolentes aguntur & impelluntur.

III. Notandum hic venit, *Violentum* op-
 poni & *spontaneo & naturali*: cum *spontaneo*
 opponitur, tantum reperitur in iis quæ agunt
 propter finem & propositum, cum opponitur
naturali, tam in rebus animatis quam anima
 carentibus reperiri potest. Priori modo & op-
 positione hic à nobis sumitur: nam in rebus
 naturalibus potest esse violentia, in quibus ne-
 que movens neque id quod movetur habet
 voluntatem: ideoque tale violentum tunc in-
 vitum nullo modo dici potest: ut si vehemens
 ventus lapillum abripiat & sursum tollat, is
 motus est violentus, ut opponitur naturali,
 non item ut spontaneo: & cum homo trahi-
 tur ex puteo, vel manus allevatur, motus item
 est violentus utrobique, sed violentia, quæ
 contrariatur naturæ, nec voluntati, ideoque
 neutrobique actionem invitam facit.

IV. *Invitum per ignorantiam* explicari re-
 cte nequit, nisi primum varias ignorantie
 species ac distinctiones proferamus: quod ipse
 facitavit *Aristoteles* l. 6. c. cit. cujus & exem-
 plum & ductum sequemur. Distinguit *Phi-*
losophus inter ignorantiam, quam comitatur &
 sequitur dolor ac poenitentia, & inter eam, quæ
 nullum habet subsequentem dolorem ac poeni-
 tentiam. Prioris ignorantie exemplum nobis

exhibet Oedipus, qui per ignorantiam, & patrem occidit, & cum matre nuptias contrahit ac rem habuit; quod cum cognovit, tam ingenti dolore tantaque animi poenitentia est correptus, ut ipsi sibi oculos eruerit: Atque hæc poenitentia subsecuta factum ejus utrumque invitum reddit, ostenditque ipsum, nec scivisse, quid fecerit, nec voluisse, quod fecit. Posterioris ignorantia exemplum est is, qui forte fortuna telo emissio inimicum occidat ignorans, sed re cognita, necem probet & factio lætetur. *Hæc ignorantia actionem talem non reddit invitam*: etsi enim agens ignoraverit quid egerit, quia tamen facti cum non poenitet, signum id est, nec defuisse voluntatem: ideoque ejus actio non potest dici prorsus invitata. Quid ergo? an fuerit spontanea? sed ne hoc quidem dici potest, cum in omni actione spontanea requiratur scientia. Quid igitur? egit & fecit talis, ut loquitur *Arist.* *ἄνθρωπος*, non volens, non sponte, quia voluntas non fertur in incognita, sed nec *ἄνθρωπος*, invitatus, quia rem probavit & lætatus est facto. Nimirum, inter volentem seu spontaneum, qui dicitur *ἄνθρωπος*, & nolentem seu invitum, qui dicitur *ἄνθρωπος*, tertium *Arist.* collocavit, qui dicitur *ἄνθρωπος* nec volens & *ἄνθρωπος* nec nolens: spontaneus sive volens est, qui non modo sponte volens sed scienter agit: nolens seu invitatus, qui per ignorantiam agit, voluntate non approbante actionem, ubi resciverit. (a) Non volens, qui faciens ignorabat quidem quod faceret, atque adeo dici quodammodo posset involuntarius, cum voluntas sine cognitione esse non possit, invitatus tamen fecisse dici non potest, quia factum jam cognitum lætitia comprobavit: quamvis enim hic etiam absque rei cognitione ac voluntate fecit, quia tamen à priori longe differt propter approbationem illam operis postea cogniti, suum, inquit *Philosophus*, debet habere nomen distinctum, ac dicitur proprie non volens, *ἄνθρωπος*, & *ἄνθρωπος*, non nolens.

(a) Qui aliquid facit ignorans, quod tamen, postquam scivit, non est præter ejus voluntatem, is est quasi medium negationis, inter voluntarium & invitum, nam nec sponte agit nec invite: non sponte, quia absuit scientia, quæ requiritur

in spontaneo: non invite, quia, postquam scivit absuit voluntas, quæ abesse debet ab invito.

V. Distinguit insuper *Philosophus* I. & c. inter (a) *agere ignorantem seu ignorantem, & agere ex ignorantia seu per ignorantiam*. Ignorans seu ignorantem agit, qui tunc, quando agit, ignorat quidem, quid agit, sed tamen ignorantia illa non est præcipua causa actionis, sed aliud quiddam, quo sibi ignorantiam acquisivit: hoc modo, quæ ab ebriis, iratis, aliaque animi commotione perturbatis hominibus, sunt, ab ignorantibus sunt, verum ignorantia proprie non est actionis causa, sed ebrietas, ira, similisve animi perturbatio. *Per ignorantiam seu ex ignorantia agere* dicitur is, in quo ipsa ignorantia est causa actionis, non aliud quid, quod ignorantiam invexit: *hæc posterior reddit actionem invitam, prior non item*. Hinc nata est *Aquinati* & *Scholasticæ* usitata distinctio ignorantie in *Antecedentem, Concomitantem, & Consequentem*. Agere per ignorantiam est, agere ex ignorantia antecedente. Agere ignorantem est, agere ex ignorantia comitante ac consequente: (b) *Antecedens ignorantia* est, quæ est causa ipsa volendi & faciendi, quod quis alioquin nec vellet nec faceret, si sciret: hæc ignorantia reddit actionem invitam, si nec sit affectata, nec ex negligentia profecta, atque eam sequatur poenitentia: hinc enim semper de invitata actione judicium est ferendum. Exemplum ejus est, si quis venationi intentus post omnem diligentiam à viro prudenti adhibendam inter vepres aprum latere existimet, cum tamen amicus lateat, & hunc inscienter interficiat, aut si quis venenum dedit alteri putans se venenum dare, cum melius nescire potuerit. (c) *Ignorantia concomitans* est, cum quis ignorans aliquid facit, sed quod committeret nihilominus si sciret, & cum factum probat: cujusmodi fuit, qui lapide in canem coniecit, nonvercam percussit, quam odio persequebatur, aut qui hostem occidit, quem esse hostem ignorabat, occisurus tamen, si scisset. *Hæc ignorantia actionem non reddit invitam*, quia eam non sequitur poenitentia; neque tamen actio spontanea est, quia ignorata fuit, & ex inscientia commissa, cum in spontanea requiratur

ratur scientia, ut thes. 4. & disputatione præcedent. est dictum: novo itaque nomine appellanda venit: & qui sic agit, dicitur agere non volens *ἢ ἰκάνω* & non nolens *ἢ ἀκούω*. (d) Ignorantia consequens est, 1. qua quis ignorans facit, sed ignorantia, quam ipse sibi conquisivit, qua non laborare potuisset, si voluisset; unde hujus ignorantia ipsa ignorantis voluntas causa est, & ipsa ignorantia ab ignorante est, (ut cum Scholasticis loquamur) volita, vel explicite vel implicite. Cum quis expresse, explicite, vult aliquid ignorare, dicitur ignorantia affectata, ut si quis nolit cognoscere præcepta vitæ recte instituendæ, quo liberius peccet. Cum quis quidem non simpliciter ignorare voluit, sed ignorat tamen, quod scire poterat ac debebat, dicitur ignorantia supina vel crassa; quamvis nonnulli adhuc Ethici inter duas hasce distinguunt: supinam vocant, qua quis ex tædio laboris & indoltrix negligit ea scire, quæ sui sunt muneris atque officii: crassam, qua quis gravissima focordia ignorantia ista, quæ debent nosse universi; qualis est ignorantia juris communis: utraque implicite est volita ab ignorante. Nulla ignorantia consequens, nec affectata, nec supina, nec crassa, facit actionem invitam, quia ei, qui ignorare voluit, & ignorantiam, cum potuit, non exiit, per ignorantiam agere placuit: hinc nec veniam meretur, nec peccantem ex tali ignorantia excusat.

- (a) Uterque, quo tempore agit, ignorat hoc quod agit, & is, qui Aristoteli dicitur agere ignorans seu ignoranter, & is, qui sibi dicitur agere ex ignorantia, seu per ignorantiam; sed discrimen in eo est, quod in priori aliquid sit animi corporisve vitium, quo ipse sibi causa est ignorantia; sive, qua laborat, cum abit: in posteriori nullum sit aut corporis aut animi vitium, quod ignorantiam invaserit in ignorantem: ideoque cum prior ignorantiam suam prævenire potuerit, quia potuit non laborare isto animi corporisve vitio, quod ignorantiam introduxit, idcirco ejus a sibi, quod ignorans seu ignoranter egit, non est invita, sed spontanea, aut saltem mixta: sed posterior, cum ignorantiam suam præcavere nequivit, hoc quod ex ignorantia egit, egit invite.
- (b) Ignorantia antecedens dicitur duplici modo, & quia antecedit actionem agentis, & quia antecedit voluntatem agentis: neque enim igno-

rat, quia voluit, sed præter & contra voluntatem suam ignorat. Res manifesta est in exemplis allatis in textu.

- (c) Actio profecta ex ignorantia concomitante est medium negationis, inter actionem spontaneam & invitam, quia nec spontanea est nec invita; non spontanea est, quia deest conditio spontaneæ, scil. scientia: non invita est, quia deest conditio actionis invitæ, scil. præsentia.
- (d) Ignorantia consequens non sic dicitur, quasi ipsam actionem agentis consequatur; cum enim omnis ignorantia actionem ex se profectam antecedit, nulla potest dici ipsam actionem agentis consequi. Sed vocatur consequens, quia consequitur voluntatem agentis, qui ignorat hoc quod agit, quia voluit.

Ignorantia consequens dicitur non illa, quæ factum sequitur, aut actionem, nam tunc non possit dici profecti ab ignorante; sed dicitur talis, quia consequitur ipsam voluntatem ignorantis, i. e. quando quis, qui ignorans agit, prius voluit ignorare id quod agit, ut, cum quis aliquid agit ignorans ex ebrietate, ignorantia quidem præcedit actionem, sed consequitur voluntatem ejus, qui sese inebriavit, & inebriando ignorantiam sibi contraxit, & invenit: hæc enim ignorantia ejus voluntatem consequitur, ignorat enim, qui voluit: sed ignorantia antecedens dicitur, quæ & actionem præcedit, & voluntatem ipsam agentis, quando quis non tantum facit, quod ignorat, sed in super scire non potuit, licet scire voluisset unde de eo non licet dicere, ignoravit, quia voluit, quia voluntas ejus non est causa ignorantia, nec aliquis, aut Animi, aut Corporis affectus, quem voluntario acquisivit, sed & voluntatem ipsam, & Affectum omnem antecedit.

VI. Refert Aristoteles adhuc aliam ignorantia distinctionem, l. 6. c. cit. Ignorantia ipsi est alia *ἢ καθόλου*, i. e. rei universæ, alia *ἢ κατὰ τὰς ἰσχύας*, i. e. rerum seu circumstantiarum singularium. Prior ibidem dicitur Philosopho *ἀγνοία ἐν ἀναγκαίῳ*, ignorantia conjuncta cum electione agentis, qua quis ignorat, qui voluit ignorare, & *ἀγνοία ἢ πλὴν*, ignorantia finis, *ἢ καλῶ*, honesti, *ἢ συμφέρου*, utilis. Latinis dicitur ignorantia ratione subiecti, estque eadem, quæ ignorantia consequens, quia subiectum ipsum i. e. homo qui agit ignorans est causa ignorantia; & (a) *ἡ ἄγνοια ἡ ἀνὲρ ὅλης*, quia unusquisque ante suam actionem merito & jure tenetur scire, quid sit honestum, quid utile, quid inhonestum, quid inutile, quid

nam omnium hominum animis insculptæ sunt notiones honesti & inhonesti, ideoque unusquisque scire potest, quid sit bonum, quid malum; & *universalis* simpliciter, quia non circa unam actionis circumstantiam versatur, sed circa totam actionem: Nam qui ignorat finem suæ actionis, is errat circa totam actionem: hæc ignorantia non reddit actionem invitam, adeoque nec veniam meretur nec excusationem actio ex tali ignorantia profecta. Ignorantia *κατὰ τὴν αἰτίαν* Latinis dicitur ignorantia (b) ratione objecti, est eadem, quæ ignorantia antecedens, quia causa ignorantie est ipsum objectum quod præsciri non potuit, & juris particularis ac facti, quia agens ignorat hoc jus particulare in quod peccat, & ignorat factum quod committit, utrumque sine sua culpa; & *particularis* simpliciter, quia ignoratur circumstantia aliqua singularis, vel personæ, vel loci, vel temporis, similisve, quam tamen ignorans præscire non potuit: exemplum ante fuit allatum in Oedipo. Hæc ignorantia, quia dolo caret, quia nostra nec culpa nec negligentia est genita, actionem reddit invitam, veniamque meretur actio & excusationem, si eam consequatur penitentia. Tæ *κατὰ τὴν αἰτίαν*, singularia hic sunt Aristoteli, quæ Rhetoribus *μετὰ τὴν αἰτίαν*, Latinis Philosophis *circumstantiæ* appellantur, in quibus actionis præcipua vis & bonitas ac malitia consistunt. Ex sunt, *τίς, τί, πῶς, ποῦ, πότε, ὅπως*, *ἡλικία, ἡλικία, ἡλικία*. Scholastici comprehenderunt hoc versiculo. *Quis, quid, ubi, quibus auxiliis, cur, quomodo, quando*. Ex hisce duæ sunt *primariæ*, Aristoteli *πρῶται*, res ipsæ quæ agitur seu objectum, & *finis* propter quem actio suscipitur: reliquæ sunt *minuscule principiales*: omnes tamen actionem multis modis possunt variare, ideoque earum notitia agniti maxime est necessaria, & earum ignorantia, si absit dolus ac malitia, actionem potest facere invitam: nunquam tamen simul possunt omnes ignorari, nisi forte agens mente sit caprus plane & stultus, quod cap. cit. monet ipse Philosophus, qui fufius de *circumstantiis* ibi agit & videri potest.

(a) Jus universale nihil est aliud, quam principia generalia iusti & iniusti omnium hominum ani-

mis insculptæ, & regulæ communes honesti & inhonesti, nulli mortalium communes.

(b) Ignorantia ratione objecti, seu juris particularis, ac facti aut circumstantiæ tum iuris ac facti est Ignorantia Antecedens: Ignorantia Ratione subjecti, seu juris universalis aut Re, universæ est ignorantia consequens.

VII. Post ignorantie distinctiones ex Aristotele allatas & ad mentem ejus explicatas, alie insuper videndæ restant, à Scholasticis proferri solitæ: (a) Ignorantia est vel *theoretica*, cum ignoratur, an res sit, quid sit, qualis sit, vel *practica*, cum ignoratur, an res sit bona vel mala. Invitum ex practica non theoretica ignorantia iudicandum est ac mensurandum.

(a) Cognitio Theoretica est cognitio veritatis & practica, bonitatis: ergo ignorantia theoretica est ignorantia veritatis, & ignorantia practica bonitatis.

Quemadmodum Intellectus Spec. versatur circa verum & falsum, Practicus circa bonum & malum: ita Ignorantia Theoretica est, quæ nescitur, veritas aut falsitas, & Practica est, quæ nescitur bonitas aut malitia.

VIII. (a) Ignorantia est vel *vincibilis* vel *invincibilis*. Vincibilis est, cum ea quis ignorat, quæ poterat & debebat scire; sic dicitur, quia adhibito studio *vinci*, id est, superari atque expelli potest: hæc est eadem quæ ignorantia consequens. Invincibilis dicitur, cum ea quis ignorat, quæ scire nec poterat, nec tenebatur; sic dicitur, quia *vinci* nec potest nec debet: hæc est eadem quæ ignorantia antecedens: hanc *Iuriconsulti* vocant *probabilem* vel *justam* ignorantiam, vincibilem vero, *improbabilem* vel *injustam*, quia leges, canones, & jura, invincibilem ignorantiam approbant, alteram improbant, quia illa sine culpa, hæc mala fide contrahitur. Invincibilis ignorantia, si non tantum in se, sed in sua causa, sit talis, reddit actionem invitam, si eam sequatur penitentia: vincibilis minime.

(a) Dicitur Ignorantia invincibilis in se, quando eo ipse tempore, quo quis ignorat, quod agit, ignorantiam istam vincere atque tollere nequit, ut quando quis nimia ira abreptus ignorat, quod agit, nec pro illo tempore ignorantiam exuere valet.

quosdam morales huic materię affines proponemus.

II. Primam quod spectat quæstionem, *Actiões ex metu profectas, ex spontaneo & invito esse mixtas, magis tamen spontaneas, quam invitas dicendas*, tribus probat rationibus *Philosophus*, l. 3. c. cit. §. 1. Quarum actionum fines & circumstantiæ sunt positæ in nostra potestate, ex magis sunt spontaneæ dicendæ quam invitæ. Sed actionum talium, ex metu proficiscentium, fines &c. Ergo, &c. §. 2. Quarum actionum principia & causæ sunt in ipso agente, ex magis sunt spontaneæ quam invitæ. Atqui talium actionum, ex metu proficiscentium, principia &c. Ergo, &c. §. 3. Quas actiones sequitur laus vel vituperium, pœna vel præmium, ex magis sunt spontaneæ quam invitæ. Atqui id genus actiones sequitur laus &c. Ergo &c. Probat minorem *Arist.* instituta divisione actionum mixtarum in quatuor species, quas deductas sua serie in *textu cap. citati* videre est.

III. Sed hic de modo loquendi existit inter *Scholasticos* quæstio: *an tales actiones debeant dici simpliciter invitæ & secundum quid spontaneæ, an contra secundum quid invitæ & simpliciter spontaneæ?* nam diversimode hic loquuntur: Nos omnium optime existimamus loqui, qui actiones à metu profectas *simpliciter spontaneas* vocant, & secundum quid invitæ: unum quodque enim *simpliciter* dicitur esse secundum id, quod habet hic & nunc, omnibus circumstantiis ponderatis: at quod fit ex metu, hic & nunc, omnibusque circumstantiis consideratis, est spontaneum: eligitur enim à voluntate ad evitandum majus malum; sicut projectio mercium in mare eligitur ad evitandam mortem. Ergo &c. Dices. *Philosophus* disertis verbis l. 3. Eth. c. 1. aliter loquitur: inquit, *Spontanea igitur hujuscemodi sunt, (quæ fiunt ex metu) simpliciter vero invitæ, quippe cum tale quippiam per se eligat nemo.* Resp. removenda est voculæ (*simpliciter*) ambiguitas: appellat enim his verbis *Philosophus* invitum *simpliciter*, quod est involuntarium nude, secundum suam naturam, atque in se spectatum, abstrahendo à circumstantiis: hoc sensu dicit ea, quæ fiunt ex metu,

esse *simpliciter* invitæ: nos vero spontaneum seu voluntarium, *simpliciter*, accipimus pro eo, quod est voluntarium perfectæ, & efficaciter, & omnibus circumstantiis consideratis: & sic certe sunt spontaneæ aut voluntariæ actiones ex metu profectæ. Sed ut omnis removeatur scrupulus, notandum venit, si *simpliciter*, quando applicatur spontaneo aut voluntario ex metu profecto, tripliciter posse usurpari: primus sensus est, ut denotet illud, quod ita est voluntarium, ut nihil includat aut contineat de invito, ut cum tribuimus Deo esse perfectum *simpliciter*, intendimus illi negare omnem imperfectionem: & sic non dicimus ea, quæ ex metu fiunt, esse voluntaria *simpliciter*: secundus sensus est, ut *simpliciter* dicatur voluntarium seu spontaneum, id, quod plus habet de spontaneo quam de invito, uti dicimus, hoc *simpliciter* melius est illo, licet in aliquo excedatur, aut ut *Æthiops* dicitur *simpliciter* niger, qui tamen secundum dentes est albus, quia albedo dentium respectu ad totum corpus nulla est. sic nos hic dicimus spontaneum aut voluntarium *simpliciter*, quod ex metu proficiscitur: tertius sensus est, ut, quæ fiunt ex metu, dicantur voluntaria *simpliciter*, id est, secundum se & independentè à circumstantiis imminents mali, quod metuitur, quo sensu libenter concedimus, non esse dicenda *simpliciter* voluntaria aut spontanea, quæ ex metu fiunt, quia plerumque non nisi ob solum metum talia fiunt.

IV. Secundam quod spectat quæstionem, *Aristoteles* cap. cit. *actiões ex ira aut cupiditate, vel alia animi perturbatione profectas, aut esse spontaneas & non invitæ*, ac varias proferet ejus assertionis rationes, quas resolvemus. §. 1. Si, quæ ab ira vel cupiditate proficiscuntur, sunt invitæ, non spontaneæ, Ergo nec pueri nec bruta quicquam agent sponte, quia ex cupiditate, aut ira, aut ex alio fere affectu agunt. Posterius est absurdum. Ergo & prius. Verum enimvero, hæc *Arist.* ratio ac ratiocinatio, non videtur mihi stringere: nam quod absurdum reputat, non est tale: non enim est absurdum, ut & bruta, & pueri ante rationis usum, nihil dicantur sponte agere, quia non sciunt

sciunt *ἑκαστὴν ἰκαστα*, singulares circumstantias: bruta enim ratione carent qua sciunt, pueri ejus usum nondum exerunt: sed nec invite agunt: verum non sponte, non invite, ac sunt medium negationis inter sponte & invite agere. §. 2. Ratio *Arist.* longe est melior. Si, quæ ex ira sunt aut cupiditate, vel ex simili affectu, sunt invita, hoc debet intelligi, vel de omnibus omnino ejusmodi actionibus, vel de quibusdam tantum, puta, de turpibus & inhonestis. Neutrum dici potest: non potest intelligi de omnibus: quia quasdam actiones tales esse spontaneas ac voluntarias, nempe honestas, extra omne est dubium: v. c. decet expetere ac cupere res laudabiles & bonas, sc. famam, valetudinem, scientiam, &c. decet irasci improbis, Deum blasphemantibus, &c. At quæcunque decet facere, ea sunt spontanea: nec potest intelligi de quibusdam tantum ejusmodi actionibus, sc. de turpibus & inhonestis: nam quare magis de hisce quam illis dici debet quod sint invita, cum tam in turpibus & inhonestis, quam licitis ac honestis actionibus, ex ira, cupiditate, &c. profectis, voluntas sit causa? §. 3. Quæcunque invita sunt, ea molesta sunt. At ex cupiditate manantia facta non sunt molesta, nec aegritudinem sed voluptatem adferunt. Meminit *Aristoteles* in hac tertia ratione solius cupiditatis: at vero eadem est ratio iræ: nam & iratus gaudet vindictam sumere de inimico. §. 4. Ratio *Aristotelis* est obscurior: sed videtur hoc syllogismo concludi posse. Sponte facti & invite facti, vis & effectus hic est, quod alterum vitari possit, alterum non item: invite facta vitari non posse, certum est. Sponte facta vitari possunt, quia ea quis facere potest & omittere. Atqui tam quæ ex ira & cupiditate sunt vitari possunt quam quæ ex ratione recta. Ergo. §. 5. Quæ hominis ex se sunt propria, non sunt invita. Atqui ira & cupiditas sunt propria homini, sicuti & facta ex iis manantia. Ergo. Dices, ad Minorem. An non ira & cupiditas etiam bellis compesit? Resp. Proprium hic intelligimus, non quod soli homini, sed quod omni convenit, atque ex natura sua. Atqui ira & cupiditas sic sunt propria hominis: nam animus hominis in tres

quasi partes multis dividi solet, in rationem, iram, cupiditatem. Alii hanc rationem *Aristoteles* postremam sic formant. Nulla actio invita prorsus debet dici humana, i. e. ut homo sit ejus Dominus. Sed actiones ex ira, aut cupiditate, aut simili affectu proficiscentes, sunt humane. Ergo, &c.

V. Gemina quæstione, quam ex *Aristotele* proposueramus, decisa, nunc casus quosdam morales proponemus hisce quæstionibus affines, ac primum de actionibus ex metu, mox de actionibus, ex cupiditate, ira, aut simili affectione, profectis. Ut casus circa actiones ex metu profectas resolvamus feliciter, præmittenda est multiplex metus distinctio. Metus, qui nihil est aliud quam affectus appetitus irascibilis ortus ex apprehensione mali vel imminentis vel probabiliter venturi, dividitur multis modis. (a) 1. Alius est *justus*, alius *injustus*. 2. Alius est *probabilis*, alius *non probabilis*. 3. Alius est *levis*, alius est *gravis*. 4. Alius est *cadens in virum constantem*, alius *non item*. Metus justus, probabilis, gravis, cadens in virum constantem, est unusidemque, sed variis nominibus appellatur: dicitur justus, quia eum & actionem ex tali metu profectam leges excusant, quamvis contra eas committatur; *probabilis*, quia eum jura approbant; *gravis*, quia est alicujus magni ac jam instantis periculi; *cadens in virum constantem*, quia est metus, quem etiam solent habere viri constantes ac fortes, & qui suæ constantiæ ac fortitudinis laudem non amittunt, etiam quippiam ex tali metu agant: contra se habet res in metu opposito.

(a) Metus justus ninitur ratione recta, i. e. justa, probabilis, gravis, & quæ deceat virum constantem ac fortem: quali metu justo omnes homines merentur naturaliter mortem: Metus injustus ninitur ratione erronea, i. e. injusta seu sine causa, ratione improbabili, levi, & quæ non cadit in virum constantem & fortem: ita pueri metuunt larvas.

VI. Quæritur §. 1. An annua mala metu justo & cadente in virum constantem sint metuenda? Resp. Non. Quænam igitur? Resp. Justus est metus, mortis corporalis, amittendæ libertatis per servitutem aut captivitatem,

verberum, carceris, stupri, omniumque corporis cruciatum. §. 2. *An metus, quo quis timet amittere omnia bona temporalia, sit justus?* Resp. Ita: quia ea sunt necessaria ad vitæ conservationem & communes usus. §. 3. *An metus sit justus, si quis timeat amittere majorem partem bonorum temporalium?* Resp. Ita: quia est metus gravis & grandis mali. §. 4. *An metus infamiae ac dedecoris sit justus?* Resp. Ita: quia fama est bonum majus bono fortunæ: ergo, si hujus, etiam illius, est justus metus. Distinguunt tamen hic Casuistæ inter infamiam facti & juris: hujus metum esse justum, illius non item, asserunt. §. 5. *An metus excommunicationis aut exilii sit justus?* Resp. Ita, si excommunicatione & exilium sunt injusta: quia gravius utrumque est malum dedecore aut bonorum temporalium jactura. §. 6. *An metus sit justus, quo quis tenetur ex suo precedenti delicto, aut ob causam justam antecedentem?* Resp. Communis Casuistarum opinio tenet eum non esse justum. §. 7. (a) *An mala facta ex metu cadente in constantem virum excusentur in totum vel ex parte? sive. An culpa careat malum, quod sit ex metu gravioris mali & ad illud evitandum?* Resp. Mala, quæ sunt ex se & ex natura sua peccata, nullo metu excusari: ideoque non licet mentiri, nec ullum omnino peccatum committere, metu mortis. At mala tristitia possunt committi ex metu & excusari, si sint minora, & ad majus malum tale evitandum. §. 8. (b) *An mala metu mortis commissa contra legem aliquam humanam, justam peccati excusationem mereantur?* Resp. Casuistæ plerique affirmare: quia etsi leges humanæ habeant potestatem jubendi, quod cum mortis metu est conjunctum, non tamen semper ejusmodi obligationis onus imponunt. §. 9. (c) *An metu mortis commissa mala contra legem divinam particularem scriptam, quam vocant positivam, quales olim tum forenses tum ceremoniales dedit populo Judaico Deus, ob peculiarias causas, mereantur excusationem?* R. Ita: quia Ceremonia est res adiaphora: nisi violatio legis sit cum contemptu fidei aut religionis, aut in scandalum & offensionem aliorum. §. 10. (d) *An votum vel juramentum factum in naufragio, peste, bello &c. cum metu*

imminentis mortis juramentum vel votum, valeat atque obliget? Resp. Valere atque obligare, quia est metus non ab homine incussus, sed ortus ex causis naturalibus secundum ordinem, à sapienti præscriptum Deo, agentibus. §. 11. (e) *An promissa, vel pacta, vel obligationes, vel contractus, metu in virum constantem non cadente, s. e. iniussu & sine ratione facti, valeant?* Resp. Esse irrita & non valere adeoque in specie, matrimonium per metum initum sine ratione ac juramento, etiam confirmatum, non obligare: Atque idem dicendum, de sponsalibus metu factis & jurejurando confirmatis: si metus sit justus, sunt rata & valent, ut in casu 10. Circa actiones ex ira aut cupiditate profectas hæc questio moveri solet à Casuistis §. 12. *An ira vel cupiditas &c. voluntarium ex parte minuat.* Resp. ita. nam sunt quidem voluntaria, sed minus, quam si absque ira vel cupiditate, &c. ex plena rationis deliberatione & voluntatis electione fierent: affectus enim isti sæpe rationem ac voluntatem in suis actibus perturbant.

(a) Malum est, vel turpe, sive culpæ, vel tristique, sive pœnæ: prius est peccatum, ut mentiri, posterius est supplicium sicut Dedecus, & verbera &c.

(b) Duo hic dicuntur, 1. quod leges humanæ possunt jubere, id, quod cum mortis metu conjunctum est, ut, si quis militum præfectus jubeat huic aut illi istam adire stationem, ex qua certus sit metus mortis, quo casu miles obligatur ob stipendia, quæ meret: 2. casus incidere potest, ut quis non obligetur legibus humanis, quando aliquid cum metu mortis præsentis est conjunctum, ut, eum quis metu mortis, quam intonat à tergo insequens latro, & aliter evadere non potest, mœnia transibat, quod alioquin à magistratu est vetitum; in tali casu lex magistratus de non transmandis mœnibus non obligat.

(c) Lex Divina particularis scripta & positiva dicitur, quam Deus dat Populo peculiari ob peculiarias causas, uti erant olim Leges forenses, & Ceremoniales datæ Populo Judaico.

(d) Ratio responsionis est, quia talis metus justus est, nititurque ratione recta, eadique in virum probum ac constantem, ideoque quod ex tali metu promittitur, vovetur, vel juratur, obligat: atque ideo Judicamus votum Jephthæ tempore belli, quod gerebat, factum de eo immolando,

Iando, quod primum sibi redeunti obviam veniret ex janua ædium suarum, ipsum obligasse, etiamsi primum egressa fuerit propria filia.

(r) Quod ex metu iusto sit & cadente in vitum

constantem, illud promissum, passum vel factum, non est irritum: sic non licet matrimonio solvere ob metum exheredationis, aut vitæ amittendæ, si illud jam sit initum.

DISPUTATIONUM PRACTICARUM

OCTAVA,

DE

INTELLECTU PRACTICO, ET RECTARATIONE.

THESIS I.

IN Disputationum harum serie, primum exposuimus finem Philosophiæ practicæ ultimum, summum hominis in hac vita bonum; mox finis ultimi consequendi medium, *πρᾶξις*, actionem humanam, liberam, spontaneam, disp. 5. eique oppositam, invitam disp. 6. &, inter hanc & illam, interjectam seu mediam, quam mixtam vocavimus, disp. 7. Nunc actionis spontaneæ, seu liberæ, seu humanæ, principia paulo plenius sunt consideranda, quod th. 8. disp. 5. est promissum. *Ἀctiones spontaneæ* sunt actiones imperatæ, ut th. 5. disp. 5. fuit indicatum: harum principia sunt actiones elicite & facultates, à quibus eliciuntur. Ex, vel ad rationalem animam pertinent, suntque, intellectus, voluntas, liberum arbitrium, & actiones singulorum, vel pertinent ad animam sentientem, in quantum rationis aliquo modo in homine est particeps, utpote quæ rationali animæ coniungitur ac subordinatur, & ab ea regitur ac gubernatur, suntque, (a) appetitus sensitivus, ejusque motiones, sive affectus. De hisce, sequuntur Disputationibus, agere est decretum, ac jam quidem de intellectu, prout nostro suffecerit instituto; neque enim omnia, quæ de intellectu disputari solent ac possunt, huc congerimus, ut, An & quomodo ab anima rationali differat? an singularia, & quo ordine, priusne quam universalia, intelligat? an sit geminus ac distinctus, agens & patiens? hæc omnia explicanda sunt in Phisicis. Nobis & nostro instituto convenit hæc unica intellectus divisio, qua dividi solet in speculativum & practicum, quam, omittis omni-

bus aliis de intellectu disputari solitis, hac Disputatione nos proponemus atque exponemus.

(a) Appetitus sensitivus & Affectus spectantur, vel ut sunt in Homine, vel ut sunt in Bruto. Posteriori modo, nec per essentiam nec Participationem sunt Rationales: Priori modo, non sunt quidem Rationales per essentiam, sic enim Rationalis est sola Anima intellectiva hominis; Attamen Rationales sunt per participationem, quatenus subsunt Regimini & Imperio Animæ Rationalis.

II. (a) Intellectus in se quidem est *ἀπλοῦς* & simplex, sed tamen ratione finis & objecti dividi solet in *speculativum* & *activum*, *θεωρητικὸν καὶ πρακτικόν*, quæ divisio est ipsius *Aristot.* l. 3. de Anima c. 9. text. 49. ubi videantur *Commentatores*: eam etiam explicat *Zabbar.* l. de facult. Anima c. ult. Intellectus dicitur *theoreticus*, qui res intelligit & contemplantur, ut nudam rei veritatem cognoscat, ut tantum sciat, quæ ac qualis sit cuiusque rei natura, proprietates, operationes, &c. (b) *Præcticus*, qui res intelligit & apprehendit, non eo fine, ut nudam rei veritatem cognoscat, in ea cognita acquiescat, nihil ulterius intendens, quàm perspectam habere rei naturam, proprietates, operationes &c. sed verò qui ideo cognoscit, ut, quod cognoscit, agatur ac fiat, ideoque ulterius sese exerit, consulando, deliberando, quomodo quid fieri possit: utrum hi intellectus distinguantur ratione, quod *Thomista* cum *Thoma* p. 1. *quest.* 79. art. 11. volunt, an realiter, quod *Zabarella*

vel loco citato, non multum refert: quicquid sit, uterque intellectus in eo convenit; ut intelligat, cognoscat, speculetur rem objectam; sed differunt, ut *Philosophus loc. cit.* bene dicit, *sine*; quod theoreticus in nudâ rei objectæ & veritatis cognitione subsistat, practicus non item, sed hic à rei & veritatis speculatione progrediatur ad consultationem & deliberationem, ut, quid agendum sit, sciat, ideoque cognitionem ordinat ad motum & opus atque operationem. Hæc finium diversitas oritur ex diversitate objectorum: nam intellectus theoretici *objectum* sunt res divinx, sempiternæ, necessariæ, quæ cum ab homine fieri nequeant, frustra intellectus aliquid præter earum cognitionem intenderet: contra, intellectus practici *objectum* sunt res humanæ, variabiles, contingentes, quæ ab homine fieri possunt vel non fieri, ideoque non est frustra, si intellectus post earum cognitionem acceptam, de productione earum & actione instituendâ, cogitet, consulat, deliberet. Verum enimvero, ut natura intellectus, tum theoretici, tum præsertim practici, penitus intelligatur, de utriusque objecto, paulo uberius agemus.

- (a) Quia est facultas animæ rationalis, quæ ipsa indivisibilis est, ac simplex, propter naturam suam immaterialem, & quantitatis earentiam.
(b) Intellectus dicitur practicus, non quasi ipse aliquid agat, nam tantum intelligit; sed quia ipse iudicat, quid sit agendum, & voluntati id atque facultatibus inferioribus præscribit.

III. *Objectum* est, circa quod res operando versatur: id, circa quod intelligendo occupatur intellectus, tum theoreticus, tum practicus, est, vel *principium*, vel *conclusio*: *principium* vocamus propositionem per se notam, cuius veritatem homo per sese ex naturâ suâ, solo terminorum perceptione, sine ullâ institutione aut syllogismo, cognoscit: & vocatur axioma, talia principia sunt in disciplinis theoreticis, sunt item in practicis: in theoreticis, tum Metaphysicâ, tum Mathematica, tum Physicâ, v. c. *Nihil potest simul esse & non esse, Totum est majus sua parte, Si equalia addas equalibus tota erunt equalia, Nihil potest esse à seipso*, &c. in practicis, ut, *Deum esse colen-*

dum, Parentes esse honorandos, Quod tibi non vis fieri id alteri ne facias, &c. *Conclusiones* sunt enunciationes, quæ hono ex principiis illis deducit per ratiocinium, vel inductionem, vel syllogismo, quæ ex sola verborum cognitione cognosci nequeunt, sed quarum cognitio vi discursus gignitur: tales conclusiones sunt in disciplinis theoreticis omnia *theoremata*, deducta ex principiis theoreticis: tales conclusiones sunt in practicis omnia *præcepta* de agendo, deducta ex principiis practicis: *motus* discipline nihil sunt aliud quam habitus geniti ex talium conclusionum complexu nempe, cum intellectus cognoscit atque assentitur omnibus conclusionibus physicis, deductis per discursum, inductionem, vel syllogismo, ex principiis physicis, jam in eo existit habitus physica: pariter cum intellectus cognoscit atque assentitur omnibus conclusionibus de agendo, deductis ex principiis practicis, jam in eo existit habitus practicus, qualiscunque tandem ille fuerit. Circa principia & conclusiones theoreticas versatur intellectus theoreticus; circa principia & conclusiones practicas versatur intellectus practicus.

IV. Ex principiis practicis deducit intellectus practicus conclusiones practicas, (a) *solo lumine naturæ. Naturale intellectus iudicium* de conclusionibus practicis deductis ex principiis practicis, vocant Philosophi *rectam rationem*: huic rectæ rationi, huic tali de conclusionibus talibus iudicio naturali, quicquid est conforme, bonum est: & omnia in universum de virtute præcepta, huic naturali iudicio practico, huic rectæ rationi, innituntur: in hoc iudicio, in hac ratione recta, fundantur leges omnes: & de hac ratione intelligendum est illud, *Ratio est anima legis. Ethica, Politica, Oeconomica, Iuris prudentia*, super hac ratione recta, super hoc iudicio practico, de conclusionibus practicis ex principiis practicis factis, sunt extructæ, quia ex (b) lumine & lege naturæ sunt depromptæ: ab hoc fundamento tota philosophia practica dependet: hoc ignorato aut non bene intellecto, de virtutis ac honestatis studio erroneæ foveantur sæpe ac pronunciantur sententiæ.

(a) *Lumen*

- (a) Lumen naturæ vocatur in Philosophia iudicium intellectus, quod absque revelatione, fide, aut speciali gratia, profertur de rebus, quale etiam cecidit in Ethnicos: hoc autem cum fertur de rebus agendis, vocatur recta ratio, quia est actus rationis practica, quo recte riteque iudicatur de bono, & malo, honesto & turpi, iusto & iniusto, quid sit sequendum, quid fugiendum.
- (b) Lumen naturæ & lex naturæ, aut plane sunt idem, aut tantum in eo differunt, quod lex naturæ dicatur de ipsis principiis practicis; lumen naturæ dicatur iudicium, quod fertur de conclusionibus, quæ ex illis principiis deducuntur.

V. *Ratio hæc recta, naturale hoc iudicium, ex principiis practicis natura notis hauritum & acceptum, etiamnum in homine ac post lapsum supervest:* Nam reliquit Deus in animis hominum etiam post lapsum reliquias discriminis inter honestum & turpe: Et qui nullam rationem rectam, qui nullum naturale iudicium rectum in homine, etiam post lapsum, de rebus civilibus & actionibus moralibus non spiritualibus aut supernaturalibus supervestesse volunt, illi gravissime errant, & Scripturis adversantur, & Philosophiam evertunt, & omne discrimen honesti & turpis, cordibus hominum tamen insitum, tollunt: quid ergo? an, quid sit honestum, quid turpe, homo scire non poterit, nisi per revelationem ex scripturis? an igitur Ethnici omnes hoc discrimen ignorarunt? nihil minus. De rebus fidei, de iis quæ pertinent ad æternam salutem, fatemur lubenter, nullam supervestesse in homine post lapsum rationem rectam, nullum rectum iudicium esse reliquum: sic omnis ratio cæca est, omne iudicium intellectus in inimicitia adversus Deum: at in naturalibus, moralibus, civilibus, rectam rationem supervestesse ac iudicium rectum, & vita & scripta tot Ethnicorum nimis quam manifestum reddunt. Geminus hic cavendus est error: *errant*, qui rationem rectam, naturale intellectus iudicium, faciunt normam credendorum, mensuram dogmatum & articulorum fidei: *errant*, qui rationem rectam, naturale intellectus iudicium, rejiciunt circa dogmata & conclusiones solo naturæ lumine ex suis principiis deductas: hic sine supervest recta ratio, rectumque intellectus ac naturale iudicium, norma, mensura,

regula sciendorum & agendorum, quod qui non agnoscut, omnem pariter philosophiam, theoreticam & practicam, ipsamque naturam naturæque lumen proscribunt. Fons erroris, in hujus rationis rectæ & iudicii naturalis, circa res naturales, civiles, & morales, hostibus, est, quod naturam ita opponant gratiæ, lumen naturæ lumini fidei, librum naturæ libro scripturæ, legem naturæ legi revelatæ, conclusiones deductas ex principiis naturæ conclusionibus revelatis, quasi posterius semper tollat vel neget prius: qui sane non capiunt, quid *Philosophi* intelligant per rationem rectam, veritatis & honestatis naturalis matrem. Nempe, ut simul & semel dicam, *Recta ratio* in philosophia *ratio*, est iudicium naturale intellectus, ex principiis natura notis, juxta legem ac lumen naturæ, de rebus naturalibus, civilibus, moralibus, depromptum. Hæc recta ratio, circa principia & conclusiones theoreticas, vocatur *theoretica*, quam missam facimus: circa principia & conclusiones practicas, vocatur *practica*; ea nostri est instituti & hujus loci.

VI. Quando & quoties dicimus, aliquid esse rationi recte conveniens ideoque bonum, rationem rectam hoc vel illud docere, istud vel aliud esse agendum juxta rectam rationem, hoc volumus significatum, aliquid esse agendum, esse justum, esse bonum, quia, vel est principium practicum natura notum, vel est conclusio ex tali principio recte deducta: hoc enim iudicium de tali principio vel de tali conclusione, est ratio recta. *Errant* itaque, qui putant rectam dici rationem, aut animam rationalem, aut intellectum, quia in nulla re erret, quia non fallatur uilo modo: si enim hoc sensu recta diceretur ratio, in nullo homine foret recta ratio, non tantum in rebus fidei, sed ne in civilibus quidem: nam quis est hominum, etiam sapientissimorum, etiam doctissimorum, qui non sæpiissime erret ac fallatur, non in rebus tantum fidei sed & civilibus ac moralibus ac naturalibus? & omnis saltem homo errare ac falli potest. Quare non eo sensu ratio recta dicitur, sed alio, quem satis nunc exposuimus.

VII. *Rationis practicæ de rebus agendis,*

aut intellectus practici de actionum bonitate vel malitia morali, duplex est *judicium*; vel *absolutum* vel *comparatum*: *absolutum* est, quo aliquid in se, seorsum, ac separatim spectatum, judicatur, bonum vel malum, faciendum vel fugiendum: *comparatum* *judicium* est, quo aliquid aliis rebus collatum, omnibus circumstantiis expensis, nunc, hic, huic, bonum vel malum, faciendum vel fugiendum judicatur: hæc *judicia*, *absolutum* & *comparatum*, multum inter sese variant: imo interdum pugnant: Nam sæpius evenit, ut quod quis judicavit intellectus practici *judicio* *absolutum* esse bonum ac faciendum, id comparato rescindat, *judicetque* esse malum ac fugiendum, & contra, quod *judicio* *absolutum* judicavit esse malum ac fugiendum, id comparato *judicet* esse bonum ac prosequendum: & hinc est *lucta* ista & pugna sæpe rationis secum: qualis est in incontinentibus & continentibus; in utrisque ratio fluctuat *judicando* de voluptatibus; in illis succumbit, in hisce superat cupiditates. Istius fluctuatio-

nis & *luctæ*, inter *judicium* rationis practice *absolutum* & *comparatum*, *Mede* a nobis reliquit exemplum, dum ait.

--- *video meliora proboque,*

Deteriora sequor.

Judicat *judicio* *absolutum* bonum esse, ut *luctam* non sequatur, comparato tamen illud rescindit, & *judicat* omnibus expensis circumstantiis melius esse ut sequatur: quod deterius erat & pessimum, nempe non sequi, *judicio* *Mede* *absolutum*, hoc melius & bonum *judicatur* ab ea, *judicio* *comparato*. Quando *judicium* intellectus *comparatum* ac non amplius fluctuans sequitur electio, tum vocatur *ultimum*: alii vocant *dictamen ultimum*, sc. quod in omni actione deliberata, post omnes expensas circumstantias, pronuntiatur ab intellectu practico *judicium*, est *ultimum* illud *dictamen*, quod electio sequitur. Sed de electione voluntatis in Disputationibus sequentibus agetur: nunc hæc exposuisse sufficiat de *multitudine* *practico* ac ratione recta, principio actionis humanæ, spontaneæ, liberæ.

DISPUTATIONUM PRACTICARUM

NONA.

DE

VOLUNTATE.

THESIS I.

Cum de Spontaneo fuit disputatum, illud *disp. 5. th. 2. ex Arist. Eth. l. 3. c. 1.* definivimus, id, cuius principium est in agente sciente singula, in quibus actio est. Quæ definitione, duo exigi in actione spontanea à Philosopho, indicavimus, scientiam & principium internum: per scientiam intelligi *judicium intellectus practici*, per principium internum intelligi *voluntatem*, *th 3. & 5. disp. cit.* ostendimus: Sunt enim intellectus & voluntas duo humanarum actionum, omnisque in iis (liceat nunc cum Scholasticis *Augustinus*) spontaneitatis principia. De intellectu, quantum satis est, egimus *disp. 8. præcedente*. De voluntate nunc

et seq. *disp.* agemus: non tamen omnia consideraturi, quæ de ea disputari possunt, sed ea tantum allaturi, quæ ei, tanquam spontaneæ humanæque actionis principio, competunt, Ethicæque instituto sufficiant: exponemus vero varios ejus actus, obiectum, motivum.

II. Actus voluntatis dividi solent in elicitos & imperatos: elicitus voluntatis actus dicitur, qui proxime, & immediate, à voluntate producit per seipsam & recipitur in ipsa, ut, velle, nolle, amare, odire, &c. dicitur elicitus, quia in voluntatis potestate contentus & quasi latitans, foras ab eâ educitur atque elicitur. Imperatus dicitur voluntatis actus, qui à voluntate

Iustate proficiscitur, ministerio & opera facultatis (a) inferioris, cui voluntas (b) imperat, ut talem actum producat: Hic actus *imperatus* non recipitur neque inhaeret in voluntate, sed in ea facultate, à qua proxime procedit, ut sunt, *videre, loqui, ambulare, &c.*

(a) Seu Animæ sentientis: nam in operationes Animæ vegetantis nullum est Intellectus aut voluntatis imperium; nam nec cresemus, nec nutrimur, nec bene valemus, cum volumus, aut iudicamus esse creandum, nos nutriendos, aut bona valetudine esse utendum: sed videmus, & nos loco movemus, & appetimus, & c. enim volumus, & iudicamus ita esse faciendâ.

(b) Imperium voluntatis, uti & Intellectus Practici in Actiones Animæ sentientis, sive Imperatas: estque vel generale seu Implicitum, vel speciale seu explicitum. Generale dicitur, quod in genere fertur circa Actiones Imperatas, quatenus nullæ exerceantur, quin resolvi possint in hoc Imperium, quod includunt, involvunt, atque implicant, unde Implicitum dicitur; si quis enim rogetur, cur, V. G. toties & tam cito digitos Impulsu Citharæ moveat, dicet, quia volo, & iudico sic esse faciendum: non quod ad singulos motus digitorum singula intercedant Imperia Voluntatis & Intellectus Specialia atque explicita, quasi qui Citharam pulsant ad singulos pulsus cogitet, ego volo pulsare & iudico pulsandam Citharam, sed sufficit Imperium Voluntatis & Intellectus Generale atque Implicitum.

III. Actus voluntatis elicited *subdividitur* in βύλησις & προαιρεσις: vocabula sunt græca Aristot. latine possis dicere, in *appetitionem* (Scholastici dicunt *volitionem*) & *electionem* seu *præelectionem*. Βύλησις, *appetitio*, est velle quoddam ἀπροβούλῳ, quod fit absque prævia deliberatione: hoc modo appetimus & volumus finem ultimum, quo cum nihil melius proponi possit voluntati, fertur in eam voluntas, ut cum *Philosopho* loquar l. 3. *Eth. ad Nicom.* c. 3. ἀπροβούλῳ, i. e. sine deliberatione: non appetit finem ultimum voluntas ἀπειτῶς, sine prævio (a) iudicio, attamen ἀπροβούλῳ, sine præcedanea deliberatione: sic quoque appetimus media, quæ necessario cum fine sunt conjuncta, & ea, quæ aut fieri plane non possunt, aut per nos saltem fieri nequeunt: ut, cum appetimus immortalitatem in hac vita, quam ut hic consequamur, quam-

diu corporis carcere tenemur restricti, fieri nequit: vel etiam, cum appetimus ut hic vel ille pugil vincat, quod per nos fieri nequit. Προαιρεσις, *electio*, est velle quoddam βούλῳ, ut iterum cum *Philosopho* loquar, quod sequitur præcedentem deliberationem: hoc modo volumus media, & non cuiusvis generis media, sed ea, quæ sunt in nostra potestate, & quæ non necessarium cum fine sunt conjuncta: nam sicuti circa finem non deliberamus, ita nec deliberamus circa media, quæ extra nostram potestatem sunt collocata.

(a) Quando Veritas alicuius Enunciationis est ita clara, ut Intellectus vincatur, E. G. Totum est majus sua parte; aut Bonitas Rei tam est manifesta, ut Intellectus eam statim dignoscat. & Judicet esse appetendam, E. G. Deum Colere, cum existit in nobis iudicium sine deliberatione; sed verò cum veritas Enunciationis non est tam clara, aut Bonitas Rei non est tam manifesta, iudicium, quod de utraque fertur, exigit prævia deliberationem.

IV. Actus voluntatis elicited *circa finem* tres vulgo recenferi solent: totidem *circa media*. Circa finem, *volitio*, *intentio*, *fruitio*. Circa media, *electio*, *consensus*, *usus*. hæc actuum voluntatis elicitorum tum circa finem, tum circa media, divisio, *Scholasticis* est usitata, & ab *Aquinatè* in 1. 2. *questionè* 8. adfertur & sequens explicatur: ubi videri possunt ejus *Commentatores*, qui hanc divisionem ut probent, duplicem præmittunt hypothesin. 1. est, Bonum, quod voluntati offertur, vel ut finem expeti, vel ut medium, sive id, quod ad finem nos ducit. 2. est, (a) Bonum esse honestum, jucundum, utile. Hoc igitur fundamentum ponunt. Bonum, quod est finis ac propter se se expetitur, est honestum vel jucundum: Bonum, quod est medium & propter finem expetitur, est utile. Hinc sic procedunt. Bonum, quod est finis, potest trifariam expeti. 1. simpliciter, ut est quid honestum aut jucundum, quod per se & propter se voluntati placet ac lubet: sic circa bonum versatur *in velle*, vel ut amant loqui (b) *Scholastici*, *velleitas*. 2. Bonum, quod est finis, appeti potest, tanquam finis & terminus aliorum, quæ ejus gratia expetuntur: ac tunc expetitur finis, ut per aliud quid

quid obtinendus : & hunc voluntatis actum vocant *Scholastici* (e) *intentionem* seu voluntatem. 3. Potest expectari bonum, quod est finis, tanquam aliquid, in quo voluntas acquiescat, & ex quo voluptatem ac fructum capiat, qui voluntatis actus vocari solet, (d) *Fruitio*. Hæc versatur circa finem in executione: at 2. priores actus versantur circa finem in intentione. Bonum, quod est medium, & utile, tribus modis etiam voluntatem occupat, & circa id triplici modo versatur voluntas, vel eligendo, vel consentiendo, vel utendo. *Electio*, *Scholasticis*, Latinis Interpretibus Aristotelicis, qui sic vocantur, quia Scholas & Academias omnes impleverunt, est, boni alicujus ab & in voluntate acceptatio ex rationis consilio, prout conducit ad finem consequendum. (e) *Consensum*, complacentiam, vocant, quo voluntas bonum utile à ratione præscriptum & acceptum comprobatur, in eo acquiescit. (f) *Usus* est actus voluntatis, quo tale bonum & medium adhibet ad finem consequendum.

(a) Divisio boni in honestum, jucundum & utile. non est divisio generis in species, quasi semper ista inter sese sint distincta, uti species semper inter se distinguuntur; nam eadem res potest esse bonum, honestum, jucundum & utile, uti virtus, quæ & honesta est, quia rectæ rationi est conformis; & jucunda, quia magnam animo voluptatem adfert; & utilis, quia est medium ad obtinendum summum bonum.

Bonum honestum est, quod propter se expectatur, & Rationi Rectæ est congruum, vocaturque Morale, estque Homini proprium. Jucundum est, quod expectatur propter voluptatem, nec semper rectæ Rationi est congruum, estque Homini cum Brutis commune.

Utile est, quod propter aliud expectatur, ad quod dirigitur, & non semper rectæ Rationi est congruum, & Homini cum Brutis commune. Honestum & Jucundum sunt finis; Utile est Medium.

(b) Velleitas dicitur actus voluntatis imperfectus, suspensus, ac semipleus, quo vult finem non vultis mediis, ita piger velle eruditionem, ut finem aut bonum, honestum ac jucundum, non tamen vult laborem: sic omnes homines, etiam nequissimi, velint esse beati, non tamen volunt virtutes, sine quibus beatus nemo esse potest.

(c) Intentio seu volitio eruditionis non cadit in

pigros, quia non expectant eruditionem, ut finem per labores obtinendum, sed nec intentionem beatitudinem, aut eam intendunt, quia istam non expectant, ut per vires obtineant.

(d) Fruitio versatur circa finem in executione seu circa bonum obtentum: velle & intentio seu volitio, circa finem in intentione. *Uterque* circa bonum intentum, sic fruitur qui intentione jam acquisita, & summo bono jam possessio, circa quod utrumque nondum possessum & tribatur velleitare, atque in intentione seu volitione.

(e) Consensus proprie est intellectus, uti & consensus, ita ejusdem est comprobare, uti & inprobare: melius vocassent *Scholastici* hunc voluntatis actum, complacentiam, quia medium est rationis consilio præscriptum, ipsi complacent, & in eo acquiescunt.

Consensus proprie pertinet ad intellectum, ideoque hic magis commodum est vocabulum (Complacentia) quando voluntas in medio, aut bono utili, sibi per intellectum monstrato, acquiescit & sic quæ comprobatur iudicium intellectus, & Reî complacet.

(f) Maxime debent distingui hæc duo vocabula, frui & uti: nam fruimur fine, utimur mediis; sic fruimur Deo, tanquam fine ultimo, utimur creaturis, tanquam mediis ad Deum cognoscendum & coleodum destinatis, & in eo omnis ratio peccati consistit, quod sine utamur, & mediis fruamur; sic peccat avarus, quando frui: divitiis, cum in iis ut sine ultimo acquiescit: item ambitiosus peccat, cum honoribus suis fruatur, quando in iis ejus voluntas acquiescit, quia hæc duo sunt media, quibus deberet uti ad Deum glorificandum, quo solo tanquam fine ultimo frui debemus.

V. Actuum voluntatis divisiones, prout *Ethico* sufficit, jam allatas & explicatas, sequitur explicandum ejus obiectum: hoc est bonum vel malum. Circa bonum versatur, volendo, i. e. appetendo, prosequendo: circa malum, nolendo, i. e. averfando, fugiendo: circa utrumque, tum bonum, tum malum, utrumque actum suspendendo, sc. vel non volendo, vel non nolendo. Ex hac actuum voluntatis circa bonum & malum varietate, manifestum est, actus voluntatis opponi, vel contrarie, sc. velle & nolle, amare & odisse, vel contradiçorie, sc. velle & non velle, nolle & non nolle, amare & non amare, odisse & non odisse, hinc arrepta est occasio *Scholasticæ* distinguendi Libertatem & indifferen-

rentiam voluntatis, quam dixerunt esse, vel *specificatio* sive *contrarietatis*, vel *exercitii* sive *contradictionis*. (a) Libertas seu indifferentia contrarietatis vel specificationis (quæ duo vocabula idem significant) cadit inter volitionem & nolitionem, ut loquuntur illi, Latini, inter prosecutionem & fugam, sive inter amorem & odium, qui actus, oppositi sunt contrarie & specie differunt, quia objecta, bonum, quod prosequimur, amamus ac volumus, & malum, quod fugimus, odimus ac nolumus, opponuntur contrarie & specie differunt. Libertas seu indifferentia contradictionis & exercitii (quæ duo vocabula idem quoque sonant) cadit inter volitionem & non volitionem, seu inter prosecutionem & non prosecutionem, inter amorem & non amorem, inter nolitionem & non nolitionem: seu inter fugam & non fugam, inter odium & non odium, nam velle & non velle, nolle & non nolle, exercere actum, vel volendi, vel nolendi, & non exercere, opponuntur contradictorie.

(a) Libertas Contrarietatis, seu specificationis, cadit inter duos Actus yeros & positivos, uti sunt, Amare & odisse, velle & nolle; sed Libertas contradictionis, sive exercitii, cadit inter Actum & Negationem Actus, ut, inter Amare & non amare, velle & non velle, odisse & non odisse, nolle & non nolle.

VI. Circa *objectum* voluntatis, tum bonum, tum malum, quæstio solet institui ab Ethicis: *An voluntas possit ferri, amando, volendo, in malum, ut sic, qua tale, sub ratione mali, & fugiendo, nolendo, in bonum, ut sic, qua tale, sub ratione boni?* Pertractat eam quoque quætionem *Aquinas in Sum. pr. sec. quæst. 8.* Nos cum ipso utrumque negamus, dicimusque, voluntatem, nec bonum, qua bonum, posse odisse, nolle, nec malum, qua malum, posse amare, velle. Non diffitemur, quin possit voluntas velle malum & nolle bonum: quia potest ferri, amando, volendo in bonum apprens, quod cum in se sit malum, non bonum, quia tamen apparet bonum, ut tale, appetitur. sed aliud est & longe diversum, amare, velle, malum, qua malum, (cum ista reduplicatione) ut sic, sub ratione mali, & odif-

se, nolle, bonum qua bonum, ut sic, sub ratione boni: illud est, velle malum, quod intellectus scit & iudicat esse malum; hoc est, nolle bonum, quod intellectus scit & iudicat esse bonum: hoc utrumque Voluntati est impossibile. *Aristoteles* usque adeo hoc sibi persuasit, ut *Ethicarum* rerum tractationem ad hoc, seu immoto ac certissimo principio, inchoaverit, lib. 1. *Eth. ad Nicom. cap. 1.* Omnia, inquit, ars, & disciplina, itidem ac electio, bonum aliquod appetere videtur: quapropter bene *Veteres dixerunt, bonum esse quod omnia appetunt.* Et, voluntatem non posse ferri volendo, amando, in malum qua tale, ipsa docet experientia: nemo enim intendens ad malum operatur; ut habet vetus & tritum dictum: quin ipsi *Dæmones* ac perditissimi homines, cum Deum blasphemant, aliaque gravissima committunt flagitia, sub ratione tamen boni, sc. apparentis, hoc agunt atque appetunt, ut de Deo scilicet, miseri, vindictam capiant: sic, qui sibi necem inferunt, mortem appetunt, sub ratione boni, ut scilicet careant cruciatu & miseria, & hoc est bonum illis apprens: sed ratione insuper hoc confirmari potest. Objectum voluntatis in volendo est bonum, sicut objectum intellectus in assentiendo est verum: sed intellectus non potest assentiri falso, quod falsum esse iudicavit, novit: Ergo nec voluntas potest appetere malum, quod malum esse ratio iudicavit, novit: Certe, nulla facultas potest ferri extra (a) sphaeram suæ activitatis seu extra suum objectum: atqui objectum voluntatis in volendo est bonum. Ergo extra bonum volendo, tendere non potest, sed intra boni sphaeram volendo continere se debet, verum nec voluntatem posse ferri nolendo in bonum qua bonum, facile probari potest. Oportet enim objectum cuiusque potentie & actui esse proportionatum: atqui bonum potentie nolendi & nolitioni non est proportionatum: nam potentie nolendi actus seu nolitio est averlatio & fuga quadam: at nemo averlatur aut fugit bonum qua bonum. Ergo & voluntas non potest tendere nolendo in bonum qua bonum.

(a) Sphaera activitatis dicitur circulus, intra quem terminatur alicuius actio.

VII. Unicus adhuc restat scrupulus, ex præced. thesi natus, ubi diximus, Voluntatem ferri volendo non tantum in bonum verum, sed & in apparens. Quæritur, *An objectum voluntatis, respectu actus, qui est velle, recte dicatur, bonum etiam apparens?* Resp. omnino. Nam satis est in genere ad appetitionem, ut objectum appetitus, seu inclinationis alicujus, sit consentaneum & conveniens rei aut facultati appetenti, secundum illam formam, quam appetitus ipse aut inclinatio sequitur.

(a) Sed, uti appetitus naturalis sequitur formam naturalem rei, sic appetitus rationalis seu voluntas sequitur formam apprehensam, h. e. notitiam objecti, quæ intentionalis quædam forma objecti dicitur; quemadmodum esse intellectum, esse volitum, vulgo vocatur, forma rei intellectæ, & forma rei volitæ. Ergo, sicut ad appetitum naturalem requiritur & satis est, ut objectum sit conveniens secundum formam rei naturalem, ita ad rationalem appetitum satis erit, ut objectum sit conveniens & bonum secundum apprehensionem & intellectionem, seu iudicium rationis: sive igitur bonum vere sit tale quale apprehenditur & appetitur, sive non sit tale quale apprehenditur & appetitur, nihil refert: ac licet in se sit malum, ut furari, modo ut bonum apprehendatur & intelligatur, ac iudicetur, jam appeti potest, volendo illud, quia habet formam seu rationem formalem & appetibilis, quæ est, quod cognoscatur ac iudicetur à ratione, ut bonum, quemadmodum fit in fure, cujus rationi furari apparet bonum. Quæ de objecto & actibus voluntatis ulterius disputari possunt ac solent ab Ethicis, ea in annexis ex-

hibemus corollariis: *motivum voluntatis explicaturi* disp. sequent.

(a) Appetitus Naturalis dicitur, quo appetitur Res ab appetente ante non cognita: Ita præter appetitum moveri deorsum, huius oppositus Appetitus elicitus, quo aliquid appetitur jam ante ab appetente cognitum. Et quæ volentia est, qui cadit in Bruta, vel Rationalia, qui est solius Hominis.

A N N E X A.

1. *An diviso actum in elicito & imperato, solis actibus voluntatis conveniat?* N.

2. *An imperare facultatibus inferioribus sit actus voluntatis solius, an rationis tantum, an utriusque?* Resp. utriusque.

3. *An omnes actus voluntatis ad tres illos circa finem & totidem circa media, Tb. 4. recensitos, possunt reduci?* A.

4. *An Voluntas eodem actu non possit moveri ac tendere in finem ac media?* N.

5. *An detur voluntatis actus neuter, qui nec sit finis nec mediocrum?* N.

6. *An volitio sit tantum, impossibile ex accidenti, & non simpliciter impossibile?* N.

7. *An intentio finis cadat in bruta?* N.

8. *An fructio tantum sit finis ultimi?* A.

9. *An fructio sit finis ultimi, habendi, an habiti?* Resp. utriusque.

10. *An electio tantum sit mediocrum, & nunquam finis?* A.

11. *An consensus non sit potius actus intellectus quam voluntatis?* N.

12. *An usus sit tantum mediocrum & non finis ultimi?* A.

DISPUTATIONUM PRACTICARUM

DECIMA,

DE

MOTIVO VOLUNTATIS.

THESIS I.

TRia proposuit Disputatio præcedens capita de Voluntate disputanda: *actus, ob-*

jectum, motivum. Duo priora executi sumus, tertium nunc exequemur. Per moti-

um voluntatis intelligimus id, quod voluntatem movet; quod eam velle facit, quod illam de potentia traducit ad actum, ad volendum; causam ejus actus, & velle: fatemur quidem objectum esse ex parte causam volendi, sed tamen non est plena causa volendi: nudum enim objectum voluntatem ex non-agentem non reddit agentem; (a) est enim voluntas potentia cæca, quæ necit, quomodo in objectum tendere debeat: quare opus est alio præter & ultra objectum motivo. Atque hoc vulgo faciunt intellectus. *Queritur, an recte? & quousque?* Hoc igitur in questione est. *An intellectus voluntatem moveat ad volendum? seu, An voluntas moveatur ab intellectu ad volendum?* &c., quousque? Ardua sane est questio & multis perplexitatibus involuta. Nos eam distincte pertractabimus: quod ut fiat, certa ab incertis sunt distinguenda, & statim controversiæ recte est figendus.

(a) Voluntas dicitur Potentia cæca, quia ipsa non intelligit, & ut hoc vel illud velit, recte vel male, eger ductu intellectus. quia est voluntatis tanquam oculus, quemadmodum Cæcus in viâ ducitur per oculum videntis.

II. §. 1. Extra controversiam est, dici posse, quod voluntas eatenus moveatur ab intellectu, quatenus voluntas natura sua talis est potentia, ut, nisi intellectus ipsi ostendat objectum, in hoc ipsa ferri non possit, nam ignoti nulla cupido. §. 2. Extra controversiam est, (a) objectum, secundum esse reale, quod habet extra animam, non concurrere effective ad actum voluntatis, quasi objectum efficiat actum voluntatis; principium enim effectivum volitionis est ipsa voluntas, quæ proprie & per se vult, volitionemque elicit. Hæc certa sunt, nunc incerta videamus. §. 3. Queritur ergo, quomodo objectum concurrat ad volitionem, ad actum volendi? Resp. Objectum potest dici concurrere, vel formaliter, vel finaliter, ad actum voluntatis. *formaliter*, quatenus dat actui voluntatis speciem, i. e. quatenus Actum voluntatis in certâ specie collocat, nam ab objecto est, non tantum, quod actio voluntatis sit simpliciter (sine objecto enim nec esset nec esse posset) sed & quod sit talis vel talis:

Et hoc est quod Scholastici vulgo sic efferunt. *Actus voluntatis ab objecto, tanquam a principio formali externo speciem sumunt.* Objectum enim extra actum est, & inter circumstantias actionem specificantes potissimum ac primum tenet locum: (b) finaliter potest dici concurrere objectum ad actum voluntatis, quatenus, per modum finis voluntati proponitur, & voluntas ab objecto ad agendum, movetur, excitatur, & impellitur: non tamen semper objectum per modum finis in voluntatem agit, (c) sed tum denum, quando voluntatem movet, excitat, impellit, ad media aut ad actiones circa media, quia finis non est finis, nisi respectu mediorum. §. 4. Queritur, quomodo ipsa cognitio objecti concurrat ad actum voluntatis, an etiam effective, an alio modo? Atque hic in tres abeunt sententias Philosophi. (d) Nonnulli cognitionem objecti effective concurrere asserunt, ad actum voluntatis, tum quoad exercitium, ut scilicet eliciatur, cum antea non eliceretur, tum quoad specificationem, ut scilicet sit hujus aut illius speciei: sed vero hæc sententia mihi quidem non placet: sic enim intellectus intelligendo vellet: At intellectus non vult, sed voluntas: Ergo cognitio, actio intellectus, non concurrat effective ad volitionem. Alii volunt, cognitionem objecti concurrere quidem effective ad actum voluntatis, quoad specificationem ejus, non autem quoad exercitium; sic enim est à sola voluntate. Sed contra: ne specificationem quidem actionis in voluntate, quod sit talis aut talis, est à cognitione objecti, sed ab ipso potius objecto, vel formaliter, vel finaliter, causante actum voluntatis, ut, pro ratione objecti diversa, diversæ sit speciei actio voluntatis, & vel hæc vel alia. Nos ergo sentimus, notitiam judicativam objecti esse tantum conditionem requisitam, tum ut objectum, secundum suum esse reale, possibile apprehensum, concurrat, seu formaliter, seu finaliter, ad actum voluntatis, tum ut ipsa etiam voluntas effective eliciat suum actum & actum talem tanquam sufficienti principium ejus; sufficiens, dicimus, non quod Dei influxum excludamus, sed sufficiens in suo genere. Verum, ut distincte hoc totum negotium ob oculos

culos ponamus. Voluntatem *effectivè* ad volendum movet *Deus* tanquam causa prima, influens in voluntatem & ejus actionem, concursu, tum prævio, tum simultaneo: (e) *Voluntas* à Deo mota (non enim est primum se movens, sicuti nulla quoque creatura) *effectivè* concurrat ad suam volitionem, & vult. *Objectum* voluntatem movet ad volendum, non *effectivè*, sed, vel formaliter, vel finaliter, & excitando eam ad volendum, & volitionem specificando: *cognitio objecti* movet voluntatem ad volendum tanquam *conditio sine qua non*, agitque in voluntatem. (f) Hæc jam sunt certa.

(a) Rebus tribuitur duplex esse, unum Reale, quod in se habent, quo sunt id, quod sunt, & possideant proprietates Naturæ, hæc coævolescentes. Alium, *Objectivum*, quod obviat in meote Hominis, quatenus ab illo intelligitur, quod vulgo vocant *esse intelligibile*, V. C. Cibus aliquod habet esse Reale in se, in quantum est nutrimentum Hominis vitæ conservandæ destinatum, quod vocant esse Reale Cibi; idem dicitur habere *objectivum esse*, quatenus à meote, seu Ratione, intelligitur, ut bonum, quod est convenientis vitæ sustentandæ.

(b) Quia enim objectum voluntatis est bonum, & bonum ac finis reciprocatur, si proponatur ei ut bonum, etiam ei proponitur ut finis: nam omne bonum seu verum seu appetens finis est, seu subordinatus seu ultimus, vel in suo genere vel absolute.

(c) Ex thesi quarta disputationis præcedentis apparet, voluntatis actiones quasdam esse circa finem, quasdam circa media: vellicias, inchoatio seu volitio & finitio habent quidem pro objecto finem non tamen per modum finis, quia finis voluntatem in istis actionibus non movet, est enim objectum terminativum tantum ibi, non motivum; sed electio, confessio, actiones voluntatis circa media, ad volendum media, moventur à fine, habentque pro objecto finem etiam, sed non tantum ut terminativum, verum ut & motivum objectum.

(d) Illud, dicitur *effectivè* concurrere ad aliquem Actum, quod illum Actum facit, quemadmodum ignis *effectivè* coöcurrit ad Calorem, quia Calorem facit; at Intellectus non facit volitionem, sed ipsa Voluntas.

(e) Illud dicitur primum se movens, quod à nullo priore movetur, *estque solus Deus*, qui ut est Ens primum, ita quoque est causa primæ omnis

autem creatura ut est *Fas à Deo*. Ita quoque à Deo movetur, antequam se moveat. *In Deo enim sumus, movemur, vivimus.*

(f) Moraliter ille agit, quod agit per Rationes, hortando, dehortando, suadendo, dissuadendo, &c. Diabolus fuit causa lapsus primi Parentis, nam suasi ei, ut ederet de fructu verito.

III. Sed hic queritur, *Qualis cognitio objecti requiratur ad voluntatis actionem, ut voluntas ad volendum moveatur?* Nam varix sunt actiones intellectus, quod est notum. Est 1. simplex quedam objecti apprehensio. Est 2. compositio & divisio; ubi *iudicium* invenitur, & quidem geminum: unum *simplex*, quo intellectus simpliciter judicat objectum esse bonum vel malum; alterum *comparatum*, quo intellectus, quod objectum præcedenti iudicio judicavit esse bonum vel malum, judicat esse vel amplectendum vel fugiendum: (a) estque hoc iudicium comparatum, vel *ultimum*, quod omnibus omnino circumstantiis consideratis atque expensis fertur ac pronunciat, vel non *ultimum*, quod contra. Est 3. discursus, seu syllogismus practicus, quo intellectus tale dictamen concludit. Atque hic jam incidit questio, *An prater qualemvis notitiam, & prater apprehensionem simplicem objecti, requiratur alia in super cognitio bonitatis in objecto, ut voluntas moveatur? an requiratur iudicium, quo intellectus iudicat objectum esse bonum vel malum, salutare vel noxum, jucundum vel molestum.*

(a) Iudicium dicitur *ultimum* non quod postremum est, in hac vita, & fertur paulo ante mortem, sed quod in omni Actione deliberata post omnia alia fertur postremum.

IV. *Sunt qui solam notitiam objecti simplicem sine ulla compositione aut divisione sufficere existimant, ut voluntas moveatur ad volendum: & probant.* Quia appetitus sensitivus potest moveri circa objectum suum etiam si per (a) æstimationem illud non apprehendatur sub ratione boni aut mali: Ergo & voluntas poterit moveri ab objecto suo licet intellectus illud non proponat sub ratione boni aut mali, sed sufficit, si tantum simpliciter cognoscatur; quemadmodum hoc in brutis sufficit

sicet, & in pueris, & in amentibus, qui multa appetunt, nec tamen ducuntur ratione. Resp. Negamus simpliciter, nullum brutum appetere aliquid appetitu sensitivo, nisi illud fuerit ab æstimatoria primum iudicatum, ut bonum ac conveniens: in pueris vero & amentibus non est quidem deliberatum intellectus iudicium, aliquod tamen est de bonitate & convenientia objecti; alioqui concipi non potest quomodo velint. Sed vero aliquod semper præcedere intellectus iudicium de convenientia objecti, antequam in illud feratur voluntas, & ad illud volendum moveatur voluntas, & Arist. testimonio & ratione probatur. Arist. testimonium extat l. 3. de Anim. t. 46. οὗτος πρῶτον δὲ δὲ πρὸς τὸ καλὸν καὶ τὸ κακόν, καὶ τότε διὰ τοῦτο φέρονται ἐπὶ τὸ καλὸν ἢ τὸ κακόν. Intellectus speculativus nihil eorum quæ sub actionem cadunt contemplatur, neque dicit omnino quicquam, an sit fugiendum, an persequendum. Quod si intellectus speculativus non moveat, ergo opus est intellectus practici iudicio. Ratio etiam pro hac militat sententia: Nisi objectum enim voluntatis cognoscatur sub ratione boni, nondum ostenditur voluntati objectum suum proprium, quod est bonum: voluntas namque est potentia cæca, egetque demonstratione & ostensione objecti sui ut in illud tendat: debet autem demonstrari & ostendi tale, quale esse debet: at debet esse bonum: Ergo ut bonum ostendi debet & demonstrari: ostendere autem & demonstrare est intellectus: Ergo debet intellectus ostendere & demonstrare voluntati objectum ejus esse bonum. At non potest intellectus illud facere simplici mentis apprehensione. Ergo requiritur iudicium, compositio ac divisio: nam bonum, ut bonum, sub ratione boni, cognoscere, ac voluntati proponere, sine iudicio fieri nequit.

(a) Æstimatoria facultas in Bruto dicitur sensus ille internus, quo iudicat bonum esse prosequendum, & malum esse fugiendum; postquam enim vel bonum, vel malum, sensibus externis est perceptum, ab Interno iudicatur atque æstimatur, esse vel appetendum, vel fugiendum: quæ facultas id iudicat, dicitur æstimatoria.

V. Sed quæritur ulterius, An præter sim-

plex iudicium de bonitate objecti requiratur præterea intellectus iudicium comparatum, ulterior quidam rationis practica actus, qui imperium solet Scholasticis dici, ut voluntas moveatur, atque volendi exerceat? Nos quidem hæc opinamur, salvo aliter sentientium iudicio: ac primum nostra sententia fundatur in Aristotele, cujus verba ex 3. de Anima text 46. jam t. 4. citavimus. Dicit, intellectum speculativum nihil dicere; quid sit fugiendum vel sequendum: at neque intellectus practicus hoc dicit simplici iudicio, quo tantum iudicat rem esse bonam vel malam, ergo comparato hoc dicit iudicio: at ut voluntas moveatur & velit, non tantum debet res iudicari bona vel mala, sed præterea debet iudicari, quæ res ex bonis, cui, quando, &c. sit sequenda, quæ res ex malis, cui, quando, &c. sit fugienda. Deinde fundatur nostra opinio in ratione. Nam, ut voluntas moveatur & velit, requiritur sufficiens objecti cognitio facta ab intellectu, quæ posita, voluntas, (a) necessario ex illa hypothese, five conditione, necessitate hypothetica, eliciat suum actum, quia alioqui ferretur in incognitum. Atqui illa sufficiens cognitio objecti non est iudicium simplex de bonitate aut convenientia objecti. Ergo ulterior actus rationis præter illud intellectus simplex iudicium requiritur: Major probatur ex connectione intellectus & voluntatis, & utriusque actus, quæ tanta est, ut ad prosequendum liberè objectum, hæc potentie sint quasi colligatæ, ut neutra illarum sine altera alteriusve societate deliberatè objectum attingat: & si absque mutua dependentia voluntatis & intellectus, situm est in voluntate, sequi vel non sequi intellectus iudicium, fieri posset, ut voluntas temere & quasi casu hoc objectum prosequeretur, quod nunc forte fortuna prosequitur: nam ex parte intellectus nulla tum foret peculiaris ratio, nulla propria causa, propter quam voluntas jam id prosequatur, alias non prosequatur, cur actum suum nunc eliciat circa objectum, alias non. Minor vero, quod iudicium intellectus simplex non sit sufficiens conditio objecti ut voluntas moveatur & actum suum eliciat, facile probari potest: Voluntas dicitur potentia cæca: & quare? nempe, quia

oportet illam ab intellectu sic duci, ut ex parte intellectus possit assignari ratio & causa peculiaris cur ducatur, i. e. cur velit. At vero ex parte simplicis apprehensionis & ex parte iudicii simplicis non potest assignari propria ratio & causa, cur voluntas moveatur potius quam non moveatur. Ergo præter ista adhuc amplius iudicium requiritur, sc. comparatum atque ultimum, quod vocant *imperium*: quod quidem imperium in actus voluntatis elicitos, in ipsam volitionem, intentionem, electionem, &c. non tam facile in nobis animadvertimus, quam quidem ejusdem intellectus imperium in facultatis inferioris earumque actiones, quia plus deliberamus circa media, quæ inferiores facultates usurpant, & executioni mandant, quam circa, quosdam saltem, voluntatis actus elicitos: nam volitionem, intentionem, aliosque voluntatis circa finem actus elicitos, non antecedit ista, aut tanta, deliberatio, cum sæpissime subito determinemus per imperium mentis in voluntatem ad volendum finem vel intendendum. Atque ut hoc negotium clarissime percipiamur, notandum hoc est sedulo: Cur utraque potentia moveatur circa objectum, intellectus imperando, voluntas volendo, non possumus aliam causam priorem assignare in ipso homine, quam ipsam harum potentialium naturam, quæ sic est instituta utrimque, ut *prædictæ*, i. e. effective, possint hæ potentie persequi suum objectum vel etiam non persequi; altera imperando, altera appetendo; in quo tota hominis libertas est sita. At vero, si voluntas per se spectetur, i. e. sola absque intellectu, cur tum illa moveatur, quando movetur, non potest alia ratio reddi quam ex parte intellectus, quandoquidem voluntas est potentia cæca, ideoque tendere non potest in objectum nisi ab intellectu ei præmonstratur: atqui ut præmonstratur, debet sufficienter & ut objectum voluntatis præcognosci; non præcognoscitur sic, per simplicem mentis apprehensionem, nec per mentis iudicium simplex, quod jam est demonstratum. Ergo per intellectus iudicium comparatum, (b) per dictamen syllogismi prædicti, quod *imperium* vocamus, & iudicium ultimum, vulgo

imperium practicum, aut etiam prædictæ practicum.

a) Necessitas Hypothetica dicitur, quia a non necessario ob conditionem, ita ut extra eam necessarium non esset. Iam, quod extra eam necessarium non esset, ita necessarium est Insularis, ut utantur. Necessitas si velit exercere commercia cum Alio. Gen. ut: hac sc. contritione sive Hypothetica posita, quæ si non Ponatur, non est necessarium, ut navibus utantur.

b) Syllogismus Practicus vocatur, quod intellectus concludit aliquid esse vel appetere, tam ad faciendum, vel non appetendum, & figurandum.

VI. Atque hic jam oritur questio gravissima, an voluntas non solum dependeat, sed etiam ad volendum determinetur ab intellectu practici iudicii ultimo, a dictamine comparato, ab ejus imperio, quod solet exprimi hisce verbis: hoc, nunc, omnibus circumstantiis expensis, eligendum est aut faciendum: ita ut hoc iudicio ultimo ac comparato posito, non possit non velle, & necesse velis; an vero eo posito, adhuc in sensu composito, possit non velle, & de facto aliquando non velis? Quidam statuunt voluntatem ab intellectu practici iudicii ultimo determinari quoad specificationem & non quoad exercitium, ita Aquinas & ejus sequaces: Alii nec quoad specificationem, nec quoad exercitium, voluntatem ab ultimo intellectus practici iudicio determinari, statuunt: ita Scotus cum Scotistis, quos sequuntur moderni Jesuitæ, & Remonstrantes ac Lutherani Philosophi. Nos, & quoad specificationem & quoad exercitium, voluntatem ab ultimo intellectus practici iudicio determinari asserimus: nec causam aut rationem videmus ullam, cur, si quoad specificationem determinetur voluntas, quod vult Thom. non pariter determinetur quoad exercitium, cum eadem utrobique incommoda redeant. Sed sententiam nostram idoneis rationibus confirmemus, quod faciemus citra alterius cuiuscunque tandem dissentientis præjudicium; omnibus enim sentiendi in hac & similibus controversiis suam relinquimus libertatem, sed & dissentienti nostram servatam nobis volumus: quod utrumque fieri potest, citra ullum pacis aut concu-

concordiæ divortium, nam, ut tritum habet dictichon,

*Diversum sentire duos de rebus iisdem
Incolum licuit semper amicitia.*

VII. §. 1. Si voluntas possit velle contra ultimum intellectus dictamen, si possit appetere contrarium bono, ab ultimo intellectus dictamine, præscripto, poterit appetere malum sub ratione mali, ut tale est. Absurdum est posterius. Ergo & prius. Major probari potest manifestissimo exemplo. V. C. li, non occidere innocentem, hic & nunc, &c. habeat rationem boni; contra, occidere innocentem, hic & nunc, &c. habebit rationem mali; ponamus ergo, intellectum dictare ac judicare, primum simpliciter iudicio, infontem non esse occidendum, mox comparato, infontem hunc, hic & nunc, &c. non esse occidendum; si voluntas contra possit velle & velit, infontem occidere, & hunc, & hic, & nunc, &c. certe appetet malum sub ratione mali: nam quid quæso aliud est, appetere malum sub ratione mali, quam illud appetere, quod intellectus iudicavit iudicio simplici & comparato esse malum? Hæc ratio tam firma est, ut nullam patiatur contradictionem aut exceptionem. Sed & sequens firmissima est.

VIII. §. 2. Si Voluntas ad volendum non determinetur ab ultimo intellectus practici iudicio, Ergo seipsam determinabit. At voluntas seipsam non determinat, quia ex se & naturâ suâ est indeterminata: unde sic argumentur. Si voluntas ex se & naturâ suâ est indifferens ad volendum & non volendum, non potest à seipsâ determinari ad volendum: quod enim determinat, tam debet esse determinatum quam est indeterminatum quod determinatur. At voluntas, considerata ut determinans seipsam, tam est indeterminata, quam est considerata eadem ut determinanda: nihil enim ponunt Adversarii in voluntate determinante, quod non idem sit in voluntate, ad determinandâ, aut determinatâ; neque verò poni aliquid hic potest. Ergo Voluntas non potest à seipsâ ad volendum determinari. Si non à seipsâ, ergo aliunde. Sed unde? à Deo quidem determinatur ad volendum per ejus præmotionem: Sed vero præter istam Dei

præmotionem ac prædeterminationem, quæritur aliud principium eam determinans in homine: illud non est facultas inferior, quia illa determinat, non ipsa determinat. Ergo facultas aliqua superior: at illa nulla est præter voluntatem quam intellectus. Ergo solus intellectus in homine, voluntatem determinat ad volendum: Non per simplicem apprehensionem, nec per iudicium absolutum, ut jam vidimus: ergo per ultimum & comparatum. Ergo voluntas determinatur ab ultimo intellectus practici iudicio, quod ostensum volumus.

IX. §. 3. Argumentamur ab absurdo, quod Adversarii effugere nequeunt. Si voluntas non ab intellectus practici iudicio ultimo determinetur, sed seipsam determinet ad volendum, aliqua priore volitione sese determinabit: alius quippe actus voluntatis fingi nequit, quam volitio; sicut non est alia actio intellectus quam intellectio; sicut non est alia actio ignis quam calefactio: atque sic dicitur Voluntas velle hoc vel illud, quia vult velle: sed quid de hac priore volitione dicitur, quia vult velle? an non alia volitione opus erit quâ moveatur & determinetur ad hanc volitionem, quia vult velle? omnino: & sic dicendum erit, voluntas vult hoc vel illud velle, quia vult velle, & velle. Et tum de ista prima ex tribus volitionibus redibit quæstio, quomodo ad eam, unde, & qua actione, determinetur voluntas? & dabitur ridiculus progressus in infinitum. Sed hoc argumentum adhuc aliter urgeri potest: & ostendi manifesta contradictio, quæ inde sit secutura. Nam aut aliunde determinatur voluntas, quod nos existimamus, aut si seipsam determinat ad volendum, erit eadem actio, & qua se determinat, & ad quam determinatur à se: quod idem est, ac si dicas, idem est determinans & determinatum, i. e. determinatum & indeterminatum: quatenus actio voluntatis est determinans, ipsa est determinata: quatenus actio voluntatis determinatur, ipsa est antea indeterminata: & sic idem erit determinatum & indeterminatum, quæ est mera contradictio. Rationes Theologicas, ne committamus *μηνῶντις εἰς ἀλλο γίνεσθαι*, non adduci-

mus, ut nec plures Philosophicas, quia pondere certare malumus ac vincere quam numero. Et videri possunt utriusque generis rationes apud *Cameronem* & *Maccovium*, ex nostris, apud *Eslium*, *Cumelium*, & *Alvares*, aliosque Dominicanę familię ex Pontificiis Theologos ac Philosophos.

X. Atque finem imponere possemus huic sententię comprobandę: sed placet, præter argumenta artificialia adducta, insuper producere argumentum inartificiale ab *Aristotelis* *Authoritate* deductum, ut sententia nostra non minus *Aristoteli* quam rationi convenire demonstretur, & ne cum *Aristotelis* philosophia pugnare videatur. Unum jam adduximus *Aristot.* testimonium clarissimum, ex l. 3. de *Anima*, text. 46. Alterum adjungimus non minus clarum ex *Eth.* ad *Nicom.* l. 6. c. 2. verba sunt. *Quod vero in cognitione est affirmatio & negatio, id in appetitione est persecutio & fuga. Quare cum virtus moralis, habitus in eligendo positus sit, electio vero posita sit NB in ap-*

petitione consultatoria consulendo (at consultatio est per judicium intellectus comparatum) *idcirco oportet, & rationem veram esse, & appetitionem rectam, finem electio proba est, & NB eadem illam dicere & hanc persequi, atque hac quidem cogitatio & veritas in agendo posita est.* Et Paulo post. *Electio igitur principium est electio, unde est motus, at non cuius causa electiois vero appetitio & ratio qua alicujus causa est, ita neque sine intelligentia & NB cogitatione, neque sine morali habitu electio est.* (atqui electio mediorum est, quę si non sit sine cogitatione, oportet talem intelligere cogitationem qua circa media versari possit intellectus: ea non est aliud quam judicium comparatum, juxta quod hoc medium eligitur quod est optimum, nam electio est optimi,) & paulo post. *idcirco NB vel appetens intelligentia, vel intelligens appetitio electio est: ac tale principium est homo.* Plura *Aristoteli*, quin & aliorum *Philosophorum*, testimonia coacervavit *I. Camero* in resp. ad epist. *Viri docti*, c. 5.

DISPUTATIONUM PRACTICARUM

UNDECIMA,

DE

LIBERO ARBITRIO.

THESIS I.

Disputatione octavā, thesi prima, acturos nos promissimus, de *Intellectu*, *Voluntate*, & *Libero Arbitrio*: Quę de *Intellectu* & *Voluntate* solent disputari ab *Ethicis*, ea disp. præced. excussimus; restat ut *Liberi Arbitrii* nunc naturam excutiamus. Dux sunt voces: *Libero* & *Arbitrium*, quę primum veniunt explicandę. *Libero* non unam habet significationem: interdum significat id, quod nemini subest, quod à nemine pendet; quo sensu solus Deus liber est; interdum significat id, quod à servitute & à subiectione est exemptum: quo sensu liber est, qui ad serviendum alteri non est obligatus: neutro sen-

su liberum hic sumitur à nobis, cum de *libero* philosophamur in *Ethica* *arbitrio*: non sensu priori, quia de libero agimus arbitrio hominis, quod Deo subest, atque à Deo pendet; non posteriori sensu, quia sic in servis non foret liberum arbitrium: interdum liberum accipitur pro eo, quod non cogitur: sed neque hoc sensu hic accipimus: nam hoc modo *liberum* etiam in bruta cadit, quippe quę libere dicuntur decerpere pabulum, & libere se movere, quatenus non coguntur, quatenus à nullo externo principio necessitantur ad id agendum, at nos agimus impræsentiarum de hominis libero arbitrio: interdum accipitur liberum

liberum pro eo, (a) quod est expers naturalis necessitatis, quod tale est, ut in sua sit potestate, agere hoc quod agit, & illud non agere, & aliud agere: quo sensu liberum brutis non convenit; ea enim sic in objecta sua tendunt, ut non sit in illorum potestate, aliud agere, aut omnino non agere hoc, quod agunt: hinc dicunt Philosophi, & recte, *Bruta quidem sponte agere*, i. e. non coacte, sed non tamen libere. *Arbitrium* derivatur à voce *Arbiter*, quæ significat judicem privatum, sequesterum, qui privatim lites dirimit: arbitrium ergo est, arbitri seu judicis privatum iudicium: potest autem arbiter pro iudicio suo iudicare, rem aliquam, ad quam vocatur, esse vel faciendam, vel omittendam: illud *τὸ iudicare* est rationis practicæ: ita ut voces hæc dux, *liberum arbitrium*, dicant *quoniam*, *arbitrium*, ad intellectum, *liberum*, ad voluntatem: *arbitrari* est iudicare, quod est opus rationis practicæ: at *libertas* proprie & proxime est voluntatis.

(a) Naturalis necessitas est, quæ aliqua Causa agit necessario, ut non possit non agere per naturam suam, aut naturalem inclinationem; quemadmodum ignis urit naturali necessitate. quia hæc est natura signis, ut inclinetur, & propendeat ad utendum, sic ut non possit non urere.

II. Hæc de voce utraque, nunc rem videamus; ac quidnam sit, partim intellectus, partim voluntatis, liberum arbitrium? anne actus utriusque, an habitus, an facultas? oportet enim aliquid esse istorum trium, cum ista tria tantum sint in anima. Resp. Licet voces hæc, *liberum arbitrium*, sonent actum rationis simul & voluntatis, hic tamen pro actu non sumuntur à nobis, quia sic in dormientibus non foret liberum arbitrium (agimus enim de actionis humanæ, seu moralis, seu liberæ, principio elicitive.) Ergo vel *habitus* significaverit *liberum arbitrium*, vel *facultatem*. At non significat *habitus*: nam habitus inclinat potentiam ad actiones certi generis: habitus bonus ad bonas, malus ad malas: at liberum arbitrium ex se non inclinat ad actiones certi generis; imo indifferenter se habet ad actiones diversorum, imo contrariorum habituum, ut virtutis & vitii, nam qui bene agit

& qui male agit, agit libere, Ergo fuerit *facultas* sive *potentia liberum arbitrium*. Sed quæ & qualis? an intellectus? an voluntas? an *tertia ab utraque distincta*? an *eadem cum utraque*? Ego quidem eandem censo esse *facultatem* seu *potentiam cum intellectu & voluntate*: quatenus enim dicitur *arbitrium*, id est, facultas arbitrandi, non differt ab intellectu, sc. practico: quatenus dicitur *liberum*, non differt à voluntate; præsertim cum ipse intellectus & voluntas non differant inter se, nisi formaliter & distinctione (a) rationis ratiocinatæ, ut quidem nos existimamus. Qui reale discrimen inter istas facultates admittunt, iis existimo statuendum; liberum arbitrium esse eandem facultatem cum voluntate, sed quatenus subest iudicio ac dictamini ultimo intellectus practici: interim hoc sedulo notandum hic fuerit; Licet liberum arbitrium statuatur, idem cum voluntate tantum, vel idem cum intellectu & voluntate simul, ratione tamen differre aut formaliter, vel à voluntate tantum, vel ab intellectu & voluntate simul: nam voluntas latius patet quoad objecta & actiones quam liberum arbitrium: unde malunt alii dicere, quod liberum arbitrium pars potius sit illius facultatis quàm intelligimus & quàm volumus, quam quod sit integra ac tota facultas. Voluntas extenditur ad omnia, quæ volumus, quocunque modo velimus, sive præviâ consultatione ac deliberatione, sive sine eâ: at liberum arbitrium est positum *ἐν τῇ ἀποφασίᾳ*, in præviâ deliberatione, & est eorum tantum, quæ volumus præcedanea consultatione. Velle beatum esse, nolle miserum esse, sunt actiones voluntatis; sed non item liberi arbitrii. Voluntas est finis, & finis ultimi, & omnium eorum, quæ agimus & appetimus *ἡ ἀποφασίς* sine præviâ deliberatione, qualia sunt inter bona felicitas, & quæcunque necessaria habent cum eâ connexionem, ut, vivere sine molestiâ, edere si esurias, bibere si sitias, &c. quæ omnia volumus sine consultatione; sic inter mala tali modo averfamur miseriam & quæcunque necessariam habent cum eâ connexionem, ut sunt, cruciatus, egestas, mors, &c. quæ nolumus sine consultatione aut deliberatione præcedenti:

denti : At verò liberum arbitrium ad sola pertinet media, de quibus non statim liquet, an ad felicitatem, vel miseriam, vel alium quemcunque finem, sint vel profutura, vel nocitura : de iis consultamus ac deliberamus, de iis arbitramur, id est, iudicamus ea esse, vel amanda vel fugienda, & pro arbitrio ac iudicio nostra ea vel volumus vel nolumus.

(*) Quia Intellectus & Voluntas non constituunt duas distinctas Potentias, sed tantum differunt definitione, (discrimen Definitionum non infert Realem distinctionem.) Itaque Anima Rationalis cum versatur circa verum, dicitur Intellectus, cum circa bonum, Voluntas, ideoque differunt tantum hæc facultates per Respectum ad diversa objecta, qui est fundamentum, quo distinctio Rationis Ratiocinatæ inter illas nititur; quemadmodum in Sole non sunt multæ facultates, aut Potentiæ diversæ, liquefaciendi, indurandi, calefacienti, sed una est eademque Virtus, quæ sic distinguitur per Respectum ad diversa objecta, in quantum enim Sol versatur circa lutum, dicitur indurare, in quantum circa ceram, liquefacere, in quantum circa Aquam frigidam, calefacere.

III. Ex hisce thesi 2. positis atque expositis liquet, alio modo appeti libere finem ultimum à voluntate, & alio modo appeti libere media non necessario cum ultimo fine connexa à libero arbitrio: finis appetitur libere à voluntate, in quantum non cogitur, & in quantum agit & cum vult voluntas ex dictamine & iudicio rationis; quæ *libertas* potest dici, barbaro & *Scholasticis* usitato vocabulo, *spontaneitas* cum ratione: nam bruta etiam quidem appetunt sponte, non coacte, sed ista spontaneitas est sine ratione: media vero appetuntur libere à libero arbitrio, non tantum, in quantum non cogitur, non tantum in quantum agit & vult ex dictamine & iudicio rationis, sed & in quantum potest ea non appetere, & vel alia appetere vel ab appetendo abstinere. Voluntas finem ultimum, quem non coacte, sed sponte cum ratione appetit, vult necessario, ut non possit non eum velle: at liberum arbitrium media appetit, non coacte, sed sponte cum ratione, & insuper non necessario, ut possit non appetere, quia arbitrium potest iudicare hoc medium, quod ap-

petitur, non esse appetendum quare ad non-coactionem & spontaneitatem cum ratione in voluntate, accedit per liberum arbitrium ad eam, à diaſcopia seu indifferentia, quæ tamen magis ad intellectum practicum quam ad voluntatem pertinere videtur; magis enim pertinet ad iudicium & arbitrium, quod est intellectus, quam ad electionem, quæ est voluntatis, quippe quæ in eligendo intellectus iudicium tequitur & ab eo ad agendum determinatur, ut *disp. præced.* fuit demonstratum. Quia itaque intellectus arbitrando seu iudicando est indifferens circa media, ut unum possit probare, alterum improbare, voluntas quoque, quæ ita sese habet ad objecta & actiones, prout ab intellectu ducitur, indifferens est circa illa & illas: & sic, ac tum, intellectus & voluntas dicuntur liberum arbitrium: At cum intellectus iudicat rem esse, vel bonam vel malam, absque prævia deliberatione, & voluntas eam prosequitur absque ulla indifferentia, tum non dicuntur liberum arbitrium. Clarissimum ergo est, quæ modo & sensu liberum arbitrium dicatur idem esse cum intellectu & voluntate, quo modo & sensu ab iis differat.

IV. Liberum arbitrium in homine esse jam facile probatur, quia est in eo intellectus & voluntas, cum quibus idem esse liberum arbitrium jam est ostensum: Et experientia docet ipsa, hominem in multis esse ad. *diſpoſ.*, indifferentem, liberum, iudicando, arbitrando, appetendo, agendo: habet enim imperium ac potestatem in suas actiones, ut eas facere possit & omittere, & has vel illas instituere possit, prout iudicaverit: Deus enim nullis rebus inferioribus adstrinxit hominem, in quo dignitas quædam ac perfectio hominis supra res alias eminet: Quare sicut Deus in creando, gubernando, eligendo, aliisque actionibus, quæ extra Deum tendunt, liberissimi est arbitrii, ita hominem liberi esse arbitrii voluit, circa res homine inferiores, ipsique homini à Deo subiectas, ut est mundus cum omnibus in eo contentis, quarum constituit hominem dominum, ut homo circa eas liberam acceperit potestatem agendi & non-agendi: in brutis vero aliisque præter hominem rebus liberum arbitrium non est, quia tale domi-

nium.

nium non est. Dico autem diserte, (a) *Domini-
um liberumque hominis arbitrium esse circa
res inferiores hominique subiectas*, quia circa
finem ultimum, bonum supremum, & circa
actiones supernaturales hominique non sub-
iectas, sed in solius Dei potestate sitas, non ac-
cepit nec habet dominium aut liberum arbi-
trium homo: quod semel hic monitum volo,
&, in curriculo harum disputationum practi-
carum, semper observari ac teneri cupio:
*Quotiescunque de libero philosophabimur arbi-
trio, illud non ulterius à nobis asseri & extendi,
quam ad actiones naturales in hominis potestate
sitas, circa res eo inferiores eique subiectas, circa
quas tantum accepit homo liberum arbitrium,
non vero ad supernaturales actiones extra pote-
statem hominis sitas, circa res eo superiores soli-
que Deo subiectas, quæ à fide similibusque virtu-
tibus spiritualibus donisque præter creationem à
Deo infusus homini, ab eo elicuntur, ad quas non
accepit liberum arbitrium homo.*

(a) Res quædam sunt infra hominem, quædam su-
pra eum. Infra eum sunt omnia alia creata, quo-
rum constitutus est Dominus, quod Dominium
fuit Pars Imaginis Divinæ: Supra eum est ens
& bonum increatum, itaque externa, & Actio-
nes, quibus ad eam pervenitur.

V. Excussa quæstione, *an sit liberum in
homine arbitrium, circa actiones & res, quas
præced. Thesi determinavimus, restat viden-
dum, quid sit.* Quid sit liberum arbitrium,
non tam facile est definire. Vulgus Philoso-
phorum sic definit, *Quod sit facultas, quæ po-
test omnibus ad agendum requisitis potest agere
& non agere, aut ita agere unum ut contrarium
agere possit.* Hæc definitio, quo sensu explica-
ri solet, eo subsistere nequit: nam intelligunt
hanc definitionem sic: ut, possitis omnibus
conditionibus & causis, ad actum liberi arbi-
trii requisitis, liberum tamen arbitrium, pos-
sit, in sensu composito, operari illum actum,
aut non operari, vel etiam elicere contra-
rium: unde consequenter inferunt, quando-
quidem morio Dei est inter conditiones ac
causas actus à libero arbitrio exercendi, quod
liberum arbitrium, quando Deus movet illud
ad consensum, possit nihilominus dissentire,

ac de facto sæpe dissentiat, &, quando Deus
illud movet ad agendum, possit nihilominus
non agere, ac de facto sæpe non agat. At vero
hæc definitio & definitionis de libero arbitrio
positio, hoc sensu falsa est, ac periculosa, ac
multorum, eorumque gravissimorum, in Phi-
losophia pariter ac Theologia errorum causa
ac fundamentum: hinc profluxere, (a) Dei
scientia media & (b) decreta conditionata &
(c) concursus universalis atque indifferens,
& plura id genus impia Jesuitarum & sequa-
cium philosophemata, quæ imprudenter sæpe
ex modernæ Philosophiæ amatoribus atque
admiratoribus nimis juventuti propo-
nuntur.

(a) Scientia media in Deo nomen accepit, quia
quasi Media interponitur inter Scientiam sim-
plicis Intelligentiæ & Visionis. Scientia sim-
plicis Intelligentiæ in Deo vocatur, quia Deus
scit omnia possibilia, sive sint futura, sive non,
neque enim omne quod est possibile, aut fieri
potest, futurum est. Scientia Visionis dicitur, quia
Deus scit omnia futura: Sed quia futura vulgo
dividuntur in futura absolute & sub Condicio-
ne. Jesuitæ & Remonstrantes dixerunt Scien-
tiam Visionis esse futurorum absolute, & præ-
ter hanc, ac simplicis Intelligentiæ Scientiam
invexerunt quandam Mediam, quæ Deus sciat
non possibilia, non futura absolute, sed futura
Conditionata, sive sub Conditione, idque ob
hunc finem, ut confirmarent Electionem, ex
fide prævia, aut ex præviis meritis: itaque vo-
lunt Deum præscire per hanc Scientiam, non
simpliciter Petrum esse salvandum, sed salvan-
dum sub Conditione, si credat, quæ Conditio
tamen, fides sc. non sit à Deo decreta, sed quæ
pendeat à Libero Arbitrio Petri potentis, vel
credere, vel non credere, unde hæc Scientia di-
citur Conditionata. Verum enimvero non est
necesse, novam hanc & mediâ Scientiam intro-
ducere, quia si Deus decreverit Petri Salu-
em non decreta Conditione, fides sc. a quâ Salus Pe-
tri pendet, jam Salus Petri nequidem futura est,
sed possibilis tantum, i. e. Deus tantum scit
posse fieri, ut salvetur Petrus, si credat, & sic
Deus hoc Cognoscit per Scientiam simplicis
Intelligentiæ, quæ est Scientia Possibilium: si
vero ipsa Conditio, fides sc. sit decreta, tum
hæc Enunciatio, Petrus salvatur si credat, con-
tinetur sub objecto Scientiæ Visionis, quia ex
Hypothesi, quod tam decreta sit fides quam sa-
lus Petri, utraque futura est Absolute: At qui
Sci-
G 2

Scientia Visionis est Absoluta futurorum. Concludo ergo, hanc Scientiam Mediam esse frustraneam.

Ex parte Dei tria requiruntur ad Actiones Nostras, sc. Decretum, Scientia, Concurfus. Ex parte Noſtri, Obiectum, Facultas, & Debita Objecti ad facultatem approximationem.

- (b) Decretum Conditionatum in Deo ponitur à Jesuitis, & Remonſtrantibus, quo Deus decreverit aliquod futurum sub Conditione, quam non discernat; ut volunt, Deum decreviſſe omnibus hominibus Salutem, si credant, non tamen ipsa fide decreta: sed vero sic Decretum Dei de Refutura dependet à Conditione extra Deum, & sic Deus vi Sui Decreti non poterit vel unum hominem ſalvum facere, quia non habet in ſua poteſtate Conditionem, ſc. fidem. sub qua ſalvus fieri debet; nam quandoquidem hæc fides à Deo ſupponitur non decreta, & ſalus decreta non ſit futura niſi ſub fide, non poteſt obtinere rem decretam a ſe, Salutem ſc. quia non habet in ſua poteſtate, ut homo credat: ſuſpendunt enim ſiſtem à vitibus liberi Arbitrii.

- (c) Concurſus univerſalis eſt Indifferens ab iſſdem Authoribus invecus, dicitur iſtis, quò Deus concurrat cum homine in genere quidem ad agendum, ſed non in ſpecie ad agendum hoc vel illud: Ita volunt quidem Deum concurrere cum homine in genere ad credendum, aut bene operandum, ſed quod hic homo, puta Petrus, nunc temporis credat, aut bene operetur, hoc volunt eſſe à ſolo Petro, & non à Deo; itaque quod Petrus poſſit credere, aut bene operari, hoc quidem à Deo eſſe volunt, ſed quod credat, & bene operetur, ſoli Petro adſcribitur, à quo volunt Actiones ſpecificari, & non à Deo.

VI. Nos contra ſic ſtatuiſmus: Non eſt de ratione aut definitione liberi arbitrii, ut, poſitis omnibus requiſitis & conditionibus & cauſis ad operandum certum & talem actum, poſſit eundem actum non operari vel alium operari in ſenſu composito, ſi compositio fiat inter cauſas ac conditiones prærequiſitas & inter carentiam talis actus aut actum contrarium: dico diſerte, ſi compositio fiat inter cauſas ac conditiones prærequiſitas & inter carentiam talis actus aut actum contrarium: nam quando liberum arbitrium dicitur id, quod poſitis omnibus ad agendum requiſitis poteſt agere & non agere, & agere hoc vel aliud, in ſenſu composito, ille ſenſus compositus poteſt dupliciter intelligi. 1. (a) ut com-

poſitio fiat inter prærequiſita ad operandum & inter ipſam potentiam, operandi vel non operandi, aut operandi aſſiſi, & tum ſenſus compositus eſt hic: potentia ad operandum & non operandum, verbi cauſa, ad volendum & non volendum, ad ambulandum & non ambulandum, ſimul eſt & componitur in eodem ſubjecto, libero ſcilicet arbitrio, cum antecedenter prærequiſitis, ad talem operationem, ſcilicet volitionem aut ambulationem: qui ſenſus admitti poteſt. 2. ut compositio fiat inter prærequiſita antecedenter ad operandum talem actum, h. e. ambulandi vel loquendi, & inter carentiam talis actus ſeu actum contrarium. & tunc ſenſus compositus hic eſt: (b) omnia prærequiſita, omnes cauſæ ac conditiones, quæ prærequiruntur, tum ex parte Dei, tum ex parte hominis, ad talem actum, puta volitionem vel ambulationem, & carentia illius actus ſeu actus contrarius, ſimul ſunt & componuntur in eodem ſubjecto, ſcilicet libero arbitrio: & hic ſenſus eſt falſiſſimus: quod probat: nam inter prærequiſita ad eliciendum à libero arbitrio actum volitionis aut ambulationis aut locutionis, eſt abſolutum & efficax Dei decretum, quo ſtatuit, ut liberum arbitrium hominis producat talem actum; eſt item motio Dei & influxus ejus præviuſ in liberum arbitrium, quo in tempore præmoverit illud ad talem actum producendum; jam vero, poſito tali decreto & tali influxu prævio Dei, tanquam (c) conditionibus & cauſis (vel veriſ vel ſine quibus non) prærequiſitis, ut liberum arbitrium actum volitionis vel ambulationis vel locutionis eliciat; fieri non poteſt, ut non eliciat, vel ut actum contrarium volitionis vel ſeſſionis eliciat: illa duo non poſſunt ſimul componi: Deum decreviſſe & præmovere liberum arbitrium ad actum talem & certum; & liberum arbitrium iſtum actum non producere vel producere contrarium. Ergo ille ſenſus compositus Jeſuitarum aliorumque omnino eſt repudiandus. Et cur iſta compositio prærequiſitorum ad operandum talem actum, puta ambulationem, & actus contrarii vel negationis actus admitteretur in libero arbitrio hominis, cum ne quidem in Deo, qui liberi-

mi eſt

mi est arbitrii, habeat locum: inter prærequiritur, ut in tempore mundum crearet Deus, fuit æternum ejus decretum, quo statuit creare: cum hoc decreto posito non potuit componi simul, ut Deus non crearet: ergo etiam posito Dei decreto, ut homo velit aut ambulet, cum eo non potest simul componi ut homo non velit aut non ambulet. Missa itaque ista liberi arbitrii definitione falsa, nos id definimus, *Facultatem faciendi quod lubet.* (d) Facultatem intelligimus *Physicam* seu *naturalem*, non *Ethicam* seu *moralem*: aut, *facultatem intellectus & voluntatis ad utrumlibet*. Omissis illis vocibus (*postea omnibus ad agendum prærequisitis*) illud, (e) *utrumlibet*, non debet intelligi semper aut necessario de bono & malo: sic enim nec in damnatis ac dæmonibus, nec in Angelis ac Beatis Animabus liberum foret arbitrium, sed intelligitur, vel de *re* agere aut non agere, vel de *re* agere hoc aut illud.

(a) Ut sensus compositus, in quo collocatur liberum Arbitrium, bene intelligatur, quis sit verus, quis sit falsus, noranda est alia Distinctio, quæ hoc expedit, nempe, Liberum Arbitrium non consistit in potentia simultatis, sed in similitudine potentie: *Potentia simultatis* dicitur, quæ simul & eodem tempore quis potest operari, & non operari, quæ cum non detur, nam nulla datur Potentia, quæ simul quis operetur, & non operetur, est enim illa contradictio, utique liberum Arbitrium, in ista potentia simultatis collocari non potest, & hic est sensus compositus, falsusque, qui significatur Numero 2. Simultas Potentie dicitur, quæ quis cum operatur aliquid simul in se habet. Potentia est vel non operandi, vel operandi aliud, non quidem pro illo tempore quo operatur, quasi simul in ipso componantur operari & non operari, sed tempore Alio, ut quamvis non in se inveniat aliquam Potentiam ad operandum aliquid, aut ad non operandum, quam id quod operatur, tamen cum ipsa operatione hujus effecti simul fiat & componitur in ipso Potentia Aliqua operandi contrarium, qui sensus compositus est verus, & significatur Numero 1. Ita cum loquor de hac aut illa Materia, simul in me invenitur, & componitur, cum Actuali locutione hujus Rei, potentia aut non

loquendi aut loquendi res Alias, nam Actus loquendi de hac Re, de quâ loquor, non tollit in me, aut à me, Potentiam vel non loquendi vel loquendi de re Aliâ.

- (b) Prærequisita ad aliquem actum humanum ex parte Dei sunt, tum decretum ejus externum, & quæ illud sequitur præscientia actus futuri, tum influxus ac concursus ejus prævijs, quoad actum isalem præmoveret; ex parte hominis sunt, potentia agendi debite instructa, objectum debite approximatum, aliaque conditiones ratione diversorum actuum.
- (c) Decretum & influxus Dei prævijs sunt causæ veræ actionum bonarum, quia Deus eas decrevit efficere, atque efficit, & quæ actiones sunt, & quæ bonæ sunt; sunt causæ sine quibus non, quando actiones sunt malæ, quia malitiam decrevit non efficere, sed permittere, & eam non efficit, sed permittit, utcumque ipsam actionem malitiæ substratam efficiat, & efficere decreverit.
- (d) Facultas Physica dicitur, quæ aliquis aliquid potest viribus naturalibus animæ vel corporis, vel etiam bonum fortium: facultas Ethica dicitur, quæ aliquis aliquid potest, quia legibus est permixtum. Sic homo robustior habet potentiam seu facultatem Physicam occidenti minus fortem, & non item Ethicam, quæ licet per vires corporis robustiores proximum minus fortem occidere possit, hoc tamen non potest per leges, quæ ipsi illud verant; Libertas consistit in facultate seu potentia agendi Physica, & non Ethica.

Facultas seu Potentia Physica est, quæ aliquis aliquid potest Naturæ, Corporis, aut Animæ Viribus.

Facultas seu Potentia Ethica est, quæ quis aliquid potest, quia legibus est permixtum, V. C. Si Petrus sit Corporis robore fortior Paulo, habet Potentiam aut facultatem Physicam occidenti Paulum, sed non habet facultatem aut Potentiam Ethicam illud faciendi, quia hoc facere legibus ipsi non est permixtum.

- (e) Quando libertas ponitur in facultate intellectus & voluntatis ad utrumlibet, significatur quidem aliqua indifferentia, sed non quoad objecta, quod volunt Adversarii, quasi homo, qui est liberi arbitrii, debeat eodem actu volendi versari circa bonum & malum; verum intelligitur indifferentia quoad actus, ut homo possit velle & nolle, velle bonum, & nolle malum.

Ut utrumlibet non respicit diversâ Liberi Arbitrii objecta, sed diversos ejus Actus volendi, aut non volendi, & volendi, aut nolendi.

AFFECTIBVS, IN GENERE

THESIS I.

Definivimus Philosophiam practicam, *th.*

2. *disp.* 1. in harum Disputationum curricula, Prudentiam dirigentem actiones humanas, ut in hac vita nature viribus homo bene beneque vivat. Quæ de bonâ ac beatâ hic vita, summo hominis, dum hic versatur, bono, disputari solent, ea excussumus, *disp.* 4. *primis.* Actionis humanae proprietates exposuimus *disp.* 5. 6. 7. Ejus principia *disp.* 8. *th.* 1. resulumus, partim ad animam rationalem, quæ diximus esse, intellectum, quem *disp.* 8. voluntatem, quam 9. & 10. liberum arbitrium, quod 11. explicuimus, partim ad animam hominis sentientem, quam participative rationalem vulgo dicunt Ethici. Anima sentientia triplex vulgo statuitur facultas, sentiens; appetens, loco movens: sola appetens hujus nostræ est considerationis, utpote quæ proprie est actionis humanæ, à Philosophia practica dirigendæ, principium: Appetitus enim sentiens sedes; est affectuum; affectus virtute sunt moderandi: in affectibus per virtutem moderandis, animum humanum ejusque actiones dirigit Philosophia practica. Quare, cum summum bonum obtineri nequeat sine virtute; & virtus omnis in sedandis ac componendis occupetur affectibus, profecto non alienum fuerit ab instituto nostro, affectuum naturam in harum disputatione ob oculos proposuisse: quod nunc facere est decretum, exordiendo ab Affectuum generali definitione.

II. Affectus est, motus hominis internus ex appetitu boni & aversione mali ortus. Vel paulo plenius. Affectus est motus animalis (vel hominis; nam philosophamur de affectibus humanis) ab appetente facultate in seipsa excitati ex appetitione boni & aversione mali ad aliquid vel prosequendum vel fugiendum. Affe-

ctus dicitur ab afficiendo, quia animam afficit: Cicero 4. *Tuscul. quæst.* eos vocat animi perturbationes, quia animum hominis in contemplando & agendo perturbant sed hoc vitiosorum est affectuum: quare hoc nomen affectibus in genere non competit. Alii affectus vocant passiones, quia faciunt animum atque etiam corpus pati: Quæ vox respondet græco vocabulo πάθος, quod à πάσχω patior derivatur. Certe homo affectibus occupatus, recte dicitur pati. Quicquid enim movetur, quatenus movetur, recte dicitur pati. At, quod ullo modo afficitur ab objecto externo, id movetur. Ergo, quod ullo modo afficitur ab objecto externo, id patitur. Ergo, affectus recte dicitur passio: si dicas, affectum male dici passionem, quia definitur per motum, quæ vox actionem significat. Resp. Motus est vox generalis, & tam actionem quam passionem significat: & affectus sunt motus, partim activi, partim passivi, magis tamen passivi quam activi: unde passiones potius quam actiones dicuntur. Sed vero, quæ ratione affectus dicatur motus, quæ vox generis locum tenet, & quo sensu sit activus, quo passivus motus, paulo plenius est explicandum: facit enim hoc quam maxime ad affectuum naturam intelligendam.

III. Triplex in omni Affectu reperitur motus: unus facultatis cognoscentis ab objecto: secundus facultatis appetentis à judicio facultatis cognoscentis: tertius totius animalis à facultate appetente & instrumentis: Primus motus est causa secundi, secundus tertii. Primus motus, nempe facultatis cognoscentis ab objecto, est magis spiritalis & minus corporeus, ac minus proprie motus: secundus motus, nempe facultatis appetentis à judicio

judicio facultatis cognoscentis, est magis corporeus & magis proprie motus: tertius motus, nempe totius animalis à facultate appetente & instrumentis, est maxime corporeus & penitus ac propriissime motus: hic tertius motus, quo totum animal vel prosequitur vel fugit objectum, non est ipse affectus, sed est actio aut motus affectum consequens: motus quoque primus facultatis cognoscentis ab objecto & ipsa cognitio ac judicium non sunt affectus, sed origo & principium affectuum: affectus vero ipsi consistunt in motu isto medio ac secundo, nempe, quo facultas appetens movetur à judicio seu objecto judicato & cognito, seu, quo vergit ad objectum judicatum & cognitum cum aliqua spirituum agitatione: hic autem motus secundus seu medius, facultatis appetentis à judicio seu objecto judicato ad tria potest referri: 1. Ad objectum in esse cognito, ut loquuntur: 2. Ad facultatem appetendi: 3. Ad corpus vivens vel aliquam ejus partem: atque hæc tria sic se habent; ut objectum moveat tantum; facultas appetens primo moveatur, deinde moveat; corpus tantum moveatur: itaque affectus, ex parte objecti, est tantum actio, ex parte facultatis appetentis, primum passio, deinde actio, ex parte corporis, tantum passio. Affectus ergo est motus mixtus, partim activus, partim passivus, præcipue tamen passivus, quia est passio, tum facultatis appetentis, tum corporis viventis seu partis ejus. Et, ut omnia colligam in unum, Affectus, non tam est actus facultatis cognoscentis (licet sic nonnulli loquantur & nos fere similiter statim sumus locuti) quam quidem oritur ex actu facultatis cognoscentis, ex cognitione & judicio; est passio facultatis appetentis, appetitus insensitivi, & ex parte, ejusdem actio; est passio totius viventis, vel animalis, vel potius, hominis, aut saltem partis ejus. Atque hæc omnia communi voce *motus* in definitione *th. 2.* expressimus. Alii utuntur voce *Mutationis*, sed res eodem redit: Neque enim nos hic motum à mutatione distinguimus, ut solent subtilitatum Magistri & distinctionum artifices in Physicis.

IV. *Affectus* non est motus simpliciter, sed *motus interius*: ratio est, quia affectus ma-

nent in ipsa facultate appetente. Res enim sic se habet. Objectum movet sensum: sensus objectum cognoscit, & illud dijudicat, sitne bonum an malum: si ut bonum cognoscit aestimatque, judicat esse prosequendum; tum excitatur appetitio: si ut malum cognoscit aestimatque, judicat illud esse fugiendum; tum excitatur averlatio: appetitionem & averlationem sequitur *Affectus*, *Passio*, *Pæthos*, quo affectu animal, aut homo potius, interne in corde movetur & afficitur: hæc interna motio, affectio, est, quod *Affectus* vocamus: hanc internam motionem interdum sequitur aut concomitatur externa motio facultatis locomotivæ in prosequendo vel fugiendo objectum.

V. *Daritates* motus, facultatis, tum cognoscentis, tum appetentis, ac corporis insuper & membrorum, ipsæ dicuntur sensus communis & evincit experientia: ut mirandum sit, quomodo *Stoici* vulgo tribuatur quædam *ἐνστάσις*; dicunt enim vulgo *Ethici*, *Stoicos* statuisse quædam *ἐν ἀλλοις*, carentiam affectuum, eosque negasse affectus omnes. Sed enim ego non credo ullum *Stoicorum*, contra, tum sensum communem, tum experientiam, ita insanivisse, ut affectus omnes sustulerit, solusque non viderit, quod omnes & sentiant & vident. Aliud est, quod majori jure *Stoici* attribuendum censeo, quod affectus statuerint, non esse motus aut actiones & passionem facultatis appetentis, sed quod voluerint eos potius esse opiniones ac judicia, actusque & motus facultatis cognoscentis. Hæc enim questio agitari solet, *Peripateticis* inter & *Stoicos*, *An affectus sit animi cognitio, opinio, seu judicium, quo res vel bona vel mala judicatur, an vero actus, quo appetitus & una cor afficitur ac movetur, ad prosequendum objectum judicatum ut bonum & fugiendum objectum judicatum ut malum?* *Stoici* prius senserunt ac sustinuerunt, teste *Cicerone l. 4. Tuscul. quest. Acad. quest. l. 1. Seneca l. 1. de ira c. 8. &c.* Nos pro *Peripateticis* stamus, dicimusque, affectus non quidem esse sine opinione, sine judicio: sed ipsos affectus vocare opiniones tantum & judicia de bono & malo, est abuti vocabulis, quod *Stoici* non est infrequens: sic argumentamur contra:

Quæ

Quæ differunt subjectis, ea non sunt idem. Sed opinio & affectus differunt subjectis. Ergo. Prob. min. Opinio enim, quod omnes concedunt, est in animæ potentiâ cognoscente: affectus est in appetente, quod jam à nobis est demonstratum.

VI. Est porro Affectus non tantum *motus internus in facultate appetente: sed animalis vel hominis*, ut in definitione *th. 2.* fuit expressum: ubi per *in animal* intelligimus, non brutum sed hominem, aut potius naturam sensitivam & animalem in homine: nam philosophamur de affectibus humanis aut hominis, non brutis aut brutorum: sunt enim duum generum affectus, ut notant *Ethici*: quidam in anima irrationali, tantum ac pure inveniuntur: qui mediocritatem suam accipiunt, non à ratione, sed à potentia alia, & cadunt tales affectus in bruta, in quibus tantum est cognitio sensitiva: (a) & vocantur affectus puri: alii sunt affectus mixti, qui in anima irrationali quidem reperiuntur, sed non pure, non simpliciter, non absolute, verum quatenus irrationalis anima rationis imperio subjacet ac paret: & isti affectus sunt hominis affectus, & humani, de quibus hic agimus, non de brutis aut brutorum affectibus.

(a) Affectus puri nihil habent participatum à Ratione, ideoque Attribuantur Brutis: Affectus mixti utcumque sint in Anima Irrationali, sc. Sensitiva, seu ejus Appetitu potius, Aliquid tamen de Ratione participant ipsius Animæ Rationalis, cui ut superiori Sensitiva ut Inferior subest; ideoque hi Affectus tribuuntur homini.

XII. Sed scrupulus hic oritur. *Quomodo solius hominis motus faciamus affectum, quando quidem in Deum quoque cadunt & Angelos? an non Deus amat pios, odit peccatores? an non Angeli lætantur super conversione peccatoris, &c?* Resp. In Deo non sunt affectus, sed aliquid eminentius affectibus, quatenus effectus affectuum cientur & moventur à Deo & reperiuntur in Deo: adeoque tribuuntur ei per *ἀνθρώπων καὶ ἀγγέλων*: quomodo ei tribuuntur, nasus, os, facies, manus, &c. Angeli quoque non sunt idoneum ac proprium subjectum affectuum, utcumque lætari ac tristiari dicantur,

similiterque affici, quia in iis nullus est spirituum commotio: quæ affectus præsentis comitatur: Angeli enim in corporei sunt: neque spiritus animales in se habent: eandem ob causam neque in animæ rationali affectus debent statui tanquam in subiecto ac sede. si affectuum nomen Animæ rationali simpliciter, si Angelis, si Deo tribuitur, vocabulum affectus latissime extenditur, & accipitur etiam pro eo, quod affectibus proprie dictis & à nobis *th. 2.* definitis est *ἀνὰ λόγον*.

VIII. *Solus homo itaque affectuum est subjectum: sed an totus homo, an singule hominis partes?* Resp. Totus homo est subjectum totale affectuum & principium quod: *Facultas appetens sensitiva in homine & Cor sunt subjecta partialia affectuum, & utrumque principium quo.* Quemadmodum totus homo intelligit, sentit, vivit (actiones enim sunt supposito- rum) ita quoque totus afficitur: nihilominus, quemadmodum totus homo quidem videt, sed tamen proprium ac peculiare subjectum & proximum visionis est oculus, ita totus homo quidem afficitur, estque subjectum affectuum, sed totale, nihilominus proprium peculiare ac proximum eorum subjectum est, tum Cor, tum facultas animæ appetens: nempe Cor est affectuum subjectum proximum inter organa & membra corporis: adeoque subjectum est proximum secundum quid. At sentiens appetitus, qui est in corde, est affectuum subjectum proximum absolute. ideoque in definitione generali affectuum *th. 2.* mentionem fecimus appetentis facultatis, non item cordis.

IX. (a) *Facultas appetens, seu appetitus sensitivus*, duplex vulgo ab Ethicis constituitur. *concupiscens & irascens*: vulgo, *concupiscibilis & irascibilis*. Per concupiscibilem intelligunt illam potentiam, qua homo profectus bonum, & malum fugit simpliciter. Per irascibilem appetitum intelligunt illam facultatem, qua homo resistit iis, quæ impediunt boni ademptionem aut mali fugam, quæque aliquam inferunt noxam: uterque hic appetitus, est sedes ac subjectum certorum affectuum. Quorum? postea videbimus. *Quæri hic solet, An Irascendi & Concupiscendi facultates*

facultates reipsa an ratione distinguantur? Resp. Utrumvis itatuatur, non multum refert. prior quidem opinio communior, at posterior est nobis probabilior, qui non libenter entia multiplicamus citra necessitatem: & rationem hanc damus: Quorum appetituum subiecta & objecta non differunt reipsa sed ratione, illi ipsi appetitus non differunt reipsa sed ratione. Atqui appetitus irascentis & concupiscentis subiecta & objecta non differunt reipsa sed ratione. Ergo. Prob. min. subiecta eorum non differunt reipsa, quia unum est idemque utriusque appetitus subiectum, nempe Cor: Nam in corde utriusque appetitus operationes exeruntur atque exercentur, sed nec objecta utriusque appetitus differunt reipsa sed ratione tantum, quia idem bonum nunc ut jucundum & salutare concupiscitur a facultate seu appetitu concupiscente, idemque ut

arduum & difficile ad irascentem spectat: at bonum idem, nunc ut jucundum, nunc ut arduum, spectatum, ratione tantum a seipso differt: Ergo & appetitus concupiscentis, qui versatur circa bonum simpliciter, & irascentis, qui versatur circa idem ut difficile, ratione tantum a se invicem different. Quæ de affectibus disputari solent ulterius, seq. disp. exhibebimus.

(a) Quodcumque proponitur vel appetendam ut bonum, vel fugiendum ut malum, illud vel conjunctum est cum difficultate aut molestia: vel non est: si non sit, est objectum appetitus concupiscentis, si sit, est objectum appetitus irascentis: nam cum studemus bonum aliquod consequi, sed præ difficultate aut molestia, quæ ipsi est conjuncta, non possumus, aut quando studemus malum aliquod fugere, sed pariter ob impedimenta quædam conjuncta nequimus, irascimur.

DISPUTATIONUM PRACTICARUM

DECIMA-TERTIA,

DE

AFFECT. CAUSIS ET DIVISION.

THESES I.

EXcussimus *Affectuum* definitionem generalem, eorumque subiectum, disp. præced. hac eorum causas & divisiones excutere, est animus. Causas considerabimus, efficiensem & finem: materia enim & formacarent affectus, quia actiones sunt vel passionis, aut utrumque potius, ut disp. præced. est explicatum.

11. (a) *Causa efficiens* affectuū, est vel externa vel interna: omnis quidem causa efficiens externa est, si ad effectum referatur, ut docetur in *logica*; dicitur tamen quædam interna, respectu subiecti illius, in quo suam operationem exercet & exequitur. *Externa efficiens affectus causa*, sc. procatartica, est objectum, quod per sensus affectum ciet atque excitat. Queritur, qualis sit causa efficiens objectum? Dicitur vulgo objectum causa procatartica:

& est vera talis causa, respectu ejus sensus, quem movet: & sic intelligendum est illud vulgatum; *objecta movent sensus*: sc. ut cause procatartice impellentes atque irritantes extrinsece. Objectum vero respectu appetitus & affectuum est finis, tum ultimus, tum subordinatus, quia ut bonum, vel verum, vel apparens, appetitum movet. *Causa efficiens interna* est, quæ in ipso subiecto latens ab externa efficiente excitatur: estque in negotio præsentis duplex; principalis, vel minus principalis seu instrumentalis: Principalis, remota vel proxima. Remota, est facultas cognoscens, à qua appetitio & aversatio, omnesque affectus pendunt suo modo: ubi enim deest facultas cognoscendi, affectus quoque locum habere nequit. Per facultatem cognoscentem intelligimus, sensum, tam externum, tum inter-

H nūm,

num, imo etiam rationem in homine, sive rectam, sive pravam. *Causa efficiens interna principalis proxima*, est appetitus sensitivus, à quo affectus eliciuntur. *Causa efficiens minus principalis seu instrumentalis*, est humorum & spirituum temperatio: hanc humorum & spirituum temperationem *Medici* vocant *complexionem*: plurimum vero ad affectuum concitationem conferre, spirituum & humorum vel temperiem vel intemperiem, tam est notum, quam quod est notissimum: atque hinc vulgatum etiam est illud *Galen*i: *Mores animi sequuntur temperamentum corporis*: & ipsa hoc docet experientia: quod tamen non sic est capiendum, quasi in totum animus sit subiectus corpori in affectibus; imo contra, licet plerumque temperiem corporis sequantur mores & motus animi affectusque, animus tamen corpori & ejus temperamento dominatur, quod ex *Socratis* similitudine appareat exemplo, qui studio & assuetudine mores animi affectusque contra temperiem suam immutarent atque emendarunt; quod sane dominantis supra corporis & humorum temperiem animi est argumentum.

(a) *Causa efficiens Affectuum externa* est in Alio Subiecto, quam sunt ipsi Affectus: *Causa efficiens Affectuum Interna* est in eodem subiecto in quo sunt Affectus, sc. in ipsa Anima sensitiva.

III. Ut modus, quo ex hisce causis oriatur & concitentur affectus, dextre semel percipiatur; res sic sese habet. 1. Objectum incurrit in externos sensus. 2. A sensibus externis defertur ad internos, præsertim ad phantasiam. 3. Phantasia objectum cognitum judicat, sitne bonum vel malum, jucundum vel molestum, salutare vel noxium, facile vel arduum: atque hoc idem in homine sæpe facit ratio: itaque objectum cognitum judicatur judicio, tum inferiori seu sensitivo, tum sæpe superiori seu intellectivo. 4. Non tantum judicatur objectum esse bonum vel malum simpliciter, sed præterea esse bonum vel malum nobis. 5. Excitatur ac movetur appetitus sensitivus ab illo judicio. 6. Appetitus sensitivus excitatus & motus ab illo judicio, rem judicatam vel appetit vel averfatur. 7. Con-

sequitur statim commotio spirituum vitalium per arterias, & inde in totum corpus diffusorum: & commotio animi in sensibus per universum. *Humores* & *Spiritus*, mutoque *gula* & *cordia*, & omnia corporis membra, & totumque corpus ipsum, commoveantur, & contrahuntur, aut dilatantur, & inde omnia animal aut homo potius, quo vult membra flectit, contorquet, porrigit, contrahit, expandit, variisque modis movetur.

IV. *Finis Affectuum* est actionum alacritas: quicquid enim sine affectu sit, segneriter fit, remisse, ac cunctanter. at quod cum & ex affectu sit, promte, alacriter, expetite, efficitur, atque peragitur. Quia ex sapienti numinis consilio animus humanus in corpore esset commoraturus, indidit homini Deus hanc affectuum facultatem, ut in veluti quibusdam stimulis ac calcibus excitaretur ad bonum, iisdem veluti frenis cohiberetur, ne in noxia rueret.

V. Affectuum varias *divisiones ac species* enumerare, non tam est facile. *Plato* innumeros esse censet animi *vi* affectus; sed nomine carentes. *Aristoteles Eth. ad Nicom. l. 2.* undecim recenset, 2. *Rhet. tredecim. Galenus lib. de curandis animi morbis sex* enumerat. *Boethius* quatuor facit his versibus. *Gaudia pelle, Pelle timorem, Spemque iugato, Nec dolor adsit. Aquinas parte sec. quest. 23. art. 4.* undecim ponit, 6. in concupiscente, 5. in irascente appetitu. Hunc sequitur *Scholasticus* omnes & *Philosophorum vulgus. Appetitus concupiscentis affectus* sunt, Amor, Odium, Desiderium, Fuga, Gaudium, Tristitia: *Irascientia* sunt, Spes, Desperatio, Metus, Audacia, Ira. Hujus divisionis rationem solidam apud *Aquinatem* aut alios non inveni: quia tamen recepta est, ne videamur Antiquorum limites refugere, eam retinebimus, & singulos Affectus sua definitione, qualicunque, neque enim Logicam *æquæ* promittimus) omniſus aliorum definitionibus, circumſcribemus.

VI. *Amor*, est Affectus appetitus concupiscentis, tendens in bonum sibi vel alteri præsens. *Odium*, est Affectus appetitus concupiscentis

cupiscentis, quo quis sibi vel alteri malum vult sine suo emolumento. *Desiderium*, est Affectus appetitus concupiscentistendens in bonum absens, quod ut conveniens fuit perceptum. *Fuga*, est affectus appetitus concupiscentis, quo quis averfatur malum absens, quod ut minus conveniens conceptum fuerat. *Gaudium*, est Affectus appetitus concupiscentis, ob praesentis boni fructum. *Tristitia*, est Affectus appetitus concupiscentis, super malo, vel re ipsa, vel perphantasiam, praesente. *Spes*, est Affectus appetitus irascentis, tendens in bonum absens, arduum, possibile. *Desperatio*, est Affectus appetitus irascentis, quo quis recedit ab appetitione boni ex opinione, quod nunquam eo sit potiturus. *Metus*, est affectus appetitus irascentis, consistens in ægritudine ab oblata specie impendentis mali, quod interitum vel dolorem afferre possit. *Audacia*, est affectus appetitus irascentis, quo animus in magnis & periculosis rebus multum fiducia concipit & fidit se superaturum mala & incommoda. *Ira*, est affectus facultatis irascentis, quo quis appetit ultionem & vult alicui malum, quia se aut sua quis contemni videt, vel quia injuriam sibi aut suis atque ad se pertinentibus intulit.

VII. Extat usitata quaedam apud *Ethicos* divisio affectuum in *Morales* & *Naturales*; sed non est ista divisio generis in species, imo ne quidem rei divisio, sed vocis potius videtur esse distinctio. *Affectuum naturalem* vocant *Ethici* eum, qui à naturâ & per naturam inest, qui principium & fundamentum habet ipsam naturam, qui oritur ex potentia naturali, quæ est ἀσθησις: respectu hujus potentie naturalis, ipse quoque affectus naturalis & innatus dicitur. *Moralem affectum* vocant, non qui ex naturæ fontibus, sed qui ex educatione & longâ exercitatione ac consuetudine est contractus. Dixi, hanc esse divisionem vocis potius quam rei: quia affectus naturalis, nomen quidem sortitur affectus, at definitionem non item: Affectus enim motio est interna hominis, &c. ex th. 2. disp. præced. At hi naturales affectus in brutis etiam reperiuntur: in quibus ex naturali potentia, nulla accedente institutione, oriuntur similes motio-

nes, quales sunt quas in homine affectus vocamus. Unde non *Ethici* sed *Physici* de naturalibus agunt affectibus: nos de moralibus porro sumus philosophaturi.

VIII. *Affectus morales* sunt vel *boni* vel *mali*; quæ quoque divisio non tam est (a) generis in species, quam subjecti per adjuncta. *Boni* sunt affectus, qui rectæ rationis præscriptum sequuntur & intra illud sese continent. *Mali* sunt affectus, qui extra rationis rectæ præscriptum abeunt ac sequuntur rationem errantem. Ratio recta præscribit observationem variarum circumstantiarum: quod præscriptum si sequantur affectus, sunt *boni*: si spernant, sunt *mali*: aut, si ratio non recte judicet de circumstantiis, etiam, cum hoc judicium sequuntur affectus, *mali* sunt: quod si ratio hoc judicium emendet ac corrigat & affectus illud sequantur, *boni* sunt: unde affectus nunc *malus*, mutato judicio ac mutatis circumstantiis, mox fit *bonus*, & vice versa: quæ ratio est, quare *dixerim* statim, hanc affectuum divisionem in bonos & malos non esse generis in species divisionem, (b) quia species oppositæ ob nullam circumstantiarum varietatem variari aut in se invicem transire aut mutari possunt.

- (a) In divisione Generis in species nunquam potest propter ullas Circumstantias mutari in Aliam, sic Homo nunquam potest fieri Brutum; sed in divisione subjecti per adjuncta potest idem subiectum nunc hoc nunc alio Adjuncto affici pro mutatis Circumstantiis: sic Actio, quæ nunc est bona, eadem, si crastino die venietur, erit mala: sic & Affectus idem, qui una hora est bonus, quia congruit rectæ Rationi, alia hora est malus, quia non congruit rectæ Rationi, ob circumstantias mutatas.
- (b) Nulla unquam data fuit aut dari potest specierum confusio: pugnat enim hoc cum universi ordine & Dei sapientia, quæ voluit omnibus entium speciebus suas & peculiares ac distinctas esse naturas; ideoque homo nunquam potest fieri brutum, aut vice versa: & non datur transitus de specie in speciem ob ullam quamcunque generum circumstantiam, sed affectus hac hora bonus sequenti potest reddi malus, mutata aliqua tantum circumstantiarum moralium: ideoque affectus bonus & affectus malus non sunt species duæ oppositæ, sed unus ejusdemque affectus adjuncta diversa.

IX. Ut vero natura, tum boni, tum mali affectus, adhuc melius cognoscatur, notandum est, gravem sepe existere pugnam & difficilem luctam inter rationem rectam præscribentem, & affectus, qui non semper rectæ rationis præscriptum sequuntur: hinc fit, ut homo modo in hanc modo in illam trahatur partem, &, instar naviculæ fluctibus marinis expositæ, paulo momento huc atque illuc impellatur. Luctæ hujus ac pugne causa est, quod ratio recta præscribat ea quæ honesta sunt, sed quæ sepe ac plerumque cum labore ac difficultate sunt conjuncta: at affectus sepe tendunt & acquirere conantur ea, quæ sunt jucunda, licet sepe ac plerumque cum turpitudine conjuncta: hinc ille oritur conflictus rationem rectam inter & affectus. (a) Exemplum affectus rationem rectam sequentis, est in homine continente: contrâ, exemplum affectus rationem rectam repudiantis & erroneam sequentis, est in homine incontinente. Atque jam constat, quomodo affectus morales vel boni sint vel mali.

(a) In Philosophia morali Aristotelis hæc quatuor distinguuntur, temperans, inemperans, continens & incontinens. Temperans ipsi dicitur qui servat mediocritatem in cibo, potu & Venere, absque ulla lucta affectuum & rationis: inemperans, qui absque ulla lucta e iam ab ista mediocritate recedit; continens ipsi dicitur, in quo quidem est pugna affectuum & rationis circa usum, cibi, potus & Venetis, sed sic ut ratio evadat superior, atque in iis utendis servetur mediocritas; incontinens est ipsi, in quo item est ista pugna, sed sic, ut affectus evadant superiores, atque non servetur mediocritas.

Contineus distinguitur apud Aristotelem à Temperanti, quod Temperans Cibo & potu & Venere utatur bene absque lucta affectuum & Rationis; Continens eum lucta: sic & Inemperans ipsi dicitur, qui malè utitur omnibus illis absque ulla pugna Partis inferioris, & superioris; Incontinens, qui eum pugna.

X. Ex jam dictis, facile est videre & rejicere errorem Stoicorum, ut quidem vulgo iis tribuitur, qui omnes affectus esse malos, nullos bonos, voluerunt: nam qui rationis recte præscriptum sequuntur, haud dubiè boni sunt: imo nullus affectus, per se, ut talis, malus est, si, quæ affectus, simpliciter, in natura sua,

physicè, & non in ordine ad morales circumstantias, consideretur. Sic sic sentiendum, sic loquendum, censeo. *Affectus*, qui a motione naturalis (quos affectus naturales si quis vocare velit, non multum repugno) nec boni sunt nec mali: *affectus vero relativi* circumstantias morales, seu in genere moris, quos affectus morales vocamus, sunt vel boni vel mali. Amor & odium, si spectentur in natura sua, physicè, carent omni malitia & bonitate, habentq; se indifferenter ac negative ad utramque: sed si spectentur ethicè & in ordine ad objecta, finem, aliasque circumstantias, bonitatem accipiunt aut malitiam: sic amor virtutis bonus, vitii malus est: contrâ odium peccati bonum, virtutis malum est. Et, si affectus ex natura sua essent mali omnes, eos non indidisset naturæ rectæ & integræ Deus, nec in Servatore nostro fuissent reperti, nec Deo in sacris *ἀγαθός* attribuerentur, nec in cordibus piorum à Spiritu sancto excitarentur, nec in verbo Dei præciperentur.

XI. Extat denique alia insuper apud Ethicos non generis in species, sed vel analogi in sua analogata vel vocis æquivocæ in sua significata, *divisio affectuum in inconsultos & consultos*. Illi sine assensu rationis, hi cum assensu oriuntur: quæ est eadem divisio cum hac Antiquorum, qua dividerunt affectus in *primos & secundos*. *Affectus primus* est, quem illic vocavi inconsultum, estque primus ille motus, quo homo subito & ex improvviso, antequam rationis judicium adhibeat, in rem aliquam, sive delectabilem, sive averabilem, movetur, & quasi rapitur, ut nihil sit aliud quàm rapidissima & inconsulta inclinatio, quæ mentem ac rationem præcurrit: unde & à nonnullis *affectus rationem præcurrens* dici solet. At *affectus secundus*, aliis *secundarius*, est, quem consultum vocavi, qui rem cognitam ac judicatam sequitur, qui adhibito rationis judicio in rem fertur, vel prosequendo vel fugiendo eam, sive bene, sive malè, prout judicium rationis fuerit vel rectum vel erroneum: primi illi affectus vulgo dicuntur *motus primi*, sub quo titulo & nomine de iis disputari solet, *An sine in nostra potestate, & an sine mali?*

ma? Resp. Breviter. 1. Non sunt in nostra potestate, quatenus rationem prævertunt: sunt, quatenus disciplina, consuetudine, educatione, disponi & assuescere possumus sic, ne tam subito abripiamur nec è vestigio moveamur aut afficiamur. 2. Motus isti primo primi, cum tendunt in rem malam & sunt inordinatè, non planè carent malitià, quia sunt effectus peccati originalis tunc, & corruptæ in nobis naturæ, quæ, si mansisset integra, plus etiam potestatis in primos illos ac subitaneos motus habuisset homo. Quæ de singulis affectibus disputari possunt, Corollaria proponunt.

COROLLARIA.

1. *An amor, dilectio, caritas, distinguantur?* A.
2. *An amor rectè distinguatur in sensivum & rationalem?* N.
3. *An amor rectè dividatur in amorem complacentiæ & desiderii?* N.
4. *An amare sit præstantius quàm amari?* A.
5. *An amor sit erga brutà & inanimata?* N.

6. *An odium & ira distinguantur?* A.
7. *An odium rectè distinguatur in odium personæ & rei?* A.
8. *An desiderium & spes distinguantur?* A.
9. *An bono desiderato, jam præsentè, expleatur & satiatur desiderium?* Resp. De bono in creato verum est, de creato non item.
10. *An præsentè malo fuga cesset?* A.
11. *An tristitia sit eadem cum dolore?* N.
12. *An spes maxime reperiatur in juvenibus?* A.
13. *An metus sit idem cum tristitià?* N.
14. *An audacia & metus sint affectus oppositi?* A.
15. *An difficilius sit iræ quàm voluptati repugnare?* N.
16. *An difficilius sit in prosperis rebus, quàm in adversis modum tenere?* A.
17. *An corruptor magis delinquat quàm corruptus iudex?* A.
18. *An iudex semper debeat sententiam ferre secundum allegata & probata?* N.
19. *An Viro forti in periculis potius sit moriendum quàm fugiendum?* A.

DISPUTATIONUM PRACTICARUM

DECIMA-QUARTA,

DE

VIRTUTE IN GENERE, ET DE INTELLECTUALI IN SPECIE.

T H E S I S I.

Quæcumque hætenus publico disputantium examini subiecta fuerunt, ea finem Ethicæ ac subiectum spectare: nunc media examinanda sunt, quibus finis in subiectum introduci & ab eo acquiri debet: Media illa virtutes sunt, quæ in affectibus coercendis & actionibus humanis dirigendis occupantur: quibus bene coercitis ac directis summum hominis in hac vita absolvitur bonum. Virtutum ergo naturam primum in genere, mox in specie, publicæ Philosophantium disquisitioni, in posterum subijcimus.

II. Virtus, ut à nomine initium faciamus, non à vi vel violentia (in virtute enim omnia sunt libera, nihilque est coactum) sed vel à Viro, vel à Viribus, dicitur: Græcis ἀρετή vel ab ἀρίστη ἐλγῳ, quasi ἀρίστη, vel ab ἀρίστη ὁρῳ placeo, quasi ἀρίστης, vel ab ἰσθμῳ amo, quasi ἰσθμῳ, vel ab ἀρετῆς Mars, quod virtus potissimum in bello appareat, vel ἀρετῆς ἀρετῆς quasi ἀρετῆς perpetuo fluens i. e. sui semper similis. Virtutis vox non uno fumitur sensu: in genere significat, vim, efficaciam, εὐπρίαν, qualitatem, facilitatem operandi:

quo sensu & brutis & rebus inanimatorum tribui solet: *Est in iuvenia, est in equis, Patrum virtus: &c.* Virtute Solis omnia revirescent ac reviviscunt: sed Virtutis vocem hic nos restringimus ad animum hominis, intelligimusque per virtutes, *habitus laudabiles & bonos in eo existentes*: (a) habitus, vel per infusionem existunt, unde *infusi*, vel per curam, diligentiam, & studium, acquiruntur, unde *acquisiti* vocantur: atque de *hisc* nobis sermo est: metonymicam Virtutis significationem, qua sumitur pro premio virtutis, synecdochicam, qua sumitur pro fortitudine, metaphoricam, qua Deo tribuitur, quia à nostro instituto alienae sunt, omittimus.

(a) Habitibus infusis & acquisitis adduntur vulgo habitus concreati, & connatus: concreati fuerunt, sapientia, iustitia & sanctitas originalis; habitus connatus est, peccatum originale.

III. Virtus in genere describi potest, *habitus acquisitae laudabiles cum recta ratione conveniens.* Aristot. enim diserte, postremis l. 1. c. 13. *Ethic. ad Nicom.* verbis, sic loquitur, τῶν ἡθελῶν τῶν πρὸς τὴν ἀρετὴν, ὁποῖα τὸν λόγον. *Habitus laudabiles virtutes appellamus.* & 6. *Eth. c. 13.* expresse inquit, Virtutem esse ἡθελῶν τῶν πρὸς τὸν λόγον, *habitus secundum rectam rationem.* Alii describunt virtutem in genere plenius, habitum animi cum recta ratione conformatum, quo actiones bonas edere possumus & ad summum bonum aspirare.

IV. Virtus ab Aristotele variis in locis 1. *Eth. Nic. 13.* 2. *Eth. 1.* 6. *Eth. 1.* 2. *Eudem 4.* & 1. *Magn. Mor. c. 5.* dividitur in διανοητικὴν, quæ in intellectu, & θητικὴν, quæ in appetitu, sedem tenet: illa *intellectualis*, hæc *moralis* vulgo dicitur. Videantur ad ista loca *Aristot. Commentatores veteres ac recentes.* Nos divisionis huius sufficientiam probamus: quia homo sive animus humanus intellectu & voluntate est præditus, factusque ad intelligendum & appetendum, atque in utroque dirigi eget ac debet. Ergo duplex quoque exigitur virtus, una quæ intellectum, altera quæ appetitum, juvet ac regat: Et certe, omnes omnino virtutes ad duas hæc classes possunt revocari. Nos virtutes *intellectuales* primum,

deinde *morales*, examinabimus: nam malum virtutum natura intelligi nequit, nisi cognita natura prudentiæ, virtutum malum diæreticis, quæ intellectuales virtutum est una, ut *Arist. 1. Eth. Nic. 13.* docet atque alibi, & nos postea oites demus.

V. Virtutes *intellectuales*, græcè διανοητικαί, sic dicuntur διὰ τὴν διάνοιαν ab intellectu seu mente, cui insunt. διανοία græcis bitariam accipitur, vel de tota facultate intelligendi, sive cum discursu intelligat sive sine discursu; & tum idem est quod νῦν, mens, intellectus, vel de illa, quæ per terminum medium, per argumentum tertium, per ratiocinationem, aliquid cognoscit: hoc posteriori sensu hic non accipitur, sed priori, cum διὰ τὴν διάνοιαν denominantur virtutes intellectuales, διανοητικαί. haerent enim ex virtutes in tota mente, eamque totam perficiunt.

VI. Differunt Virtutes *intellectuales à moralibus* multis modis: 1. *subiectis*: nam dianoëticæ in intellectu, tum speculativo, tum practico, at Ethicæ in appetitu sunt, utroque rationali, an sensitivo? postea videbimus: 2. *Efficiente*: nam dianoëticæ potissimum doctrina & institutione, at morales usu & assuetudine comparantur: 3. *Fine*: nam hic in virtutibus διανοητικαί, est veritas, at in moralibus est honestas ac bonitas: 4. *Objectis*: nam intellectuales virtutes versantur circa vera, universalia, necessaria, at Ethicæ circa bona, specialia, contingentia: 5. *Effectu*: nam Dianoëticarum virtutum effectum est beatitudo theoretica, Ethicarum practica.

VII. De virtutibus intellectualibus hæc duo videbimus. 1. *Quenam sint?* 2. *An vere virtutes sint habenda?* Quod ad §. 1. *Aristoteles 6. Ethic. Nicom. c. 3.* recenset quinque virtutes intellectuales: totidem *Ethic. ad Eudem. l. 5. c. 3.* Intellectum seu intelligentiam, scientiam, sapientiam, prudentiam, *Artem*: alibi, ut *Ethic. Nicom. l. 1. c. 13.* pauciores: nos de numero non multum cupimus litigare: si sint quinque, tres priores in intellectu speculativo, duæ posteriores, prudentia & ars, in intellectu practico, (latè sumta voce praxeos) poni solent ac debent.

VIII. Intellectum sive intelligentia est habi-

tus contemplativus, quo compellimur ad assentiendum principiis primis & evidentibus Theoreticis, cuiusmodi sunt: *Impossibile est idem esse & non esse. Totum est maius sua parte. Si ab aequalibus auferas aequalia, tota erunt aequalia. Bis bina sunt quatuor, &c.* Aristoteli dicitur vsq; quæ vox licet frequenter significet totam mentem animamque rationalem, hic tamen pro habitu accipitur, quo principia conclusionum scientificarum cognoscuntur. *Scientia* est habitus theoreticus, quo movemur ad assentiendum conclusionibus necessariis demonstratis per principia necessaria. Vox scientiæ non significat hic quamcunque & qualemcunque notitiam, undecunque hausta, sive per sensum, sive per intellectum sine discursu; sed significat talem notitiam, quæ per discursum ac ratiocinationem apodicticam acquiritur, qualis est notitia proprietatum, quæ per proximas causas de subiectis demonstrantur, & tales conclusiones demonstratæ sunt omnia scientiarum theorematæ, quæ primis principiis innotuit, & ex quibus scientiæ ac disciplinæ theoreticæ componuntur. *Sapientia* est habitus contemplans, quo inclinamur ad assentiendum conclusionibus claris atque evidentibus & per causas supremas demonstratis. Sapientia hic non notat quamcunque peritiam, quo pacto Polycletus sapiens statuarius & Phidias sapiens marmorarius dicitur *Philosopho 6. Eth. c. 7.* sed significat habitum ex primis principiis & conclusionibus scientificis conflatum, qualis habitus vulgo dicitur *Metaphysica. Prudentia* est habitus practicus, qui cum vera ratione conjunctus nos ad agendum facit habiles. Non sumitur hic prudentia pro naturali sagacitate, quam etiam in brutis reperire est: quo pacto serpentes dicuntur prudentes, sed sumitur pro habitu, qui nos secundum rectam rationem vivere docet, & agere ea, quæ sunt honesta & bona. *Ars* est habitus practicus, qui cum rectâ ratione conjunctus, nos ad aliquid efficiendum reddit idoneos. Artis vocabulum sæpe quamcunque peritiam, interdum multorum præceptorum congeriem; at hic habitum aliquid ex rectâ ratione efficiendi designat, quem ideam *ἀνεγείας*, nec male, alii vocant.

IX. Sunt, qui hunc numerum quinarium intellectuales habitum eunt imminutum, & ex hoc numero Aristotelico expungunt sapientiam & intelligentiam: nec fortassis sine ratione: Sapientia saltē non videtur esse habitus distinctus à scientia & intelligentia, si hæc habitus sit: at intelligentia ne esse quidem videtur habitus: quippe nulla opus est, ut sic loquar, facilitatione intellectus ad assensum præbendum primis principiis, quæ solâ vocabulorum cognitione acceptâ intellectum convincunt suæ veritatis, eundemque ad assentiendum pertrahunt ac cogunt. Alii contra hunc numerum virtutum intellectivarum auctum eunt, addendo iis, *σοφία*, habitum practicum, quo principia moralia & practica cognoscimus, atque assentimur, qualia principia sunt: *Bonum est amplectendum. Malum est fugiendum. Quod tibi non via fieri, id alteri ne feceris, &c.* hunc habitum *Aristos.* non tradit: & sub prudentiâ comprehendi potest; *Scholastici* tamen malunt ex eâ peculiarem facere habitum: Et, profecto, si datur habitus, quo principia theoretica facile cognoscimus, itique prompte assentimur; quidni & circa principia practica talis habitus concedatur? aut, si hic inutilis est, etiam alter fuerit. Sed verò, si uterque est habitus, ut vulgus tenet Philosophorum ac Scholasticorum, omnes habitus sic digerimus.

X. Habitūs intellectuales, aut sunt simplices, aut compositi ex simplicibus. Simples, vel absque discursu, vel cum discursu rem intelligunt: Absque discursu, est, vel *intelligentia*, quæ est notitia principiorum theoreticorum, vel *synteresis*, quæ est notitia principiorum practicorum: Cum discursu habitus theoreticus qui rem intelligit, vel id præstat per discursum apodicticum, & est *scientia*, vel per dialecticum, estque, in rebus agendis, *prudentia*, in rebus faciendis, *ars*: habitus compositus ex simplicibus, est *sapientia*.

XI. Quod ad §. 2. *Hos habitus intellectuales esse veras virtutes*, sic probamus. Cui competit definitio virtutis, est vera virtus. Sed habitibus intellectualibus competit definitio virtutis. Ergo &c. Tres sunt definitiones virtutis apud *Aristot.* Prima est *l. 2. Eth. c. 5.* ubi docet,

docet, virtutem esse id, quo bene præparamur ad actiones, & propter quod laudamur. At habitus intellectualis est, id propter quod laudamur & quo bene præparamur ad actiones. Ergo &c. Verum id quidem est, propter habitus contemplativos non ita proprie nos laudari, attamen propter eos laudamur: & ratio laudis ac definitio Virtutis, saltem (a) analogice, intellectualibus habitibus conveniet, quod sufficit. Secunda definitio virtutis est, apud Arist. l. 2. Eth. c. 6. *Virtus est, quæ bonum facit habentem, & opus ejus bonum reddit.* Atqui hæc definitio etiam competit habitibus intellectualibus: est enim in eorum operibus & sua bonitas, licet non moralis: nisi quis velit & omnem & solam bonitatem vocare moralem, quod tamen est in Philosophia recepta & Peripatetica insolens. Tertia definitio Virtutis in genere est, 7. Phys. text. 17. *Virtus est dispositio perfecti ad optimum.* i. e. Virtus est potentia præparatio ad optimum, non quidem absolute, sed ad operationem optimam, quantum ipsa potentia & ejus conditio fert ac permittit. Atqui virtus intellectualis est talis dispositio & præparatio potentia ad optimam actionem, quantum ea in potentiam cadere potest. Ergo. Si dicas, pugnare inter sese, ut intellectualis virtus dicatur & sit vera virtus, & nihilominus definitio virtutis non ex æquo conveniat virtuti intellectuali & morali: Resp. non ista inter se pugnare: nam utcumque ens non ex æquo conveniat Deo & creaturis, substantia & accidenti, sicuti tenet communis opinio, creatura tamen & accidentis vere sunt entia: sic & habitus intellectuales sunt vere virtutes, utcumque iis & moralibus non ex æquo conveniat definitio virtutis. Sed de in-

tellektualibus virtutibus, quæ disputari amplius possunt, Annexæ exhibebunt.

(a) Analogice, i. e. licet magis laudentur non et virtutes morales, quæ præcipue intellectuales, attamen aliquo tamen modo laudantur etiam propter has: hæc autem est natura generis analogi, ut magis & prius uni comparari possit quam alteri.

A N N E X A.

1. *Necessitas habituum intellectualium oritur ex natura ipsius intellectus.*

2. *Habitus intellectualis non est idem quod species intelligibilia.*

3. *Fides humana & opinio non sunt habitus intellectuales.*

4. *Habitus supernaturales ad Aristotelis virtutes intellectuales reduci, nec debent, nec possunt.*

5. *Intelligentia Peripatetica non est ipsa facultas intelligendi, sed habitus ab ea distinctus, partim naturalis, partim acquisitus.*

6. *Aliqua requiritur Experientia ad cognoscenda prima principia.*

7. *Diversitas principiorum specifica diversam speciem facit virtutem circa se intellectualem.*

8. *Evidentia est de ratione & essentia scientia.*

9. *Unitas & distinctio scientiarum semenda est ab objecto formali, & quidem à ratione formali, non quæ, ut loquuntur Scholastici, sed sub qua.*

10. *Facere & agere, mori & pati, recte in Philosophia distinguuntur, differuntque ars & prudentia objecto, saltem, formali, sine, adjuncto, perfectione.*

DISPUTATIONUM PRACTICARUM

DECIMA-QUINTA,

DE

PRUDENTIA.

THESIS I.

Virtutes Intellectuales omnes proposuit singulas circumscipit: nunc missis, Intelligentia, Scientia, Sapientia, Arte, ad Ethicæ instituta.

institutum non pertinentibus, de *Prudentia* non nihil plenius sumus acturi, tanquam virtutum moralium normâ, regulâ, mensurâ, matre, ac moderatrice, secuti exemplum *Arist. in Eth. Nic. l. 6. c. 5. 6. &c. usque ad finem & l. 1. Magn. Mor. cap. 35.* Prius nomen, mox rem, consuetâ nobis methodo, excutiemus.

II. *Prudentia* dicitur quasi *Providentia*, quod *Prudentiæ* sit *providere* sibi: Græci *φρόνησις* vocant *σοφία* & *φρόνις*, quia recte rationis est operatio. Sumitur vox hæc, *prudentia*, non eodem modo, interdum pro divina sapientia, quando Deo tribuitur, interdum pro instinctu naturæ, quo sensu bestiis tribui diximus *th. 8. disp. præced.* interdum pro calliditate & versutia, quo sensu astuti vocantur prudentes; nobis pro habitu practico intellectus humani, quem sic definimus ex *Aristotele l. 5. Eth. ad Nicom. c. 6.*

III. *Prudentia* est, *ἡ ἐν τῷ λόγῳ ἀληθῆς πρακτικὴ σοφία τῷ ἀνθρώπῳ ἀγαθὰ καὶ κακὰ*, habitus cum rectâ ratione activus circa ea quæ homini sunt bona & mala. Est habitus, intellige acquisitus, non infusus, ut à naturali solertia & sagacitate distinguatur, quæ prudentiæ nomine nonnullis interdum venit. Activus, eo distinguitur à reliquis habitibus, speculativus putâ, & ab arte, si τὸ πρακτικὸν opponatur ποιητικῷ, activum factivo; alioqui discrimen prudentiæ ab arte reliquis etiam verbis innuatur, quia ars non est τῷ ἀνθρώπῳ κακῶν, ut quidem est *Prudentia*. Cum dicitur esse, habitus cum rectâ ratione, à falsis & neutris habitibus discernitur. Objectum prudentiæ sunt bona ac mala, honesta inhonesta, utilia noxia, publica privata, nos ipsos aliosque communione quadam nobis iunctos spectantia; ut officium Prudenti sit, de omnibus, quæ ad omnem pertinent vitam, rectè consultare, rationari, deliberare, decernere, & bona à malis discernere, ac de omnibus in vitâ vel fugiendis vel sequendis consilia agitare. Sed de objecto prudentiæ plenius est agendum.

IV. Objectum prudentiæ est bonum & malum; (a) intellige objectum materiale: nam formale est verum, est enim prudentia habitus intellectualis, at hic pro objecto formali habet verum. Itaque sic vellem distinguere ob-

jectum prudentiæ; ut aliud sit materiale, quod est morale, agibile, bonum; aliud formale, quod est intellectuale, agibile, quatenus verum: atque hinc patet, quo sensu à nonnullis dicitur (a) *Prudentia virtus moralis, respectu scilicet objecti materialis*, agibilis boni, at vero est intellectualis, respectu, cum subiecti, intellectus sc. practici, cum objecti formalis, agibilis veri: unde intellectualis dicitur simpliciter, non moralis virtus. Verum autem illud, circa quod versatur Prudentia, non dicit conformitatem entis ad facultatem cognoscentem, sed congruentiam cum appetitu recto: non enim huius loci est veritas speculativa sed practica, quod vel inde manifestum est: quia objectum Prudentiæ, agibile, non est necessarium aut universale, cuius veritas est speculativa & conformitas cum intellectu, sed est contingens & singulare, cuius veritas est practica & conformitas cum appetitu recto: unde objectum, quod recto appetitu adequatur, est verum prudentiæ objectum, & simul bonum agibile.

(a) Objectum materiale dicitur, quod pluribus commune est: formale, quod uni proprium est. Bonum est objectum commune prudentiæ, virtuti intellectuali, & omnibus virtutibus moralibus: sed Verum est objectum proprium prudentiæ, nec ulli competit virtutum moralium; unde hoc prudentiæ objectum formale, illud materiale dicitur.

Objectum materiale vocatur, quod pluribus, seu Disciplinis, seu habitibus, est commune: Formale, quod singulis est proprium, V. C. Homo est subiectum materiale Theologiz, Medicinæ, Ethicæ, & Physicæ, quia de homine omnes istæ agunt Discipline, sed diverso modo, qui constituit in singulis objectum formale: agit enim de homine Theologia, quatenus beati potest, aut damnari; Medicina, quatenus sanitati restitui aut in ea conservari potest; Ethica, quatenus Virtutibus aut Vitiis affici potest; Physica, quatenus est Corpus Naturale. Sic & objectum materiale Prudentiæ est bonum vel malum, quia hoc etiam est objectum Virtutum Moralium, quæ pariter eirea utrumque versantur, circa bonum, præcipiendo & faciendo; circa malum, vetando & vitando: Objectum formale Prudentiæ est verum, quia non versatur eirea bonum Prudentia, illud, ut bonum faciendum, sed ut verum apprehendendo ac iudicando; eum enim sicut habitus intellectualis, non potest sub

alia Ratione formali tendere in obiectum, quam sub Ratione Veri; quamvis enim ab bonum & malum formale sese extendat Prudentia, illud dijudicando, utrumque tantem dijudicat sub Ratione Veri.

(b) Prudentia Virtus est propriè Intellectualis, quia in Intellectu tanquam subiecto residet, & ejus Actus sunt. Intellegere ac Judicare, Bonum & Malum: eadem tamen, interdum dicitur Virtus Moralis, quia & quatenus se extendit Intellegendo & judicando ad mores, in quantum intelligit & judicat Bonum esse faciendum, malum fugiendum, unde mores oriuntur honesti. Itaque est Prudentia Virtus Intellectualis subiective, & Moralis dici potest objective ac terminative.

V. Quomodo prudentia à scientia, intelligentia, & sapientia, distinguatur ex th. 8. disp. præced. & ipso Arist. 6. Eth. Nicom. & 5. Eud. facile intelligi potest: nos potius, quomodo ab arte distinguatur, explicabimus: 1. Opera prudentiæ propter seipsum expetuntur: sunt enim honesta: at opera artis propter aliud: juste, fortiter, temperanter, ac liberaliter agere, propter se sunt expetenda, & adificare domum, vestem consuere, &c. propter aliud expetuntur, ut, ut quis commodè habitare & corpus suum obtegere possit. 2. Dissimilis est ratio errorum, quæ in arte committuntur & quæ in prudentia: qui in arte peccat sponte sua, minus est reprehendendus; neque enim ille error imperitiæ argumentum est, neque semper malitiæ: qui in arte vero peccat invitus, in majorem incurrit reprehensionem, quia peccat ex artis imperitia: ita statuarius, si volens & sciens aberrat, censetur præstantior, quam si idem peccat invitus & ignorans. Contra res habet in prudentia: hic error spontaneus est gravior, quia malitiæ est indicium: at error invitus est levior, quia vel per inscitiam, vel per negligentiam, vel per animi quandam molliorem, obrepit.

VI. Quæri hic solet, an virtus Moralis possit esse sine prudentia, aut prudentia sine virtute morali? Resp. 1. Virtus moralis semper sibi habet conjunctionem prudentiam: & rationes sunt. 1. Quia prudentia causa est, sine qua virtus tanquam effectum esse non potest. 2. Quia prudentia est incitamentum ad virtutis studium. 3. Quia prudentia regula est & norma,

quæ media licita in debitos fines ducit. & 4. Quid multis est pus? virtus morali est habitus electivus; electio est mediorum ad finem: at hæc à prudentia proficiscitur, ideoque & definitionem morali virtutis ingreditur prudentia, tanquam id, quod à virtute morali abesse nequit: definitur enim virtus moralis, habitus electivus in mediocritate consistens, prout viri prudentis prudentia definiverit. Ergo virtus moralis necessario sibi comitem semper exigit prudentiam. 2. Prudentia semper secum requirit virtutem moralem, quia prudentia habitus est practicus agibilibus, versaturque circa bona & mala: & bona & mala, & agibilia, virtutis moralis obiectum sunt, quia circa bona versatur, ea operando, circa mala, ea vitando, virtus moralis.

VII. Prudentia non una est divisio: nam dividitur in partes, (a) vel integrales, (quia sunt quasi membra prudentiæ totidem actus) non quod ad ipsius prudentiæ quasi compositionem, sed quod ad actuum illius perfectionem requirantur, vel potentiales, quæ se habent ad virtutem, ut potentie ad animam, vel subiectivas (quia species subijciuntur generi) quæ sub prudentia tanquam species continentur: partes prudentiæ integrales, vel sunt ejus, in quantum est habitus simpliciter cognoscitivus, vel in quantum applicat cognitionem ad opus: priori respectu ejus partes enumerari solent quinque, posteriores tres, in universum octo: Memoria, quæ est cognitio præteritorum, intelligentia, quæ est notitia præsentium per controversionem intellectus ad sensibilia phantasmata (non enim hic habitus principiorum intelligitur) docilitas, cognitio hausta per alterius doctrinam; solertia, accepta per propriam inventionem; ratio, i. e. ratiocinatio, quæ hic significat unius ex alio illationem; prudentia, quæ est ordinatio idoneorum mediorum ad finem; circumspexio, quæ est accurata consideratio circumstantiarum; cautio, quæ est provisio adversus impedimenta: partes potentiales prudentiæ sunt, eubulia, quæ apta media ad agendum invenit; synesis, quæ de iis judicat secundum leges communes; gnome, quæ de difficilioribus & lege aliqua non determinatis, secundum altiora

altiora rationis principia, non ex legis severitate, sed ex æquitate iudicium fert: *Subiectivæ partes prudentiæ sunt varix: prudentia*, vel sibi, vel aliis consultat: illa *privata*, hæc *publica* est: illa *ἑωυτῷ* *ἡ* *ἑωυτῷ*, ad seipsum & unum, hæc *ἑωυτῷ* *ἡ* *ἑωυτῷ*, ad alios & plures, refertur: extat hæc divisio l. 6. *Eth. c. 8. ad Nicom.* Quæ refertur ad alios prudentia, est vel *æconomica* seu *domestica*, vel *politica* seu *civilis*. *Politica* seu *civilis* prudentia, vel est *universalis* seu *κοινὴ*, quæ leges condit, & omnem describit atque ordinat Remp. quæ pacem, quæ bellum, quæ sacra, quæ profana; vel est *particularis*, *περὶ τὰ κατ' ἑκάστην*, quam nomine generis vulgo *politikam* simpliciter vocant, vel etiam cum circumscriptione *politikam* proprie dictam, quæ Remp. secundum leges latas administrat. *Universalem* seu *κοινὴν* prudentiam *Aristoteles* vocat *Architectonicam*, 6. *Eth. c. 8.* sicut enim *Architecti* est ades mente designare, quid & quomodo in earum extruptione observari debeat, fabrorum autem est, sedulo exequi, quæ *Architectus* præscribit; sic is, qui Remp. ordinat, per prudentiam universalem & *κοινὴν*, jura condit tam publica quam privata, ad quorum normam deinde Remp. per prudentiam particularem & *politikam* gubernat. Dicitur autem hæc *particularis prudentia*, *politica* proprie dicta, & *κατ' ἑκάστην* *politica* simpliciter, quia et si majus quid sit, leges ferre, Remp. ordinare, quam eam administrare, administratio tamen maxime in sensus incurrit: actiones enim singulares, quibus administratur Remp. magis sub aspectu cadunt, quam consultationes universales de Rep. ordinanda aut legibus condendis. *Aristoteles* hanc particularem & proprie dictam *politikam* prudentiam, vocat *practicam*, quia in *πράξει* seu actione administrandi Remp. versatur, sicut universalis illa & *κοινὴ* *Prudentia*, in legibus condendis & Rep. ordinanda occupata, theoriæ instar sese habet. *Prudentia* particularis & *politica* proprie dicta est, vel *βουλευτική*, quæ, quid agendum sit, consultat, vel *δικαστική*, quæ, quod actum est, iudicat: Et, utraque, vel belli est, vel pacis: illa *militaris*, hæc *rogata*, vulgo dicitur. *Prudentia* *βουλευτική*,

Latinis *consulens*, ea vocat in deliberationem decernitque, quæ sunt ex usu Reip. *Prudentia* *δικαστική*, Latinis *iudicatrix*, iudicia prudenter exercet, & quo jure, quave injuria, quidlibet sit dictum aut factum, diligenter expedit: *ἐφαque* vel *ἀρετή*, seu *exquisita*, vel *ἐπιτηδεύει*, seu *æquitati* consentanea: illa secundum legis rigorem iudicat, hæc secundum æquitatem: ad utramque necessaria est, & præceptorum, quæ hanc prudentiam ad mediocritatem redigunt, noritia certa, & singularum casuum, quæ iudicandæ veniunt, cognitio exquisitissima.

(a) Quotiescunq; virtus omnis dividitur in trium generum partes, integrales, potentiales, subiectivas, istæ sic satis sumuntur improprie & abusive: nam partes integrales seu integrantes proprie conveniunt quantitati; omnis autem virtus est qualitas, non quantitas: sed quemadmodum ad quantitatis integritatem requiruntur omnia membra & partes rei quantæ, ita, ad integritatem cuiuscunque virtutis, certi requiruntur actus, ex quibus tamen ipsa virtus non componitur, est enim habitus simplex, sed qui requiruntur solummodo, ut virtus omnis sit quoad partes omnes integrales ac completas. Partes potentiales proprie dicuntur de potentiis animæ, hæc autem transferuntur per metaphoram, scilicet, quemadmodum potentia non sunt ipsa anima, sunt autem ætissimo vinculo connectæ cum anima, quia ab illa emanant ac fluunt, ita partes potentiales virtutis cuiuscunque dicuntur, quæ non quidem cum virtute conjunguntur, ut sine iis esse nequeat, quemadmodum anima non potest esse sine potentiis suis: partes subiectivæ dicuntur species cuiuscunque virtutis, quia omnis species subijcitur generi.

VIII. Prudentiæ opponitur *Imprudentia*, qua voce non intelligimus, generalem illam ignorantiam, quæ in omni reperitur vitio, non enim ullum est vitium, quod non careat ratione dirigente, ideoque quod non proficiscatur ex ignorantia atque imprudentia: *omnis enim peccans, est ignorans atque adeo imprudens*: sicut contra, *omnia boni est prudens*: impossibile est, eum, qui non sit bonus, esse prudentem, sunt verba *Arist. l. 6. Eth. c. 10. & l. 3. Eth. c.* omnis peccans est ignorans: sed vero intelligimus per *imprudentiam*, vitium quoddam peculiare & *defectivum*

rum, rectè vel perperam, secundum aut contra rationis dictamen. 2. Propter affectus, nec laudamur, nec vituperamur: nec enim laudatur aut vituperatur, qui simpliciter timet & irascitur, &c. sed qui certà id facit ratione, & modo vel moderati vel immoderati. At propter virtutes & vitia moralia laudamur aut vituperamur. Ergo. 3. Irascimur & metuimus atque perturbamur plerumque absque consultatione & delectu. At virtutes & vitia sunt semper *ex consensu* ex consultatione & delectu. Ergo. 4. Affectibus movemur, seu dicimur *κινεῖται*. At virtutibus & vitiis non movemur, sed afficimur, seu dicimur *ἀφαιεῖται*. Ergo. *Virtutes morales non esse divinis*, ibidem probat Philosophus, 1. A potentius nec boni dicimur nec mali simpliciter. At à virtutibus & vitiis, contra. 2. Ob potentias nec laudamur nec vituperamur. At ob virtutes & vitia, contra. 3. Potentia à natura insunt, tanquam à causà emanativa. At virtutes & vitia non item. Hinc sic concludit *cap. 5. cit. l. 2. Eth. Quod si nec affectus sint virtutes, nec potentia, relinquunt ut eas sint habitus*. Multa quidem hic obici possunt, sed quæ libenter pro materia opponentibus & conficturis relinquimus.

III. *Virtus moralis est habitus. Sed qualis? præelectivus, in mediocritate consistens, &c.* Quæ verba differentiam proponunt. *Præelectivus*, quia per actiones proæreticas, i. e. cum deliberatione institutas, acquiritur virtus, & acquisita actiones similiter *ἐκασπελόντες* seu ex deliberatione institutas edit. Hæc vox virtutes morales discernit à potentiis & actionibus naturalibus, à corporum habitibus, si sint, ab iis omnibus, quæ sunt temeraria, fortuita, coacta. Porro, virtus est habitus præelectivus, consistens in mediocritate, &c. *Forma, sc. metaphysica, virtutis est mediocritas*, ut alii loquuntur, *medietas*, *veletiam*, *medium*. Medium non est unius generis. Est *Medium participationis*, *comprehensionis*, *locationis*, *negationis*. *Medium participationis* est, quod particeps utriusque est extremi: sic tepor est medium participationis inter calorem & frigus: *Medium comprehensionis* est, quod medium est inter continens & contentum: sic 8. est medium

inter 4. & 12. quia & continet 4. & continetur à 12. *Medium locationis* est, quod medio loco est situm, unde & medium *situs* ac *positionis* dicitur: sic aer est medium inter cælum & terram: *Medium negationis*, quod neutrius extremorum, inter quæ interjacet, est particeps, sic Angelus est medium inter calorem & frigus. *Virtus moralis non est medium participationis* respectu extremorum; neque enim ex vitiis seu peccatis commiscetur aut contemperatur, ut ex frigore & calore tepor: *Non est medium comprehensionis*; nam nec defectum continet virtus, nec ab excessu continetur: *Non est medium locationis*, quippe non interponitur per intervalla æqualia locorum inter duo vitia, & propius sæpe ad unum extremum accedit quam ad alterum, ut Liberalitas propius accedit ad prodigalitatē quam ad avaritiam: Itaque est *Virtus medium negationis*; quando enim, neque nimium est, neque parum in affectibus actionibusque humanis, jam tum virtus est: Virtus itaque moralis, negat excessum, negat defectum, aufert id quod superest, addit id quod deest. Et hæc *mediocritas affectuum, & actionum*, est formaliter virtus seu forma, sc. Logica, i. e. ratio essentia, virtutis moralis. Dari vero *mediocritatem affectuum & actionum*, inde est manifestum, quia datur in iis excessus & defectus, plus & minus: ergo etiam datur medium: nam quod dividi potest in plus & minus, id etiam admittit æquale: At humanæ actiones & affectus possunt dividi in plus & minus; ut vel nimis exerceantur vel minus quam par est. Ergo.

IV. Dicitur in definitione, virtus moralis consistere in mediocritate, quæ est quo ad nos, id est, ad nos relata: quo significatur, qualis sit mediocritas, & quale medium, in quo consistat virtus: hoc ut intelligatur, distinguendum debet, ut solet, *medium*, in medium rei & rationis. (a) *Medium rei* est, quod æqualiter interjacet inter duo extrema absque ullo respectu ad excessum & defectus: *Medium rationis* est, quod respectu personarum & circumstantiarum à ratione determinatur, nec excedit modum, nec ab eo deficit: vocatur *medium respectu nostri*, *medium quo ad nos*, *medium ad nos relatum*.

Virtus, excepta iustitia commutante, consistit in medio, non rei, sed rationis, 1. quia non semper æqualiter recedit ab utroque extremo, sed aliquando propius ad defectum aut vitium in defectu, aliquando propius ad excessum aut vitium in excessu accedit. v. c. fortitudo propius ad audaciam, quæ est excessus, quam ad timorem, qui est defectus, accedit: contra temperantia propius accedit ad æmulationem, defectum, quam ad intemperantiam, excessum. 2. *Quia virtus debet esse ad nos relata, & nostræ actioni, & nostris personis esse accommodata.* Ergo etiam consistit in mediocritate quoad nos. Temperantia, v. c. est virtus quæ nimium & parum circa cibum moderatur: medium hic quoad personas diversas diversum est: nam quod Petro est nimium, id Paulo seu alteri homini voraciori erit medium: sic major exigitur liberalitas in Principe, quam in privato: quod privatus dat, idem si Princeps dederit, parum erit: & privatus liberalis dici poterit, Princeps non item. Itaque, bene dicitur virtus esse mediocritas ad nos relata, spectata quoad personas & alias circumstantias.

(a) Medium Rei est. V. C. in linea illud punctum quod æqualiter distat ab utroque puncto extremo, sitque unicum tantum; Medium Rationis est punctum quodlibet in medio lineæ situm, sed quod non distat æqualiter ab utroque extremo puncto: hoc punctum, quia non est unum sed multiplex, imo simplex, quodplex a Ratione assignari potest, inter duo extrema puncta non male dicitur Medium Rationis. Hæc applicari solent & debent Analogice ad Virtutes.

V. *Mediocritas in virtute debet esse definita ratione; sc. recta, ita ut norma, regula, amfissis, libella, & quasi decempeđa mediocritatis in virtute sit ratio, sc. recta, quæ sola demonstrat, quid medio sit situm loco, quid hereat in extremis, quid ad utrumque Virtutis latus desileat.* Rationem hic intelligimus rectam, id est, legem Dei naturalem, ac jus naturæ cordibus uniuscujusque inscriptum.

VI. Denique additur in definitione, *prout prudens definiverit.* Quo significavit Philosophus, rationem esse adhibendam viri prudentis

ad definiendam aut præferendam, mediocritatem in virtute: cuius enim maxima sese offert omnibus in rebus varietas, in quorum multitudine facile est ut alicujus ratio vacillet, Aristoteles hic delibet rationem viri prudentis, i. e. rationem prædicationis, tam, cujus judicio omnis varietas sita subiacienda est, & subigenda, ac d. judicanda. neque tamen viri prudentis in individuo, aut Socratis, aut suum, aut alicujus singularis hominis judicium, intelligi voluit Philosophus, sed, per judicium viri prudentis, intelligit judicium rectæ rationis in genere, sive in hoc aut quocunque tandem inveniatur: nam virorum prudentium in individuo, Platonis puta, aut Aristotelis, aut Ciceronis, aut Senecæ, judicium non temperatur, & possunt errare ac dissentire inter se. Itaque intelligitur per judicium viri prudentis, recta ratio, in quocunque tandem & quocunque extiterit tempore. Dicit quis, in hac definitione virtutis moralis committi insignem autologiam, quippe idem ter dicitur: quod sc. virtus sit sita in proæressi, & definita per rationem, & judicio viri prudentis. Proæressis, ratio, judicium prudentis, idem sunt. Resp. nullo modo idem dici ter. Data proæressi non statim datur recta ratio, cum & vitiorum sit proæressis: & data recta ratione, non statim datur judicium viri prudentis: nam datur ratio præcognitæ & nonlexæ, quæ non est prudentiæ: talis enim tantum est præcognitæ.

VII. Post explicatam virtutis moralis definitionem, antequam ad ejus accedamus divisionem, *Quodnam ejus sit subiectum & quæ causæ,* inquirendum est prius. De subiecto Virtutis moralis anceps est, & multum olim atque etiamnum agitata, questio. Dux vero sunt litigantium sententiæ: *Quidam in voluntate, alii in appetitu hominis sensitivo, eam locant: nisi placeat addere pro tertia litigantium partē Aquinatem, qui virtutem moralem quosdam in voluntate, & alias in appetitu sensitivo, constituit.* Nos in appetitu hominis sensitivo virtutem moralem tamquam in sede ac subiecto collocamus, quam sententiam late propugnat Piccolomineus in gradu 4. Philosophiæ moralis, c. 7. & aliquot sequentibus. Nos

has proferimus rationes. 1. Potentia, quæ sua natura repugnat rationi, eget habitu, quo subijcitur rationi. Sed appetitus sensitivus natura repugnat rationi. Ergo. Minorem demonstrat *Aristoteles* 1. *Esth.* c. 13. & ipsa comprobatur eam experientia. Major facile probatur: quamdiu aliqua potentia rationi non subest, non potest dici talis homo virtute præditus: ut quis ergo sit præditus virtute, oportet omnes potentias subijcere rationi. At nulla potentia magis repugnat rationi quam sensitivus appetitus. Ergo vel imprimis debet subijci rationi. At non subijcitur rationi nisi per virtutem, quæ obedire facit appetitum sensitivum. Ergo in appetitu sensitivo est virtus. 2. In eo est virtus, in quo sunt medium & extrema, quia virtus nihil est aliud quam medium inter extrema. Sed medium & extrema sunt in appetitu sensitivo: medium enim nihil est aliud quam mediocritas affectuum: & ipse affectus sunt extrema cum sunt inordinati. At affectus sunt in appetitu sensitivo. Ergo &c. 3. Quod nunquam repugnat rationi, seu rectæ seu erroneæ, id non est sedes virtutum aut earum subiectum, quia virtutis officium est reddere facultatem obedientem rationi. At voluntas nunquam repugnat ratio-

ni: nisi forte ratio repugnet sibi ipsi, quod sit quamdiu non sunt expensæ satis omnes circumstantiæ objecti & actionis &c. 4. Habitus sunt qualitates, quarum vi atque efficacia animi affectus bene sese habent vel male: male quidem, cum plus nimio intenduntur aut remittuntur: bene, cum ad mediocritatem rediguntur. Sed affectus illi in animo, qui nunc plus nimio intenduntur, nunc plus nimio remittuntur, nunc ad mediocritatem rediguntur, sunt in appetitu sensitivo. Ergo & habitus, quorum vi & efficacia sese affectus animi habent bene vel male, sunt in appetitu sensitivo: at habitus, quibus sese affectus animi habent bene, sunt virtutes. Ergo virtutes sunt in appetitu sensitivo. 5. Ubi sunt vitia, ibi quoque sunt virtutes. Sed vitia sunt in appetitu sensitivo; in irascibili puta & concupiscibili. Ergo & ibi sunt virtutes: Minor probatur, quia tum peccatur, cum quis nimium irascitur, nimium timet, nimium lætatur, nimium amat, &c. Major vera est, quia contraria versantur circa idem subiectum, non numero, sed genere ac specie. Atque hæc argumenta sententiam nostram probant: ad verba argumenta in conflictu solvemus. De causis virtutum agemus Disp. seq.

DISPUTATIONUM PRACTICARUM

DECIMA-SEPTIMA,

DE

VIRTUTIS MORALIS CAUSIS.

THESIS I.

Virtutis moralis definitionem, ejusque partes, genus & differentiam, atque subiectum, exposuit Disputatio præcedens; nunc in causas efficientes inquiremus, quibus ea acquiritur: atque, de iis primum videbimus, quæ non sint, mox quæ sint. secuti vestigia Magni *Aristotelis*.

II. §. 1. Cum *Arist.* 1. 2. *Esth.* c. 1. statui-
mus, Virtutes morales pro causa efficiente non habere naturam; seu quod eodem redit, Virtutes

non esse nobis instas à natura. Sensus est, Quod natura non sit ita causa virtutis, ut nobis virtutis moralis habitum implantet atque ingeneret, quemadmodum natura est causa potentiarum naturalium, quæ à natura tanquam à principio fluunt, ingenerantur, & cum natura simul existunt: hoc sensu nulla virtus moralis naturalis est. Barbari dicunt, non est naturalis (a) effeſſive, quia immediate à natura non efficitur, non (b) constitutive, quia naturam non

non constituit, hoc enim faciunt sola materia & forma, non (c) *consecutive*, quia nec constitutam proxime sequitur, ut propria 4. modo, nec (d) *propagative*, quia nec cum natura propagatur, quia prohi parentes gignunt saepe liberos improbos; est tamen *naturalis subjective*, quia in natura est, anima scilicet, aut in ejus aliqua potentia naturali, tanquam subiecto: sed nos *Arist.* sententiam ejus verbis propositam ejus quoque rationibus muniamus; 1. Naturalia non possunt mutari: nemo quippe potest asruere lapidem, ut feratur sursum, aut ignem, ut feratur deorsum. Virtus autem mutari potest: nam, & bonos in malos & malos in bonos mutari, videmus. 2. Quicquid à natura & est & inest tanquam à causa proxima, ejus potentie sunt in nobis priores quam actiones, si non tempore, saltem natura: patet id in sensibus aliisque facultatibus, à natura, tanquam à causa, promanantibus: prior quippe est potentia videndi quam ipsum videre. At contra sese res habet in virtute: ibi enim prior est actio quam ipsa virtus, scilicet actio, qua ipsa moralis virtus gignitur: nemo dicitur fortis aut justus, nisi qui ante fortitudinem aut iustitiam multis actionibus sibi acquisiverit, ut à causa proxima. 3. Si virtutes morales essent à natura, nullis esset opus legibus in Rep. nam cui bono conderentur leges, si virtutes, quæ legibus præscribuntur, unusquisque naturaliter possidet sibi infitas? 4. Quæ ab iisdem causis producuntur & corrumpuntur, ea non sunt à natura ut à causa: natura enim per diversas causas rem generat eandemque corrumpit, quod ex Physicis notum est: at virtutes eisdem causis generantur & corrumpuntur: puta, actionibus. Sed enim hæc quarta *Aristotelis* ratio multis non videtur solida: Nam eadem sunt causæ virtutum generantes & corrumpentes, in genere, scilicet, actiones; sed non in specie: nam actiones bonæ & moderatæ virtutem generant, at tales non corrumpunt virtutem, sed vero eam destruunt malæ & inordinatæ actiones.

(a) Potentia naturales sunt à natura effective & immediate, quia emanant à formis quæ sunt natura; Virtus Moralis non quidem emanat im-

mediate à natura, ab ea tamen efficienter median-
tibus actionibus Porro in Naturalium.

(b) Naturam constituunt quæ partes essentialis materia & forma: sed Virtus Moralis nec materia est, nec forma hominis. Ergo non est ipsa naturalis constitutiva.

(c) Proprietates quatuor modo dicuntur subiectis naturales consecutive, q. 12. quævis nec Materia nec Forma sunt subiecta, ut inq. comes Immediate consequuntur i. e. his positis ponuntur: sed Virtus Moralis non statim ponitur posito homine nam, postquam huius est in homo, multis demum Actionibus acquiritur.

(d) Illud dicitur propagative Naturale, quod Naturali generatione transmittitur in posteritas: ita pauperes Parentis gignunt pauperes liberos & Homo peccator gignit homines peccatores: unde peccatum originis vulgo dicitur peccatum Naturale, quia Naturali generatione ab Adam in omnes posteros fuit pertransmissum: non sic propagatur Virtus Moralis, neque enim Patet fortis aut temperans semper gignit Filium fortem aut temperantem, nam saepe Herculeum filii Noxæ.

III. Recensuimus rationes *Philosophi*, quibus probat, *Virtutes non esse à natura*, i. e. naturæ infitas aut innatas: (a) non sunt tamen *Phil. textu alleg.* (b) præter naturam, ut loquitur *Phil. textu alleg.* Etsi enim virtutes non fluant à natura, sunt tamen in nobis igniculi ac semina ac primordia virtutum naturaliter infita, ratione quorum non licet dicere, *virtutes esse præter naturam.* Quæ res, ut intelligatur, paulo pluribus explicari debet: Sunt quædam, ut *theoretica*, ita *practica* quoque ac *moralia principia*, v. c. Deum esse colendum, Parentes esse honorandos, unicuique suam esse tribuendum, Quod tibi non vis fieri, id alteri ne feceris, &c. Horum principiorum moralium naturalis quædam cognitio omnibus hominibus inest à natura, non quod statim homines, cum nascuntur, istorum principiorum veritatem apprehendant ac judicent, nam nihil, cum eduntur in lucem infantes, apprehendunt, multo minus judicant, sed quod, ubi ad rationis usum pervenerint, absque ullo ratiocinio iis assentiantur: ita singuli scimus, ex nobis ac naturali intellectus lumine, esse amplectendum virtutem, esse fugiendum vitium, &c. Atque ex hisce principii veluti ex seminibus: & fontibus subsuscitur virtus moralis, frequenti bonorum

bonorum actuum ex hisce principiis secundum rectam rationem deductione: quemadmodum enim in naturalibus gignitur scientia, deducendo conclusiones ex principiis theoreticis, ita & in moralibus gignitur virtus deducendo frequentes actus bonos ex principiis practicis: hæ notitiæ practicæ communium principiorum practicorum, omnium hominum cordibus insitæ, sunt veluti quædam radices, adumbrationes, inchoationes, fundamenta, propensiones naturales, & (qua tandem utemur voce) facilitates quædam ad ingenerandam virtutem: quo sensu posset dici virtus esse aliquo modo à naturâ tanquam à causâ remotâ, non tanquâ à proximâ: nempe, propter hanc cognitionem principiorum practicorum, hominibus omnibus & singulis innatâ, potest dici virtus moralis esse innata, aut insita in naturâ, tanquam in semine, in radice, in stirpe. Scholastici hoc sic efferunt suis terminis. *Virtus est à naturâ inchoativè, non à naturâ perfectivè*: sic enim est ab actibus, quod postea probabimus: Itaque, quando *Aristot.* ait. l. 6. Eth. Nicom. singulis hominibus inesse mores naturâ, & omnes homines hoc accepisse naturâ, ut quadatenus fortes, iusti, temperantes, &c. existant, intelligendus est Philosophus hoc sensu, ut voluerit, virtutum semina ac primordia inesse à naturâ, quia ista principia prima practica insunt à naturâ; quo sensu, non sunt præter naturam; Quod erat demonstrandum.

(a) Accurate debent discerni hæc quatuor, à natura, præter naturam, contra naturam, & supra naturam esse. Natura dicitur esse, id, quod naturam habet pro causâ proximâ, à qua fluit; sic omnes potentie naturales sunt à natura. & virtus nulla est à natura: præter naturam esse dicitur, id, quod naturam quidem subiecti non destruit, sed ad eam superaccedit aliunde ab alia causâ secunda, sic ut illa aut parum aut nihil adjumenti conferat; quemadmodum in Physicis, motus ignis elementaris, quo à motu cælorum circum agitur & versus terram, locum mixtionis, detruditur, est igni præter naturam, ad illum enim motum nil confert ignis; sic virtutes non sunt præter naturam, quia, cum virtutes acquiruntur actionibus, natura aliquid ad earum productionem confert, nimirum principia practica, & notiones communes boni & ma-

li insitas, ex quarum cultura per rationem rectam instituta virtutes nascuntur, hoc sensu dicuntur virtutes esse secundum naturam: contra naturam est id, quod naturam destruit, efficiat illa producat, ut productioni ipsâ repugnet: sic contra naturam aqua est, ut calefiat: contra naturam dicitur, id, quod superat ordinem, & vias rei creatæ ac causarum secundarum, & ad causas productionem ipsæ nihil conferunt: qualia sunt miracula, & quali modo producantur habitus infusi, ut fides, donum linguarum in Apostolis, &c. virtutes quoque nec contra naturam sunt hominis.

(b) Præter Naturam dicitur, quod naturam quidem non destruit (hoc etiam vocatur Contra Naturam) sed quod ad Naturam superaccedit: sic ut ipsa nihil adjumenti conferat: ergo Virtus utcumque non sit à Natura, tanquam à Causâ proxima, non tamen est præter Naturam quia Natura in Virtutis productione multum adjumenti confert, nec est contra Naturam, quia Naturam hominis non destruit.

IV. §. 2. *Virtutis moralis causa proxima efficiens non est Temperamentum.* Si ad experientiam provoces, & dicas, sanguineæ constitutionis homines plerumque esse hilares atque ingeniosos, melancholicos contra tristes ac morosos, biliosos vehementes & iracundos, &c. & nos experientiam in contrarium adducimus: ea enim nos docet, in hominis esse potestate, ut contra naturalem sui corporis inclinationem ac temporiem aliud sese inclinet, ut virtutem amplectatur eam, ad quam ejus temperamentum non ducit, ut vitium extinguat illud, ad quod ex temperamento propendit: quod confirmat exemplum Socratis, qui intemperans, libidinosus, & pessimi exempli homo extitisset, vi temperamenti, nisi illud per Philosophiam correxisset: unde inquebat, Natura quidem talem me genuit, sed eam Philosophiâ immutavi: potest tamen temperamentum dici causâ remotâ, adjuvans, ministra, ut natura: sed nos primam ac principalem quærimus.

V. §. 3. *Doctrina seu institutio non est causa principalis ac proxima Virtutis moralis.* Quod probare est facillimum. Videmus enim permultos, qui Ethicæ & virtutum præcepta optimè callent, nullas tamen, vel exercere, vel possidere, virtutes. & certè, non semper ad

institutionem atque instructionem factam sequuntur aut existunt Virtutes, sed nonnulli ea ipsa doctrina reddunt deteriores; non quidem doctrinæ sed sui ipsorum virio: fate-mur tamen doctrinam atque instructionem, etsi non sint causa principalis ac proxima Virtutis moralis, multum tamen ad eam conferre, tum producendam, tum conservandam, tum confirmandam. *Scholastici*, qui omnia amant efferre suis terminis, dicunt, Virtutem moralem esse à doctrina sive institutione, *excitativæ & provocativæ*, quia per eam excitatur & provocatur virtus.

Vl. §. 4. *Conversatio non est causa principalis ac proxima virtutis moralis*: quia etsi quis perpetuo conversetur inter optimos, ac quotidiana virtutum exempla ob oculos habeat, fieri potest nihilominus, ut ipse pessimus existat, nullaque virtute vitam suam exornet: multum tamen ad virtutem & procreandam & conservandam conversatio quoque contulerit.

VII. §. 5. *Educatio & adusfactio ad virtutem facta à parentibus, non est causa principalis & proxima efficiens Virtutis moralis*: nam fieri potest, ut quis educatus & diutissime adusfactus rebus bonis, consuetudinem bene agendi quidem contraxerit, sed contraxerit invitatus, coactus, ac repugnante natura: unde & facile bene agere dediscit ac relinquit; talis educatio atque assuefactio ad virtutem per vim & minas facta, repugnante naturæ genio, virtutem non gignit. Maxima tamen est hic educationis & adusfactionis efficacia; ut, si causa procreans non sit principalis ac proxima virtutis, præ omnibus tamen aliis causis minus principalibus proxime ad eam accedat.

VIII. §. 6. *Virtutis moralis causa efficiens proxima ac principalis est, Exercitatio spontanea atque libera, non invite suscepta. Per exercitationem, intelligimus cum Philosopho, actionum bonarum & honestarum frequens exercitium. Actiones itaque bonæ, i. e. juxta præscriptum rectæ rationis instituta, sunt sola causa procreans, principalis, propria, proxima, virtutis moralis*: præter Deum scilicet; cujus concursus hic, uti in omnibus, includimus. Actio-

nes hæc bonæ & honestæ, virtutis moralis cause procreantes, sunt actiones imperatæ: sed ab elicitis, recto rationi, judicio & bonæ actione, profectæ: Nam, ab intellectu recto, judicio & voluntatis honeste electione, omnis bonitas derivatur in actiones illas, quibus procreatur virtus ac conservatur. Per has actiones produci virtutem moralem variis rationibus probat *Arist.* *Eth. ad Nic. l. 2. c. 1.* quæ ibi videri possunt. Nos duas tantum proferemus. 1. est. Legislatoribus hoc tantum est propositum, ut cives suos reddant bonos. Sed non possunt eos reddere bonos, nisi actionibus bonis identidem & sæpius frequentatis. Ergo actiones bonæ, frequenter exercitæ, faciunt cives bonos. Ergo actiones bonæ generant virtutem: nam sine virtute nemo est bonus. 2. est. Virtus quibus corruptipitur. Sed corruptipitur actionibus improbis & malis. Ergo gignitur actionibus bonis & probis.

IX. Quæri hic solet, *An virtus moralis possit comparari unica actione?* Negamus posse, & probamus. Omnis habitus produceretur eatenus ab actu, quatenus passiva potentia ab aliquo principio activo movetur, nec tantum quatenus movetur, sed quatenus superatur atque subigitur. Sed in virtutem, quæ est habitus, generatione, activum principium est ratio, potentia passiva est appetitus. Atqui appetitus non potest unica actione superari ac subigi à ratione. Ergo non potest virtus generari atque introduci unica actione. Atque hæc ratio firma est: nam virtus consistit in eo, ut appetitus & affectus subjungatur rationi. At non possunt subjugari simul & semel, i. e. unico actu. Ergo, &c.

X. Nova hic exoritur questio. *An virtus, cum non possit comparari unico actu, ita comparatur pluribus, ut eque ex omnibus efficiatur, an vero generetur virtus ex unico aliquo actu atque illo ultimo?* Ad hanc questionem sic respondemus. Primus actus, &c, qui sequuntur primum omnes & singuli, aliquid conferunt ad virtutem procreandam, & aliquem produ-cunt gradum virtutis, ipsam tamen virtutem proprie producit ultimus actus: actus, qui ultimum præcedunt, aliquid conferunt ad virtutis

virtutis procreationem, quia disponunt animum, eumque præparant ad bene agendum, attamen habitum, aut virtutem ipsam non introducunt, quia non istam dant facilitatem, quæ ab habitu aut virtute est.

XI. Quæri etiam hic solet, *An actiones, virtutem antecedentes, specie differant ab actionibus, virtutem sequentibus.* (a) Nos negamus, & probamus. Quæ tantum differunt gradu, non differunt specie. At actiones virtutem antecedentes tantum differunt gradu ab actionibus virtutem consequentibus. Ergo non differunt specie. Prob. min. Actiones consequentes nihil plus habent, quam firmitatem, & constantiam, ac facilitatem in agendo, quæ firmitas, & constantia, & facilitas non reperitur in actionibus virtutem antecedentibus. At illa firmitas, constantia, & facilitas, tantum sunt gradus actionum & modi earum. (b) Ergo non differunt istæ actiones inter se specie. Quod erat demonstrandum.

(a) Causa & effectum differunt specie: actiones virtutem antecedentes sunt causæ virtutis, & eam consequentes sunt effecta virtutis: ergo

actiones virtutem antecedentes & consequentes differunt specie: si specie, ergo non gradu, quod dicitur responsio. Actiones virtutem antecedentes & consequentes spectari possunt vel in genere naturæ, vel in genere motis: si spectentur priori modo, habent se ut causa & effectum, & differunt tertia specie & non gradu: si considerentur secundo modo, differunt gradu non specie, quia in utrisque est conformitas cum recta ratione, in qua consistit bonitas; utriusque enim bonæ sunt; differunt tamen aliquo modo, quod scilicet bonitas & cum recta ratione conformitas actionum virtutem antecedentium sit infirmior, instabiliior, inconstantior; sed actionum virtutem consequentium sit firmior, stabiliior, constantior, quia hæc sunt productæ à potentiis suis quæ nunc sunt affectæ habitibus virtutum moralium. Illi non item: sed omnis habitus existens in potentiis earum, actiones reddit firmas, stabiles, constantes, faciles, ideoque actionum posteriorum bonitas perfectior est, quam priorum. (b) Actiones Virtutem antecedentes, & illam consequentes, si spectentur in genere Naturæ, possunt differre specie; at si spectentur in genere motis, i. e. prout sunt congruæ rectæ Rationi, & bonæ moraliter, non differunt specie, sed tantum gradu, quemadmodum remissus & intensus non specie, verum solo gradu, differunt.

DISPUTATIONUM PRACTICARUM

DECIMA-OCTAVA,

DE

VIRTUTIS MORALIS INCREMENTO, DECREMENTO, OPPOSITO.

THESIS I.

Causas efficientes Virtutis Moralis exposuit Disputatio præcedens, hæc, ejus jam per causas efficientes productæ incrementum seu conservationem, & decrementum seu corruptionem, & oppositum, vitium putâ, enucleabimus.

II. Incrementum proprie ac decrementum, quo res vel crescunt vel decrescunt, cadunt in quantitatem: est enim quantitatis, crescere ac decrescere: sunt tamen ista vocabula incrementi ac decrementi translata ad res non quantas, quibus incrementum adscribitur,

cum augentur aut intenduntur, decrementum, cum minuuntur ac remittuntur. Ita calori, ita frigori, ita qualitati in genere adscribitur incrementum & decrementum, cum iis gradibus quidam adduntur vel ab iis auferuntur. Et hoc sensu quæritur, *An in Virtutem Moralem cadat incrementum & decrementum?* seu, *an Virtus Moralis augeri possit ac minui, non extensive, per partes, ut quantitas, sed intensive, per gradus, ut qualitas: i. e. an possit intendi, & remitti, seu recipere magis & minus?* Ut ad quæstionem hanc respondeamus, notandum

notandum est, *Virtutis nomen dupliciter capi posse*. 1. ut virtus dicatur, quæ perfectissima est & omnibus numeris absoluta, quo sensu, virtus augeri non potest: sic enim significat ultimum terminum excellentiæ: quemadmodum enim, quod calidissimum est aut frigidissimum, calidius illud reddi nequit aut frigidius, quia ad summum istius qualitatis terminum pervenit, sic virtus, quæ ad extremum evecta est gradum, augeri amplius nequit: verum enimvero talis ac tam perfecta virtus, in hoc vitæ humanæ curriculo, propter humani generis corruptionem, non datur. Itaque 2. designat virtutis nomen omnem habitum morale bonum ac laudatum, quo quisque recte ac laudabiliter agit; qui habitus suam habet amplitudinem & quasi partes, in quas dividi potest; quos gradus vocant: eorum graduum respectu, & accrescit virtus & decrescit: atque hoc ipsa nos docet experientia. Quis enim est mortalium, qui non sentiat, se quotidie, in virtutibus hisce aut illis, incrementum capere aut decrementum? verum, quibus modis & quæ ratione *Virtus moralis augetur ac diminuitur*, satis est difficile explicatu: nos primum, quomodo augetur, mox, quomodo diminuitur & corrumpatur, sine ambagibus, explicatum dabimus.

III. *Augetur virtus*, quando pars & gradus virtutis, partibus & gradibus prioribus additur: neque enim fieri potest, ut aliquis v. c. reddatur iustus nisi aliqua iustitiæ pars & gradus ad priorem accedat, & cum eadem iustitia jam accepta conjungatur: & sic de omni virtute dicendum est: quem gradus aut partis accessum, vocant vulgo intensiorem, sicuti recessum alicujus partis aut gradus in virtute, vocant remissionem, quæ intensio & remissio non tantum de virtutibus sed & de qualitatibus in genere intelligitur, cum *Aristoteles* dicit, Qualitas recipit magis & minus. i. e. Qualitas, si non omnis, saltem quædam, ut virtus & habitus, accessione partis ad partem & gradus ad gradum perficitur atque augetur. Isti gradus, istæ partes, quarum accessu virtus augetur, sunt actiones bonæ ejusdemque generis cum iis actionibus, quibus erat acquiescens virtus: actiones enim bonæ ut sunt

causæ procreantes ita & conservantes virtutem.

IV. *Quæri hic solet, An quilibet actus bonæ virtutis augetur?* Resp. actiones virtutis esse vel intensiores vel remissiores quam est ipsa virtus. Quia actio intensior virtutem auget, nihil est dubium. An qualibet actione bona, etiam remissa, ac maxime remissa virtus augetur, dubitari solet. Multi negant, ac non affirmamus. Nam sicut actus, licet remissiores, non nihil tamen conferunt ad virtutis productionem, quidni iidem, licet remissiores, aliquid conferant ad ejus incrementum?

V. Nunc, quibus modis ac quæ ratione virtus decrescat, minuat, ac tandem corrumpatur, dispiciendum est. *Arist. 1.2. Eth. c. 2.* differte dicit, Virtutem corrumpi ab exuberantia & defectu, i. e. ab actibus à mediocritate recedentibus, virtutisque contrariis. Quod de corruptione virtutum est dictum ab *Aristotele*, idem de imminutione eorum est dicendum: quæ enim virtutem corrumpunt, eandem quoque imminuunt.

VI. *Quæri hic solet, Quomodo ista, siue corruptio, siue imminutio virtutis, per actus contrarios fiat?* an habitus virtutis per se corrumpatur aut minuat actibus contrariis simpliciter, an vero actus illi contrarii, antequam virtutem vel corrumpant vel imminuant, prius debeant aliquem habitum vitii, ipsi virtutis habitui contrarium, producere, ut sic habitus virtutis ab habitu vitii immediate ac per se vel corrumpatur vel imminuatur? Ad eam quæstionem dicimus, quemlibet actum virtuti contrarium per se ac simpliciter corrumpere vel imminuere virtutis habitum: Si enim quilibet actus virtuti consequaneus virtutem auget, sicuti auget, quidni quilibet etiam actus virtuti contrarius eam corrumpat atque imminuat, ex parte scilicet? dicimus differtis verbis, ex parte. Nam totius virtutis habitus corrumpi & deleri omnino non potest, nisi ab habitu vitii contrario, qui eum formaliter ac totaliter expungat atque eradat ex animo possidentis singulari: (a) habitus enim oppositi simul in eodem subiecto esse nequeunt.

(a) Habitus bonus Virtutis simul esse potest in eodem

dem Animo cum malo actu Vitii, & habitus malus Vitii potest quoque esse simul in eodem Animo, atque etiam eodem tempore, cum actu bono Virtutis: at nunquam possunt simul esse in eodem Animo hominis, eodem tempore, duo actus vel duo habitus contrarii, alter bonus, alter malus.

Nulla opposita possunt simul esse in eodem subiecto singulari, secundum idem, ad idem, eodem modo & eodem tempore, ergo nec habitus oppositi, sive intellectuales, sive morales; sic non potest idem animus esse præditus simul & liberalitate & avaritia: sed nec possunt duo actus oppositi simul esse in eodem subiecto, aut simul ab eo produci; sic cum quis actum producit intemperantiz, non potest simul eodem tempore producere actum temperantiz: sed possunt simul esse eodem tempore, in eodem subiecto, habitus bonus, & actus oppositus malus; sic in eodem animo potest esse & habitus ac virtus iustitiz, & simul eodemque tempore actus iniustus, quo aliquis alteri suum non tribuat.

VII. Nova hic exoritur questio: *An sola cessatio actuum possit virtutis habitum vel corrumpere vel imminuere?* Resp. Cessatio quidem ipsa per se nec corrumpet nec imminuet habitum, per accidens tamen hoc faciet: quia nihil agendo male agere discimus, per se & proprie corrumpitur virtus atque imminuitur ab actibus contrariis: cessatio tamen actuum virtutis, per accidens dici potest causa corruptæ atque imminutæ virtutis. Nempe, cessantibus virtutis actionibus, exoriuntur facile perturbationes: perturbationes ab habitu aut virtute jam cessante non coercitæ facile animum propellunt ad actiones virtuti contrarias exercendas: quippe docet experientia, eos, qui cessant à virtutis exercitio & actibus, facillime ac facillime refractariis agitari, perturbari, atque abripi affectibus, qui, quando non coercentur, virtutis acquiritis habitum multum imminuunt, imo, si diu multumque grassentur impune, tandem eum perfundant, corrumpunt, plane ac plene ex animo excutunt: & sic cessatio ab actibus virtutis, causa est corruptæ vel imminutæ virtutis per affectuum in ipsam rationem exurgentium impetum.

VIII. (a) *Oppositum virtutis*, ut de tertio hujus Disp. capite nonnihil philosophemur,

est vitium. Vitium intelligimus morale, quod morali opponitur virtuti: nam vitium naturale, quod naturali opponitur perfectioni, quale est cæcitas, surditas, &c. hujus non est loci. *Vitium autem morale, vel pro (b) habitu vitioso sumi potest, vel pro actu vitioso: sensu priori hic à nobis sumitur*, quia ut virtus est habitus laudabilis, ita vitium est habitus illaudabilis. Describi potest *vitium morale, habitus, qui malum facit habentem & ejus opus reddit malum*; vel etiam, *habitus electivus recedens à mediocritate virtutis & inclinans potentiam ad actus vel se rationi dissentaneos. Quia vero idem est subiectum contrariorum*, quod fuit subiectum virtutis, appetitus sc. sensitivus, idem est subiectum vitiorum, ob rationes, Disp. 16. allatas: Contraria enim versantur circa idem subiectum, sc. genere vel specie, non numero: sunt autem virtus & vitium contraria ac pugnant tribus potissimum modis, principio, medio, fine: principio, nam virtus à prudentia est & recta ratione, vitium ab imprudentia & ratione prava: medio; nam virtus est mediocritas, vitium recessus à mediocritate: fine, nam virtus ad honestum & summum bonum ducit, vitium ad turpe, & malum, & calamitosum.

(a) *Quæritur, qualis species oppositionis intercedat inter virtutem & vitium?* Resp. si virtus & vitium sumantur vel pro habitu, vel pro actu laudabili vel illaudabili, opponuntur contrarie, quia sub eodem genere, puta vel habitu, vel actu, plurimum distant, quo sensu bonum quoque & malum multis philosophorum opponuntur contrarie: sed si virtus & vitium sumantur in abstracto, pro bonitate vel malitia, habitus vel actus boni aut mali opponuntur privative: hic autem sumuntur priori modo.

(b) *Habitus Vitiosus est, vel innatus, ut Peccatum Originale, vel acquisitus, ut Vicia Moralia in Ethicis explicari solita: quemadmodum & habitus bonus, alius est concretus, qualis fuit Sapientia & Iustitia Originalis in Adamo, alius acquisitus, ut sunt Virtutes Morales in Ethicis explicari solite.*

IX. *Vitium vel excessus est vel defectus: qui excessus vel defectus dicitur talis, ratione mediocritatis; in qua virtutis formam consistere Disp. 16, est demonstratum. Ut vero medium Virtutis positum ibi fuit & expositum, esse,*

non rei, sed rationis, ita etiam excessus & defectus hic à tali medio, non rei, sed rationis, intelligi debent. Excessus autem & defectus à virtute (a) duo semper vitia constituunt distincta, opposita uni virtuti, præterquam in iustitiâ commutante, cui unum tantum opponitur vitium, in quo tamen excessus simul est & defectus, diverso respectu: Nam iniustus aut plus boni sibi sumit ac minus boni relinquit alteri, aut minus mali sibi sumit ac plus mali relinquit alteri, & utrumque facit unâ & eadem actione: at in aliis omnibus virtutibus, excessus & defectus distincta ac duo gignunt vitia.

(a) Queritur, qua specie oppositionis duo vitia opponantur uni virtuti: non disparate, quia virtus duobus vitiis non opponitur eodem modo, nam vitiorum alterum à virtutis medio deficit, alterum virtutis medium excedit; nec relative, quia virtus non refertur ad vitia, ut relativè & correlativum; nec contrarie, quia in contrariis unum uni opponitur, hic autem una virtus opponitur duobus vitiis; non privative, quia vitium hic sumitur non abstractè pro absentia bonitatis debite inesse, sed in concreto pro habitu vitioso; nec contradictorie, quia sic opponuntur virtus & non virtus, vitium & non vitium; Resp. virtutem opponi duobus vitiis contrarie, sed in quantum ista duo vitia sumuntur in genere & communiter pro recessu à medio virtutis, & sic opponitur unum uni, quod requiritur in contrariis, sc. uti omnis virtus in medio est sita, ita omnis recessus ab isto medio est vitium, & hæc duo opponuntur contrarie: sed uti una virtus tanquam genus potest dividi in species, v. c. temperantia in frugalitatem & castitatem, ita & recessus à medio. Vitium dividi potest in excessum & defectum, aut vitium in defectu & excessu, tanquam genus in species, nam utrobique receditur à medio virtutis, sive quis excedat illud, ut qui nimium comedit ac bibit, sive qui ab illo deficit, ut qui non satis comedit et bibit.

X. *Sunt Ethici, qui vitium virtuti, non tantum per excessum, nec solum per defectum, sed & tercio modo, per alienationem, ut loquuntur, opponi volunt:* hanc suam sententiam sic explicant & probant. Vitia per excessum & defectum versantur circa eandem materiam cum virtute, cum qua pugnant, differuntque ab ea tantum in eo, quod virtus ob-

jectum debitam, at vitium in excessu prosequatur idem objectum secundum quantitatem, vitium in defectu prosequatur idem objectum secundum non quantitatem, sed qualitatem. Sic prodigus nimium dat pecunie, avarus non dat satis pecunie, liberalis dat quantum est iuri pervenire. At vero vitium per alienationem eam virtutem pugnat in materia prorsus aliena, ut vitium per alienationem est dictum; sc. v. idololatra peccat contra pietatem aut religionem, non quod excedat aut deficiat à media pietatis & religionis, sed quod cultum Deo debitum ab illo objecto alienet, & transferat in statuam aut aliud quid, quod non est Deus: sic odium Dei pugnat contra charitatem per alienationem, quia qui Deum odit transfert actum odii in rem alienam, in objectum aliud. Deus enim non est objectum idoneum odii, quia non est malus.

XI. Verum enimvero, *hæc vitia per alienationem nihil est opus, cum facile reduci possint ad vitium in excessu aut defectu: quod ut manifestum fiat, explicandum venit, Quando & quomodo contra virtutem peccetur per excessum vel per defectum?* res sic se habet. Toties peccatur contra virtutem aliquam in excessu, quoties in materiale actus, quod ad talem pertinet virtutem, extenditur extra medium: citatem illius virtutis, quocunque tandem modo id fiat, sive virtutis illius materia circa quam seu objectum mutetur secundum quantitatem, sive secundum substantiam, ut loquuntur Scholastici. Sic, v. c. non solum intemperans est, i. e. peccans contra temperantiam in excessu, qui plus cibi comedit quam debet, sed & qui comedit id, quod ad nutritionem non est utile nec destinatum, sicuti Cleopatra fecit, cum pretiosos illos uniones, aceto dilutos, deglutivit. Primus quidem per excessum peccat contra Temperantiam, quod manifestum est ex eo, quia in materiale actus ad temperantiam pertinentis, actum puta comedendi, extendit extra objectum huius virtutis, non quidem secundum substantiam, materiam eius circa quam aut objectum immutando, sed tamen mutando id secundum quantitatem, quia non quidem aliud quam cibum sumit, sed nimium cibi assumit ac plus quam debet

debet. Cleopatra vero peccavit contra Temperantiam per excessum, quia comestionem, materiale actus ad Temperantiam pertinentis, extendit extra objectum hujus virtutis, mutando ejus materiam circa quam seu objectum secundum substantiam: Et hoc modo idololatra per excessum peccat, cultum supremum extendendo extra pietatis aut religionis objectum, illud secundum substantiam mutando, dum cultum transfert in illud, quod non est Deus. Peccatur contra virtutem aliquam per defectum, quoties virtutis illius actus, non solum omittitur, sed &, cum ejus oppositus actus tam materialiter quam formaliter exercetur: ideo v. c. timiditas pugnat cum fortitudine per defectum, & avaritia cum liberalitate per defectum, quia timidus, cum adest occasio fortiter agendi, non solum omittit fortitudinis actum, sc. velle efficaciter aggredi periculum praesens, sed actum etiam oppositum elicit, qui est, nolle aggredi tale periculum: pariter avarus non modo non vult dare, cum debet, sed vult insuper non dare, quod debet: Et tali modo, qui Deum

odit, peccat contra charitatem per defectum, non tantum, quia deficit Deum amare, sed quia & in quantum elicit actum, plane charitati oppositum, (a) odium scilicet. Atque hinc liquet, vitium per alienationem, ad vitium vel in excessu vel in defectu referri posse, quod erat demonstrandum.

(a) Odium non tantum est negatio Amoris, seu Volitionis, quā aliquis Alicui bene vult, sed & est positio Actus Contrarii, seu Volitionis, quā non tantum Alteri non vult bene, sed vult & ipsi male: potest Aliquis Alicui nec bene velle, nec male, i. e. nec amare, nec odisse: sed qui Aliquem odit, is quidem ipsum non amat, nec ei vult bene, sed insuper ei vult male.

ANNEXA.

1. *Extrema, vitia, vehementius & magis inter se, quam cum medio, virtute, pugnant.*

2. *Extrema, vitia, medio, virtuti, opponuntur inaequaliter: unum enim extremorum propius saepe ad medium accedit, alterum longius ab eo recedit.*

DISPUTATIONUM PRACTICARUM

DECIMA-NONA,

DE

VIRTUTIS MORALIS DIVISIONE, ET FORTITUDINIS DEFINITIONE.

THESIS I.

DE *natura Virtutis moralis, de ejus forma, subiecto, causis procreantibus, conservantibus, corrumpentibus, actum fuit disputationibus ante habitis, nunc tandem ad ejus divisionem & species transeundum est. Atque hic primo Quæri potest. An virtutes morales inter se sint specie distinctæ? an Virtus moralis, ut genus, dividi possit in species? Fuerunt olim, suntque etiamnum, qui existimant unam tantum atque unicam esse virtutem, quæ diversis tantum appelletur nominibus; quæ dum temperat metui atque auda-*

ciz, fortitudo, dum moderatur voluptatibus tactus ac gustus, temperantia; dum largitur cuique suum, justitia; dum pecunias erogat debite, liberalitas dicatur, & sic porro. Estque hæc sententia non valdè improbabilis. Placet tamen receptam tueri opinionem, quæ asserit, virtutem ut genus in species distinctas dividi. 1. Quia à se invicem sunt separabiles ac de facto separantur, quod est signum realis & specificæ differentię: invenias enim fortes, qui non sunt temperantes; & hos, qui non sunt liberales; & hos, qui non sunt ju-
sti. &c.

Exspectanda: τὰ φοβερὰ tamen *primarium*, τὰ
 δευτερεύοντα *secundarium* sunt fortitudinis ob-
 jectum: atque hoc expressis verbis innuit *Aristoteles*, l. 3. *Eth.* c. 9. statim in principio. Πισ-
 ται γὰρ ὅτι φοβερὰ ἡ ἀνδρεία ἐστὶ, καὶ ὁ φόβος τοῦ
 αἰσχροῦ καὶ τοῦ κακοῦ, καὶ τὸ μέγιστον τοῦτο τὸ φοβερὸν. Et probat
 hoc *Philosophus* ibidem duabus rationibus.

1. Fortior habetur is, qui in rebus formidolos-
 is & periculi plenis, nulli perturbacioni suc-
 cumbit, quàm qui perturbacione vacat in iis,
 quæ animum fiducia firmant, Ergo fortitudo
 magis versatur circa metum quam circa auda-
 ciam. 2. Virtus maximè veritatur in rebus ar-
 duis & difficilioribus: sed magis arduum &
 longè difficilior est, gravia pericula ferre,
 nulloque terrore rerum horrendarum frangi,
 quàm confidere in rebus, quæ fiduciam asse-
 runt aut audaciam gignunt: quippe τὰ φοβε-
 ρὰ, quæ metum adferunt, mala sunt, τὰ δὲ
 θαλὰ, quæ audaciam gignunt, bona sunt.
 Ἀτ' ἀλλὰ πῶς ἴσται τὸ λυπηρὸν καὶ οὐκ ἡ-
 δυνώμενον, difficultus est res molestas perse-
 vere quam à jucundis abstinere, ut loquitur ibid.

Arist.
 (a) Omni virtuti, sicuti hic fortitudini, competit
 objectum duplex, internum & externum: inter-
 num, est affectus aliquis, vel unus vel plures: ex-
 ternum, sunt omnia ista quæ affectum istum, vel
 affectus, cient.

(b) Dubium hic oritur, quomodo metus & auda-
 cia sint objectum fortitudinis internum, cum
 vocabula ista significant extrema seu vitia for-
 titudini opposita, quod liquet ex thesi 3. disp. 20.
 Resp. metus & audacia dupliciter spectantur,
 vel ut affectus simpliciter, absque circumstantiis
 moralibus, prout sese habent indifferenter ad
 bonum & malum, & rectè rationi à virtute sub-
 jici debent, atque sic sunt objectum fortitudi-
 nis: sed si spectentur cum circumstantiis mora-
 libus, vel excedentibus, vel deficientibus, sunt
 vitia & extrema fortitudinis oppposita: si consi-
 derentur cum circumstantiis, nec excedentibus
 nec deficientibus, sunt ipsa virtus, fortitudo aut
 forma ejus.

V. Cum τὰ φοβερὰ, mala pronunciamus,
 queritur, an quævis mala, tum animi, tum
 corporis, tum fortunæ, tum turpia, tum triftia,
 tum noxia, intelligantur idem quæri potest, de
 τῷ δὲ θαλῷ, an quævis bona intelligantur,
 animi, corporis, fortunæ, honesta, jucunda,

utilia? Quod ut intelligatur, distinctè proce-
 demus, &c., quænam mala fortitudinis objectum
 dici debeant, dispiciemus: omnia quidem
 mala, qualiacunque tandem, metum incu-
 tere valent, non tamen omnia sunt fortitudi-
 nis objectum. Quod de malis dicemus, ex
 opposito de bonis intelligi debet: adferemus
 ergo aliquot divisiones mali, &c., circa quæ ver-
 setur fortitudo, circa quæ non item, decide-
 mus. Τὰ φοβερὰ, quæ metum incutunt,
 mala, vel sunt cum turpitudine conjuncta,
 vel non. Mala turpia sunt peccata: hæc ab
 omnibus metui debent: nec satis metui pos-
 sunt, quia sunt inhonesta, quæ metuere, est
 honestum: & qui ea metuit, vir probus, qui
 non metuit, improbus est. Circa hæc mala non
 versatur fortitudo: quis enim fortem dixerit
 eum, qui peccare non metuit, ac non potius
 scelestum? Mala non turpia sed triftia, quæ-
 dam sunt κατὰ ἀνθρώπους, quædam κατὰ
 θεοὺς: Supra hominem sunt, quæ atrociora &
 majora sunt, quam ut à naturâ humanâ, ab
 homine contemni possint aut superari; ideo-
 que metuuntur: ut sunt, terremotus, inunda-
 tiones, tonitrua, fulmina, &c. quæ omnes ἄν-
 ῳθρωποι jure merito percellunt. Circa hæc mala
 non versatur fortitudo, neque horum metum
 coërcet. Secundum hominem mala triftia sunt,
 vel graviora ac majora, vel leviora ac minora:
 hæc divisio congruit cum iis, quæ ab *Arist.* l.
Eth. 3. c. 6. differuntur. Leviora ac minora sunt,
 paupertas, contumelia, morbi, &c. Majora ac
 graviora sunt, animi cruciatus, exilium,
 mors. In hisce omnibus moderatè metuendis
 fortitudo cernitur: sed potissimum ea conspici-
 tur circa mortem; atque inter vicia mortis ge-
 nera, omnium maximè circa mortem bellicam,
 quæ pulcherrima est, quam vir fortis delibe-
 rato animo subit pro aris ac focis. Circa mor-
 tem ex morbo aut naufragio, non ita occupa-
 tur Fortitudo, atque circa mortem bellicam.
 Est quidem vir fortis in naufragio & morbis
 aliisque periculis generibus imperterri-
 tus, sed ignavum hoc mortis genus animo
 fert iniquiore, malletque generosiori morte
 succumbere, ex qua plus boni ad patriam ac
 Rempublicam redire posset.

VI. Nunc expósito fortitudinis Objecto, vi-
 dendum

dendum est, *quomodo* circa id se debeat gerere vir fortis, & quænam sint ejus officia. Viri fortis officium duplex est *Aristoteli*, *passivum* & *activum*, *metuere* & *confidere*, scilicet, uti oportet, & secundum omnes circumstantias morales: neque enim omnis metus expers est vir fortis, neque instar trunci, aut bruti, aut hominis furiosi, cujus sese objicit periculo, sed ut homo est, ita aliquid humani patitur; atque extimescit, sed timore moderato, uti recta ratio & quantum honestas suadet. Verum paulò enucleatius Viri fortis officia proponamus: ea 4. ferè reperiuntur posita *c. 7. Eth. l. 3.* & *passim in textu Aristotelico*: quintum, ceu confectarium ex illis elicitur *Keckermannus*, in *Eth. l. 2. c. 4.*

VII. *Primum Viri fortis officium* est, non quælibet pericula promiscue & indifferenter adire, sed verò ea, quæ sunt honesta, laudabilia, & utilia; quibus laudem reportare, patriæ ac Reip. prodesse, valeat. *Secundum est*, esse impavidum atque imperterritum, non tamen ad modum trunci aut stipitis, sine sensu aut ratione, sed cum ratione, uti hominem decet: si *ἀνιδνῆτο*, insensibilis, foret vir fortis, sine ullo doloris sensu, nullam fortitudinis laudem promeretur, quam nunc aufert, si dolores & mala sentiendo non minus metuat: molesta sunt ipsi vulnera, molesta mors, sed non nimis molesta. *Tertium Viri fortis officium* est, non temere, nec desultoriè in quævis pericula, etiam honesta, etiam utilia, etiam laudabilia, sese ingerere, sed prudens in eo exigitur ac præmeditata periculis in omnibus animi magnitudo. *Quartum viri fortis officium* est, omnia facere honestatis ergo, non lucri, non vindictæ, non alterius rei

causa: ideoque milites mercenarios, qui solius stipendii grati militant, fortes non habemus, uti nec illos, qui, ut vindictæ satisfaciant suæ, ad arma prohibent, quales sunt hodie qui duella privata & monomachias ineunt. *Quintum viri fortis officium* est; honestis mediis honestoque modo omnia agere. (a) Inter honesta media censemus etià Stratagemata, quæ à dolosis & malitiosis fraudibus differimus: illis viro forti uti licet, hisce non item.

(a) Stratagemata vel sunt cum mendacio conjuncta, vel non sunt: illa sunt illicita & inhonestas; hæc sunt licita & honesta, & talia sunt stratagemata, quorum in factis fit mentio: nam licet in stratagematibus aliud intelligatur à proximo, quam quod significant signa externa à nobis edita, atque sic proximus decipiatur, culpa tamen deceptionis non est in nobis, sed in proximo, neque enim nos possumus prævenire quod proximus aliud intelligat, quam nos significamus per signa externa.

VIII. Quæri hic solet, pro coronide, *utrum fortitudo magis eluceat in malo & periculis repentinis quam prævisis?* Resp. cum *Aristot.* in repentinis, quia in iis magis est ab habitu virtutis animi in viro fortis præsentia atque constantia, quam si pericula & mala diu sint prævisa: profectò, quæ subito ingruunt, & nec caveri, nec depelli, facile possunt, insignem requirunt fortitudinem: non sic, quæ diu fuerunt expectata: contra ea enim se munire, animumque suum præparare valet vir fortis, præterea mala, non prævisa, non præmeditata, sed subita, sed repentina, eo ipso sunt graviora & difficiliora, quam alia, diu præscita: at circa graviora & difficiliora verbiatur fortitudo. Ergo. Cætera de fortitudine *Disputatio sequens* exequetur.

DISPUTATIONUM PRACTICARUM

VIGESIMA,

DE

FORTITUDINIS DIVISIONE, EXTREMIS, ET QUESTIONIBUS QUIBUSDAM.

THESIS I.

Quemadmodum Logici syllogismus dividitur in verum & fallacem, qui speciem ementitur veri: quemadmodum Metaphysici bonum dividitur in verum & apparens,

rens, quorum hoc apparet esse id, quod non est: ita Ethicis Fortitudo dividitur in veram & spuriam, quæ veræ fortitudinis speciem ementitur, & apparet esse id, quod non est. Neque hæc tam rei quam vocis potius est divisio. Ea tamen utilis est ad veræ fortitudinis naturam intelligendam. Quemadmodum enim gemmas fictitias, & medicamenta falsa, & omnia, quæ aliquam speciem ementiuntur, nosse conducit, ita multum facit ad veræ fortitudinis notitiam, fortitudinis adulterine cognitio.

II. *Spuria*, fucatz, atque adulterinæ fortitudinis species 5. ponit *Aristoteles*, l. 3. *Eth.* c. 8. prima est *πολιτικὴ*, altera *Δις τῆς ἐμπειρίας*, tertia *Δις τῆς ἐξουσίας*, quarta *Δις τῆς ἰλιπιδίας*, quinta *Δις τῆς ἀγνοίας*. *Πολιτικὴ*, Lat. civilis, dicitur etiam *νομικὴ*, Lat. legalis, estque ea, quam leges à singulis civibus requirunt, in defendenda & propugnanda patria, propositis præmiis & pœnis, honore & ignominia, iis, qui se vel strenuos vel ignavos præberunt. Vocatur legalis, quia legibus est præcepta; & civilis, quia civibus est mandata: Nam jubent leges, ut cives quilibet civitatis suæ ac patris liberatem, religionem, salutem & incolumitatem, pro virili, etiam ad mortem usque, tueantur ac defendant, atque ideo præmia & honores proponunt iis, qui hoc faciunt, pœnas & ignominiam minantur iis, qui secus fecerint. Hæc politica fortitudo (a) ad veram proxime accedit. Altera fortitudinis spuriz species est, quam *Aristoteles* vocat *ἐμπειρία* *Δις τῆς ἐμπειρίας*, experientiam in singularibus, quæ est *ἀνδρεία* *Δις τῆς ἐμπειρίας*, fortitudo per experientiam, quasi quis dicat, fortitudo experientialis: Hæc militum est propria, qui propter experientiam rei militaris fortiter se gerunt, & ideo multum audent, quia multis præliis interfuerunt: usus enim & experientia multos effecerunt fortes, nautas in mari, venatores in sylvis, fossores in specubus & cavernis, sed præsertim milites in bello. Tertia fortitudinis spuriz species est, *ἀνδρεία* *Δις τῆς θυμῶς*, vel *Δις τῆς ἐξουσίας*, propter iram, quo sensu fortis est, qui ira percitus pericula contemnit, & rem fortiter gerit: ira enim solet addere animum homini, ut nihil extimescat.

Quarta fortitudinis spuriz species est, *Δις τῆς ἰλιπιδίας*, propter spem: spes enim & persuasio victoriæ homines erigere solet ac reddere fortes: qui enim sæpe ac multos vicerunt, & qui frequentissime sunt usi rebus secundis, quia perpetuam sibi felicitatem pollicentur, intrepide sese periculis obijciunt, ac fortiter agunt. Quinta ac postrema fortitudinis species est, *ἀνδρεία* *δι' ἀγνοίας*, fortitudo per ignorantiam, quando aliquis fortis est, quia periculi magnitudinem ignorat, quæ fortitudo in tyrones fere & milites cadit inexercitatos. Atque hæc sunt species fortitudinis spuriz ex *Aristotele* explicatz, ad quas reduci possunt, si quæ aliz videantur esse species fortitudinis adulterinæ, uti est fortitudo ex desperatione.

(a) Non tamen vera est fortitudo, quia vir vere fortis nec præmiis gratia nec pœnz metu, nec vi legum fortiter agit, sed, etiam si nec leges iubeant, nec præmia discernantur, nec pœnz statuuntur, fortiter tamen agit solius honestatis ergo, & virtutis amote; virtus enim ipsa sibi pretium est.

III. Postquam fortitudinis fucatz & apparentis species exposuimus, de veræ fortitudinis extremis seu vitiis oppositis, nonnihil est philosophandum. Fortitudini, ut omni virtuti, duo opponuntur vitia; alterum in excessu, in defectu alterum: aut potius, utrumque, & in excessu & in defectu, pro diversa actione fortitudinis. Actiones fortitudinis sunt, confidere & metuere, (a) aggredi & sustinere. (b) Audacia est excessus in aggrediendo & confidendo: *timiditas* est excessus in metuendo & sustinendo: contra audacia est defectus in metuendo & sustinendo, & timiditas est defectus in confidendo & aggrediendo. Qui nimium confidit & minus metuit, audax est: qui nimium metuit, & minus confidit, timidus est. Timiditas est vitium, quod in metuendo modum excedit, in confidendo deficit. Audacia est vitium, quod in confidendo modum excedit, & in metuendo deficit. Hæc sunt extrema, Fortitudini opposita, quorum utrumque est detestandum, sed alterum tamen propius ad naturam fortitudinis accedit, alterum remotius abit. Quæri solet ab Ethicis, *Utrum extremorum propius accedat*

accedat ad fortitudinem, Audacia an Timiditas? Resp. Quin audacia propius accedat ad fortitudinem quam timiditas, nullum est dubium: quia magna aggredi pericula audaciæ est commune cum fortitudine: at ea fugere, timiditatis est: magis vero gloriosum est, pericula aggredi, quam fugere.

(a) Queritur, an fortitudinis actus magis eluceat in aggrediendo quam in sustinendo? Resp. in sustinendo, quia difficilior est sustinere quam aggredi: sustinemus enim mala, aggredimur bona.

(b) Audacia & Metus sunt & obiectum fortitudinis, & ejus extrema, sed diverso respectu: cum dicuntur obiectum fortitudinis, spectantur ut Affectus simpliciter, absque Circumstantiis Moralibus, ut nec boni sunt, nec mali, & prout à fortitudine iu Mediocritate contineri debent, nec ab ea deficient, aut eam excedant: sed cum spectantur, ut extrema, seu virtus fortitudini opposita, spectantur ut Circumstantiis Moralibus reposita, & prout à Mediocritate, quam fortitudo præscribit, iam recesserunt, vel eam excedendo in quibusdam Circumstantiis, aut ab ea deficiendo; & sic in Vitio, aut Malo, sunt opposita.

I V. Circa Fortitudinem varix solent agitari quaestiones: quæri solet. 1. *An sint fortes αὐτοχρηστές, qui sibi ipsi violentiam inferunt manus?* Resp. Neg. cum *Arist.* 3. *Eth. c. 7.* in fine, cuius expressa sunt verba. Τὸ δ' ἐλάνθανον, φασὶν ὅτι ποῖον, ἢ ὅτι, ἢ π λυπήρον, οὐκ ἀνδρῶν, ἀλλὰ μὲλλον δολῶν. Mortem obire, fugientem inopiam, amorem, vel molestum quid, fortis non est, sed potius timidi. Multum inter se distant Fortitudo & αὐτοχρησία. Fortitudinis causa est recta ratio: αὐτοχρησίας, desperatio, furor, rabies, belluina feritas, mala quædam corporis aut hujus vitæ præsentia. Fortitudo, ut omnis virtus, est affectuum moderatio: αὐτοχρησία est affectuum excessus foedissimus. Fortitudinis finis est τὸ καλὸν: at αὐτοχρησίας finis est fuga mali, quod honeste poterat tolerari. Vir fortis libenter versatur in periculis: at αὐτοχρησῆς ideo manus sibi inferunt, quia pericula delectant.

V. Queritur 2. *An inter αὐτοχρησῆς sint col-*

locandi nostrates nautæ, quando in extrema necessitate pulverem pyrum accendant, incenso in eum igne, atque ita nossem ac necem inferant hosti, unde tamen sua propria mors eveniatur. Resp. Neg. imo contra eos pro vere fortibus habemus: quia nec se occidunt active, nec intendunt se occidere, sed hostem se occidunt & occidere tentant. quod ipsorum propria mors consequatur passive. (a) est per accidens: & vel cum proprio vitæ periculo ac præsentis discrimine pro aris & focis, pro patria, pro religione ac libertate, tenentur dimicare, & juramento ad id sese obstringere si & milites ab omni sui ipsorum homicidio absolutevimus, cum jussu præcedorum istam sumunt stationem, in qua certo tibi occumbendum sciunt. Atque hoc negotium dextre intelligatur, notandum est sedulo, quod occisio sui ipsius, alia sit directa, quando quis intendit seipsum de medio tollere atque ex propria intentione sese interficit, alia indirecta, quando quis non seipsum sed alios intendit occidere, sed dum intentionem interficiendi alios exequitur alioque interficit, in talem rerum statum conjicitur, ut aliorum intenta ac juste intenta cædes comitem trahat propriam mortem: hæc duo accurate sunt distinguenda: quin active occidere semetipsum, ex intentione directa, sit vitium ac vitium, & non virtus nec fortitudo, nullum est dubium: sed an occisio sui ipsius indirecta illa, seu passiva, ac, qua quis non tam se occidit, quam occidi patitur, sit illicita ac vitium, disputari solet: nos, si circumstantiæ dig'engerent examinentur, negamus. Qui? si quis pro patria, pro fide, pro religione, tali sese exponat periculo, ex quo mors sua sit certo, sed indirecte, consecutura, anne is reus est censendus fuxæ mortis? præsertim, si tali se periculo exponere sit constrictus, atque obligatus, ex mandato superiorum, quibus obsequium debet, sacramentum dixit, fidem adstrinxit? Nos sic sentimus. aut ad id non esse adstringendos nostrates nautas ac milites: aut si ad id adstringuntur juste, etiam interposito juramento, nihil peccant, si hoc exequantur, ad quod juste se obligarunt. Quare huc potius recidit quaestio, An licitum sit Magistratui hoc imponere militibus, hoc exigere

exigere à nautis nostratibus, sacramento dicto, juramento facto, ut milites ac nautæ, etiam cum præfenti vitæ discrimine ac periculo certo, cladem ac noxam & necem inferant hosti, pro patria, religione, fide, etiam, quando ipsorum militum ac nautarum mors est consecutura, certo sed indirecte tamen? neque enim magistratus hoc ipsis imponit aut exigit, ut directe sese occidant, neque, si imponeret aut exigeret, obedire tenerentur milites ac nautæ. At vero non videmus, cur non liceat Magistratui supremo id imponere & exigere à militibus & nautis stipendiariis, ex quo illi, interficiendo active, communem hostem Dei, religionis, ac patriæ, ipsi quoque interficiantur passive: quod si non peccat Magistratus id imperando, extra omnem sunt reatum milites ac nautæ id exequendo. Quare ab omni culpa absolutus eos absolvimus: tantum abest, ut eos inter *active* collocemus, sicuti non videntur facere quidam, ad condemnandum nimis propi: illos tantum *active* pronunciamus, qui directe seipsos occidunt, seu (b) positive, seu negative, ut si quis non vocatur in periculum ex quo obit, aut non vult comedere, seu quocunque tandem modo mors propria procuretur directe.

(a) Quemadmodum simile quid videre est in exemplo Simsonis, qui Philistæos hostes, quos occidere intendit, & revera occidit active columnis subrutis, nam egit in illos & subruit columnas in perniciem illorum, quamvis mors propria sit consecuta passive, & consecuturam facile prævidet; hoc tamen torum est per accidens, unde textus significanter dicit Jud. 16. 30. de Simsone, quod dixit, Moriar ego, vel ut habetur in Hebræo. moriarur anima mea, scil. passive, cum Philistæis, & de illis dicit textus, ita fuerunt mortui, illi quos morti tradidit, scil. active, Simson cum ipse moriretur, scil. passive: sic nautæ nostrates morti tradunt hostem active, quamvis ipsi simul moriantur passive, pulverem pyrio accenso.

(b) Positive se occidunt, qui si ipsi violentas inferunt manus; negative, qui v. c. non comedendo fame moriuntur, aut non vocati ista loca adeunt ubi occiduntur.

Positive dicitur quis se occidere, cum aliquis sibi violentas infert manus, aut venenum bibit: Negative, ut si quis ab omni cibo abstineat, & fame se enecet; Quocunque modo, ut si quis non

vocatus nec obligatus se comitatur in loca periculosa & isti se exponat periculo, unde interficitur, quemadmodum Spectatores in obdionibus prudenter sæpe adeunt ista loca, unde nunquam redeunt.

VI. Queritur 3. An, qui ad duellum provocant alios, aut provocati sese sistunt, sint dicendi fortes? Resp. Duellum est, vel privatum, vel publicum. Privatum, nec ex parte provocantis, nec ex parte provocati, est licitum: quod probatur, 1. Quicunque ex ira, ex furore, ex vindictæ cupiditate, se & adversarium, in præfens adducit discrimen, non est vere fortis: Sed tam provocans quam provocatus hoc facit. Ergo, &c. 2. Temerarii & audaces non sunt fortes. Qui duellum ineunt, sunt tales. Ergo, &c. Prob. min. quia non sequuntur rectam rationem, quæ norma est & regula virtutum, sed sequuntur impetum suorum affectuum. 3. Qui pericula adeunt non necessaria, non sunt vere fortes. Sed duellatores, &c. Ergo, &c. Publicum quoque duellum, illicitum pronunciamus: quia temeritas nunquam consistit cum fortitudine vera: sed est maxima temeritas, unius hominis vel fidei vel fortitudini committere salutem totius exercitus ac tot hominum: neque licet in re tanti momenti fortiri aut sortem ducere, quod sit in tali duello publico, ubi omnium totiusque exercitus vita, fortuna, ac salus, unius periculo committitur. Duellum Davidis cum Goliatho publicum, plane alterius fuit ordinis & extraordinarium, quod non magis ad imitationem trahi potest, quam ejusdem pugna cum leone & urso, plane miraculosa. Cætera, quæ fortitudinem spectant, corollarie proponunt.

COROLLARIA.

1. An vim vi repellere, hostemque invasorem occidere, sit viri fortis, ac licitum? A.

2. An cæteris paribus, omnibusque ad justam sui defensionem requisitis, rite recteque se habentibus, ut propriam mortem evadat, unicuique sit licitum, invasorem occidere? A.

3. An sit Viri fortis, honorem suum laesum redimere per mortem laedentis? N.

4. An liceat bona nostra temporalia tueri ac conservare, si aliter non possimus, per occisionem eripientis? Resp. furi simpliciter non esse eripiendam vitam, sed latroni simul & furi, aut quando di-

gnosci non potest, an aliquis fur rudi vel latrocinandi animo ventat, ut de nocte, licere pronuntiamus.

5. An bellum sit licitum? A.

DISPUTATIONUM PRACTICARUM VIGESIMA-PRIMA,

DE

TEMPERANTIA.

THESIS I.

POst fortitudinem explicatam, aliquot capitibus l. 3. *Eth.* ad Temperantiam transferit *Aristoteles*, c. 10. & nos ab ea explicata disputatione gemina, ad Temperantiam transferimus: cujus naturam hac unica in aperto ponemus: primum vocem, mox rem, more nobis consueto, excussuri.

II. Temperantiae vox non uno modo sumitur ab Ethicis. 1. Generalissime quamlibet significat virtutem & moderationem: omnis enim virtus consistit in moderatione seu temperantia affectuum. 2. Sumitur specialius pro virtute, quæ omnes voluptates corporis ad mediocritatem redigit. 3. Specialissime, pro ea virtute, quæ gustus & factus voluptates ac dolores subigit & ad mediocritatem redigit: hoc sensu hic agimus de Temperantia.

III. Temperantia est virtus moralis servans mediocritatem, in expetendis & fruendis voluptatibus, & perferendis doloribus, ex absentia voluptatum nasci solitis, circa cibum, potum, & venerem, seu res gustui & tactui obiectas. Temperantiam esse virtutem, sic probamus. 1. Quodcumque hominem facit bonum, & hominis opus reddit laudem dignum, est virtus. At temperantia hoc facit. Ergo, &c. 2. Circa quod cadit excessus & defectus, circa id cadit virtus. Sed circa cibum, potum, venerem, cadit excessus & defectus. Ergo, &c. (a) Obiectum internum Temperantiae, est cupiditas; externum, sunt res quæ gustui & tactui obijciuntur, aut potius voluptas & dolor, quæ ex istis rebus nascuntur. Primarium quidem obje-

ctum sunt voluptates, secundarium dolores: sed quaeritur, An circa quaslibet voluptates versetur Temperantia? Resp. cum *Arist.* l. *Eth.* 3. c. 10. voluptatum esse varia genera: Voluptates sunt vel *ψυχικαί*, quæ in *ψυχή* animum suavi commotione afficiunt, vel *σωματικαί*, quæ corpus afficiunt & sensus suavi commotione. Animi voluptates non sunt ejusdem generis apud *Aristotelem*: sed percipiuntur, vel ex contemplatione rerum, vel ex conversatione & colloquio Amicorum, vel ex consecutione & adeptione earum rerum, quas expetere solemus, ut sunt divitiæ, honores, amici, liberi, omniaque ea quæ in bonorum numero recensentur. Corporis voluptates, vel sunt homini propriæ, vel sunt ei cum brutis communes, utraque vulgo vocantur *αισθητικαί* sensibiles, quia sensus externos movent atque afficiunt; propriæ hominis voluptates sensuales sunt, quæ ex visu, auditu, & olfactu percipiuntur: communes, quæ ex gustu & tactu. Temperantia non versatur circa voluptates animi: neque enim, qui v. c. summos honores debite expetit, ideo vocatur Temperans, aut qui nimium, intemperans, sed vel magnanimus vel ambitiosus; sic nec, qui pecuniam debite expetit, dicitur Temperans, sed liberalis, nec, qui non debite, intemperans, sed avarus. Non versatur etiam Temperantia circa quaslibet voluptates corporis; non certe circa eas, quæ visu, auditu, & olfactu, percipiuntur: neque enim, qui ex visu capiunt voluptatem, ut ex coloribus

egregiis picturisque elegantibus, vel moderatam, vel immoderatam, ideo dicuntur vel Temperantes, vel Intemperantes. Eadem est auditus ratio: si quis enim impense delectetur cantionibus & melodiis, non potest idcirco dici imtemperans, nec temperans si delectetur debite. Eodem modo sese res habet circa odoratum. Per accensum tamen, quatenus res visæ, auditæ, olfactæ, in nobis gignunt inordinatum appetitum sui, possumus ab iis denominari intemperantes: ut si quis audiendi sermonibus obscenis sedam sentiat in sese irritari libidinem, is hoc ipso redditur intemperans; & sic porro. Solæ ergo voluptates ex gustu & tactu verum ac proprium sunt objectum Temperantiæ, quæ homini cum belluis sunt communes, inde *ἡμιανθρώπων* belluinæ dicuntur; magis tamen in tactus quam in gustus voluptatibus suum exequitur munus Temperantia, quia voluptates tactus sunt majores ac pleniores: nam tactus per totum diffunditur corpus, & in omnibus corporis partibus recipitur: non sic gustus, qui in cuspide tantum fit linguæ, atque in palato: unde qui rem aliquam sunt gustaturi, leviter eam attingunt; tales, quatenus ex levi tactu per linguæ cuspidem facto, aliquam, sed exiguam capiunt voluptatem, intemperantes propriè dici nequeunt. Quod de voluptatibus diximus, eas non quilibet sed certas esse Temperantiæ objectum, id ex opposito de doloribus intelligendum est quodque, non animi, nec eos, qui ex visu, auditu, & olfactu, sed vero illos, qui ex gustu & tactu acquiruntur, esse objectum Temperantiæ. Sunt porro voluptates, vel honestæ vel turpes; utraq; vel præsentibus vel absentes. Temperans voluptatibus honestis, si sint præsentibus, moderatè utitur, si absint, non nimis dolet: intemperans contrà. Turpes voluptates, si præsentibus, siue absentes, in totum averfatur temperans: at iis præsentibus delectatur intemperans, & ob earum absentiam dolet.

(a) Voluptas & dolor interdum sumuntur late pro adjuncto omnium vitiorum ac virtutum: quotiescunque enim aliquam virtutem exercemus, post illam exercitam gaudemus & ex illa volupta-

tem capimus; contrà quoties peccamus, aut virtutem aliquam exercere impedimur, tristamur ac dolemus, hoc modo circa voluptatem & dolorem versatur fortitudo: nam quicumque præclare in bello rem gessit, voluptate afficitur; contrà, qui infeliciter rem gessit, dolore corripitur: interdum hæc vocabula sumuntur strictius, & significant non adjunctum, sed ipsum objectum virtutum quarundam internum, ac tum significant affectus duos, qui alio nomine vocantur gaudium & tristitia: denique specialissime accipiuntur pro voluptate ac dolore ortis ex præsentia aut absentia cibi, potus ac veneris, uti hic.

IV. A definitione transimus ad *divisionem* Temperantiæ. Dividitur non male in *Frugalitatem* & *Cassitatem*: Frugalitas in *Abstinentiam* & *Sobrietatem*. *Abstinentia* est Temperantia circa cibum. *Sobrietas* est Temperantia circa potum. *Cassitas* est Temperantia circa venerem. Notandum est hic, vocem Abstinentiæ sumi hic specialius quam significat cujuslibet rei illicitæ fugam; quo sensu dicimus, Sustine & absteine.

V. *Extrema* seu *vitia opposita* Temperantiæ sunt, in defectu *ἀναισθησία*, Latine insensibilitas seu stupor, in excessu *ἀκολασία*, intemperantia. *Stupor* Latinis accipitur, vel pro ingenii tarditate, amentia, stultitia, vel pro averfatione voluptatum non vitiosarum: postremo sensu hic venit: estque vitium, quo licitas & concessas etiam voluptates quis averfatur atque aspernatur: Hoc quidem vitium inventu lest rarissimum. Vocatur *ἀναισθησία*, quia talis nihil amplius sentire videatur. *Intemperantia*, vitium in excessu temperantiæ, dicitur *ἀγλασία*, quæ vox & pueris convenit & intemperantibus: utrique enim à suis rapiuntur cupiditatibus, ac castigatione & moderatione indigent: descendit enim à Græco *κόλασις*, quod est, *castigo, coercio, prohibeo*: oportet enim cupiditates, & in pueris & præsertim in intemperantibus *πικρολόγη*, castigari ac coerceri, ut sint moderatiores, & ne rationi adversentur, quæ quia in intemperanti nullo modo sunt coercitæ ac castigatæ, rectè intemperantia dicitur *ἀκολασία*. Est hoc vitium, quo quis anxie nimis voluptates appetit si absint, furiose nimis & immoderatè ample-

amplectitur, si adsint, nimio dolore afficiuntur, si eas consequi non valeat. Intemperantia in cibo peculiari voce dicitur Voracitas, in potu Ebriositas, in venere Libido. Peccat intemperans in excessu, multis modis. 1. in qualitate, cum, quæ jucunda sunt, promiscue sine ullo concupiscit discrimine. 2. in quantitate, cum plures & majores voluptates concupiscit quam convenit. 3. in modo, cum à voluptatibus instar pecudis quaquaversum rapitur & abripitur, easque rebus quibusvis, etiam honestis, præfert. 4. in circumstantiis, cum nec loci, nec temporis, nec personarum, ullam habet rationem, modo suis fruatur ac potiatur voluptatibus.

VI. De extremo utroque vitio opposito Temperantia, solent ab Ethicis quædam quæstiones disputari. Quæritur 1. An recte Aristoteles Philosopho collocetur inter vitia? videtur enim multis, illa à voluptatibus omnibus in totum abstinentia, laudabilis. R. recte a Philosopho Aristoteles numerari inter vitia: quippe quæ contra naturam hominis est, non vegetantem modo ac sentientem, sed & rationalem: est enim habitus, quo minus alimenti sumimus, quo minus delectamur voluptatibus necessariis, quæ postulat ipsa nature conservatio, aut personæ conditio, aut similis circumstantia: natura hominis Aristoteles vegetans plus vellet alimenti, & sentiens plus vellet voluptatum: imò & natura rationalis deberet ex voluptatibus, vel corpori necessariis, vel valetudini non contrariis, habitū ratione circumstantiarum, plures præscribere. Certe cum natura, Deus nature author, adperserit homini atque infererit (a) quasdam voluptates, ad singulorum individuorum salutem ac conservationem, in usu cibi & potus, ad speciei propagationem, in Venere, illas averfari ac spernere contra omnem est humanitatem. Homini, secundum naturam & rectam rationem, est vivendum. At hæc voluptates secundum naturam sunt, & rectā ratione regi possunt. Ergo secundum eas est vivendum, Et, qui eas in totum contemnit, contra naturam facit ac rectam rationem. Vitium itaque est Aristoteles, sed minus tamen quam est intemperantia, quia ab hoc extremo in defectu facilius ad

mediocritatem Temperantiæ transitur quam ab altero extremo in excessu, à quo ad temperantiam ipsam transitur est difficilior.

(a) Deus Opt: Max: est: ac potum concupiscit hominibus, ut singulis in vita conservarentur aliquandiu in vita, quam habuissent: concessit inde voluptatem conjugii & congressus liciti usum, natura humana propagaretur, et sic genus humanum tanquam species una ex variis creaturatum speciebus non delineret: sed insuper voluptatem quandam posuit honestam in usu meretricio scilicet, cibi, potus, & venere, Meritō, quibus individuorum hominum vita producitur. & naturæ humanæ species perpetuatur, sic ut abique peccato voluptas aliqua sed moderata ex istarum rerum usu percipi valeat: omne vitium potius est solummodo in auras voluptatis & doloris contrarii excessu ac defectu.

VII. Quæritur 2. An recte Aristoteles c. 10. l. 3. Ecce circa finem, Intemperantiam asserat esse vitium turpissimum maximeque probrosum? Resp. omnino: nam maxime pugnat cum hominis excellentia, dignitate, splendore, quibus hominem exuit, & feris ac brutis cum reddit similem; unde hoc vitium Arist. illic loci dicitur γηγυδι i. e. beluinum.

VIII. 3. Quæritur, an Ebrietas excuset peccatum? Resp. Distinguenda est ebrietas ab ebriositate: illa actum, hæc habitum significat: Potest actu quis inebriari, & per alterius deceptionem; si non satis noverit aut alterius fraudem: sic aliquo modo excusat peccatum ebrietas, à tanto, inquit vulgo, non à toto. At ebriositas, quæ est habitus inebriandi se, cum quis ex prævia intentione, ob delectationem quam habet ex potu, se sciens & volens onerat ad rationis amissionem, à peccato non excusat. Cætera de Temperantia continentur Annexis.

A N N E X A.

1. An per leges Temperantiæ bis de die comedere liceat? Aff.
2. An repugnat Temperantiæ interesse convivii? Neg.
3. An virginitas sit licita? Aff.
4. An virginitas sit simpliciter melior conjugio? Neg.
5. An per Castitatis leges licent choreas mixtas insinuere? Neg.

DISPUTATIONUM PRACTICARUM

VIGESIMA-SECUNDA,

DE

LIBERALITATE.

THESIS I.

EX Virtutibus, *Fortitudinem* & *Temperantiam*, exposuerunt Disputationes præcedentes: egeratque de iis *Arist. l. Eth. Nicom.* 3. De virtutibus aliis agit *l. 4. Eth. c. 5.* atque ex undecim, quas proposuerat *l. 2. Eth. c. 7.* explicat octo *l. 4.* singulas singulis capitibus; quarum duæ versantur circa divitias, *Liberalitas* & *Magnificentia*, duæ circa honores, *Magnanimitas* & *Modestia*, una circa iram, *Mansuetudo* seu *Clementia*, tres circa quotidianam conversationem, *Comitas*, *Veritas*, *Urbanitas*: Postremam undecim virtutum, *Iustitiam*, explicat late *lib. 5.* Nos, eodem ordine, quo *Aristoteles*, omnes & singulas publicæ disquisitioni subiciemus, & Philosophi vitolâ arabimus, quo nemo fere melius earum naturam explicare valeat. Faciemus cum ipso initium à *Liberalitate*, sic enim orditur *l. 4. Eth. Al-gorism* *δὲ ἔξῃς περὶ τὴν ἐλευθερίαν*.

II. *Ἐλευθερίτης*, dicitur *ἐλευθερίη*, à *libero*, vel *ἀπὸ τὴν ἐλευθερίας*, à *libertate*, derivatur, uti *Lat. vox Liberalitas*, à *Libero*, vel *Libertate*, deducitur, quia sc. *ἐλευθερίτης τὴν ἐλευθερίαν*, liberalitas hominem liberum, maxime decet: & in eo magis reperitur, quam in homine servo ac fido, vel quia facit hæc virtus, hominem libenter largiri: nonnulli hanc vocem à *liberando* deducunt, vel quia beneficia à liberali profecta alios à paupertate liberant, vel quia ipsos liberales hæc virtus liberat à servitute divitiarum, quarum alioquin fierent facile ac forent mancipia. Qui hanc vocem, *ἀπὸ τὴν λοιπῶν*, à *libatione*, derivat, quod, sicuti libatio omnis debebat esse spontanea & ultronea, ita nullibi magis *τὸ sponte* cernatur, quam in hac virtute, illi paulo longius abeunt in hujus vocis explicatione; adjuvantur tamen veterum inter Latinos scri-

ptione, quæ erat *Loiber* pro *Liber*, teste *Festus*. Liberalitas interdum sumitur *κατὰ χρηματικῶς improprie*, quo sensu, vulgus, hominem prodigum & sua largius communicantem, vocare solet liberalem, vel *ευριμύς, propriè*, & tum, aut in genere, pro omni *ἐντιμότητι*, beneficentia, etiam ipsâ Magnificentia, aut in specie, pro hac, de qua agimus, Virtute, quam ex *Arist. primo textu c. 1. l. 4. Eth.* definimus, *εἶναι μεσότητην περὶ τὴν χρημάτων*, esse mediocritatem circa pecunias; *μεσότης*, i. e. *ὅστις ἐν μεσότητι ᾖ*. Est enim hæc (a) definitio, ut loquuntur vulgò, casualis, i. e. per solam causam: uti Eclipsis definitur, Interpositio terræ inter solem & lunam. *Ὁβριον* Liberalitatis facit *Arist. τὴν χρηματικῶν*, qua voce non tantum intelliguntur pecuniæ, i. e. nummi signati, sed quælibet opes ac possessiones, quarum pretium pecuniâ vel nummis æstimari ac mensurari solet ac potest, uti sunt agri, ædes, villæ, suppellectilia, & alia omnia, quorum est in vitâ humanâ usus: dicuntur enim, *χρηματικῶν*, dicitur *τὴν χρημάτων*, ab usu, quasi dicas *χρησима* utensilia aut utilia, quæ sui habent usum in vitâ sustinenda ac tolerandâ. Versatur vero *ἐν ἐλευθερίᾳ* περὶ τὴν χρηματικῶν, cō τὴν διδόναι καὶ ἐν τὴν λαμβάνειν, in dandis & accipiendis pecuniis. In dandis pecuniis, earum *χρησис* usus, in accipiendis, *κτήσις* possessio cernitur. *Χρησис δὲ εἶναι δικαίαν χρημάτων, διαπάνη καὶ δέ τις. ἢ ἢ λήψις καὶ ἢ φιλανθρωπία καὶ μετριοφύλαξις*, Vfus verò esse videtur divitiarū, sumtus & datio: sed acceptio & custodia, possessio magis sc. videtur, inquit *Arist.* paulo post initium *c. 1. l. 4. Eth.* Vfus pecuniarū consistit, vel in sumtibus circa rem domesticâ & familiarē faciendis, vel in dando & erogando: *possessio*, vel in acquirendo, quando eas aliunde accipimus, cum non habemus, vel

vel in custodiendo, cum acceptas conservamus. Hæc Aristotelis est de Liberalitate cap. cit. Philosophia, quam esse solidam, ulterius ex ipso demonstratum ibimus.

(a) Definitio Causalis dicitur, cum in definiendis Accidentibus omisso genere, & subiecto inhærentis, illud de finitur per solam Causam, aut per Causam & obiectum, ut hic liberalitatem definit Aristoteles.

III. Liberalitatem esse virtutem πειρὰ τοῦ χρηματικῆς, circa pecunias, sic probat Philof. loc. cit. ὡς δὲ ἐστὶν χρηματικὴ, ἐν τούτοις χρηματικῶν, καὶ ἐν τοῖς χρηματικῶν, Quorum v. est usus aliquis, est iis uti, vel bene vel male. Hinc sic argumentatur. Quibus rebus bene possumus vel male uti, circa ea est virtus. Atqui τῶν χρηματικῶν, pecuniis, bene vel male possumus uti. Ergo &c. At circa τῶν χρηματικῶν, pecunias, non est fortitudo, non temperantia, non magnanimitas, non veritas, &c. Ergo &c. *Excepte.* Bene vel male uti divitiis pertinet ad iustitiam, quæ medium tenet, & in accipiendo & in dando, ut redeat ad unumquemque, quod suum est. Resp. Iustitia, quicquid dat, ex debito dat, & quicquid accipit ex merito accipit. (a) At liberalitas non dat ex debito sed sponte; & accipit non ex merito sed sponte: ideoque, licet utraque hæc virtus versetur circa τῶν χρηματικῶν, pecunias, non tamen eodem modo: Iustus versatur in pecuniâ alienâ, quæ alteri debetur, quia meritis est, & si retineat, retinet pecuniam non suam, quia est merces debita alterius: at liberalis versatur in suâ pecuniâ, quæ nulli debetur: (b) iustus dat alteri, quod alterius est; liberalis dat alteri, quod suum est. *Inst.* At liberalitas dap. etiam ex debito, nam debet ac tenetur egenti proximo succurrere liberalis. Resp. Illa est debitorum moralis tantum & congruens ex lege charitatis, at non, ut sic loquar, Physica aut meritoria: id est, egenus nullam operam locavit liberali, quæ sit meritis ejus opem, aut per quam obstrinxerit liberale, ut ipse vi obstrinctionis debeat, ex verâ, & strictâ, & propriè dictâ debitorum, egeno conferre tale subsidium, tanquam opere collocatz mercedem ac pretium: (c) præmium est, quod dat liberalis & ultro, non pretium ex merito. Decidemus hanc

rem verbis Viſſorini Strigelli commentar. in Arist. Eth. l. 4. p. 332. Iustitia præstat de iustitia civilis obligatione, videtur, quod & Magistratus jubent solvi. Sed liberalitas committitur id, quod naturali obligatione debetur: at, quantum Samaritanus nihil debebat, propterea edictum aliquod Magistratus saucio iacenti non videtur, tamen debebat naturali obligatione, quia quoddam naturale sedus est hominum inter se, quod præcipit, ut alterius vitæ unusquisque, quantum potest, opem ferat. Petus dictum est, Liberalitatem dare quidem, indebitum personæ, sed dare debitum speciei, id est, communi societati, quæ sine ea non potest conservari: sed multo illustrius est accipere, dare eam debitum Deo, (d) quia vult Deus &c.

- (a) Quod hic dicitur de Iustitia & Liberalitate in abstracto, hoc intelligendum de Iusto & Liberali in concreto.
- (b) Iustus cum dat pecuniam alteri, eam dat ex pacto. Conventionem, aut Contractu inito inter se & proximum, ut cum ædificas certam pecuniam summam ex stipulatione debitorum operariis persolvit; Liberalis non dat ex pacto ut cum Aliquis mendico dat stipem, neque enim ulla conventio facta est inter dantem & mendicum, ut ejus vi & obligatione mendico stipem tradere teneatur is qui dat. Præterea, Iustus cum persolvit mercedem laboranti debitam, pro labore dat pecuniam non Amplius suam, quamvis hæcenus possederit, sed eam, quæ facta est laborantis propria per & propter suum laborem: sed cum Liberalis stipem largitur mendico, dat pecuniam suam, & quæ nullo modo facta est propria mendici; operarius pecuniam, quam aufert, labore suo meruit, mendicus non item.
- (c) Præmium dicitur, id quod datur absque ulla merito Accipientis in dantem collato. Pretium dicitur, id quod datur propter meritum Accipientis danti collatum: aliter dicitur merces, præmium, & gratium, merces ex debito; unde vita æterna, Rom. 6. usu ultimo dicitur præmium, non pretium, aut merces, quia non confertur ex merito Accipientis hominis, nec ex debito Dantis Dei.
- (d) Qui dat egenti stipem, quia Deus iussit, dicitur liberalis, & agere ex lege Charitatis, quæ jubet proximo bene facere: qui mercedem persolvit ob laborem, quantum ille meritis est, quia Magistratus jubet, iustus est, & dicitur agere ex lege Civili: & quamvis etiam hoc postremum Deus iusserit, tamen quia peculiares leges existant humanæ de pretio persolvendo pro labore præstato, non item de dando Eleemosynâ, ideo quando

quis

quis persolvit mercedem alteri debitam, iustus dicitur, & non liberalis, nam iustitia respicit leges Civiles, non item liberalitas: & quando liberalitas dicitur dare indebitum Perlorz' sensus hic est, quod huic, aut illi mendico singulari, Petro, aut Paulo, mendico individuo, non tam teneatur dare stipem liberalis, quā quidem speciei, i. e. homini, qui est species respectu Petri & Pauli, dare tenetur ex lege Charitatis; hæc enim jubet, ut diligamus proximum, per proximum intelligendo hominem in specie.

VI. Obiectum Liberalitatis fecimus in *2^a 2^a 1^a* *ma* & quod de obiecto externo intelligi debet: nam internum obiectum hujus virtutis est amor & cupiditas divitiarum. Quid per *2^a 2^a 1^a* intelligatur, *th. 2.* est dictum: nempe, divitiarum, (a) tum naturales, pecora, fruges, agri &c. tum artificiales, nummi; uno verbo, quicquid pretio seu nummis signatis aestimari potest. Queritur hic, an non aliud quoque, quod pretio aestimari nequit, sub liberalitate cadat? Quid enim si quis sine pretio liberaliter doctrinam suam atque eruditionem communicet alteri, nonne hæc liberalitas fuerit dicenda? & tamen bonum doctrine atque eruditionis est tale, ut pretio commensurari, aut pecuniis compensari, nunquam possit. Ut hunc dissolvamus nodum, notandum venit, valde impropiam esse phrasin hanc, quando doctrina aut eruditio dicitur communicari liberaliter: qui enim aliquid communicat aut dat liberaliter, is rem aliquam, quam possidet, transfert ac tradit in potestatem alterius, ut hoc, quod dat & communicat, amplius non possideat, aut saltem, si dominus ac possessor & proprietarius maneat, transfert ejus rei usum in alium, ut amplius eā re uti ipse non valeat, quam communicavit aut donavit: ita ut liberalis, aut dominium, aut usum rei, amittit, vel transferat in eum, cui donat eam aut communicat liberaliter. At, qui eruditionem liberaliter alteri communicat, is suæ eruditionis, nec dominium, nec usum, amittit: neque discipulus possidet aut utitur scientia sui præceptoris, sed sua sibi propria, ac, quæ diversa est à præceptoris sui scientia præceptoris laborem suum in docendo communicat liberaliter, qui redimi potest nummis: at eruditionem suam non communicat, quia & *κατὰ τὴν* & *κατὰ τὴν* ejus

sibi servat. *Instant. 1. At corpus humanum alteri in usum tradi potest ad rei alicujus effectum: illud autem pretio nullo commensurari potest.* Resp. Qui sui corporis usum commodat alteri, ipse sui corporis manet dominus & ipse eo utitur: itaque nulla hic est transportatio, qualis exigitur in liberalitate: usus verò sui ac proprii corporis alteri commodatus potest redimi pretio. *Instant. 2. Sed quid? si quis in servitutem sese alteri det, ut ab alio, se. Domino alteri doneatur.* Hæc certè corporis dominium transfertur. Resp. Hic nullo modo corporis dominium transferri: neque servus potest sui corporis dominium transferre alteri, cui in servitutem sese addidit, neque dominus servi; sed utrumque tantum transfertur usus corporis humani commodatus, qui potest pretio redimi: sc. ne ipsi quidem nos sumus domini vitæ nostræ aut corporis nostri, sed usurpatores tantum; hanc usurpationem, hunc usum, transferre possumus, dominium non item: Si enim servus dominum sui corporis transferret alteri, posset is alter de corpore servi disponere, uti vellet dominus enim rei, disponit de re sua, uti vult: at non potest sic dominus disponere de corpore sui servi, uti vult; nam etiamsi vellet, non tamen posset occidere (b) potentia, sc. Ethica ac legali, quia illam potestatem in corpus servi non accepit. *Quin!* ne ipse quidem servus sic sui corporis est dominus: sed solus Deus, ut vitæ necisque est arbiter, ut omnium hominum, imo rerum omnium, ita corporum humanorum solus est dominus.

- (a) Divitiarum vocantur naturales, quæ ab ipsa sunt natura, aut potius à Deo, autore naturæ: artificiales, quas invenit industria humana, qualis est pecunia. Cum enim Antiqui merces meribus commutare solerent, unde mercatura est dicta, nec unusquisque semper esset instructus illis mercibus quibus alter egeret, inventus est nummus signatus qui vicem mercium commutandarum servaret, quod etiamnum hodie obtinet.
- (b) Potentia legalis sive Ethica dicitur, quia aliquis quippiam potest per leges, quia illud legibus est permisum, & opponitur potentia physica, quia aliquis quippiam potest vitibus naturæ, sive sint corporis, sive animi: sic potest potentia physica robustior occidere minus robustum,

flum, potentiâ scilicet physicâ, sed non potest potentiâ Ethicâ, quia ipsi non licet.

V. Diximus ex *Arist. th. 2.* liberalitatem duobus circa τὴν χρηματικὴν actionem occupari, dando & accipiendo: per τὴν dare, non simpliciter intelligitur donare, sed etiam sumtum facere & impendere rebus necessariis & honestis: per τὴν accipere, non solum intelligitur τὴν capere, sed custodire ac servare res datas vel acceptas. Liberalitatem consistere etiam in accipiendo, contra *Timpt. Eth. Gener. l. 3. c. 9. quæst. 2.* sic probamus. Si liberalitas tantum in dando consisteret, facilè foret, ut evacuaretur liberalis semper dando: ne itaque pecunia ex hauriatur, & liberalitatis materia omnis dilabatur, quo diutius dare possit, necesse est, ut interdum accipiat: ac, ne nimium quoque accipiat, eum docebit liberalitas. Magis tamen in dando quàm in accipiendo liberalitatem esse sitam, cum *Arist. loc. cit.* pronunciamus, moti ejus rationibus, quas ex *Andronici Rhodii in Eth. Nicom. Paraphrasi*, per Nobiliss. Virum ac fulgens Academicæ nostræ etiamnum lumen, D. Danielem Heinsium, latine reddita, hic apponimus. In usu ergo pecuniarum versatur liberalitas: usus vero magis est dare, quam accipere. Sed & magis virtus videtur, beneficio afficere quam affici, & quæ honesta sunt agere, quam, quæ turpia sunt, non agere. Accipere enim, unde oportet, est beneficio affici, sicut non accipere, unde non oportet, est, non turpia agere. Prætera, id quod magis laudatur, magis etiam virtuti convenit: dare autem ut oportet, quam accipere, magis laudatur: gratia quippe & laus magis tribuitur ei, qui dat, quam qui non accipit. Ad hæc, in difficiliore occupatur virtus: difficilius autem est, ut oportet, dare, quam accipere aut non accipere, ut oportet: sum enim ipsius dimittere, multo est difficilius quam alienum remittere. Quare magis liberali convenit, dare honeste, quam aut non accipere, aut accipere honeste. Videantur cætera apud ipsum *Andronicum Rhodum*, atque alios *Commentatores in Eth. Arist.*

VI. Nunc porro videndum, quænam sint officia viri liberalis, tum in dando, tum in accipiendo: atque hæc quoque ex *Aristotele* describemus, quem ἀδελφὴν, viæ ducem, esse in *Disp.*

Philosophicæ, consuetudo obtinuit. Is igitur cap. cit. liberalitatem in dando recte exerceri censet, si finis observetur. propter quem, & modus, quo exerceri debet. Finis, ut omnium virtutum, ita liberalitatis, est sola honestas: itaque, qui beneficia alii conferunt, vel ostentationis causâ, vel ut majora beneficia vicissim reportent, vel ut favorem & gratiam aliorum sibi concilient, vel ut per eâ ad honores in magistratu perveniant, vel ut ab importunitate petentium liberentur, vel propter quamcunque causam præter honestatem, liberales non sunt. Modus exercendæ liberalitatis est, ut detur ἀπὸ τοῦ, rectè. Atque hic quinque potissimum observari debent circumstantiæ: *Persona, Quantitas, Tempus, Locus, Persona*, consideranda est, vel dantis, vel accipientis. In persona dantis, spectandus est animus, ut det ἡ δὴν καὶ αὐτὸν, suaviter & sine trinitia: in persona accipientis videndum est, utrum (a) dignus sit nostris beneficiis: itaque *Arist.* monet non esse dandum, τὸν τυχόντα, id est, quibuscumque sine discrimine. Circa quantitatem beneficiorum, spectari debent, facultates dantis, ut det pro ratione suarum opum, ne sese exhaustiat: item conditio accipientis, ut cuique detur pro ratione paupertatis. Quoad qualitatem, dandum est ex propriis & non ex alienis opibus: & danda sunt accipienti, quæ profutura non obfutura ei sunt. Quod ad tempus, notum est vetus dictum: Bis dat, qui cito dat. In tempore subvenire, omnium rerum est primum. Quod ad locum, dandum est, ὅπου ἐστὶν, ubi honestum est. Quæ honoris ergo dantur beneficia, palam; quæ egestatis sublevandæ causâ, clam debent conferri. Officia accipientis in accipiendo, sunt; 1. Liberalis non accipit, unde non est accipiendum. 2. non est petax, αἰτηνὰς: magis enim cupit, beneficium dare, si possit, quam accipere. 3. studet honestis rationibus suas facultates augere, ut possit, non ab aliis accipere, sed de suo largiri. Quæ de liberalitate quæri amplius possent, *Annexa*, & extrema, *disp. seq.* exhibebit.

(a) Dignus dicitur hoc loco, non qui aliquod beneficium danti contulit, aut officium aliquod præstitit, aut operam suam impendit, & sic alterius

retius beneficentiam meruit, sed qui virtute est præditus, & qui vir existit probus: liberalitas enim exercenda est in virum bonum atque honestum, & non in virum improbum, atque nebulonem.

A N N E X A.

1. *An verum & adequatum objectum liberalitatis sint pecunie? A.*

2. *An liberalis quandoque etiam indignis dare debeat? N.*

3. *An, qui multa dat, semper sit liberalior eo, qui pauca dat? N.*

4. *An communio bonorum in bene constituta Rep. sit toleranda? N.*

5. *An pauper etiam possit esse liberalis? A.*

6. *An liberaliores sint, qui suo labore divitias acquisiverunt, an qui hereditate aut alio modo aliunde eas acceperunt? Resp. posteriores.*

7. *An quis possit esse in seipsum liberalis? N.*

8. *An liberalis discedere possit? A.*

9. *An liberalis sit, qui de alienis largitur? N.*

10. *An benefactores, propter beneficia data, magis ament beneficiarios, an hi, propter accepta beneficia, benefactores? Resp. prius verum est.*

11. *An aliquando liceat beneficia exprobare? N.*

12. *An in senes & pueros quoque sint conferenda beneficia? A.*

DISPUTATIONUM PRACTICARUM

VIGESIMA-TERTIA,

DE

LIBERALITATIS EXTREMIS ET MAGNIFICENTIA.

T H E S I S I.

Liberalitas, quæ ac qualis sit virtus, abunde *Disputatio* exposuit superior: extrema ei opposita vitia explicare vetuit chartæ angustia. Ea nunc simul cum *Magnificentia* proponemus atque exponemus. Sunt extrema duo Liberalitatis, *Prodigalitas* & *Avaritia*: quæ diversa ratione & excedunt & deficiunt; prout Liberalitas versatur, vel in dando seu *ἀντιδόν*, vel in accipiendo, seu *κτάνειν*. Ratione *ἀντιδόν*, in dando, avaritia defectus est, prodigalitas excessus. Ratione *κτάνειν*, in accipiendo, avaritia est excessus, prodigalitas defectus. Sæpe tamen hæc vitia commiscetur, quod ex singulorum explicatione patebit.

II. *Prodigalitas*, Græcis dicitur *ἀσώτεια*, ab α particula privativa & *σώτεια*, quia prodigi, nec se, nec opes suas servare, aut servare possunt: monet tamen *Aristoteles* in textu *lib. Eth. 4. c. 1. ἀσώτεια* nomen ambiguum esse, & non solum de profusione pecuniarum, sed &

de intemperantia ac luxuria dici, deque omnibus vitiis, quibus prodigalitas famulatur: nam intemperantes & luxu perditos homines *ἀσώτους* Græce vocamus: unde & ἡ χρεὶς ἀσώτους, Græcis est, perditæ vivere, & rem suam profundendo perdere, quod liquet ex illo *Martialis* versu. *Es potas, & amas, ixeis ἀσώτους.*

III. *Prodigalitas* est, vel *simplex*, vel *mixta*. *Simplex* est, qua quis temere absque ullo suo commodo facultates suas profundit, modum omnem in dando excedit, & neque honestatis, neque decori rationem ullam, in largitionibus suis habet, nihilque ab aliis accipere cupit. *Mixta* est, qua quis, in dando non tantum, sed & in accipiendo, modum excedit; ut, si quis non tantum opes suas temere profundat in libidines ac voluptates, sed in super aliis eorum bona per injuriam aufert, ut habeat, unde possit aliis largiri: & talis non tan-

tum est prodigus, sed & avarus, & iniustus, & intemperans, & variis vitiis aliis inquinatus.

IV. *Avaritia Arist.* Græce dicitur ἀνδροφιλία, quæ vox in genere significat illiberalitatem, possetque dici de omni vitio, quod liberalitati opponitur, sed κατ' ἐξοχὴν huic alteri extremo tribuitur: dicitur & φιλοπρωτία, cupiditas plus habendi, & φιλαργετία, amor pecuniz. *Avaritiam esse ἀνδροφίαν, insanabilem, l. Ethic. Nicom. 4. c. 1. cit. probat Aristoteles.* 1. Quia senum est propria: at vitia senectutis non facile corriguntur. 2. Quia magis est naturalis & congenita homini: plerique enim mortalium magis sunt φιλοπρωταί, ablativi, quam δονηταί, dativus casus. Rationum harum deductio plenior videri potest in *textu cit.* & *commentariis* ad eum.

V. *Avaritia est, vel simplex, vel composita.* (a) Simplex est, vel quæ dando deficit, sine ἀνψιως excessu; vel quæ accipiendo excedit, sine δότως defectu. *Composita*, quæ & dando deficit, & accipiendo modum excedit. Atque hæc omnium est pessima. Ad priorem simplicis avaritiæ speciem pertinet φθουλία, nimia parsimonia: ad posteriorem, ars furandi, lenonia, feneratoria, aleatoria, & omnis illa, qua indebito modo bona alteri subripiuntur ex eorum cupiditate: atque hinc liquet, avaritiam æpissime esse conjunctam cum iniustitia: quam ob causam *Aristoteles* interdum dicit, (b) & avaritiam esse quandam iniustitiam, & aleatores, feneratores, fures (qui iniusti sunt omnes) esse avaros. Nempe, si aleator, fenerator, fur, primario præcipuoque consilio velint injuriam facere, secundario lucrari, iniusti sunt proprie: si contra primo ac per se velint quæstum facere, secundario id velint agere per clauculariam aut artificiosam captionem ac subductionem, avari sunt proprie.

(a) Simplex vitium dicitur, quod opponitur Virtuti uni. & Vitium Mixtum, seu Compositum dicitur, quod non uni sed pluribus Virtutibus opponitur, quia ex pluribus vitiis constat esse.

(b) Aleator, fenerator & fur, si spectentur quotenus unicuique suum non tribuunt, aut proximo suum non relinquunt, sunt iniusti & peccant in Iustitiam: at vero si considerentur in

quantum nimium accipiunt, & minus ac accipiunt, sunt avari, & peccant in Liberalitatem.

VI. Ita quidem utrumque liberalitatis extremum est expositum. Quæritur ab *Aristotele* & *Interpretibus*. Utrum & magis vitiosum altero? Resp. Simplex prodigalitas melius est avaritia simplici. Atque hoc *enim* ratio- nibus ab *Arist.* est comprobatum. 1. Quod vitium facilius curatur, est minus malum. Sed prodigalitas facilius curatur, quam avaritia. E. Nam aut ætate curatur, aut inopia ætate, quia quo quisque est senior, eo est in largiendo parcius; inopia, quia fieri non potest, ut, qui omnibus largitur, ei ad prodigendum semper suppetant copiz. 2. Prodigalitas magis est affinis liberalitati, quam avaritia. Ergo. Prob. antecedit. Nam hoc commune est prodigo cum liberali, quod uterque dando proficit alteri: at avarus nulli prodest, ac ne sibi ipsi quidem.

VII Liberalitati expositæ c. 1. 4. *Ethic Nicom.* subiungit *Arist.* c. 2. Magnificentiam, eo quod pariter circa τὴν ἡμετέραν verteretur: ac licet in eadem versetur materia Liberalitatis & Magnificentia, non eadem tamen ac similis ratione. Liberalitas latissime patet, & in omnibus occupatur actionibus, in quibus, rei familiaris, pecuniz, & opum, est usus: at Magnificentia, quotidianos, parvos, ac communes contemnit sumtus, solumque occupatur in rarior, magnis, inusitatis sumtibus: itaque Liberalitatem superat Magnificentia sumtum magnitudine: unde & μεγαλοπρωτία Græcis dicitur, voce composita, ἀπὸ τοῦ μεγάλου, quod est magnum, & ἀπὸ τοῦ πρῶτον, quod est decorum, seu id quod decet: hinc optime ex *Arist. loc. cit.* definitur, μεσότης πρὸς διαπαντὸς χρημάτων πρᾶξι, Mediocritas: ac circa sumtus varias pecuniarum actiones. At, dicet quis, (a) Quomodo potest esse mediocritas hæc virtus, si versetur circa sumtus magnos? magni quippe sumtus mediocritatem excedunt. Resp. Magni quidem sumtus non sunt mediocres, & recedunt à mediocritate, quæ est in Liberalitate, sed non ab ea, quam exigit Magnificentia. magni quippe sunt, non quod excedant normam & mensuram, quam postulat Magnificentia, sed quod superent sua magnitudine eos, in quibus

bus versatur Liberalitas. Est sane in illis ipsis sumptibus magnis, parum, nimium, mediocriter: consequenter & Virtus & Virtuti opposita vitia circa eos occupantur. Virtus hæc *Magnificientia* est.

(a) Objectum Magnificentie est vel materiale, vel formale. Materiale, sunt sumptus magni: formale, est mediocritas, quæ servatur in sumptibus magnis faciendis.

VIII. Ex jam dictis dissolvi potest quæstio, quæ moveri solet ab Ethicis. An *Magnificentia* sit specie distincta virtus à Liberalitate, an vero tantum gradu ab ea distinguatur? Resp. Peripatetici plerique distinctas specie virtutes esse volunt: at nos hic ab iis recedimus: differunt enim tantum secundum magis & minus: at hi gradus diversas species non efficiunt: cum enim utriusque virtuti sit proposita eadem materia, pecunie sc. ut statim est ostensum, magnificentia circa maximas, liberalitas circa mediocres, versatur: adde, actiones utrobique esse easdem, & finem eundem. Nam magnificus sumtus erogat, ut aliis subveniat, sed in eo tantum à liberali differt, quod ille ad magnitudinem quandam, pompam, & splendorem rerum magnarum, collimet, hic non item: uterque insuper honestatem pro fine habet: neque enim magnificus ostentationis vel popularis auræ gratia sumtus magnos impendit: neque temere aut inconsultò splendorem suum ostendit: sed, & sui, & eorum, erga quos sese magnificum repræsentat, rationem habet imò & facultatum suarum, ne majores iis sumtus faciat: itaque & magnificus, sicut liberalis, honestè agit & juxta τὴν ἀρετήν.

IX. Et si vero Magnificentia sit virtus circa sumtus magnos, non tamen statim Magnificus est, qui magnos sumtus facit: ideoque virum *Magnificum* suis notis & proprietatibus circumscribit Aristoteles loc. cit. ut inde tanto facilius, quid sit Magnificentia, intelligatur: Prima Magnifici conditio est, ut sit sciens, ac norit, quid, quando, quantum, & quomodo agendum, ut sciat illos facere sumtus, qui rectè & utiliter sint facti. Quemadmodum enim periti est artificis, intelligere ac probè co-

gnosceret, rerum, quas artificio tractat, proportionem; ita & magnifici est, nosse sumtum faciendorum rationem, ut sint consentanei, tum operi, quod faciendum est, tum temporis & loco, ubi faciendi sunt, tum personæ, à qua sumtus ipsi fiunt, aut imperantur: harum circumstantiarum rationem tenere, hominis est scientis. At illud est Magnifici. Ergo. Secunda conditio est, omni virtuti communis, ut Magnificus, id quod agit splendide, agat καλῶ ἔντιμῳ, honestatis ergo. Tertia conditio est, ut sumtus faciat magnos & splendidos cum animi delectatione: atque hæc conditio in omni etiam virtutis cuiuscunque opere exigitur. Quarta conditio est, ut sumtus, quos facit, faciat largè, prolixè, copiose, ac propemodum effuse: parci quippe est & sordidi, subtiliter rationem inire & calculum facere. ἡ γὰρ ἀκριβολογία, μικροπραγίας. Subtilis illa rationum supputatio, sordide parsimonie signum est. Quinta conditio est, ut Magnificus de solâ specie ac pulchritudine operis cogitet nec de precio sollicitus sit: hoc unum allaboret, ut quàm pulcherrimum opus efficiatur, non, quàm parvo, & an minori precio, effici queat.

X. Officiis & conditionibus Magnifici expositis, Magnificentie extrema spectabimus, quæ duo sunt, alterum in defectu, in excessu alterum. Quorum illud μικροπρίπτια dicitur, eo, quod in magnis non servet decorum, sordidè & parum sumtus faciendo: hoc ἀπρόκαλία sive βαυαυσία nuncupatur: & ἀπρόκαλία, quasi ὁ καλὸς ἀπείρεια, decori & honesti impetitia: βαυαυσία, à sordidis & impertitis artificibus, qui, divites facti, sordidâ plerumque & ineptâ splendoris affectatione laborant, quique magnos sumtus impendunt in rebus parvis. Βαυαύσους Greci vocant, opifices sordidos ac viles, & qui manu victum querunt, propriè tamen illos, qui ad fornaces seu caminos incensos laborant: nam βαυ, &, caminum significat ac fornacem & αὐεῖν incendere, ut αὐεῖν οὖσι sint, qui caminum accendunt ad conficienda opera, & in genere sordidi opifices.

XI. Circa βαυαυσίαν pariter atque μικροπρίπτια non uno peccatur modo. Ac circa prius vitium duplici fere peccatur ratione.

1. Ratione formæ, seu modi, quando quis præter decorum, & ineptè, sumtus magnos facit in res parvas, aut in privata convivia: cuius duo adfert exempla *Arist.* unum est, si quis sodales, qui de symbolis cœnaturi erant, regio & nuptiali exciperet apparatus: alterum est de Megarensibus, qui in theatris & ludis scenicis, vestibus utebantur purpureis, atque in iis inepti habebantur atque infulsi. 2. Ratione finis, quando non honestatis sed ostentationis gratiâ magni sumtus fiunt. Circa posterius vitium peccatur. 1. Quando propter nimiam parsimoniam minores sumtus fiunt quàm operis alicujus dignitas exigit, aut opus etiam ceptum ob eandem causam deferitur. 2. Quando sumtus fiunt cum aliquâ tergiversatione, animo non prompto, sed cunctanter, spectando semper, quâ ratione quàm minimis sumtibus res confici possit.

XII. Quæritur, *Utrum è duobus Magnificentie extremis deterius sit?* Resp. distinguendum esse utrumque extremum in simplex & compositum. Simplex *εὐαγρία* est, cum quis de suo sumtum facit nimium, nec eum aliò refert nisi ad famam comparandam ac nominis gloriam: simplex *μικρογρία*, cum quis non sat sumtum facit in rebus magnis, facit tamen aliquos; aut, si faciat magnos, eos fa-

ciat cum tristitiâ, non quod pecuniam ita perditè amet, sed quod falso putet sibi defutura iusta præfidia vitæ sustentandæ, cum tamen dives sit. *Βαρύνει* composita est, cum quis non tantum sumtus maximos facit in re parvâ, sed præterea non de suo eos facit, sed aliunde, per injustitiam accessione sumtum sibi facti. *Μικρογρία* composita est, cum quis in re quoque parvo parvus est, nec sumtus illos facit in rebus magnis, non quod velis suæ aut amicorum indigentiz consulere, sed quia pecunias suas, quas amat impense, omnimodo augere studet. Simplex *παύωια* seu ostentatio est deterior *μικρογρία* seu parsimonia: at simplex *εὐαγρία* non est deterior *μικρογρία* composita est tamen composita *εὐαγρία* deterior composita *μικρογρία*. Hæc de Magnificentia & extremis.

A N N E X A.

1. *An Magnificentia sit præstantior Liberalitate?* A.
2. *An extrema Magnificentie sint turpiora extremis Liberalitatis?* A.
3. *An Fœneratores, & Aleatores, & Fures, vel se inter Avaros nominentur?* Resp. quodam, non omnes.

DISPUTATIONUM PRACTICARUM

VIGESIMA-QUARTA,

DE

MAGNANIMIT. ET MODEST.

T H E S I S I.

Liberalitatem & Magnificentiam, gemina, quæ præcessit, disputatione, examini publico subjecimus, ex *Arist.* ad Nic. Eth. l. 3. c. 1. & 2. nunc ex seq. 3. & 4. capite eidem subjecimus Magnanimitatem & Modestiam, quæ ita sese habent ad se invicem, docente ipso Philosopho, ut Magnificentia se habet & Liberalitas: ut enim hæc circa sumtus vel parvos vel mediocres, illa circa magnos, occupa-

tur; ita Modestia circa honores vel parvos vel mediocres, Magnanimitas circa magnos, versatur. De Magnanimitate primum, mox de Modestia agit Philosophus, cuius & nos ordinem sequemur.

II. Magnanimitas, non uno dicitur modo; interdum significat communem omnium virtutum affectionem, qua quis vitiosas omnes perturbationes animo magno reprimat; interdum

interdum notat fortitudinem, ut cum dicimus, aliquem *magna animo*, vel aggredi pericula, vel tolerare mala: hic nobis ex *Arist.* significat virtutem moralem, servantem mediocritatem in honoribus magnis, vel amplectendis, vel fugiendis. Græce dicitur μεγαθυρία, ἡ δὲ μεγαλὸς θυρῆς vel ἀπὸ τοῦ μεγαλῶν, quod circa *magna animo suo* versetur Magnanimus, ut ipsum nomen hujus virtutis ejusdem *objectum generale* indicet esse, τὸ μέγαλον, magna: quod *Aristoteles* ulterius probat à descriptione Magnanimi, quem dicit esse eum, qui res magnas quidem, sed quibus dignus est, debere sibi judicat: *Magnanimitatem in magnis* cerni. Antecedens à contrario probat: Nam qui se dignum judicat magnis, quibus dignus non est, non Magnanimus aut virtute præditus haberi debet, sed stolidus ac fatuus: quasi sic argumentetur *Philosophus*. Qui magna sibi arrogat, quibus non est dignus, is stultus habetur: At magnanimus non est stultus: nam, qui ex virtute agunt, non sunt stulti: Ergo non arrogat sibi magna, quibus non est dignus: arrogat tamen sibi magna, ex origine vocis: Ergo, quibus est dignus. Magna igitur, sed *digna Magnanimo*, sunt *Magnanimitatis objectum*, sed *generale*. At quæ magna in specie sunt *objectum Magnanimitatis*? id *Philosophus* porro inquit, inquiramus & nos ex ipso.

III. (a) *Speciale objectum Magnanimitatis* est honor: versatur ergo circa magnos, imò *maximos*, honores: quod hac ratione demonstrat *Philosophus*. Cum dicitur aliquis dignus rebus magnis, ejusmodi dignitas à bona refertur externa, quæ præmia recte factorum sunt: nemo enim meritorum suorum præmia dicit esse bonanimi interna seu virtutes, sed externa, quæ fortunæ vulgò vocant: virtus enim ipsa sibi non alteri est præmium. Ergo Magnanimus, ob merita sua magna ac maxima, dignum jure se censebit magnis ac maximis bonorum fortunæ. At inter bona fortunæ magnum est bonum, imò *maximum*, honor: quia illud magnum est & bonorum maximum, quod viri magni & maximi in dignitate excellentissimâ constituti expetunt, ut Reges, Principes, Magistra-

tus, &c. At tale quid est honor: præterea inter bona magna & maxima est illud, quod rei debetur maximæ, sc. virtuti. At illud bonum est honor, quia honor est testificatio unius de virtute alterius. Denique inter externa bona maximum est quod Deo tribuitur. At honorem ex fortunæ externis bonis Deo tribuimus. Ergo Magnanimus merito judicat se dignum maximis honoribus. Ergo *honores maximi sunt objectum speciale Magnanimitatis*, quod erat demonstrandum.

(a) Honor maximus *objectum* est externum Magnanimitatis, sed internum est cupiditas honoris maximi; hic enim affectus est, qui ab hac virtute coarctetur & intra rectæ rationis limites cohiberi debet.

IV. Circa honores magnos ac maximos cadere virtutem, facile probatur; quia circa eos cadit excessus & defectus: unde lic argumentari licet. In quibuscumque cernuntur extrema, in iis & media datur virtus: Sed, in honoribus magnis maximisque vel expetendis vel contemnendis, cernuntur extrema. Ergo. Sunt enim, & qui se minoribus censent dignos honoribus quam merentur: alii majores sibi arrogant quam merentur: illi deficiunt à medio Magnanimitatis: hi illud excedunt: datur ergo virtus, quæ utrosque doceat servare mediocritatem; at hæc est ipsa, de qua agimus, Magnanimitas: Objicit sibi *Philos.* Magnanimitatem, si versetur circa magnos ac circa maximos honores, non fore virtutem, quia virtutis est mediocritas scitari, unde per mediocritatem & medium definitur: at magna, quæ talia sunt, extrema sunt: parvis opposita. Ergo & Magnanimitas extremum erit, oppositum medio. Resp. *Philosophus* per distinctionem. Magnanimitatem, & extremum esse, & medium; sed ratione dissimili: extremum esse, ratione magnitudinis objecti, quod sunt honores magni ac maximi, medium esse, ratione modi, quem servare docet, in iis accipiendis vel repudiandis: docet enim, neque nimium, neque parum, esse eos, vel sectandos, vel fugiendos, sed uti & sub quibus oportet conditionibus.

V. Subjicit *Arist.* Magnanimitati ex *objecto* explicatæ, notas quasdam & proprietates Magnanimi,

gnanimi, quibus etiam officium ejus describitur. Fusc hæc omnia *Philos.* persequitur l. 4. c. 3. *Eth. Nic.* & primo docet, qualis sit Magnanimus: deinde, quomodo sese habeat circa honores; denique, quomodo se gerat circa reliquas virtutes in quotidiana conversatione. Docet 1. Virum Magnanimum esse optimum. Quia, quo quisque majore dignus est honore, eo est melior, quia honor est præmium virtutis: ergo, qui maximo honore est dignus, omnium est optimus: Sed Magnanimus maximo honore est dignus. E. est optimus. Deinde, qui in unaquaque virtute habet id, quod est maximum & excellentissimum, is est optimus. Sed Magnanimus habet, &c. E. Denique, qui nihil turpe admittit, nec causam ullam habet, cur turpe admittat, est optimus. Sed Magnanimus est talis. E. Nihil quippe magnum habet præter virtutem, eamque solum admiratur & propter unicam honestatem actiones omnes suscipit: Quæ causa est, quod nihil turpe admittat. Porro, quomodo sese habeat circa honores, docet *Philos.* dicitque, Magnanimum eos tantum curare honores, qui à magnis, gravibus, bonisque viris deferantur: quos vero plebs offert sine judicio, non magni facere, in magnis honoribus excipiendis moderate latari, &c. quæ in textu ipso legi possunt. Denique explicat, quomodo in ceteris sese gerat virtutibus Vir Magnanimus, sc. in singulis virtutibus id sectatur, quod magnum est & excellens. Circa liberalitatem, ait, eum tali esse ingenio, ut libentius in alios conferat beneficia quam accipiat, & si quæ accipit, cumulatione reddere studeat: cujus rei ratio est, quia inferioris est accipere, superioris conferre beneficia. Sed Magnanimi officia in reliquarum virtutum exercitio tam clare in textu persequitur *Arist.* ut nulla ampliori deductione sit opus.

VI. *Alis* Magnanimi circa honores maximos sunt, partim appetere, accipere ac custodire: partim contemnere, negligere, ac dimittere, utrumque ut & sub quibus oportet circumstantiis. Querunt hic Ethici, Vtrum Magnanimus magis sit sita, in appetendis quam in contemnendis honoribus magnis ac maximis? At-

que *Aristotelis* quidem sententia in utramvis hic trahitur partem. Nos, magis sitam esse Magnanimitatem in bonorum contentum quam expetitione, consensimus: ratio est quia & plus laudis reddit ad eum qui contemnerit, ut oportet, quam qui acceperit honores magnos, ut oportet: & quia difficilius est contemnere honores magnos, ut oportet, quam expetere, ut oportet: habemus enim inlicitam cupiditatem appetendi eos, sed non item contemnendi. Sed querunt hic nonnulli? An ulla etiam modo honorem appetere licet? Quid? quia est virtutis præmium: quia infamiam contemnere licet, E. à contrario honorem expetere: quia honor inter bona externa principatum tenet; At ea expetere licet, sed moderate. E. & honorem.

VII. *Extrema* Magnanimitatis sunt, in defectu *μικροψυχία*, pusillanimitas, in excessu *γαυριότης*, elatio, superbia, tumor, inflatio. Qui deficit à medio Magnanimitatis, *μικροψυχία*, pusillanimitas, qui excedit *γαυριότης*, elatio, dicitur: utrique peccant in hanc virtutem; & variis modis. Qui pusillo sunt animo, peccant: 1. quia sibi ipsis injuriam faciunt, dum se honoribus & bonis, quibus digni sunt, spoliant; 2. quia, qui hoc laborant vicio, malam de se opinionem apud alios concitant, nam censentur occultis laborare vitiis, qui meritos honores refugiunt; 3. quia se suæque bona ignorant, adeoque ipsam honorum naturam; si enim bona sua recte nossent, & honorem esse virtutis præmium, dignos non repudiarent honores; 4. quia hæc animi abjectio ac demissio languere facit homines, eosque advocat à studiis rebusque præclare gerendis. Sed & peccant, qui elato sunt animo: quia 1. sibi plus tribuunt quam par est; 2. quia se & suam infirmitatem ignorant: ac sic produnt stultitiam suam persuasionem, dum plus honorum maximorum conferri expetunt sibi, quam merentur. Vter vero peccat magis? Pusillanimum existimat *Aristoteles*: nam in fine cap. 3. hanc questionem dissolvendo, Vtrum extremorum, Pusillanimitas an elatio, magis adversetur Magnanimitati? asserit, pusillanimitatem magis pugnare cum Magnanimitate quam elationem: tum, quia abjectio illa animi frequentio

quentior est & in pluribus reperitur hominibus, quia major pars hominum premitur paupertate, quæ facit ut non audent magnos, nedum maximos, affectare honores; paupertas enim animum deiecit, & pauper ubique jacet: tum, quia qui honores magnos & maximos contemnunt, non facile adducuntur ad benemerendum de rep. & præclare agendum, quibus rebus tamen magnos maximosque honores quis promeretur.

VIII. A Magnanimitate ad Modestiam transit *Arist. l. 4. Eth. c. 4.* quæ in Græco ejus textu nomen non invenit. Hæc circa parvos honores ac mediocres occupatur, iisdem actibus appetendi & contemnendi sub debitis circumstantiis, quibus circa magnos & maximos versari jam ostendimus Magnanimitatem: *Dandum vero esse virtutem aliquam, quæ in mediocribus honorum vel expetitione vel contemptu doceat mediocritatem*, hinc liquet, quod in iis vel expetendis vel contemnendis, & parum esse possit & nimium: & quid multis est opus? ubi locum habet laus & vituperatio, ibi locum quoque habet virtus & vitium: at qui honores parvos ac mediocres, moderate appetit, moderate contemnit, laudatur: qui contra facit, vituperatur. Ergo, &c.

IX. *Modestia est virtus moralis servans mediocritatem in honoribus parvis ac mediocribus expetendis ac contemnendis.* In hac definitione tres observandæ sunt circumstantiæ, ut Modestus recte hujus virtutis officio defungatur. Prima est rerum & factorum, ut ex ejusmodi seu rebus seu actionibus honores petat Modestus, quæ dignæ sunt honore: quemadmodum sunt, vocatio diligenter exercita, studia litterarum gnavigator culta, bellum strenue gestum, officium aliquod bene administratum, & cujuscunque virtutis opus rite recteque institutum. Secunda circumstantia, Modesto respicienda, est modi, ut eo modo expetat honores parvos ac mediocres, quo modo decet, non per vim, dolum, fraudem, malas artes, nec per metum injectum aliis aut crudelitatem, nec per calumniam aut detractionem, nec ullis modis iniquis & illegitimis. Tertia circumstantia viro Modesto observanda, est quantitatis, ne expetat majores honores, quam

sua mereatur virtus, eruditio, præclarum factum, aut simile quid.

X. Habet se *Modestia ad Magnanimitatem, ut Liberalitas ad Magnificenciam*: uti enim Liberalitas convenit cum Magnificencia, quoad objectum, quod utraque versetur circa pecunias, sed quoad parvitatem & magnitudinem pecuniarum tantummodo ab ea differt, sicut ostensum est *Disp. præced.* ita pariter & Modestia & Magnanimitas versatur utraque circa honores, sed Modestia circa parvos & mediocres, & cadit in homines mediocris fortunæ, Magnanimitas circa magnos & maximos, & cadit in homines altioris fortunæ, Reges, Principes, Duces, &c. & sicuti Liberalitas non est specie distincta virtus à Magnificencia, ut *th. 8. Disp. præced.* est probatum, (a) sic nec Modestia specie differt à Magnanimitate sed gradu tantum, ob rationes eadem præced. disp. adductas. *th. 8.*

(a) Hæc duo opponi solent in Philosophia, differre specie & differre gradu. Quæ enim gradu differunt, non differunt specie, & vice versa: sed magnanimitas & modestia gradu differunt, quia objectum utriusque idem est, tum internum, cupiditas honoris, tum externum, ipse honor: differt tantum alterum ab altero secundum plus & minus, quod magnanimitatis objectum sunt maximi, modestiæ vero sunt mediocres aut parvi honores: formale tamen objectum utrobique est mediocritas.

XI. Cum Modestia, tum in expetendis, tum in contemnendis, honoribus parvis ac mediocribus, reperitur, *Queritur, In utro magis elucescat?* Resp. idem hic pronunciamus, quod *th. 6. hujus disp.* de Magnanimitate pronunciamus, ob eandem, quas ibi protulimus, rationes.

XII. *Extrema Modestix sunt; in excessu φιλοτιμία, nimium honoris studium seu ambitio; in defectu à φιλοτιμία, honoris contemptus*: illo honores parvos ac mediocres nimium, hoc non satis expetimus; illo non satis, hoc nimium contemnimus: vocabula Græca, quæ utrumque hujus virtutis Modestix extremum significant, in bonam interdum accipiuntur partem, unde vitia iis significata, licet revera sint vitia, non tamen videntur sæpe talia.

Certe φιλοψυχία interdum significat moderatum honorum parvorum & mediocrium appetitionem, ipsaque virtus est, de qua agimus, Modestia: & φιλοψυχία interdum sumitur pro moderato honorum eorumdem contemptu, & sic ipsa quoque est Modestia. (a) Neque in hac tantum, sed & in aliis contingit virtutibus simile quid, ut extremorum nomen ipsi virtuti designandæ imponatur, si cum altero præsertim extremo comparetur: sic prodigalitas collata cum avaritia, videtur esse liberalitas: ita & hic, si honorum contemptorem contuleris cum ambitioso, videbitur Modestus, & vice versa: causa particularis, ob quam extremorum nomina hic veniant significant de virtuti, est, quia idoneum apud Græcos huic Virtuti non est positum nomen; unde fit, ut extrema nulli virtuti, sed sibi tantum, videantur opponi: nam ea, quæ nomen nullum habent, fallunt in eo multos, quod & ipsa nesciam esse existimantur.

(a) Quia Vitia Virtutibus sunt proxima, ut Virtutum speciem præ se ferant, & sæpe eas emittantur, etiam sæpe fit, ut nomen Vitii imponentur Virtuti, præsertim apud Vulgus, quod Ciri-

ac instantias omnes non irascuntur aut aut valet.

XIII. Quæri hic potest, utrum extremorum magis, utriusque, Modestia pugnet? Resp. Hæc idem iterum est, quod de Magnanimitate extremis statutum est *eth. 7. huius diff.* nam uti Modestia secundum magis & minus differat a Magnanimitate, ex *eth. 11. huius diff.* ita quoque est, quia huius tantum gradu differunt ab extremitatibus illius. Quære eadem utriusque ut magis est ratio.

A N N E X A

1. An honor possit lucere appetit? A.
2. An, si laudatur, possit huius defensio? A.
3. An honor magis sit honorantis quam honorati? A.
4. An aequalis debeat esse defensio honoris & vitæ? N.
5. An virtuosus propter improbitatem & infamiam suorum parentum vel consanguineorum debeat privari meritis honoribus? N.
6. An Magnanimi sit injuriarum reus, id est & ulcisci? N.

DISPUTATIONUM PRACTICARUM

VIGESIMA-QUINTA.

D. E.

MANSVETUDINE.

THESIS I.

Magnanimitatem & Modestiam Disp. superiori ex *Arist. Eth. l. 4. ad Nicom. c. 3.* & explicatam excipit apud ipsum *c. 5. Mansuetudo*; quam hac disp. ventilandam proponemus. *Mansuetudo*, ut à voce ordiamur, dicitur quasi *manu-suetudo*, seu, manu facta assuetudo: sicuti & *mansuetus* & *mansuetus* dicitur quasi *manu assuetus*, sc. quæcunque natura sua sunt effera, manuum perculsione mitescent fere atque consuescunt. Apud Græcos hæc virtus nomen non inve-

nit, quod *Arist.* monet, qui utitur voce *αἷμα*. At vero hæc vox defectum potius notat à medio huius virtutis recedentem, quam ipsam mediocritatem in mansuetudine servandam. *Mansuetudo* enim est virtus servans mediocritatem circa iram: at *αἷμα* significat defectum circa iram: & *αἷμα* significat eum, qui tam sedato est animo, ut minus irascatur quam debet, ut non commoveatur nec concitetur ira, quando debet; qualis fuit Mitio iste Terentianus: at vero qui hac virtute quam

quam *Mansuetudinem* vocamus, est præditus, uti non irascitur, quando non oportet, ita irascitur, quando oportet, quemadmodum & quibus de causis oportet. Sed à voce ad rem transeamus.

II. *Παύνη δὲ τοῦ παροῦτος ἐστὶν ἡ ἰσχυρία. Mansuetudo est mediocritas circa iras.* Obiectum Mansuetudinis internum est ira, affectus ille appetitus irascentis inter ceteros. Externum obiectum sunt omnia, quæ iram in animo hominis concitare valent, injuriæ, damna, contumeliæ, convitia, offensiones, denique omne illud, quod fama nostra vel nostrorum lædatur aut lædi videtur: præsertim ad iram nos incitat contemptus nostrorum, aut nostrorum: unde *Aristot.* 6. *Top.* c. ult. Ira dicitur dolor seu tristitia, quæ ex opinione contemptus oritur. Distingui autem debet hic accuratè ira ab *iracundia*: illa affectus est & obiectum hujus virtutis: hæc habitus malus est, & extremum huic virtuti oppositum; de quo postea.

III. *Mansuetudinem esse Virtutem à ceteris distinctam*, ex obiecto probatur optime; hoc ratiocinio. Si ira sit peculiaris perturbatio & animi affectus, Ergo peculiaris quoque est virtus, quæ eam regit, compefcit ac temperat. Atqui verum est prius. Ergo & posterius. Hæc Virtus non est fortitudo, non temperantia, non liberalitas, &c. Ergo. Duo hic sunt probanda. 1. *Iram esse peculiarem animi commotionem à ceteris distinctam.* 2. *Mansuetudinem eam esse virtutem, quæ iram compefcit, regat, temperet.*

IV. *Iram esse peculiarem animi affectum*, ex singulorum affectuum inductione, ostendi facile potest: & satis liquet ex ejus definitione, quæ reliquorum affectuum nulli convenit: Ira est anxia quædam & cum dolore conjuncta ultionis speratæ appetitio, adversus eum, à quo quispiam se læsum & contemptum existimat: (a) Læso sc. & contemptus, ex quo nascitur ira, obtinet speciem mali, ideoque gignit in animo tristitiam & dolorem: unde concepta ultionis spes delectationem contra parit ac voluptatem. Licet vero hæc tristitia & voluptas cum ira sint conjunctissimæ, ira tamen ipsa, neque dolor aut tristitia, neque

voluptas aut delectatio illa, formaliter est: non tristitia, quia hæc separari potest ab ira: ut si quis contemptus à Rege tristetur quidem sed non irascatur; non voluptas illa, quæ ex spe ultionis accepta augetur, ira vero minuitur. Quod si, nec voluptas, nec tristitia, quæ iram perpetuo comitantur, ipsa fuerint ira, multo minus ira fuerit eadem cum aliqua reliquorum perturbationum, quæ tantam cum ira connexionem non habent. Et iram esse affectum à reliquis distinctum, in *Pathologia Gutherlethi*, & *Lælii Peregrinæ de Affectibus* tractatu, satis superque demonstratur.

(a) Dolor & Voluptas non sunt Affectus, qui peculiari aliqua virtute domantur, & coercentur, sed sunt generales Affectiones, & adjuncta omnium virtutum, quando vel exercentur vel omittuntur: sic fortitudine acquiritur Voluptas aut dolor, quando illa vel exercentur, vel non exercentur; cum enim quis fortiter agit, iuxta præscriptum fortitudinis, delectatur, cum contra, tristatur: sic & temperantiam debite exercitum comitatur Voluptas, non exercitum, aut nimium exercitum, sequitur dolor; ita & hic circa mansuetudinem & obiectum ejus Iram aliquis se offert dolor, & Aliqua Voluptas; nam cum quis iram suam vindicare ultione, delectatur, cum id nequit, tristatur.

V. Si ira sit affectus peculiaris, oportet & peculiarem dari virtutem, quæ iram coercent, cohibeat, contineat, intra rectæ rationis cancellos. At quænam hæc erit? nulla alia præter Mansuetudinem: quia nulla virtutum aliarum iræ affectum attingit: non fortitudo, non temperantia, non liberalitas, non magnificencia, non magnanimitas, non modestia, hæcenus disputatæ, non quæ restant disputandæ, comitas, veracitas, urbanitas, justitia: quod ex singulorum obiectis manifestum est satis. Ergo sola est Mansuetudo, quæ iram regit. Dicit forte quispiam. *Datur alia præter istas circa iram moderandam occupata Virtus, scil. Clementia.* Resp. Sed enim, vel Clementia est plane eadem cum Mansuetudine Virtus, ut vocabula tantum differant, vel, si aliquo differant modo, Clementia est Mansuetudo seu moderatio iræ in Principe aut Magistratu: Clementia enim Virorum est principura

ac superiorum fere propria: at Mansuetudo eas regit iras, quæ inter privatos fere obtineant & æquales. Dicit hic aliquis, *nulla esse opus virtute circa iras, nec mansuetudine, nec clementia, quippe quæ non reprimi, sed funditus extirpari debeant atque eradicari, quia in totum sunt vitiose.* Resp. Falsum esse, quod omnis ira, quæcunque tandem, in solidum sit vitiosa: Nam ira etiam Deo tribuitur: Deo autem vitium tribui nequit: & ira affectus est naturalis, at hic indifferens est, nec bonus, nec malus: imo honestum est & laudabile, irasci interdum, quas ob causas, quomodo, quando, & quamdiu licet: & sanctæ quedam sunt iræ, adversus impietatem & scelera, pro Dei gloria susceptæ, ut fuit ira *Mosis*, qua percussit ob idololatriam populi tabulas confregit legis à Deo factas. Distinguatir ira temeraria, ex solo ultionis appetitu profecta, à iusta indignatione adversus hominum malitiam concepta; moderata ab immoderata; illa licita & obiectum Mansuetudinis, hæc non item.

V I. *Mansuetudo igitur Virtus est circa iras;* ejus, ut omnium virtutum, forma est *Mediocritas*, quæ ut fervetur, 4. potissimum *circumstantias* respici vult *Aristoteles* l. Eth. 4. ad Nic. c. 5. causas, ob quas, personas, quibus: modum, quo: tempus, quando & quamdiu sit irascendum. 1. Videndum est, *quid sit irascendum*, ob quæ irasci deceat: neque enim irascendum est temere, nec ob lanam caprinam aut res leviculas & ambiguas ac nihili, sed iustas ob causas, ut, si cultus Dei, si religio, si patria, si libertas, si parentes, si conjux, si liberi, si leges honestæ, si fama & exultatio nostra, lædantur, aut violentur, aut contemnantur: si etiam homines innocentes indignis habeantur modis. Sic gravissima fuit *Servatori* nostro J. C. iræ causa, cum propolas & insitiores è templo expulsi atque ejecit: & iustissima quoque fuit *Samuelis* in *Saulem* iræ, cum Dei mandato esset immorigerus. 2. Videndum *quid sit irascendum*, quibus irasci oporteat: non irascendum est Deo, quod legimus fecisse *Galigulam*, qui iratus cælo, quod fulmina suis obstreperant comestationibus, Jovem ad pugnam vocavit. Non irascendum rebus inanimatis, uti legimus fecisse *Cyrus* Persarum rex, qui fluvio

succensuit, quod in eo ex facili equum suum perisset. Nec *Mary* matris, nec Parentibus, nec Præceptoribus, ac Amicis, nec Sodalibus, nec bene meritis, nec irascendum: quæ contra hi omnes, verbi opus est, patientia, iustitiam, non irascendum est iis, qui forte fortuna, aut necessitate, aut ignorantia, aut imbecillitate, aut communi imbecillitate peccant: non irascendum amplius iis, qui lapsi culpe agnoscunt suam, ac deprecantur veniam, & emendationem pollicentur. Non irascendum infantibus, pueris, fatuis, aut iis, quibus merita non satis constar: sed irascendum est impijs & improbis, quos nec pudet nec poenitet suorum scelerum: irascendum blasphemis, & iis, qui verum Dei cultum & veritatem ejus petulanter oppugnant. Atque hic vitio magis quam personæ irascendum. 3. Videndum *quid sit iræ modus*, quomodo sit irascendum. Is sit iræ modus, ut neque nimium lenti, neque nimium sumus præcipientes, neque nimis frigidi, neque nimis fervidi, in ira. Deinde sumus proni ad iras deponendas, ad facile ignoscendum, cum poenitet alios peccatorum, considerata humanæ conditionis fragilitate & imbecillitate: & expensio, quam sæpe non assumat iras etiam iustissimas Deus ob peccata nostra, aut assumtas exuat. Nunquam quoque iram oportet esse majorem delicto ob quod irascimur. 4. Videndum est *ubi & quando*, quando & quamdiu sit irascendum: id sequentia docebunt. Non est irascendum, quando de rebus serijs agitantur consilia: ira enim inimica est consilio: nec in convivijs, nuptiis, festivitatis, iræ est locus: nec irascendum in puniendo, si fontes sint afficiendi poenis: nunquam enim is qui ad poenam accedit, vel decernendam, vel infligendam, iratus, eam fervabit mediocritatem, quæ est inter nimium & parum: nec irascendum, nisi causa plane cognita, ac postquam ratio probe expendit atque judicavit, quanta & quanti sit unaqueque culpa: atque hic valet illud, *Festina lente*: non tamen tanta est mora in irascendo adhibenda, qua videamur connivere ad delicta. Quam diu sit irascendum, melius definitur nequit, quam ab Apostolo Gentium est definitum, ad *Ephes.* 4. *Sol non occidat super*

iram vestram. Quibus verbis notat, non diu esse alendam iram: potest tamen ea interdum diutius ali, cum persona est publica, quæ iram iustum gerit.

VII. *Extrema Mansuetudini opposita vitia, sunt: in defectu, ἀσφροσύνη, lenitas, lenitudo, & si per Latinæ linguæ genium liceret dicere, irascencia; & in excessu, ἐργισμός, iracundia. Lenitudo seu irascencia est vitium, quo quis non irascitur ob ea, ob quæ deberet, nec iis, quibus deberet, nec eo modo, loco, tempore, quo & quanto deberet irasci. Hanc ἀσφροσύνην, lenitatem, esse vitium, tribus demonstrat rationibus cap. 8. lib. cit. Arist. Prima est. Quæ sunt stoliditatis & fatuitatis indicia, vituperantur ab omnibus. Sed non irasci, quibus & quando &c. oportet, est stoliditatis & fatuitatis signum: quod Zeno Eleates ostendit, qui reprehensus, quod maledictis confisus talis tantusque Philosophus exanderet, respondisse fertur: Si convicia æquo admiserim animo, ne ipsas quidem sententiam laudes. Quo significatum voluit, stupidissimi esse hominis, imo lapidis, non irasci cum irascendi locupletissimæ suppetunt occasiones & iustæ causæ. Secunda. Ea non vindicare, quæ secundum rationem vindicanda sunt, & turpe, & dignum vituperio censetur. Sed non irasci interdum, est non vindicare ea quæ secundum rationem vindicanda sunt. Ergo Tertia. Perferre injurias & eas à se non depellere, cum depellendæ sunt secundum rationem, animi est humilis & servilis. Sed ex lenitudine fit ut injuriæ depellendæ interdum non depellantur. Ergo. Ex hisce rationibus Arist. liquet ἀσφροσύνην esse vitium, & injuriarum vindictam non omnem esse illicitam: dico, non omnem; quia, quin quædam sit illicita, nullum est dubium. (a) Distinguiamus hic inter vindictam privatam & publicam; inter tutelam privatam ac publicam: illam illicitam, hanc licitam & mansuetudini non repugnantem, pronunciamus: si enim turpe est, injurias famam & exultationem lædentes perferre, honestum est, eas vindicare: & Deus ipse injurias tales punit, & per Magistratum puniri voluit.*

(a) Vindicta privata est, quæ privatus de privato,

proximus de proximo, Petrus de Paulo, &c. vindictam sumit ob injurias sibi ab altero illatas: hæc tantum adest ut sit licita, ut potius novæ & plures injuriæ sint tolerandæ non ut privato, quam ut proximum ulciscatur, docente ipso Christo Matth. 5. Vindicta publica est, quæ exercetur à magistratu vel in subditos vel in hostes; hæc utraque est licita: in subditos quidem, quia in eundem finem gladium à Deo accepit Magistratus, ut vindicaret injurias, quas subditi sibi invicem vel toti inferunt Reipublicæ; neque enim aliter consuli posset reipublicæ tranquillitati aui salutis, nisi iustis pœnis vincentur injuriæ subditorum in se invicem & in rempublicam à Magistratu: in hostes quæ exercetur vindicta publica iusta est & licita, cum à Religionis veræ, patriæ, libertatis, &c. insulantur, atque injurias inferunt, vocaturque hæc vindicta publica bellum & quidem offensivum, qualia bella Deo probata & populo suo demandata sacra restat pagina. Tutela publica est, quæ Magistratus tuetur subditos suos & rempublicam ab invasionibus & injuriis hostium inferri solitis, estque nihil aliud quam bellum defensivum, quod pariter licitum, & exemplis & mandatis à Deo probari, in verbo ejus legimus. Tutela vero privata est, quæ quis tuetur se adversus injurias privatas sibi à proximo illatas, & de eo ultionem sumit: hæc vel culpabilis est, vel inculpabilis: culpabilis est, cum quis potest defendi contra istas injurias à privato libertas à Magistratu suo legitimo, tum enim non decet ut privatorum unus contra alterum ita se tueatur, ut vicissim injuriam irroget ipsi, debet enim hic implorare sui defensionem à Magistratu, cum in finem ordinato, juxta illud Apostoli, ne vindicare vos ipsos; sed tutela privata inculpabilis est, cum quis invasus à proximo injuriam vidit præsentem, sibi ac suis inferendam, & quidem talem ut sit ipse vel sint sui vitæ exuendi, ut si quis in via incidit in manus latronis, nec sit ulla spes evadendi, nec auxilium Magistratus implorari possit, in tali casu tutela privata est licita; licet enim ulneque vitæ suam tueri ac defendere contra vim præsentem latronis aut furis nocturni cæteris paribus, i. e. quando non potest aut evadere alio modo periculum vitæ, aut non potest auxilio frui Magistratus, h. e. quod Ethici docent, defendi posse vitam nostram etiam cum occasione latronis aut furis nocturni, similisve hominis sceleris, i. e. vato moderamine inculpatae tutelæ.

VIII. *Iracundia est vitium, quo quis in iracundia modum excedit, & irascitur iis quibus non oportet, quando non oportet, ob quas*

quas causas non oportet, &c. Hujus vitii tres quali species facit *Aristoteles*; ἀρεχολία, πικρία, βαρυμία. Dicitur ἀρεχολία, quia πικρία bilis illis versatur quasi ἐν τῷ ἄκρῳ, in extremo, in suprenio, in superficie cordis, ita ut in oculis, vultu, facie, reliquique membris, calor appareat; id genus hominum facile irascitur; inde ἀρεχολοὶ dicuntur, facile, cito, celeriter exardescentes, & una voce, irascibiles: qui, ut quidem iram facile promteque concipiunt, ita eandem facile deponunt, quod in eis optimum esse ait *Aristoteles*. Et certè optimi quique hac specie iracundia laborant: sunt enim ad irascendum faciles, sed & mox placabiles. Altera species iracundorum est, qui πικροὶ dicuntur, amari Lat. qui agrè placantur, & non, nisi cum injuriarum ulti fuerint, mitigantur: Hi diu iram retinent, quia eam premunt, nec alius aperiant, quorum consiliis ab ealevari possent: ut autem eam per se coquant, & sibi & aliis extant molesti, morosi, graves. Tertium genus est iracundorum, quos βαρυμία, quasi gravis animi homines, dicas, quos *Arist.* χαλεπὸς & ferus: Hi omnium sunt teterrimi, & ex duobus prioribus quasi concreti: nam facillimè & levissimis de causis irritantur, ut primi; & multo diutius, quàm par est, iram servant, neque redeunt in gratiam, nisi injurià vindictà: & in eo differunt à secundis, quod non occultas, ut illi, sed apertas iras gerant, quæ sine vindictà non extinguuntur.

IX. Uti, post virtutis cuiusque naturam explicatam, inter extrema ferè comparationem instituit *Aristoteles*, ita c. 5. l. 4. Eth. ad Nicom. quærit: *Utrum extremorum Mansuetudini magis adversetur, Iracundia an iracunditas?* Resp. iracundiam magis esse adversam mansuetudini & deterius vitium, quàm iræ vacuitatem; & confirmat sententiam suam aliquot rationibus. 1. Vitium illud deterius est, ad quod magis ipsa natura propendimus: Sed propensiores sumus ad iracundiam quàm

ad lenitatem. Est enim ἡθροπικώτερος, homini magis proprium se se ulcisci, quam injuriam condonare. Ergo. 2. Id, in quo saepius ac frequentius peccamus, est pejor eo, in quo rarius peccamus: minus. Sed saepius ac frequentius peccamus in iræ excessu seu iracundia, quàm in iræ defectu seu lenitate. Ergo, &c. 3. Illud vitium deterius est & irascibili magis opponitur, quod in convictu & societate communi est intolerabilius. Sed in convictu & vita communi est intolerabilior iracundia quàm iræ vacuitas. Ergo &c.

X. Coronidis loco, lubet hanc questionem proponere: *An, qui ex iracundia alteri infert injuriam aut damnum, excusari debeat?* Resp. Nequaquam. 1. Quia, si iracundia in delictis exculationem præberet, rarò delinquentes punirentur: nam plerumque homicidium & alia delicta committuntur ex iracundia. 2. Qui per iracundiam delinquit, sciens volens delinquit: est enim delictum illud voluntarium saltem in causa sua, quia potuit iracundiam prevenire: & unusquisque iram suam & iracundiam frænare tenetur. Hic tamen distinctione aliqua est utendum: utrum justus dolor iracundiam excusserit, an verò ex levissimâ causâ & naturæ vitio existat: (a) Si justus dolor iracundiam excitaverit, & ex ista iracundia homicidium vel aliud delictum sit commissum, mitiori poenâ illud est puniendum, quàm si leviori de causâ aut naturæ vitio illud fuerit perpetratum: tum enim ordinariam poenam non effugit, quia & causâ non fuit justa, & naturæ vitio corrigi debuisset.

(a) Justus dolor iram excitat isto casu eum quis irascitur circumstantiis omnibus expe ista, & iram justa ratione suscipit; quo casu si quid mali committatur ab irato, justa ista irascendi causâ iratum excusat à poenâ quàm ille suo delicto ex ira commissio promeretur est, si non in totum, saltem in tantum, i. e. mitiorem reddit poenam quàm alias infligeretur, si non justa de causâ iratus simile delictum perpetrasset.

DISPUTATIONUM PRACTICARUM

VIGESIMA-SEXTA,

DE

COMMITATE.

THESIS I.

Postquam Aristoteles de Mansuetudine discessisset l. Eth. 4. c. 5. ad Nic. transit c. 6. ad Virtutes ὁμιλητικὰς, conversatrices, sic dictas, quod earum usus sit ἐν τοῖς ὁμιλίαις, in conversationibus: ὁμιλεῖν enim, est, cum aliis conversari. Sunt hæc Virtutes, *Comitas*, *Veracitas*, *Urbanitas*: conveniunt objecto communi, quod est, sermonum, morumque & actionum, in societate humana moderatio concinna: differunt objectis propriis. *Veracitas* enim respicit τὸ ἀληθές, verum: *Comitas* & *Urbanitas* τὸ ἥδον, jucundum: illa quidem in rebus seriis, hæc in ludicris. Quamvis autem de *Veracitate* prius differi posset commode, quam de *Comitate*, ut illa jungatur *Urbanitati*, cui est affniori; quia tamen Aristoteles primo agit de *Comitate*, c. 6. tum de *Veracitate*, c. 7. postremo de *Urbanitate*, c. 8. l. 4. Eth. & nos eundem in disputando servabimus ordinem, quia in reliquis virtutibus disputationi subiectis Aristot. solum & seriem sumus secuti, & in eo non multum est situm, utra Virtutum prius, utra posterius explicetur: modo omnes explicentur & disputentur, quæ explicari & disputari solent.

II. *Comitas* dicta est à voce *Comis*: *Comis* à Græco κοῖμιος descendit, ut placet Grammaticis: hæc virtus apud Græcos nomen non invenit, quod ipse monet Arist. c. 6. l. 4. Eth. ad Nicom. ὡς καὶ ἡ φιλία, maxime vero similis est, inquit, amicitiæ: conveniunt enim inter se actum quodam externo, sc. in suavi jucundoque convictu: quemadmodum enim amicus cum amico jucunde versatur, ea probans quæ probanda sunt & improbens quæ sunt improbanda, ita vir comis, idem præstans, suaviter & jucunde vitæ communio- nem cum aliis habet. Licet vero amicitiæ &

comitas valde sint affines ob externum illum convictum, suis tamen discrepant differentiis; quia comitas virtus quædam est, carens affectu amoris, exerceri que potest in peregrinum & eum quem non amamus: at vero amicitiæ ex amore proficiscitur & colitur: itaque comitas non est ipsa amicitiæ, φιλία, quia nullo per se affectu compellitur ad exercitium, utcumque ei maxime assimiletur. Græce dici potuisset χαρῶν καὶ ἐπιχειρήσεων, εὐχρηστικῶν, & φιλοπονητικῶν. Lat. *Humanitas*, *familiaritas*, *popularitas*, & apud Ethicorum plerosque, *Affabilitas*: est enim affabilis, qui se facilem jucundumque præbet in congressibus humanis, in loquendo, audiendo, respondendo, &c.

III. Definiri potest *Comitas* seu *Affabilitas*, μεσότης αἰσῶς ὅς ἐστιν ἡ λυπηρὴ ἐν ὁμιλίαις μὴ πενιθὴς, *Mediocritas* circa (a) voluptates & dolores in conversatione non ludicra. Ex qua definitione objectum apparet, tum internum, voluptas & dolor, tum externum, actiones in communi conversatione.

(a) Voluptas & Dolor non sumuntur hic pro adjuncto generali omnium Virtutum orto ex eorum exercitio vel instruto vel omissio. sed accipiuntur hic pro Affectibus particularibus, qui alio nomine vocantur Gaudium & Tristitia.

IV. *Comitatem* esse virtutem, & peculiarem ab aliis, ex objecto assignato, facile liquet: cum enim in communi convictu & conversatione, quæ jucunda semper debet esse, & suavis, duo cernantur extrema, alterum in excessu, in defectu alterum, ut quis vel nimium, vel non satis, jucunde & suaviter se gerat, oportet quoque, virtutem aliquam dari, quæ utrumque hoc extremum corrigatur: At ea non est alia

est alia quam comitas, quod ex singularum virtutum inductione facile patet, si quis per singularum classes incedat: Est quidem comitas nonnullis virtutibus affiniore quam aliis, ab omnibus tamen differt, & *objectis* & *actibus*, quibus circa objectum occupatur. Objectum assignavimus *thes. preced.* Actus sunt duplices. 1. *συνδινῆν* & *ἀποδιχῆν*, delectare & probare, quæ oportet. 2. *ἀναυσιγῆν* & *λυπεῖν*, *agere ferre & improbare*, quæ oportet, & sub aliis circumstantiis reliquis, Sed distinctio *Comitatis* ab aliis Virtutibus, ex ejus *proprietas* & *Vir* comis partibus atque *officiis*, clarius innotescet.

V. *Proprietates Comitatis* quinque numero recenset *Arist.* in *textu cit.* *Primum* sumit, ex modo congreduendi & colloquendi: ait enim, cum, qui comitate instructus est atque ornatus, cum omnibus agere, versari, colloqui, jucunde suaviterque, sed quemadmodum decet & decori ratio postulat. *Secundam* sumit ex fine: debet vir Comis illam fermoris & consuetudinis jucunditatem referre, non ad turpitudinem aliquam vite suæ vel damnum alienæ, sed ad honestatem & utilitatem. Cum enim in actionibus humanis tria spectanda veniant, honestum, utile, jucundum; ita oportet virum comem sectari jucundum; ut illud non adversetur honesto & utili: & oblectationem, nisi *honestum* sit atque utilis, non querit comis, & cum utilitate atque honestate mavult esse molestus quam cum jucunditate noxius. *Tertiam* Comitatis proprietatem petit à comparatione jucunditatis cum contraria tristitia, quam interdum aliis oportet afferre eum, qui alioquin comis est & affabilis: Nam ea possunt interdum nasci tempora, & in eos homines incidere potest vir Comis, ut illorum dicta ac facta non modo non probet, sed &, ut ea castiget, atque ipsos increpatione sua & severa admonitione tristitia afficiat: si quid enim fiat, quod facienti magnum & dedecus & detrimentum adferat, illud prudenter reprehendit & infestatur vir Comis. v. c. si vir comis incadat in hominem, qui sibi ipsi malus est, qui aliis molestus est, talem serio monebit ac castigabit cum moderato animi dolore. *Quartam* pro-

prietatem comitatis ponit in eo Philosophus, quod vir comis, tum in oblectando, tum in offendendo, personis se accommodet, omnibus quidem affabilis, sed non æque nec eodem modo: aliter viri *præstantes* & *dignitate* aut munere publici constituti, aliter plebei, sunt excipiendi: aliter noti, aliter ignoti sunt tractandi, aliter docti, aliter indocti, aliter pauperes, aliter divites; aliter sacri, aliter profani. *Qui* nobilium versantur, aut sunt præstantiores, aut inferiores, aut æquales. Erga superiores, viri comis est, et *tulanius* sunt & officiosum, erga pauperes, familiarem; erga inferiores, popularem. Quin neque locus neque tempus negligi debent: aliter in templo, in conviviis aliter, aliter in itinere: aliter diebus festis, aliter profectis: aliter cum lætis, aliter cum tristibus, est agendum ac loquendum. *Quintam* Comitatis proprietatem, haud dissimilem secunde, repetit *Aristoteles* iterum à fine: affirmat, Viro comi propositum quidem esse, delectare; ideoque ab inferenda tristitia eum prorsus abstinere; si tamen ab inferenda tristitia majora videt commoda evenitura, contristaturum potius esse quam delectaturum: oblectatio enim alteri perniciosa, lethali multo vere comparatur, quod suave quidem est palato, sed mortem secum trahit. Atque hæc sunt *proprietates* Comitatis, ab *Aristotele* recensitæ, quibus ab aliis Virtutibus facile illa discerni potest.

VI. Sunt tamen, qui *Comitatem* ex virtutum choro, ut peculiarem atque ab aliis distinctam, *proscribunt*, quod collocetur in moderamine sermonum & actionum humanarum, quibus vita in congressu ac conversatione (a) jucunde ac suaviter & decenter transigi possit: atqui idem plane conantur & student reliquæ virtutes; quin & id agit universa Oeconomica & Politica. Verum enimvero, utcunque intendant virtutes reliquæ, & Oeconomica etiam atque Politica, ut vita decore sustentetur, peculiarem tamen delectationem in convivio, congressu, ac conversatione respicit Comitas, ideoque *objecto* formali à reliquis differt virtutibus. Quod si illæ, aut Oeconomica & Politica, hoc agant, ut suaviter & jucunde vivatur in communi convivio, id agunt

id agunt & exequuntur, vi Comitatis, quæ leges præscribit & regulas tradit, juxta quas illa suavitas & jucunditas obtineri valeat.

- (a) Omnis quidem virtus usum sui habet, in conversatione humana, cum exercetur; quin & omnia Politices ac Oeconomices præcepta doceant, quomodo decenter atque ex decoro vita hominum sit transigenda, ideoque objectum materiale commune habent cum objecto comitatis, illud enim utrobique est conversatio humana: sed differunt objecto formali, quia Comitatus non tantum decorum respicit in conversatione hominum, sed suavitatem ac jucunditatem, quam reliquæ virtutes & præcepta Politica atque Oeconomica non spectant.

VII. *Extrema Comitatis, seu opposita vitia* duo sunt, alterum in excessu, alterum in defectu: illud *ἀπειρία*, nimium placendi studium, *adulatio*, *assentatio* dicitur; hoc, *δυσκολία*, *morositas*. *Ἀπειροὶ* dicuntur, qui voce, gestu, sermone, dictis ac factis, omnibus placere student, (vulgo Placentini vel Placentini, teste Lipsio) nulla honestatis & utilitatis habita ratione, qui nihil intendunt aliud quam ut aliis placeant ac probentur: si vero id faciunt propter opes aut utilitatem aliquam, quam inde sperant, & sectantur, dicuntur *Adulatores* & *Assentatores*, quorum ingenium graphice descripsit, Terentius in *Gnathone*, *Plautus* in *Ergasilo*; ille in *Eunucho*, hic in *Capteivis*. *Adulatores*, vel sunt aperti, vel occulti. *Ἀπέρτοι*, qui palam circa culinas oberrant & coenas captant (cenipetæ.) *Οκρυτοί*, qui gerunt amici personam & sobrii aliorum se negotiis ingerunt. Deinde, alii sunt *mansueti*, qui tantum balnea sectantur & menas; alii *feri*, qui nonnullis adulantur, alios interim calumniis & convitiis onerant. *Δυσκοῖλοι*, *morosi* sunt, qui nihil in aliis probant, nemini placere student, contentionibus omnia implent, consuetudinem humanæ societatis rumpunt, hominum commercia fugiunt, nihilque gratum habent, quod ab aliis proficiscitur.

VIII. *Quæri hic solet, utri de aliarum virtutum extremis, Vtrum extremorum propius ad Comitatem accedat, utrum remotius ab ea recedat?* Resp. Id definiri non potest satis, nisi primum varia & Adulatores & Morosorum

genera distinguantur: nempe utrumque vitium, tum adulationis, tum morositatis, spectari potest, vel ut est simplex & uniusmodi, vel ut est aliis vitiis auctum ac perniciosum. Cum quis adulatur & adulando nihil intendit aliud quam alteri placere, nec propterea ullo alio sese contaminat scelere, *simplex* est *adulator*: sic cum quis ex naturæ quadam asperitate est morosior, neque suam morositatem aliis vitiis augeat, is *simplici* laborat *morositate*; sed vero si utrumque extremum aliis vitiis sit auctum & iis ceu copiis auxiliaribus instructum, dicitur *adulatio*, & *morositas*, *mixta* & *composita*; quemadmodum, si quis verba, gestus, ac nutus, in aliorum componat gratiam, non tantum ut placeat, sed insuper, ut honorem inde adipiscatur, quo est indignus, aut lucrum ut faciat, quo avaritiæ suæ satisfaciatur; aut si quis omnia improbet ac nulli placere studeat, non tantum ex agrestis quadam natura, sed ex industria in contemptum aliorum, ut alios afficiat aliqua, vel injuria, vel ægritudine. Hic utrobique non *simplex* est *adulatio* vel *morositas*, sed *mixta* & *composita*. Nunc ad questionem propositam responderi potest.

IX. §. 1. *Assentatio simplex simplici morositate est melior, & propius accedit ad Comitatem, quam Morositas. Probatur.* Cum sit propositum Comitati, ut jucunde suaviterque cum aliis consuetudo ac conversatio habeatur, erit comitas alienior ab illo extremo, quod magis à delectatione, jucunditate, & suavitate, ac longius, recedit: Sed Morositas magis ac longius recedit ab illa delectatione, jucunditate, & suavitate, quam Assentatio: Ergo &c. *Prob. min.* (a) Qui enim nullam habet in conversatione suavitatem, sed omnia replet træore, angore, tristitia, is longius abit à jucunditate; quam exigit Comitatus, quam qui in suavitate ista est nimius. Quemadmodum simplex avaritia est deterius simplici prodigalitate, quia longius abit à liberalitatis medio, ita simplex morositas est deterius simplici adulatione, quia longius abit à comitatis medio: par enim utrobique est ratio.

- (a) Quod vitium adum habet communem cum virtute, licet in illo actu modum excedat, illud
O 2 propius

propius accedit ad virtutem ipsam, quam vitium istud quod nullum habet actum communem cum virtute: sed Adulatio actum habet communem cum virtute, sc. jucunde ac suaviter cum aliis conversari, licet in ea jucunditate ac suavitate Adulator sit nimius: Morositas vero nullum habet actum communem cum comitate, quia morosus ab omni jucunditate ac suavitate abhorret.

X. §. 2. *Adulatio composita & mixta, morositate composita & mixta, interdum est melior, interdum deterior: nempe, gravitas utriusque vitii æstimari debet ex malis & vitiis, quæ cum alterutro commiscuntur: & sic, illud erit ex extremis hinc vitiis majus, quod pluribus*

aliis vitiis est augmentum & majus infert damnum. Sed interdum adulatio, interdum morositas, pluribus augeat vitiis majusque infert damnum. Adulator gravissima interdum committit scelera, ut alteri placeat, quæ tanta si non committat morosus, jam adulator est longè deterior moroso. Contra, morosus committere potest plus mali ac plus inferre damni, quam adulator, & tum hic est altero pejor, ita pro plurium aut pauciorum accensu, & pro majori ac minori damno, quod ab hisce extremis, Comitatis sc. oppositis vitiis, sed compositis, ac mixtis proficiuntur, alterum altero est gravius vel levius.

DISPUTATIONUM PRACTICARUM

VIGESIMA-SEPTIMA,

DE

VERACITATE.

THESIS I.

EX virtutibus *ἡμετέρας* non est postrema *Veracitas*, quam Comitatis c. 6. l. 4. *Esth.* ad Nicom. explicatæ, & à nobis superiori disp. pertractatæ, subjicit c. 7. *Aristot.* eamque Græcè vocat *ἀληθείαν*; sed minus proprie: quippe *ἀληθεία* veritatem significat, quæ hujus virtutis obiectum est potius, quam ipsa, de qua nunc agimus, virtus: significantius diceretur *φιλαληθεία*. Lat. *Veracitas* melius dicitur hæc virtus, quam *Veritas*: dicitur quoque, *Candor, Sinceritas, Integritas, Ingenuitas.*

II. *Veracitas* est, *μετῶς ἀπὸ τῆς ἀληθείας* cū λόγῳ καὶ περὶ τὴν, *Mediocritas* circa veritatem in sermonibus & operibus: vel *μετῶς ἀπὸ τῆς ἀληθείας ἡμετέρας* cū ἡμετέρας πολιτικῆς, *Mediocritas* circa veri confessionem in conversatione civili. Obiectum Veracitatis est *Veritas*, seu verum, seu veri confessio ac professio, in dictis & factis societatis civilis.

III. (a) *Veritas*, non spectatur hic illa, quæ est conformitas rei, cum principiis suis

constituentibus aut desinientibus, vel cum intellectu, vel cum idea: (b) hæc enim est *Entis* affectio simplex ac transcendens, & ad *Metaphysicam* pertinet, diciturque veritas simplex: nec consideratur hic *veritas cognitionis*, seu *judicii*, seu *mentis*, quæ in eo est sita, ut res representetur in intellectu eo modo, quo est extra mentem: hæc veritas ad *Physicam* pertinet, diciturque veritas complexa, estque conformitas mentis cum rebus cognitis: nec illa quoque veritas huc spectat, quæ *veritas doctrinæ* vulgò dicitur, qualis est, (c) vel disciplinarum in solâ cognitione consistentium, vel artium quarundam, quæ aliquid faciendi vel agendi præcepta tradunt, quo sensu *Ars* definitur *Arist.* ἡ ἐν μετὰ λόγον ἀληθὺς πειρὴ καὶ, habitus effectivus cum ratione *veritatis*: nec hujus loci est *veritas justitiæ*, quæ in pactis & conventionibus servandis, fide datâ non fallendâ, &c. præbitur; hoc modo quippe verus est & veritatis habitus præditus, qui proximo

proximo cuique suum tribuit, etsi mentiatur: nec denique hic intelligitur (d) *veritas vite*, quæ est vivendi ratio, divinis humanisque præceptionibus exactè respondens; nam veritas in Veracitate nullas proprie intuetur leges aut præceptiones, sive humanas, sive divinas, quibus vivendi ratio dirigitur, sed *solum difforum factorumque, cum rebus, dictis ac factis, æqualitatem: hæc veritas, objectum est Veracitatis*, quæ est adequatio sermonum & operum significantium, ad res quas significant, & ad animum significantis, quâ unusquisque talem se demonstrat totâ vitâ qualis est, nec aliud dicit, facit, sentit, quàm quod debet & res est, cum, quæ sibi adsunt, adesse, quæ absunt, abesse, ingenue profitetur, bona sua vel mala, uti & aliorum, nec majora facit, nec minora, quâ quis animum suum ita confirmat, ne quid falsi, ficti, aut picti, proferat, ore, lingua, gestu, nutu, aliisque modis. Hæc enim veritas non sermonem tantum respicit, sed gestus insuper, nutus, vestitus, adeoque quicquid signum est, quo mentis suæ sententiam, affectus, & quicquid in animo est, prodit homo. *Materia ergo circa quam hæc veritas versatur simul & veracitas, sunt sermones & actiones externe*, quibus in conversatione civili per totâ vitam designamus ac patefacimus nostrâ ipsorum conditionem ac statum in humanis bonis, ut sunt, nobilitas, amici, opes, doctrina, sapientia, robur corporis & pulchritudo, &c. quæ omnia, cum profitemur ingenue ita nobis adesse vel abesse, ut pro loci, temporis, aliarumque circumstantiarum ratione, vel absunt vel adsunt: (e) jam veraces sumus, etsi in nobis, hæc, de qua agimus, virtus.

- (a) Omnis veritas dicit convenientiam unius rei cum alia, sed non omnis veritas est objectum veracitatis Verum Metaphysice dicitur illud quod convenit cum principiis vel constituentibus, ut eum verum aureum vocamus id quod habet in se omnia principia ad veri auri constitutionem requisita; vel constituentibus, sic Deus dicitur verus Deus, quia in se habet omnia ista principia quibus definitur, nam principia constituenta nulla habet, ut cum illis convenire nequeat, quia est expers compositionis: verum Physice, dicitur omne intellectus iudicium, quod convenit cum rebus iudicatis, quando res ita se ha-

bet, ut intellectus illam se habere iudicat. Veritas Doctrinæ, est convenientia præcepti cum i. e. definitionum & divisionum cum rebus definitis ac divisis cum eam definiunt sive habent verum non possunt consistere in exceptionis veris: veritas Iustitiæ, est convenientia promissionis cum re promissa, quando quis præstat id de quo præstando cum alio convenit: veritas Viræ, est convenientia vitæ humanæ cum legibus divinis & humanis, talis perfecta convenientia in hac vita non datur; veritas veritas, quam posuit veracitas, est convenientia signorum cum rebus significatis & animo significantis, sive illa signa sint verba, sermones, facta, nutus, gestus, aut quodcumque tandem quo significamus nostram aut nostrorum aut aliorum vitam conditionem, præsertim in bonis humanis, sive animi, sive corporis, sive fortuna: quando quis itaque externis signis, ut vestitu aut etiam sermone proficitur sibi esse plures opes quam possidet, is ab hac convenientia signi exterioris insignificantis cum re signata recedit, & peccat in excessu; contra cum quis vestitu aut sermone significat non tantum sibi esse divitiarum quantum est, is recedit quoque à veritate ista quam spectat veracitas, sed peccat in defectu.

- (b) Affectio Entis Transcendens dicitur quia illa, sicut ipsum Ens, transcendit omnes Categoriarum limites, i. e. in nulla reperitur categoria, estque unitas, veritas, bonitas. Affectio Simplex Entis dicitur, quæ sola cum Ente reciprocatur, ut, Omne Ens est unum, & Omne unum est Ens. Affectio Coniuncta dicitur, quæ combinatur cum Ente reciprocatur, ut, Omne Ens est vel Causa, vel Causatum, & Omne quod est Causa vel Causatum, est Ens: a non licet alterutrum Solum cum Ente reciprocare, ut, non licet dicere, Omne Ens est Causa, & Omnis Causa est Ens, nam prior Enunciatio falsa est.
- (c) Omnium præcepta oportet esse veram; nam falsa præcepta docere nos nequeunt, ut aliquid vel sciamus, vel faciamus.
- (d) *Veritas Vitæ*, est Conformitas Morum & Actionum humanarum cum legibus lais.
- (e) Veracitas est Virtus quæ omnia dicta ac facta reddit Conformia & Congrua Animo hominis, quia Aliquis sibi Aliud lingua promittit, quam quam quod Corde premit, & quia n' illi facit aliud, quam quod Animus dicitur, & quod res ipsa postulat.

IV. Sed *Veracitatem esse Virtutem*, id est, habitum moralem, probandum est nobis: illud sic probamus. Ubi reperitur excessus & defectus,

fectus, ibi quoque est medium seu virtus. Atque circa sermones, verba, nutus, gestus, vestitus, aliasque actiones externas, in quantum sunt indices & testes veri, cadit excessus & defectus. Ergo &c. Prob. min. potest enim quis sermone, nutu, gestu, vestitu, similive actu externo, ita se componere, ac si bona habeat quæ non habet, item ac si maiora habeat quam habet; atque hic modum & medium veritatis excedit: alius contra potest ita actiones suas externas instituire, ac si bona in se non sint, quæ tamen sunt, vel ac si minora essent quam sunt: atque hic à modo & medio veritatis deficit. Veracitas hoc utrumque corrigit, & inclinat hominis appetitum, vel rationalem, vel sentientem, ne aliud significet gestu, nutu, sermone, verbis, vestitu, ulloque signo vel actu externo, quam quod res est.

V. Veracitatem esse virtutem, ex th. 4. conilat, nunc porro demonstrandum est, eam esse à cæteris virtutibus distinctam; quod vel ex eo satis liquet: quia habet obiectum à cæterarum virtutum obiectis distinctum: quippe nulla est virtus alia, quæ verba & signa sic jubet esse vera, sicuti postulat ratio, etiam tum, cum neque iustitia, neque religio, neque alia virtus, dictorum factorumque veritatem, efflagitat: quod si ad aliquam virtutem revocanda esset veracitas, ad iustitiam, cui est simillima, revocari deberet: sed vero à iustitia suo discrimine discernitur: quia, alia est veritas, obiectum veracitatis, dictorum factorumque cum rebus, quæ dicuntur ac fiunt, adæquatio i. e. convenientia: alia est veritas iustitiæ, quæ est rei cum re æqualitas: (a) iustitia respicit veritatem, sed eam, quæ in pactis, conventionibus, & iudiciorum transactione committitur: at veracitas longe aliam respicit veritatem, sc. dictorum ac factorum, ut vere fiant ac dicantur, quæ fieri ac dici debent: (b) atque hæc dari debet ac sæpe datur etiam tum, cum iustitia nullam veritatem postulat, id est, cum iustitiam exerceri non est necesse.

(a) Veritas, quam exigit iustitia, locum tantum habet in transactionibus & pactis: ille V.C. verè iustus est, qui mercedem laboranti dat ex pacto debitum, qui pecuniam numerat pro conductu ædibus ex Conventionem mutua promissam: sed

Veritas, quam postulat Veracitas, exiit a partem transactionis, non habet in transactionibus factis, quæ sunt in transactionibus, sed in rebus, quæ dicuntur ac fiunt.

(b) Quam veritatem ob altera, si potest, ex non constituant obiectum unum, quod virtutis: sed veritas, quam respicit veracitas, quæ sita est in conformitate signorum cum rebus, significatis & animo significantis ab eo potest veritate quam respicit iustitia, quæ est in conformitate promissionis & rei, non in æquatione debiti & rei debiti, potest quis mentiri aut alicui falsum dicere, ut non unicuique suum tribuat: hic servare quædam veritatem iustitiæ, sed non eam quam postulat veracitas.

VI. Postquam Veracitatem esse virtutem, & distinctam a cæteris, est ostensum, restat, ut hominis veracis officia & ipsius Veracitatis opposita consideremus. Primum veracis officium est; si à aliis veritatem profiteri, ob istam honestatem, i. e. nullam aliam ob causam verum in dictis & factis consecrari, quam solius virtutis & honestatis gratia: itaque, nec præmii, nec pœnæ, nec legum, nec lucris, nec honoris, nec ullius rei, nisi honestatis, causa, verum dicit. Secundum Veracis officium est, si à aliis veritatem interdu celare, tegere, premere, adeoque veritatem non profiteri, nisi circumstantiæ, personarum, loci, temporis, atque id exigant: neque enim veritas simpliciter est dicenda ubivis gentium, omni loco & tempore, absque ullo discrimine, sed prudentia, ut in omni virtute, ita in hac potissimum est adhibenda: non equidem diffiteor, dissimile esse determinatum, quantum sit concedendum prudentiæ, (a) in veritate reticenda ac tegenda, fieri tamen potest, ut absque vicio, prudenter aliquando, non dicamus veritatem. Nunquam aliquid veritati contrarium, seu falsum, seu mendacium, est dicendum, sed non semper omne verum est dicendum, potestque tuto aliqua veri pars taceri, si circumstantiæ id exigant.

1. Cum de re aliquo consultum non est omnem veritatem eloqui: tali casu potest aliqua pars veri dici, & alia taceri. Exemplum ejus rei insigne adducit Keckerm. l. 2. Syll. Et. c. 9. ex vita Athanasi, qui cum fugeret Arianos

nos persequentes, factum fuit, ut navis divinitus versa fuerit & obviam procederet hostibus, qui cum Athanasium non nossent, rogant eum, an non vidisset prætervectum Athanasium; respondit sanctissimus Pater, modo prætervectum esse, sed non addebat, se eum esse, qui jam rediret; quod quidem verum erat, sed non tenebatur dicere Athanasium, ac tuto silebat. 2. Si quis alteri ex mentejus respondere non tenetur, potest aliquam partem veri reticere & cautè ac prudenter ipsi respondere, quod verum est quidem, licet forte aliud verum pro responso interrogans expectasset. Sic Abrahamus Patriarcha rogatus de uxore sua, respondit eam esse sororem: quod imitatus quoque est Isaacus. Divinum quid à veritate questionis propositæ respondit uterque: & uterque verum dicebat, quamvis non de questione proposita uti interrogantibus videbatur. 3. Reticere potest veritas & tuto ac licite, imo debet, cum taciturnitatis lege tenemur eam non proferre. Si quis Consiliarium roget, quid in Senatu sit actum, non tenetur proferre Consiliarius, sed vel tacere potest, ac debet, vel indirecta uti responsione & orationem aliud flectere. 4. Potest ipsa veritas interdum tuto ac prudenter dissimulari; ut si quis inter hostes, ebrios, latrones, aut id genus homines versetur, potest sanè aliquo silentio eoque justo uti: præceptum enim affirmativum de veritate dicenda non obligat ad semper, ut loquuntur vulgo, sed prout exigit ratio circumstantiarum bene expensarum. (b) Summa omnium huc redit. *Veracitas officium est, prudenter & circumspicte semper agere ac dicere, & verum, vel profiteri, vel celare, pro re nata & circumstantiis oblati*: sed sedulo cavendum ac providendum, ne prudentia in calliditatem, aut veritas non prolata in mendaciam turpemve simulationem, abeat ac desinat.

- (a) Illa duo accurate debent decerni, veritatem reticere, & falsum pronunciare: prius absque mendacio interdum fieri potest, cum scilicet circumstantiæ omnes expensæ veritatem reticendam esse jubent; ac tum demum vitium est, cum veritatem profiteri circumstantiæ mandant; sed falsum pronunciare semper est veti-

tum nec unquam ob ulla circumstantias fieri potest bene, quia per se malum est.

- (b) Casus isti thesi sexta enarrati, quibus absque peccato veritas interdum reticere potest, nihil faciunt pro mentali reservatione aut equivocatione Jesuitica: prior committitur, cum aliquid dicitur quod verum est, sed non nisi sub conditione quam mente reservat ac reticet is, qui alteri loquitur, hæc merum ac verum est mendacium; nam cum alter, cui loquitur, loquentis cogitationes, & mente reservatas conditiones non intelligat, solus enim Deus est cogitatorum nostrarum inspector. ipsi turpiter à loquente imponitur, dum judicat esse absolute verum, quod tantummodo verum est, secundum conditionem aliquam verbis non expressis sed intellectu loquentis retentam ac reservatam: posterior committitur, cum voces aut phrasas proferuntur quæ ambigux sunt aut homonymæ, & alio sensu accipiuntur ab audiente, alio à loquente: utrobique mendacium est ac fallacia quædam; in priori casu, à dicto simpliciter ad dictum secundum quid: in posteriori, vel homonymix vel amphiboliz.

VI. *Oppositum Veracitatis in genere est Mendacium*: mendax enim est, qui à veritate recedit. Verum, cum veritas sit simplex, & duobus modis ab ea recedi possit, vel plus, vel minus, dicendo & faciendo, quam veritas exigit, duplex quoque est mendacii species; *ἡλαζονεία* Aristot. Interpretibus *jaſtantia*, & *εἰρωνεία* Aristot. Interpretibus *dissimulatio* dicta. *ἡλαζονεία*, *jaſtantia* est, vitium in excessu, quo quis sibi vel aliis plura arrogat & majora de se vel aliis prædicat quàm sunt: versatur hoc vitium circa ea, quæ non sunt, ac si essent, aut circa minora, quàm essent majora, i. e. ea, vel nobis, vel aliis, affingit, quæ nec in nobis nec in aliis sunt, vel majora comminiscitur quàm sunt. Aristot. hoc vitium per fines distinguit: & ratione finis, ei duplex est *ἡλαζονεία*; vel enim *μεγαλὸν ἔργον*, nihili gratiâ, i. e. ob nullum finem, simulat sibi esse majora quàm habet, ex solâ vanitate, quæ potest dici *jaſtantia* simplex, vel *εἰρωνεία*, propter aliud, vel honorem, vel pecuniam, &c. & talis *jaſtantia* est composita ac mixta. *Εἰρωνεία* (a) *dissimulatio*, in defectu est vitium, quo quis dissimulat sibi vel aliis esse ea bona quæ habet, aut minora facit quàm habet. Aliud est ironia in *Ethicis*; aliud in *Rhetoricis* ibi est tropus.

tropus à contrario ad contrarium, hic est vitium illud, quod definivimus. Sunt *equivocum* duum generum apud *Arist.* Quidam dissimulant in se ea, quæ non adeo manifesta & cognita sunt aliis; quidem dissimulant ea, quæ sunt omnibus conspicua & obvia: prioris generis dissimulatores, minus; posterioris, gravius peccant. Ad ironiam referunt Ethici *Callimachianæ*; cum quis aliena bona deprimit, & aliorum mala valde extollit: certe talis in Veracitatem peccat.

(a) Simulatio & dissimulatio interdum in bonam, interdum in malam funiunt partem: priori modo absque animo decipiente fieri potest, ut aliquis simulet se hoc aut illud facturum, quod tamen non facit, quia illud ante facere constituerat, sed priusquam plene illud est executus, interea temporis animi sententiam mutat ab alio aliter persuasus; ac si ad primam alterius interpellationem non statim acquiescat, sed ita se componat, ac si id quod desiderasset plene perfectum exequi vellet. is quidem tum dicitur simulare, sed absque peccato, quo sensu Christus Lucæ 24. dicitur simulasse se longius iturum: sic & fieri potest, ut aliquis aliquid dissimulet, i. e. non proferat, non dicat illa quæ erant dicenda & proferenda, idque sine peccato, quo sensu Athanasius dissimulavit Ariasius se illum esse, de quo quærent, an Athanasius istæ esset prætervectus; sic Abrahamus dissimulavit Saræ esse uxorem suam, quod dicere non tenebatur: sed simulatio & dissimulatio, quæ sunt conjunctæ cum impostura proximi & animo decipiendi, sunt vitia veracitati opposita. differunt autem inter se, quod simulemus falsa, dissimulemus vera. & simulatio sit in excessu, dissimulatio in defectu; veritatis peccatum est, cum quis falso crepat majores divitias quam possidet, is simulat se ditiores, quam est: at qui se ait minus divitem esse, cum vere sit magis dives, is dissimulat divitiis suis quas vere possidet.

VIII. *Mendacium* habet se ad *injustitiam* & *dissimulationem*, ut *genus ad species*: nam, & *factator* ostentatione & *venditatione* rerum suarum, id agendo, ut videatur esse is, qui vere non est, & dissimulatores, obtegendo & imminuendo sua, ut videatur is non esse, qui vere est: uterque, utrumque alienam ementitur personam, & mendacium committit: nam utraque falsa quædam est vocis factique si-

gnificatio cum consilio propositoque fallendi: at hoc ipsum, nihilque aliud, mendacium est. *Mendacium* enim est *verum*, quæ per signum aliquid, sive id fiat voce, sive sermone, sive signo, sive scriptura, sive munus, &c. inanimus & proferimus aliquid, quod aliter se habere existimamus, (a) cum animo & intentione fallendi. Atque hinc videre est discrimen, quod est inter mendacium dicere & mentiri; nam mendacium dicere, i. e. falsum dicere Logice, potest is, qui non mentitur, non dicit falsum Ethice, & sc. qui falsa dicit ac narrat aliis, quæ auditione accipit, absque fallendi proposito, mendacium seu falsum Logice dicit, non tamen mentitur, falsum dicit Ethice, quia animus & intentio decipiendi, quæ rationem formalem mendacio largitur, longe ab illo abest. formalis enim ratio actionis moralis ab electione pendet & voluntate: ideoque fieri potest, ut quis veraciter dicendo mentiatur, pura, si quis vera dicat inficius, & dicat animo fallendi, mentitur formaliter, quia committit falsitatem Ethicam: licet contra quæ alterius falsa verba narrat inficius sine animo fallendi, mentitur materialiter tantum, quia committit falsitatem Logicam, quod si tamen, quæ falsa narrantur, talia sint, ut qui narrat, falsa esse scire potuerit ac debuerit, non plane extra culpam est, & interpretative mendax est, i. e. habetur pro mendaci, quia quæ nunc quidem falsa esse ignorat, scire potuit ea esse falsa. Atque huc pertinet distinctio (b) *Mendacii*, quod est, *aut a veritate, secundum ignorantiam, vel a veritate, secundum electionem.*

(a) Ex hisce verbis liquet, mendacium officiosum & iocosum vera esse peccata & mendacia, quia utrumque conjunctum est cum animo fallendi: intentio enim boni finis, non potest facere actionem, quæ per se est mala. bonam: sed aliquid dicere, aliquid cum intentione decipiendi quam res est, totius utilitatis aut voluptatis causa, nihil est aliud, quam mentiri seu actionem committere malam ob finem bonum: sed non sunt faciendi mala, scilicet turpia & inhonesta, a lege verita, ut eveniant bona, aut jucunda aut utilia.

(b) Mendacium secus: ignorantiam invincibilem, est falsum Logice, secus: ignorantiam vincibilem, est falsum Ethice, si non in se & formaliter, saltem in sua causa & virtualiter & interpretative. Mendacium secundum electionem, est pro-

prie dictum formaliter Mendacium; Mendacium secundum Ignorantiam . est duplex , vel secundum ignorantiam invincibilem , etque Mendacium Materialiter , vel secundum ignorantiam vincibilem , etque Mendacium Interpretative dictum.

IX. Queritur hic, *Verum extremorum Veracitati magis adversetur , jactantia an dissimulatio ? utrum sit deterius ?* Resp. 1. Illud vitium est deterius , quod aliis , quibuscum vivimus , est molestius & gravius : Sed in humano convictu est jactantia gravior & molestior dissimulatione. Ergo. 2. Vitium , quod est frequentius , & in quod homo prolabitur facilius , est deterius : Sed jactantia est talis præ dissimulatione. Ergo. Homini quippe à natura major est propensio ad jactantiam quam ad dissimulationem. 3. Illud vitium est deterius , cui finis est propositus deterius. Sed finis jactantiæ est deterius quam dissimulationis. Ergo. Quia jactator , vel ex inani glo-

riâ , vel lucri cupiditate , impellitur ad res suas extollendas : dissimulatio , ut fugiat tumiditatem & arrogantiam , sua deprimit. Potest tamen fieri per accidens , ut interdum dissimulatio sit deterius ipsâ jactantiâ , si scilicet dissimulatio dolose & subdole dissimulationem suam dirigat ad decipiendum alium : finis enim tum dissimulatio propositus est pejor quam jactatori : finis autem bonitatem & malitiam ejusque gradus potissimum largitur.

ANNEXA.

1. Omne mendacium , etiam jocosum & officiosum , est peccatum.
2. Occultatio veritatis , per mentalem reservationem , aut equivocationem verbalem , nihil est aliud quam mendacium.
3. Strategemata non sunt illicita , nec pro mendaciis habenda.

DISPUTATIONUM PRACTICARUM

VIGESIMA-OCTAVA,

DE

VRBANITATE.

THESIS I.

EX virtutibus *μειλιχίας* , conversatricibus , duas , *Comitatem & Veracitatem* , exposuere *disput.* 26. & 26. Superest tertia , quam *εὐτεχνιλία* vocat *Arist.* l. 4. *Eth. ad Nicom.* c. 1. quæ tamen vox in malam interdum sumitur partem , significatque non *Urbanitatem* sed *scurrilitatem* : quo sensu sumitur apud *Apostolum* , ad *Ephes.* 5. 3. *ne nominetur , inquit , inter vos , αἰσχρὴς turpitudine , μωρολογία* stultiloquium , aut *εὐτεχνιλία* scurrilitas : si enim *εὐτεχνιλία* ibi significasset *Urbanitatem* , eam non vetuisset *Apostolus*. *Aristot.* hac voce ipsam virtutem designavit , quamvis moneat in *textu* , eam sumi aliquando in partem deteriorem. Dicitur verò *εὐτεχνιλία* , quasi *faci-*

litas & flexilitas morum , videturque descendere à verbo *τεχνίς* , *verto , flecto , muto* : sunt enim *εὐτεχνίαι* quasi *εὐτεχνίαι* , qui flexili & versatili sunt ingenio , qui suos mores , sermones , & actiones , facile possunt flectere ad aliorum arbitrium , ut neminem offendant , sed contra oblectent ac recreent. *Lat. Urbanitas* dicitur ab *urbe* , quia in urbe suavius ac jucundius conversari solent homines quam in agris & pagis.

11. *Εὐτεχνιλία* ἢ *μυσίτης* ἢ *παίδις*. *Urbanitas* est *mediocritas* circa jocos. Hinc nonnulli *εὐτεχνιλία* dictam existimant , quia ex jocis & ludis maximè *εὐτεχνίαι* mores hominum dignoscuntur. Obiectum

Urbanitatis. sunt *joci* & *ludi*: nam vox *παιδι*, utrumque significat, tum ludum, tum jocum: quæ tamen voces duæ sic discriminantur apud Latinos, ut *Ludus* in facto, *Jocus* in verbo, consistere videatur: neque tamen hoc ipsum discrimen perpetuum est, ne apud probatos quidem Authores. Ergo nos *ludum jocumque* dicemus promiscue, quodcumque opponitur & contrarium est *serio*: ut enim *Comitatus* in feriis occupatur, ita *Urbanitas* in jocosis & ridiculis. Versatur *Urbanitas* circa *ludos* & *jocos*, tum *faciendos ac dicendos*, tum *spectandos ac audiendos*: & utrobique *modum ac medium* præscribit *Urbanitas*.

III. *Aliquam esse Virtutem circa jocos ac ludos*, duabus rationibus probat *Arist. Eth. ad Nic. l. 4. c. 8.* una desumta est ex loco totius & partium: altera desumitur ex contrariis. 1. Est. In omni vita omnibusque vitæ partibus locum habet virtus. Sed quies, in qua ludi exercentur ac joci, ad vitam pertinet, estque vitæ pars. Ergo & hic virtus aliqua est collocanda; quæ ludos jocoseque & facere & spectare, & dicere & audire, doceat, quos & qua ratione oportet. 2. Est. Ubi est excessus & defectus, ibi quoque virtus est. At circa jocos ac ludos est excessus & defectus. Ergo. Quod sit excessus, experientia satis docet in iis, qui plus temporis in ludo, joci, ac ludicris, impendunt, quam par est, qui alienis horis sponte dimittunt opera seria & otium eligunt jocandi ac ludendi, idque cum minime quadrat. Est & defectus hic: nam qui ita mentem intendit in rebus seriis, ut se desat, ut spiritus animales plane fatiget, ut labori non adjungat & cum eo commutet requiem, ut feriis nunquam succedant ludicra, ut nunquam varientur festa profestis, deficiunt à medio *Urbanitatis*: Deus enim ipse post labores refici animum voluit, ut ad labores novos reddant homines alacriores: ideoque Sabbatha quædam populo Judaico instituerat, ut non solum hominum sed & jumentorum corpora per illam quietem reficerentur: & frustra naturæ Author, Deus, tantum ad ludendum & jocandum propensionem indidisset mortaliū animis, nisi honeste etiam & ex virtute joci quæ ac ludere posset. Cedit ergo circa

ludum jocumque, tum faciendo, tum spectando, tum audiendo, tum loquendo, ut oportet & quantum oportet. (a) *virtus*: cadit & excessus, si nimium iis utamur: cadit & defectus, si quis nullis joci, vel dicendis, vel audiendis delectetur. Sed vero, ut mediocritas utrobique servetur, quænam sint officia *Urbanitatis*, in joci dicendis, quænam in audiendis, videamus.

(a) *Quæritur*, an absque peccato aut vicio *Urbanitas* iari contrario quis possit aut facere aut spectare. *Ludos scenicos*, tum *comicos*, tum *tragicos*. Resp. *Ludi* isti spectari possunt vel in se simpliciter, absque vitiiis aliis concomitantibus vel cum illis vitiiis, quæ eos comitari solent: in se non sunt illiciti, quippe si de virtutibus faciendis & vitiis fugiendis præcepta tuto legi possunt. quidni eadem audira aut visa per vittutum vittorumque, qua voce, qua gestu, representationem, ut sit in ludis scenicis, honeste & tuto audiri, aut videri possunt: sed si spectantur vel ludantur cum conjunctis pleuræ, viis quales sunt hodiernæ rusticorum in pagis, civium multorum in urbibus, & circumforaneorum stultitiaz, omnino sunt damnandi quia in illis sæpe argumentum tractatur ex Bibliis Sacris, sed verbum Dei non est datum, ut historiarum stinateria, quia sæpe scurrilia, indecora, turpia, representantur, spectantur, audiuntur, quia nomen Dei temete sæpe invocatur, & jaramen profanatur, quia ipsum sæpe Deum imagine expriment, quia virilis vestitus in muliebri mutatur, & contra, ut nullum sit discrimen sexus, quod vetitum est in legibus Moisaicis. Sed, at vero quando ista omnia absunt, nihil mali in ludis illis est, ut si exdes, in principe aut viro illustri facta, represententur oculis, auribusque aliorum, ut sceleris execratio horribilis tanto magis posterorum feriat animos, ut etiam exhibeatur in scena, ludo honesto, victoria de hostibus reportata, aliiisque similibus casibus.

Quæritur. An alii præter scenicos ludi, aut lusus ad animi corporisque relaxationem instituti, sint liciti? quales sunt scæchiz, & latruncolorum ludi, aut etiam sphæristerzi, aut exercitium sagittarii, &c. Resp. omnes illos esse licitos in se spectatos, modo absint vitia, quæ eos vel comitantur, vel consequuntur, ut sunt jurgia, lites, juramenta, neglectio vocationis, emunctio alienæ pecuniæ, &c.

Quæritur, an inter ludos licitos quoque comprehendatur ludus alex, & chartarum picturæ? Resp. idem quod de aliis ludis, scilicet, si sejungantur ac separantur vitia, quæ plerumque adfusi,

adsunt, quia si ludus alex (Idem de chartarum ludo est dicendum) per se & ex natura sua, semotis femovendis, sit illicitus, oportet aut in lege, aut in verbo Dei sit vetitus: sed non est vetitus. Ergo. Resp. qui secus sentiunt, præcepto tertio decalogi vitari, quod iactus alex sit temeraria invocatio nominis Dei, cum enim, qui aleam jacit, non habeat in sua potestate, ut talis cadat numerus, qualem desiderat, ajunt providentiam quandam extraordinariam Dei hic implorari, & sic Deum tentari, cum id sit sine causa: sed Resp. 1. negamus in jactu alex, etiamsi sit extra potestatem jacentis talem jaceret numerum qualem vellet, implorari Dei providentiam extraordinariam, & sic temere nomen Dei usurpari, non magis, quam id sit in ejaculatione sagittæ in altum; nullus enim hominum, vel peritissimorum sagittariorum hoc effectum dare potest, ut sagitta in altum emissa cadat in illud punctum terre, in quod eam cadere vellet; idem dicendum est, si quis pilam projiciat in altum. Obijciunt adversarii Prov. cap. r6. versu ultimo, ubi hæc habentur verba, In gremium conjicitur fors, à Jehova autem est eventus ejus, ergo, inquit, extraordinaria hic Dei providentia circa fors eventum occupatur, quam temere invocant, qui solius animum gratia alio ludo se oblectant. Resp. nulla est consequentia, non magis quam si ex alio versu alterius capitis 21. Prov. Sal. ubi dicitur, Equi parantur ad prælium, sed victoria est à Domino. inferat, ergo equos parare ad prælium est invocatio extraordinariæ Dei providentiæ, nam & eventus victoriæ etiam est à Domino. 2. Extraordinaria Dei providentia dicitur, cum Deus effectum aliquem edit, aut eventum largitur supra naturam, ut cum facit miracula, cum fidem mate rubrum, cum impedimentum posuit in corporibus trium istorum juvenum qui injecti erant in fornacem Babylonicam, ne comburentur: quemadmodum ordinaria Dei providentia dicitur, cum Deus sequitur ordinem naturæ à semetipso fixum, & leges naturæ, à se rebus inditas, & utitur mediis naturalibus in operando: ergo in omni jactu alex si occupetur providentia Dei extraordinaria, Deus faciet miraculum, consequenter quoties bajuli nostri aleam jaciunt, quis ex illis sarcinam hanc aut illam sit portaturus, aut quis in opere omnibus communis primus, quis secundus sit laboraturus, totidem semper erunt miracula. 3. Quod per se illicitum est ac malum, id nunquam potest fieri aut exerceri bene, sic nunquam potest absque peccato dici mendacium aut homicidium committi, quia utrumque in se malum est ac vetitum, sed iactus alex potest fieri

ri absque peccato: neque etiam peccati bajuli nostri, cum tali modo & fine aleam jaciunt, ut statim est dictum, & si ludus alex esset illicitus, quia species est fortis, omnis fors fortis illicita, argui hoc est falsum, nam Deus ipse in Testamento veteri sortem adhiberi voluit in hereditatibus heriscendis, & dividendi, & Apostoli forte usi sunt in electione novi Testamenti: sed nec Deus uti præcepisset, nec Apostoli usi fuissent eo, quod per se est illicitum & malum, ergo nec fors est in se illicita, nec ludus alex, quia est species fortis: hæc tamen omnia nihil faciunt pro hodiernis aleatoribus, quia aut rarius aut nunquam isti alex ludo utuntur honesto, aut absentibus aliis vitis.

Quæritur, an saltatio facta ad modulos, solius oblectationis causa, & exercitii corporis gratia, in se spectata, sejunctis sejungendis vitis, sit illicita, & peccet in Urbanitatem? Resp. negando, quia si in motu digitorum secundum certos modulos fidibus canendo aut clavicymbalo non peccatur, si lingua ad certam harmoniam inter cantandum mota non peccatur, uti non peccatur, cur magis peccaretur pedibus ad certos numeros moduloseque moris? & quin absque peccato saltatum fuerit cum Cymbalis & Tympanis ante Davidem Triumphantem & Victorem, nullum est dubium: hæc tamen nihil faciunt pro hodiernis choreis, in quibus saltant, foemina nupta viro, pueri, innuptæque puellæ, ad turpes & inhonestas cantilenas, ubi præstationibus indecoris sæpe excitantur libidines, & alia committuntur spectatu audituque indigna.

IV. *Officia Urbani, in jociis dicendis ac ludis faciendis, sequentibus circumferibuntur regulis.* 1. Joci dicentis non sint sollicitè quæriti, non affectati, sed sponte oblati: alioquin omnem perdunt gratiam. 2. Joci non sint obsceni, non turpes, non leves, non futes, non scurriles, sed honesti, sed graves, sed decori, sed liberales. 3. Modus fit in jocando, & in ludendo: ut enim in omnibus, ita & hic, omne nimium vertitur in vitium; quemadmodum enim nimia salsedo cibum corrumpit, ita & nimii joci ac ludi conversationem. 4. Cavendum est, ne joci nostri abeant in acerbiora scommata, nec ludi in contumelias, ne convitiis & injuriis afficiant audientes, ne iis molesti sint aut ingrati: finis enim Urbanitatis est delectatio; unde enitendum est, ut aliqua voluptate ludi nostri jocique perfundant & afficiant audientes. Si quid ergo carpendum fue-

rit, id *Urbanus* allusione, potius quam aperto præstabit convitio : & hoc discriminis fuit inter *Comediam Veterem & Novam*. Vetus enim Comœdia verbis obscœnis hominum vitia non sine acerbitate perstringebat : Nova ad mores morumque reprehensiones alio aludebat modo. Vetus Comœdia plus nimio fuit dicax, & in jocando illiberalior, adeoque ex re omni, quantum vis obscœna & turpi, ridiculum quid eliciebat, & viventes ac præsentés carpere & deridere non erubescēbat : Nova in hisce omnibus longe extitit prudentior. 5. Personarum habenda est ratio, & videndum, quid nos ipsos deceat alioque, qui, & apud quos, honeste jociari possint : aliud quippe convenit senī, principi, docto, amico, æquali ; aliud juveni, plebeio, indocto, ignoto, superiori aut inferiori. Nec Parentes eum liberis, jam adultis præsertim ; nec Domini cum servis ; nec Præceptores cum discipulis, jociari debent, ne vilescat Authoritas. In genere : non est temere jocandum, nec facile aliquid joco dicendum in eos, à quibus non sumus provocati aut qui sunt nobis superiores : nam melius fere est, jocum joco compensare quam eum movere primum. 6. Temporis, loci, occasionis, similiumque circumstantiarum habenda est ratio in dicendis jocis & faciendis ludis, ne dicantur ac fiant loco & tempore alienis, neque enim semper, nec ubique, ludicra tractare oportet : intempestivus foret & ineptus, qui tempore luctus, calamitatis, pestis, belli, famis, & aliorum malorum, indulgere vellet facetiis, aut ludis, aut jocis : sic, neque jocandum, nec ludendum, in templo, curia, senatu, scholis, aut iis in locis, ubi res seriæ sunt agendæ, sed in conviviis, nuptiis, festivitatibus, aliisque congressibus, qui animi reficiendi causa sunt instituti. 7. Illi joci sunt proferendi, quales nos vicissim ab aliis audire velimus : qui alioquin, quæ vult, dicit, vicissim, quæ non vult, audit.

V. *Officia Urbani*, in joci audiendis ac ludis spectandis, hisce continentur legibus : puta ; non jocos quoslibet aut omnes promiscue audire licet, sed eos tantum, qui liberales decent aut ingenuum : habet enim Urbanus pro fine solam honestatem, quam servare studet in

jocis audiendis aut ludis spectandis ; ad quam dirigit omnem, quam ex ludis jocisque percipit voluptatem : itaque a turpibus, morionum, scurrarum, morum, jocis ac ludis, auresque oculosque avertet Urbanus : quæ enim quis libenter auditque videtque, ea quæ videtur facere : at Urbanus non facit ea, quæ sunt turpia. Ergo, nec turpes jocos, vel ludos, libenter, vel audit, vel videt.

VI. Ex hisce *Urbani*, in dicendo & audiendo, circa jocos ac ludos, *officiis*, & ex ipso *Aristotelis sexto*, duplex colligi potest distinctio jocosum, una ab objecto, altera à subjecto. 1. Alii sunt liberales & honesti, alii sunt illiberales & turpes. *Liberales* sunt, qui libero & ingenuo homine honestatisque amante sunt digni : *illiberales* qui homine libero & ingenuo sunt indigni. illi nihil continent turpe, aut quod offensionem parere valeat. hi conjuncti sunt cum turpitudine, vel aperta, vel operta. 2. *loci* sunt hominum, vel *πρωτοδωποι* vel *ἀμειβόμενοι*, vel *εὐαδιστο*rum : vel *ἐκαστο*rum : illi, sunt doctrinæ & sapientiæ sale conditi, habentque aliquid, quod mores informantur : hi inepti sunt & importuni, nihilque habent, quod alios vel erudire valeat vel oblectare : unde illi joci *falsi*, hi *insulsi* vulgo, & recte vocantur : hominem urbanum decent joci liberales & falsi, non illiberales aut insulsi.

VII. Cum vero *Officium viri Urbani* sit, ea dicere, facere, spectare, atque audire, quæ viro probò & ingenuo conveniunt, atque insuper, operam dare, ne quempiam offendas, neve alicui dolorem, sed omnibus voluptatem afferat ; quaerit *Aristo*. in *textu*. utrum magis sit proprium *Urbani officium* ? & ad eam quaestionem respondet sic satis intricate, ut *Giphani*, aliisque *Interpretibus*, locus & textus *Aristotelis* dicatur obscurior : videtur tamen velle *Aristoteles*, prius magis esse proprium & primum *Urbani officium*, alterum minus præcipuum & secundarium ; nam pervidere & providere, ne quempiam offendas, & ut unumquemque delectes, in exhausti laboris est ac negotii, quia rei jucundæ molesteque infinita quædam est varietas : est enim id uni molestem, quod alteri jucundum : & quod hunc

hunc offendit ac vulnerat, alterum recreat atque oblectat: quia eadem res eidem profus homini, nunc est odiosa, nunc grata. Et fieri potest, ut joci & salibus rectis utatur quispiam, & tamen ob audientium rusticitatem offendiculum præbeat. Quare ita se gerere debet Urbanus, ut non tam spectet, quid huic aut illi placeat vel displiceat, quam quid probum, & ingenuum, & liberi ac liberalis ingenii virum, cujus rectum est judicium, deceat.

VIII. *Extrema Urbanitatis, opppositæ sc. vitia, sunt, in excessu, βωμολοχία, scurrilitas, in defectu, ἡγροικία, rusticitas.* Scurrilitas dicitur à *scurrâ*, quæ vox originem trahit à Græco σκῆμα, quod Latinis significat *stercus, fimum, excrementa*: unde Latinis *scoria* dicitur, quasi excrementum metallorum. Est igitur *scurrâ*, qui sordida, & quasi stercorea, inter ludendum ac jocandum solet effutire. Græcè dicitur βωμολοχία, quæ vox proprie significat eum, qui *aris insidiatur*, est βλαβερός ἄρα & λόχος *insidiæ*. Cur autem *scurræ* dicti sint βωμολοχοί, vix certa redditur ratio. Giphanius in suis Commentariis ad e. S. l. 4. Ethic. ex Suidæ hanc dat rationem. Βωμολόχους ait fuisse eos, qui aris adstabant, dum victimæ immolabantur, particulam emendicantes, aut dolo furtimque captantes, qui, quoniam infimæ erant sortis homines & pauperrimi, factum est, mendici omnes per *synecdochen* speciei dicerentur βωμολόχοι: qui rursum hostiarum mendici, quia blandis verbis & risum sacrificanti moventibus uterentur, ut facilius quid impetrarent, nomen dederunt iis omnibus, per *synecdochen* speciei, qui plus nimio faceti & ridiculi sunt in humanâ consuetudine, factumque est, ut quicumque ridiculis uterentur verbis ac gestibus, i. e. *scurræ*, dicerentur βωμολόχοι: alii putant Græcè sic dictum *scurræ*, quod, post sacra in aris peracta, id genus homines populum delectarent ludicris: ut ita per insidias ex reliquiis sacrificiorum ventrem saginarent. Quicquid sit de origine & ratione vocis Græcæ, *Scurrilitas* est vitium tale, quo quis modum excedit in ridiculis & ludicris, & sine respectu circumstantiarum nimis est in ludis & joci. Aristoteles tria *scurræ* tribuit, 1. Quod

vincatur à ridiculo. 2. Quod nec sibi nec aliis parcat. 3. Quod ea dicat ac faciat, quæ hominibus libere nunquam dixerit aut fecerit, tantummodo ut risum moveat.

IX. *Rusticitas*, Græcis dicitur ἡγροικία, est illud vitium, quo quis nec jocari ipse potest, nec aliorum jocos perferre. Qui hoc laborant vitio, Græcis dicuntur ἡγροίκοι, *agrestes, rustici*, homines ad omnem congressum inutiles, qui neque nuptiis, neque conviviiis, neque recreationibus, etiam cum licet, quicquam salis aut joci adpersum, neque adpersi ab aliis patiuntur. Esse autem hoc vitium, Aristoteles sic demonstrat. Ille qui odio habet id, quod humanæ vitæ perutilis est ac necessarium, recenseri inter vitiosos & peccantes debet. Sed jocus ac ludus humanæ vitæ perutilis est ac necessarius. Ergo, qui ludum jocumque odio habent, inter vitiosos & peccantes recenseri debent. Notat insuper Aristoteles de hoc vitio tria. 1. Quod rusticus honestè & decorè locari non possit, & nullam urbanitatis symbolum in medium conferre. 2. Quod aliorum facetias & sales perferre non possit, sed joci omnibus, etiam liberalibus, offendatur. 3. Quod ad conversationem & vitam communem plane sit ineptus.

X. Quæri hic potest, sicuti fuit quæsitum de Virtutibus aliis, *Utrum extremorum ad Urbanitatem proprius accedat?* Resp. Si utrumque extremum spectes simpliciter, videtur rusticitas minus mala, quam scurrilitas, & hæc longius recedere ab Urbanitate quàm illa: at si utraque sit aliis vitiis junctæ, altera deterior est & melior alterâ, pro ratione circumstantiarum & vitiorum, quæ secum trahunt. Sed hæc omnia ex prudentia viri prudentis judicari debent.

A N N E X A.

1. *Speâacula & Acroamata, per se non sunt mala, nec in se damnanda, sejunctis vitiis concomitantibus.*

2. *Nec ludi vel lusus ulli, ad animi corporisque refectiorem simpliciter instituti; per se sunt mali aut in se damnandi, sejunctis vitiis concomitantibus.*

3. *Ludus aleæ, per se atque ex natura sua, separatis separandis, non est illicitus, neque magis, quam alii quidam ludi, aut respectum dicit ad providentiam aliquam Dei particularem singularem modo consulendam, aut petitio peculiaris est divini testimonii, uti id demonstravit Thomas Gattakerus, Vir doctissimus & pientissimus,*

Londinas concionator, in suo de sortibus astatu Anglico, & Latina Antisthesi D. Amelio Voetio opposita.

4. *Saltatio ad modulos, seu iunctis se iungendis, non est illicita: nihil tamen illa facit pro hodiernis choreis: uti nec aleæ ludus simpliciter pro hodiernis aleatoribus.*

DISPUTATIONUM PRACTICARUM

VIGESIMA-NONA,

DE

IVSTITIA VNIVERSALI.

T H E S I S I.

EXposuerunt *Disp. præced.* Virtutum singularium naturas ex *Arist. Eth. ad Nicom.* 2. 3. & 4. præter *Iustitiam*, de qua ultimis l. 4. verbis acturum se monuerat, ac l. 5. agere statim incipit. Ejus laudes, ex origine, amplitudine, utilitate, & variis de ea testimoniis proponere, Rhetoris est magis quàm Philosophi: nos ergo consueta methodo, post *vocem*, rem ipsam explicatam dabimus; si rationem ordinis primum exposuerimus. Postponitur ab *Aristotele* cæteris virtutibus *Iustitia*, non quod dignitate iis sit inferior aut cedat, sed quia cæteris latius patet; est enim reliquarum quasi complexio, & ex iis quasi composita: at simplicia complexis & compositis sunt priora. Atque hinc *Iustitiæ* supra alias virtutes excellentia potius est conspicua, quia bonum id est præstantius quod latius patet. Dissert à cæteris, quas complectitur & sequitur, virtutibus, (a) quod harum actiones potissimum considerentur ratione agentis à quo proficiuntur & hominem maxime intra se perficiant, at *iustitia* in exterioribus magis actionibus eum perficit, atque eas, quatenus erga alios exercendæ sunt, moderatur. Sed hæc ex sequentibus clariora evadent.

(a) Omnis virtus spectari potest, vel ratione possidentis, qui ea est præditus, quem perficit, & sic de virtutibus singulis actum fuit hæcenus; vel ratione aliorum, quorum bonum promove-

mus virtutum intra nos contentarum exercitio, si quis enim fortiter pro patria pugnet, liberatet egeno succurrat, tristitiam proximi honestis jocis ac facietis pellat, is iactæ aliorum promovet bonum, vel ratione magistratus ac Dei, virtutis uniuscujusque exercitium legibus præscribentis, hæc duobus modis posterio ribus spectatæ virtutes omnes & singulæ simul sumptæ vocantur *iustitia universalis*, quia unicuique & proximo & Magistratui ac Deo datur suum; proximo, quia bonum illa confertur, quod ipsi debetur ex lege charitatis; Magistratui ac Deo, quia virtutes exercendo, obediencia præstatur legibus à Magistratu ac Deo latis, quæ illis debentur.

II. *Iustitia*, Græcis *Δικαιοσύνη*, à *Δικαιο*, quod *Arist. l. 5. Eth. c. 4. à δικα* dicitur, i. e. *bisariam, divisam*, quod æqualiter omnia dividat: Latinis vocatur *Gravumatis* nonnullis, quasi *justitia*, quod vim sistat, alii, à *sistendo* jure dici existimant, quia jus sistat. Philosophi *iustitiam* a jure derivant, vel ut causa ejus, vel ut effectus, vel ut subiecto: tribus fere distinctis modis circa jus occupatur *iustitia*: (a) vel antecedenter, tanquam ejus causa, ut, cum quis per habitum *iustitiæ* jus alteri facit: vel subjective & essentialiter, quatenus *iustitia* est ipsum jus, i. e. quatenus legislatoris *iustitia*, est ipsius, subiecti sc. *justi*, voluntas, cuique suum tribuendi: vel consequenter, quatenus est effectus juris, in quantum secundum leges agendo quisquam habitum *iustitiæ* sibi

sibi comparat: si primo spectetur modo iustitia, nullum est dubium, quin *jus* descendat à *iustitia*: si secundo modo, *neutrum* ab *altero*: si tertio modo, *iustitia* à *jure* venit.

(a) Iustitia est causa juris, quando per iustitiam tanquam habitum alteri quis jus facit, & actum iustitiæ exercet: iustitia & jus idem sunt subiective, quatenus ambo sunt in subiecto iusto, illudque denominant, sic idem sunt juris doctor, & iustitiæ sacerdos; iustitia est effectum juris, quatenus quispiam jus & fas faciendū. i. e. actionibus iustis iustitiam acquirit; potest etiam dici iustitia à jure, tanquam ab objecto, quatenus illa circa jus faciendum occupatur, aut aliis juris præcepta explicat.

III. Iustitia, non uno sed variis admodum sumitur modis: ac nō recenseamus (a) *iustitiam Legalem & Evangelicam*, de qua utraque Theologi: apud Philosophos sumitur, vel *generaliter*, prout brutis & feris bestiis tribuitur, sicuti iis & aliarum virtutum nomina non *proprie*, sed *κατὰ ἀμοιρότητα* secundum similitudinem, interdum tribuuntur: vel *κατὰ ἁρμοσίαν* & *ἀνυσιν*, prout æquali distributione prædæ, qualem interdum in latronibus (ut *Lotharingis*) cernimus: vel *proprie & specialiter* pro Virtute, quæ in communi hominum societate ac vita cernitur, quam c. 1. l. 5. *Eth. ad Nic.* definit *Arist.* & de qua impræsentiarum disputamus.

(a) Iustitia legalis est, quam exigit lex moralis, sc. obsequium perfectum, erga omnia sua præcepta, quia adest promissio, hoc fac & vives. & comminatio, maledictus omnis sit qui, &c. hæc nullus unquam mortalium habuit, de hac dicitur ad Rom. 3. nemo enim est iustus, imo ne unus quidem: iustitia Evangelica est, quam exigit Evangelium, sc. fides in Christum, qua iustificamur & iustifimus non in nobis, sed in ipso, unde vocatur iustitia fidei, & ad Rom. 3. lex fidei; de hac dictum est, iustus ex fide vivet, & qui crediderit in me, sc. J. Christum, habebit vitam æternam, & qui non crediderit condemnabitur.

IV. Iustitia est *Arist.* ἡ δὲ ἵς ἀρετὴ κατὰ τὴν ὁμοιότητα, καὶ ἡ δὲ ἀνυσιν ἀρετὴ, καὶ ἡ βέλτοισι καὶ ἀνυσιν. *Habitus*, à quo idonei sunt ad res iustas gerendas homines, & quo iusta agunt vo-

luntque iusta. Quæ definitio generis constat & differentiâ. Genus est, *habitus*, non quidem proximum, quod virtus moralis, *scilicet resolutio*: & hoc, aut per *Synecdochē* generis ponitur pro proximo, aut sufficit in definitione rerum moralium, quæ, *Aristot.* l. 1. *Ethic.* teste, exquisitam Doctrinæ subtilitatem non amant. *Differentia* desumpta est à tribus. 1. *ἡ δὲ ἵς ἀρετὴ κατὰ τὴν ὁμοιότητα*, facultatis: dicit enim *Aristoteles*, quod per iustitiam homines idonei sint ad iustas actiones, id est, quod facultatem & vim agendi habeant ea quæ sunt iusta. 2. *ἡ δὲ ἀνυσιν ἀρετὴ*, actionis: neque enim sufficit habere facultatem agendi ea quæ sunt iusta, sed oportet etiam eam facultatem deducere in actum & agere quæ sunt iusta: laus enim omnis virtutis in actione consistit. 3. *ἡ δὲ βέλτοισι καὶ ἀνυσιν*, volitionis: addit enim *Philosophus*, quod per iustitiam homines etiam volunt ea quæ sunt iusta, i. e. expetunt & eligunt constanti voluntate ea, quæ cum iustitia conveniunt: Qui enim temere aut casu fortuito, aut ignorans, aut invitus, facit iustum, is non potest ob iustitiam laudari, sed qui volens facit. Et hinc orta est definitio *iustitiæ* apud *Iuriconsultos*, quod sit *constans & perpetua voluntas ius suum cuique tribuendi*, quam definitionem cum *Thomas Aquinas* Picolominens in totum rejicit, *Cassius* in speculo morali, licet ea verbis discrepet, re tamen & sensu cum *Aristotelica* convenire asserit. Nos, si ad exactæ definitionis libellam expendatur, uti fateamur non esse accuratissimam, quia non debet animi facultas confundi, cum habitu, ita tolerari posse asserimus, si cum aliquo benignæ interpretationis temperamento sumatur, & metonymicè, metonymiâ subiecti, per *Voluntatem* intelligatur *habitus volendi*: Quid enim est constans & perpetua voluntas, quam habitus confirmatus, quo volumus unicuique suum, id est, quod secundum leges iustitiæ debetur, tribuere? Ac de ejus definitionis sano sensu latius videri possunt *Iuriconsulti* ad initium *Institutionum*; Qui etiam disputant, an hæc definitio divina iustitia an humana conveniat? Qui pro divina pugnant, in hominem ajunt non cadere voluntatem tam constantem: sed contrâ est, quod definiatur *iustitia*, voluntas &c. ius suum cuique tribuendi.

Deus

Deus autem nulli quicquam debet, quis enim Deo dedit prior? Quod dicitur in hominem non cadere perpetua & constans voluntas, si intelligitur quoad habitum, intentionem, propolitur, actum primum, falsum est: si quoad actum secundum, verum est, sed hoc non requiritur: neque enim statim injustus est dicendus, qui nonnunquam à justitiæ semita aberrat: ex affectu enim potius quam effectu iustus aestimari quis debet: (a) & distinguatur inter speciem & individuum, inter definitionem justitiæ in idea & in individuo, inter essentiam & existentiam: definitur Justitia, non quatenus est in hoc vel illo individuo, sed qualis esse debet: licet ergo non cadat in omne individuum, cadit tamen in speciem. *Perpetua & constans voluntas est justitia*, ratione essentiae, non existentiae: ut enim omnium rerum essentia, ita etiam justitiæ, est constans, perpetua, & immutabilis: diciturque talis, quatenus habitus animi in homine iusto nihil vult, nihil ordinat, eligit, nisi quod sit perpetuum & semper constet.

(a) Justitia spectatur in specie, quatenus est virtus hominis, homo enim apud Logicos species est, cujus proprium est justitia, quia soli convenit homini non bruto; non autem est propter eas individui, quia non uni alicui homini singulari, puta Petro, soli convenit justitia, plures enim individui homines quam Petrus justitia sunt præditi: ideoque hæc in individuo definiti non potest, sed in specie, quæ definitio dicitur esse justitiæ in idea, quia representat definiendo omnem justitiam, quæ est in hominibus singularibus iustis, Petro, Paulo, Ioanne, &c. & quia definitio omnis explicat essentiam rei, abstractèque ab essentia, dicitur justitia cum definitur spectari ratione essentiae, non ratione existentiae, quemadmodum rosa quoque, tempore hyberno quo non exsistit, definiti potest quoad essentiam, quod sit flos, &c.

V. *Aristoteles l. 5. Eth. c. 1.* justitiæ definitioni subjicit ejus *divisionem*, quam tamen antequam ponat, *res præmittit commutationes*. *Prima* est, quod sit discernendum inter habitus, facultates, & scientias. Habitibus non sunt contrariorum, ut à sanitate tantum sana sunt, à fortitudine fortia, à justitia iusta: Scientiæ & facultates sunt contrariorum, ut

Intellectus versatur circa verum & falsum. Voluntas circa mala & bona. Jurisprudencia circa iusta & iniusta, Medicina circa salutaria & insalubria. Verum enim verum, & virtutum habitus in bonis prosequuntur: & malis fugantur: occupari, certum est, ubi omnis est contrarietas quædam & obsectorum & actionum circa objecta. *Secunda* est, quod habitus cognoscantur, vel à contrariis, vel ex suis, & efficientibus. Si constet, quibus in rebus sit fides & quibus causis pareatur *scientia* bona valetudo, non potest ignorari *scientia* mala valetudo. *Tertia* est, si unum contrariorum dicatur *in genere* ambigue, & alterum dicitur, juxta *lib. 1. Topic.* Atque ex hac tertiâ commutatione deducit *divisionem justitiæ Aristot.* tali fere modo. Ea, quæ sunt homonyma seu æquivoca, dividi possunt. Omne enim vocabulum æquivocum seu homonymum dividi potest in sua significata. A vocabulum hoc (*justitia*) est ambiguum. Ergo *Prob. min.* Si vocabulum (*injustitia*) sit ambiguum, ergo & oppositum (*justitia*) sed &c. Ergo &c. *Prob. min.* quia injustum est ambiguum. At si unum conjugatorum est ambiguum, ergo & alterum, juxta *Aristotelem lib. 1. Top. circa finem.* *Injustum* autem dicitur quis duobus modis: vel *generatim* seu *universaliter*, qui legum est transgressor, seu qui peccat contra aliquam legem, unde Peccatum definitur *ἀνομία*, illegalitas, & Lat. dicitur *injustitia*, *Belg. ongerechtsheert*, ei non tribuendo istam obedientiam quam debet, *ἐξ ὅπου* & vel *speciatim* & *particulariter*, qui inæqualis est distributor & commutator bonorum exteriorum, & uni plus, alteri minus, quam debet, largiendo, *ἀνιστίνικου*, & *ανιστορίας*, *plura possidens quam ipsi debentur*: eodem modo & *justus* dicitur, *universaliter*, qui legum est observans, *νομικος*, vel *particulariter*, qui est æquus & æqualis in distributione & commutatione bonorum, largiendo unicuique suum ac quantum debetur, *ἰσος*. Ex hac duplici significatione iusti & iniusti, duplex quoque colligitur *justitia & injustitia*. *Universalis & particularis*. *Universalis* est obedientia erga omnes leges, & dicitur, *Universalis*, quia complectitur sub se omnes virtutes,

tes, de quibus leges universaliter præcipiunt: dicitur & *legalis*, quia ad hanc pertinet, ut leges æquæ & condantur & observentur: & *generalis*, quia bonum Reip. & commune ac generale spectat. Nam cum quis ex virtute agit, procuratur Reip. tranquillitas ac salus; ideoque vir bonus fit & civis bonus. Ab *Arist.* appellatur νόμος διανοουίν. Particularis iustitia est virtus, quæ servat justam æqualitatem in distributione & commutatione bonorum externorum: dicitur *particularis*, quia spectatur iustæ distributio vel commutatio bonorum respectu hominis particularis, erga quam exerceatur atque instituitur: vocatur ab *Aristotele* ἰσότης. *Universalis* iniustitia est transgressio quarumcunque legum, ἀδυστομία, & ἀδικία, Græcis. *Particularis* iniustitia est inæqualitas, in commutandis bonis aut distribuendis privato, ἀισότης *Græce*.

(a) Omnis Virtutis obiectum est tum bonum tum malum, ejusque Actus omnis est prosequi vel fugere: id bonum & malum, sunt contraria, item prosequi & fugere.

V I. Sunt qui hanc *Iustitiæ* divisionem in *Universalem* & *Particularem* plane carpent & rejiciant, quia membra dividenda ita debeant esse inter se affecta ut neutrum alteri includatur: male enim agit, qui animal dividit in hominem & Petrum, quia Petrum homo complectitur. Sed 1. non est divisio rei sed vocis: atqui hic potest significatio specialis contineri sub generali & tamen divisio rectè instrui. 2. neque hæc ergo divisio fuerit bona, cum magnitudo dividitur in lineam & lineatum, seu in lineam, superficiem, & corpus, quia linea in lineato, in superficie, & corpore, continetur: nec corpus dividi poterit naturale, in simplex & mixtum; quia simplex in mixto continetur: & notandum, quod membra opposita se invicem non includant formaliter, i. e. secundum definitiones suas, quod neque hic fit; Nam significatio generalis *Iustitiæ Universalis*, non est eadem cum significatione speciali *Iustitiæ Particularis*, quod ex *th. f. liquet*. At materialiter, i. e. reverà, se includere possunt, uti hic fit. Quia justus *Iustitiæ Particulari*, est & justus *Iustitiæ Universalis*.

fali. vid. Disp. seq. Sed de *Iustitia universalis* paulo pluribus agamus, *Particulari* in dispositionem aliam rejecta.

V II. *Iustitia Universalis*, est obedientia erga (a) leges honestas, quæ & publicam spectant & privatam utilitatem. Definitur quoque *Aristoteli* in *textu*, δὲ τὴν πρὸς τοὺς ἄλλους ἡμεῖς, Virtus perfecta ad alium. Virtus perfecta, quia non est μὴ πρὸς τὸ ἀγαθὸν ὅλην ἢ μέρος, pars virtutis sed tota virtus, id est, omnis & quælibet virtus, seu virtutum omnium complexio, juxta vericulum *Theognidis Aristoteli* citatum. Εἰς δὲ διανοουίν συνελθὼν πᾶς ἀρετὴ ἓξ. *Iustitia* in sese virtutem continet omnem. 2. quia ἀρετὴς, possessio, est perfectæ virtutis, quæ semper plurius est faciendæ quam πρὸς αὐτὸν, usus. 2. quia virtutis cujusque usus est erga alios, qui longe est difficilior quam erga seipsum: quia quisque seipsum magis amat quam proximum: sunt enim multi qui suis in rebus uti possunt virtute sed non possunt in alienis. (b) Est verò virtus, ad alium, quia iustitia est bonum κοινωτικόν & ἀλλοτρίον, communicativum & alienum, non sibi sed aliis consulens; foras spectat & totam se ad alienas utilitates porrigit atque explicat *iustitia universalis*. Unde vulgo reliquarum virtutum domina audit ac regina.

(a) Leges honestæ dicuntur, quæ cum reformatione conveniunt.

(b) Dicitur *Iustitia universalis*, virtus ad alium, quia, cum obsequiū præstatur legibus, tribuitur legis latori, quod suum est, procuratur Reip. & proximorum bonum; nam tum bene agitur in Repub. & cum proximo, quando subditorum unusquisque dat Cæsari, quod Cæsaris est, & Deo, quod Dei est, i. e. cum singuli obsequuntur legibus divinis, & humanis, tum enim nulla fit injuria, aut Deo, aut Reip. aut proximo: & ideo dicitur *Iustitia* virtus ad alium, quia obsequendo legibus tribuimus Deo, Reipub. & Proximo quod suum est.

V III. Ex hisce patet, (a) *Quomodo differat iustitia universalis & virtus simpliciter*. sc. non re sed ratione. Virtus enim omnis, non nude & in se, sed in usu & exercitio ad alios, spectata, dicitur *Iustitia universalis*: ut vir-

cunt, quia ceteras virtutes ordinat ad suum finem: itaque ipfis dicitur Universalis Justitia, non ratione esse sui, aut quod ejus essentia tam latè pateat quàm virtutis ipsius, sed ratione efficacie tantum, quia doceat reliquarum virtutum actus ad publicum & commune bonum referre, sicut Charitas specialis est virtus, sed generalis dici potest, quatenus aliarum virtutum actus ordinat ad suum finem: Charitas enim patiens est, benigna est, omnia suffert, omnia credit, omnia sperat. Verum hæc *Thoma & Thomistarum* opinio directe adversa est *Aristoteli*, quem alias ita sectantur ut ne latum unguem ab eo recedere audent. Ponam paulo latius verba ultima c. 1. l. *Ethic. ad Nicom.* τίς ἡ δικαιοσύνη κατὰ τὴν φύσιν αὐτῆς, ἡ κατὰ τὴν ἀρετὴν. ἡ κατὰ τὴν φύσιν οὐκ ἔστιν αὐτῆς τίς εἰς τὸν πόρον τῆς αὐτῆς, ἀλλ' ἡ κατὰ τὴν ἀρετὴν εἰς τὸν πόρον τῆς αὐτῆς, ὅς ἐστιν αὐτῆς εἰς τὸν πόρον τῆς αὐτῆς. Quid vero virtus & justitia hæc differat, ex dictis patet: NB. eadem est: esse tamen non est idem: sed quatenus ad alterum spectat, justitia, quatenus talis est habitus, virtus simpliciter est. Ad quem locum videatur *Demetrius Accius* in *Commentario*. Quod verò τίς αὐτῆς differre significet rationem tantum aut formalem distinctionem, id apparet ex 5. *Phys.* t. 46. 1. de generat. t. 41. 6. *Eth.* t. 72. &c.

X. Justitia Universalis opponitur Injustitia Universalis, quæ non est pars malitiæ, sed tota malitia, & illa quidem ad alios relata: seu,

est legum omnium, divinarum, naturalium, humanarum, ac civilium, transgressio, (a) sive fiat omitendo sive committendo. Verum, ex dictis de Justitia Universalis, hæc Injustitia Universalis satis innotescit: & quæ huc faciunt, sequens de jure disputatio exponet.

(a) Hinc orta est distinctio peccatorum omissionis & commissionis; peccata omissionis committuntur contra præcepta legis cujusunque positiva, seu affirmata, ut contra præceptum 4. & 5. legis moralis: sed peccata commissionis, sunt contra præcepta legum negativa, ut contra præceptum 6. 7. 8. &c. Notandum autem est peccatum omissionis & commissionis respectu actus externi & imperati, nam nullum datur peccatum omissionis, quin habeat semper actum sibi comitem positivum, sed inretum atque elicitum intellectus practici & voluntatis, nemo enim omitit sanctificare sabbatum, aut precari Deum, nisi quis vult id non facere, & vult quia judicat non faciendum.

ANNEXA DE JUSTITIA UNIVERSALI.

1. An quis possit esse erga seipsum justus? A.
2. An quis possit in seipsum esse injustus? A.
3. An pugnet inter se jus strictum & æquitas? Utrumlibet cum dist.
4. An summum jus sit summa injuria? Ut rumlibet cum dist.
5. An ex jure scripto, an ex æquitate, sit judicandum? R. prius.

DISPUTATIONUM PRACTICARUM

TIRGESIMA,

DE

JUSTITIA PARTICVLARI.

THESIS I.

Iustitiam divisit Disputatio præcedens in Universalem & Particularem, th. 5. atque Universalem, exposuit th. 6. & seqq. Particularem hæc impræsentiarum exponet Disputatio, quæ hæc tria ordine explicabit,

An sit Iustitia quædam particularis distincta ab Universalis? Quid sit? Quoruplex sit?

11. Dari Iustitiam Particularem, ab Universalis diversam, c. 2. l. 5. *Eth.* ad *Nicom.* tribus probat rationibus *Aristoteles*. §. 1. Si datur injustitia

injustitia particularis, diversa ab universali injustitiâ: ergo etiam dari debet justitia particularis, diversa ab universali, quia habitus ex contrariis optimè cognoscuntur, contrariorumque habituum eadem est ratio, nam contraria sunt contrariorum consequentia. Sed verum est prius. Ergo & posterius. *Prob. Min.* Hæc duo; *δικαιοσύνη*, legum transgressio, quæ pertinet ad universalem injustitiâ, ut *c. 1. l. 5. Eth.* docet *Arist.* & *πλεονεξία*, quæ pertinet ad particularem injustitiâ, *Arist. l. 5. Eth. c. 2.* sunt inter se diversa, imò in tantum inter se diversa, ut altera, sc. *δικαιοσύνη*, separari possit ab alterâ, sc. *πλεονεξία*: nam qui (sunt verba *Arist. cap. cit.*) *ελεεινὸν ἀβίησιν ὁ ἰγναυὶα*, qui maledicis ob asperitatem, qui non auxiliatur proximo per illiberalitatem, injusti quidem agit, peccatque injustitiâ universali seu legali, estque *δικαιοσύνη*, alicujus legis transgressor, sed non est *πλεονεξίας*, neque injustè agit injustitiâ particulari, quia, nec plus sibi sumit, nec plus sibi retinet, ex bonis alienis, quam est æquum. Cum itaque *δικαιοσύνη* sit aliâ à *πλεονεξία*, injustitia universalis diversa ab injustitiâ particulari, quod est demonstratum, oportet, ex lege contrariorum, & justitiâ universalem esse distinctam à particulari, & vice versa, quod erat demonstrandum. §. 2. Si injustitiâ universalis esset eadem cum particulari, tum omnes, qui injustè agerent, propter eandem causam, eundemque finem, & eodem modo, dicendi essent injusti. Posterius est absurdum. Ergo & prius. *Minor prob.* verbis *Arist.* Si quis quaestus causâ adulteretur & plus accipiat, alius largiatur & damno afficiatur ob cupiditatem, hic quidem intemperans est propriè, & injustus injustitiâ universali, ille injustus propriè & particulari injustitiâ. Mens *Philosophi* innitens axiomati recepto, quod habitus ex fine distinguantur, hæc est. Potest quis adulterii crimen committere, tantum quaestum ex adulterio faciens, & eo quaestum ad turpitudinem ductus: alius verò, solâ libidine incitatus, nulloque pertractus lucro, imò damnum potius ac jacturam rei facultaturumque & pecuniam faciens. Prior non est libidinosus, sive intemperans, quia adulterium non commisit ut libidini satisfaceret,

sed est injustus, quia propter lucrum commisit, quod, vel ex adulterio tulit, vel per fraudem ac vim, dum adulteram auro mundove spoliavit, vel alio quovis modo, sibi fecit contrâ, posterior verè libidinosus est, ut eam complectet, quia solius libidinis causa, non injustus, adulterio sese contaminavit. §. 3. Si *πλεονεξία*, particularis injustitia, esset eadem cum *δικαιοσύνη*, legum transgressione, injustitiâ universali, posset *πλεονεξία* quoque referri ad reliqua vitia moralia, ut *ἀρπαγὴ*. Sed *πλεονεξία* non potest, &c. *Min. prob.* Quia absurdum est dicere, ut, qui contra aliquam virtutem, puta fortitudinem aut temperantiam, peccat, is sit *πλεονεξίας*: at non est absurdum, eum dicere *δικαιοσύνη*. Si quis proximo stantem in acie deseruerit, peccat contra legalem justitiâ, quia ignavus est; at ignavia legibus vetatur. Si quis alium verberaverit, iterum contra legalem delinquit justitiâ, quia tale opus iræ adscribitur. At ignavus aut iracundus non dicitur *πλεονεξίας*, sed sic dicitur, qui quaestum fecit iniquum: & hæc vitiositas ad nullum aliud lege prohibitum vitium referri potest, quam ad injustitiâ & quidem particularem. Hæc sunt tria *Aristotelis* argumenta de *Injustitiâ*, quæ à contrario de *Justitiâ* intelligi debent. Et sic conclusio faciliè liquet. Dari *justitiâ* particularem distinctam à *justitiâ* universali.

II. *Quid sit Justitia particularis, Aristoteles cap. 2. cit. l. 5. Ethic.* explicat, institutâ comparatione inter Universalem & Particularem justitiâ. Summa comparationis in eo consistit. Quod justitiâ universalis sese habeat ad particularem, ut totum ad partem: quod iterum *Philosophus* ostendit à contrario ab injustitiâ: Nam injustitia universalis, i. e. inobedientia, est quasi totum, quia complectitur sub sese omnia, quæ sunt *ἀντιπαρὰ*, contra legem, omnia injustè facta, quocunque aliis nomine soleant appellari: particularis autem injustitia non dicitur de omni injustè factò, sed tantum de iniqua bonorum externorum distributione aut commutatione, in qua non est servata justa æqualitas, pro ratione, dignitate, æstimatione, tam personarum, quam rerum, quæ inter se, vel distribuuntur, vel commutantur: ita ut una pars plus habeat, quam

quàm ei debetur, quod solet vocari *lucrum*, altera minus habeat quàm ei debetur, quod solet vocari *damnum*: omne enim plus boni & minus mali, *lucrum* est; & omne plus mali & minus boni, *damnum* est: ubiqueque autem est plus vel minus lucri vel damni, in distributione & commutatione rerum, ibi est *inæqualitas*, inæqualitas, ideoque est iniustitia. Atque, eodem modo, sese habet Iustitia universalis ad particularem, quemadmodum totum ad partem: nam iustitia universalis dicitur de omnibus actionibus, quæ legibus & virtutibus sunt consentaneæ; iustitia verò particularis dicitur tantum de iusta & æquali bonorum externorum distributione & commutatione, in quâ servatur ejusmodi æqualitas, ut neutra pars possit dici habere vel plus vel minus, quàm ei debetur. (a) Atque ex hisce liquet, *Universalem* iustitiam, totius & quasi generis; *Particularem*, partis & quasi speciei, habere naturam: nam in bonâ consequentiâ dicere possumus: omne iustum particulare, quod ab *Aristotele* dicitur *iustum*, est etiam iustum universale, quod vocatur *reipsum*, quia est legibus mandatum; sed non vice versa: non omne *reipsum*, legale, est *iustum*, æquale, quia qui temperanter vivit, is quidem servat legem de temperanter vivendo, & sic est iustus iustitia legali; sed non statim est iustus iustitia particulari, quia vir temperans potest plus sibi fumere & minus alteri dare quam debet.

(a) Quia iustitia universalis omnes in sese continet virtutes, quatenus est obedientia præstita legibus, quæ de omnium & singularum virtutum exercitio præcipiunt, recte dicitur totum, & omnes & singulæ virtutes, quia, quatenus legibus præscriptæ exercentur, vocantur iustitia universalis, recte dicuntur ejus partes; consequenter, cum iustitia particularis quoque præcipiatur legibus, quæ præscribunt esse servandam æqualitatem in distribuendis aut conferendis bonis fortune, honoribus ac pecuniis, pro meritis in Republicam, aut valore rerum commutatarum, & illa quoque habet iustitia universalis, ut pars sub toto contineri dicitur, quia, cum exerceatur, obsequium præstat, legibus de illa exercenda latis, & sic dicitur non iustitia particularis, sed universalis: ideoque omnis, qui iustus est iustitia particulari, etiam iustus est iustitia universali, sed non vice versa: nam qui for-

tis est ipso actu, quia id præstat, quod leges jubent, iustus recte dicitur iustitia universalis, sed nullo modo potest dici, in quantum fortiter agit, iustus iustitia particulari, quia fortiter agendo non versatur circa bona fortunæ, homines, divitias, &c. vel distribuenda, vel commutanda.

IV. Quæ ex *Arist. Eth. l. 5. c. 2.* jam describimus, ea naturam *iustitiæ particularis* sic satis manifestam faciunt, sufficiuntque ad aliquam ejus definitionem conficiendam, quam *Arist.* nuspiam adsignat; sed ea ex ipso & *Thom. Aquin. 2. 2. quæst. 58.* sic institui potest. *Iustitia particularis est virtus moralis, quæ in rerum externarum distributione & commutatione mediocritatem servat, ut nec de bonis plus sibi quisque vendices & minus alteri relinquat, nec de malis minus sibi imponat & plus alteri attribuat, quam par est, & æquum, & jure debetur.* Hæc definitio, præter *Genus* debitum, *Objectum* ponit genuinum, & rationem mediocritatis (quæ in iustitia particulari teneri debet) tanquam ejus *Formam*. *Genus*, est Virtus moralis. *Objectum*, sunt res externæ; siue fuerint in bonis, ut honores, pecuniæ, lucrum, &c. siue in malis, ut poenæ, onera, damnum, &c. Uno verbo; quæcunque inter homines distribui ita possunt, aut commutari, ut distributio illa vel commutatio aliquam æqualitatem vel inæqualitatem efficiat vel recipiat. *Forma* est *Mediocritas*, sed non ejusmodi, cujusmodi est reliquarum Virtutum, quod ipse docet *Philosophus Eth. ad Nicom. l. 5. c. 9.* Etenim cum virtutes reliquæ, inter duo extrema vitia, duasque vitiosas actiones distinctas, sunt interpositæ, quarum una simpliciter à medio deficit, altera medium supergreditur atque excedit; iustitia contrà ab ejusmodi extremis cingitur, quorum utrumque in uno eodemque actu reperitur ac concurrat: atque hæc duo extrema, sunt plus & minus, quæ ambo simul in una & eadem actione sunt, ideoque unum tantum constituunt vitium, quod uno quoque nomine *iniustitiam* vocamus. V. C. Quæ alterum defraudat, unâ & eadem actione, modum excedit ac deficit: excedit, quia plus sibi sumit quam debet, deficit, quia minus alteri relinquit quàm debebatur ei: non sic sese res habet in virtutibus aliis. V. C. in Fortitudine; tem-

mere omnia audere, excessus est; nihil audere, defectus: at hæc duo simul in una actione reperiri nequeunt: & hinc est, quod excessus & defectus, in reliquis virtutibus duo vitia gignant, in iustitia particulari non item. (a) Deinde, cum reliquæ virtutes in medio rationis tantum consistant, iustitia particularis, quædam saltem, sc. commutans, in medio insuper rei est posita. Quod satis bene explicatur ab *Aquin.* in *sum. loc. cit.* & ejus *Commentatoribus*. Nos rem exemplo illustrabimus. Temperantiæ medium in eo est positum, ut pro respectu honestatis, valetudinis, personarum, loci, ac temporis, tantum quis edat ac bibat, quantum recta ratio, seu iudex atque arbitra, dicat; quod medium, pro respectu illarum circumstantiarum, multis modis variari potest, unde varium à ratione constituitur: at medium iustitiæ non ex ejusmodi rationis arbitrio varioque pendet dictamine, sed ex ipsius rei (in qua est vel æqualitas vel inæqualitas) naturâ assumitur. V. C. Si quis domum alienam ad se transferre emtione cogitet, oportet secundum medium iustitiæ tantum pretii exolvat, quantum domus meretur: neque tamen exilimandum est, hoc medium rei esse contrarium rationi aut minus consonum: nam, simulque æqualitas rerum vel commutandæ vel distribuendæ in medio est posita, statim ea rationis medioeritati consentit, & quod est medium rei, simul sit medium rationis, quia ratio dicat, arbitrat, nihilque aliud judicat, quam ut rebus ipsis, vel commutandis vel distribuendis, vel pretium vel præmiam, æquetur.

(a) Omnis Virtus consistit in medio rationis, quod assignatur à Prudenti viri prudentis, post expensas omnes circumstantias morales; iustitia Commutans præter medium rationis insuper exigit medium rei, quod in aliis virtutibus non requiritur: hoc tamen medium rei in iustitia Commutante à medio rationis, circa eandem non differt; Ratio enim ipsa indicat medium rei, i. e. omnimodam æqualitatem servandam esse, inter personas, circumstantias, & res commutatas: sed medium rationis in Virtutibus aliis multis modis variatur pro variis circumstantiis moralibus, ideoque est omnino modo æquale, aut semper unum & idem.

V. Definitionem iustitiæ Particularis ex ipso ejus *Diviso*, quæ ex definitione allatâ institui potest hæc *Iustitia particularis* est, vel *Distributiva*, vel *Commutativa* seu *Commutans* Valgo dicunt eam esse vel *Distributivam*, vel *Commutativam* sive *Correlativam*. Atque hanc divisionem ipse ponit *Aristoteles* in *fin. cap. 2. l. 5. Eth. ad Nicom.* Ejus, inquit, quæ locundam partem est, iustitiæ, una quidem est species, quæ in distributionibus honorum, vel pecuniarum, vel aliarum rerum, quæ quot dividi possunt, qui participes sunt ejusdem Reipublicæ, versatur, altera, quæ in contractibus est, emendatrix: boni vero partes sunt duæ; nam ex contractionibus, alii sunt Volentarii, alii involuntarii, &c. Vid. *Arist.* (a) Iustitia, alia *Distributiva*, *Distributrix*, alia *Commutativa*, *Commutatrix*, sive *Correlativa*, *Correlatrix*. Primam ait *Philosophus* versari in partitione (b) ac distributione aliquarum rerum communium; sive bonarum, ut honorum, pecuniarum, Magistratuum, sive malarum, ut laboris, vigiliarum, sumptuum, veftigalium, contributionum, aliorumque incommodorum, quorum oportet esse participes, qui ejusdem Reip. communiōne sunt juncti. Atque hoc iustitiæ distributivæ officium esse probat *Philosophus*. Quia, inquit, in his contingit & inæquale habere & æquale aliis ab aliis. Quasi dicat. Ubi æqualitas invenitur & inæqualitas moris hominis comparati ad alterum, ibi oportet esse ac versari iustitiæ peculiarem, quæ proprium æqualitatis medium investiget ac definiat. Sed in distributione honorum, præmiorum, aliorumque bonorum, & ex opposito, malorum communium, inter eos, qui ejusdem Civitatis Reique publicæ sunt participes, & æqualitas esse potest & inæqualitas. Ergo in ista distributione versari oportet aliquam iustitiæ peculiarem. Eam *Distributivam* vocamus ex *Philosopho*. Alteram iustitiæ Particularis speciem dicit occupari in rerum commutationibus & contractibus, quorum vi ex ditione & potestate, vel unius hominis, sc. privati vel Reip. quæ tum unius partis ac privati vicem tenet, aliquid transfertur in alterum privatam, aut quoad dominium seu possessionem, aut quoad usum, ut fieri cœrimus in emtione, venditione

tione, locatione, conductione, commodato, mutuo, similibusve pactis & conventis, quæ *ἐκ τῆς ἀνάγκης* Græce vocat *ἀνιστολές*, eaque dicit esse, *ἡ μὴ ἐκ τῆς ἐπιθυμίας*, hæc spontanea, illa invita. In utrisque est occupata iustitia *ἐκ τῆς ἀνάγκης*, & eodem modo: unde non novæ sunt species *ἐκ τῆς ἀνάγκης* *ἐκ τῆς ἐπιθυμίας*, quarum altera circa contractus voluntarios, altera circa involuntarios verietur, sed ejusdem Iustitiæ commutantis partes duæ: nam in commutationibus, tam voluntariis, tum involuntariis, una & eadem planè est ratio debiti, unus idemque modus res ad æqualitatem redigendi, una quoque formalis ratio est iustitiæ; interim, ratione materiæ circa quam aut objecti, aliqua est diversitas: nam in voluntariis commerciis tantum res compensantur: at in involuntariis commutationibus, damnum pariter & offensæ: quod clarius patet, si, quænam dicantur *ἐκ τῆς ἀνάγκης*, & quæ sint *ἐκ τῆς ἐπιθυμίας*, quænam *ἐκ τῆς ἐπιθυμίας*, uberius exponamus.

(a) Iustitia Distribuens versatur circa bona & mala, quæ à Magistratu distribui debent Subditis, pro ratione, conditione, statu, dignitate, opibus, meritis, vel demeritis eorum in Remp. & servat mediocritatem Rationis tantum; Iustitia Commutans exercetur à privato in privatum aut à Magistratu in quantum habet Ratio dem privati in liberos ut Privatos, versaturque inter bona & mala, ex rerum Commutatione privatis advenientia, nulla habita ratione status, conditionis, dignitatis, divitiarum, meritorum & demeritorum in Remp. servaturque medium Rei: plus boni, sive publici, sive privati, collatum alicui, quam debet, vocatur Lucrum; plus mali alicui illatum, quam debet, vocatur Damnum: sic, cum præda aliqua à Magistratu distribuenda est in Subditos, aut præmii inter eos dividendum, si quis Subditorum plus prædæ vel præmii reporter quam est meritus, is lucrum facit, si quis minus referat, is damnum patitur; ut verò hic servetur mediocritas, Ratio expendit merita singulorum, & unicuique pro ratione meritorum, vel majorum, vel minorum, suam aliquat prædæ aut præmii portionem: sic habetur quoque Ratio dignitatis ac status, nam Chiliarchus plus prædæ aut præmii aufert, quam Centurio, & plus Centurio quam Vexillifer, & Vexillifer plus, quam gregarius miles: at vero in Iustitia Commu-

tanæ nulla habetur Ratio dignitatis, aut meritorum; sive enim Princeps, sive plebeius calcæas emerit, tantum pretii Princeps debet pro suis calcæis, quam plebeius pro suis; si quis Chiliarchus conduxerit domum, debet hoc ipsum pretium pro conductis ædibus persolvere quod promissit, æque ac miles gregarius pro conductâ à se domo, & sive Magistratus aliquid emat, aut vendat Subdito, vel privatus privato, utrobique servandum est medium Rei, & tantundem pretii refundendum, quantum in emptione ac venditione ex Contractu est posulatum: neque enim ibi Magistratus spectatur ut Magistratus, sed ut privatus, neque pecuniam, quam solvit pro rebus emptis ac venditis, de Publico dæ Arario, sed de suis privatis nummis; ita idem Magistratus quod stipendium promittit Professori, Pastori, Rectori, Urbis lux Medico, Syndico, Secretario, omnibusque Officiariis, & operariis, quorum opera utitur ad Reip. bonum, debet servare medium Rei, & tantum dare singulis stipendii, quantum spondit, atque pollicitus est, habet enim Magistratus hic, conducent illorum operas, seu ut privatus, & tanquam pars contrahens, & conducent; Illi se habent, ut pars altera contrahens, & locans operam suam certa mercede.

(b) Dieitur iustitia distributrix versari circa res communes, i. e. distribuendas, i. e. circa res illas, non quæ sunt huius, vel illius individui, aut privati possessoris, Perri aut Pauli, &c. sed quæ sunt sitæ intra potestatem Reipublicæ seu prefectorum ejus, penes quos solos jus est distribuendi illa, ejusdem communione aut Reipublicæ membris, ut sunt dignitates, tituli, honores & officia publica, item præmia & pecunie publicæ, item vestigalia, tributa & sumptus in publicum erogandi, neque enim cuiusvis est privati, illos sibi honores & titulos sumere, quos vult, sed oportet Magistratum illos ipsi conferre pro ratione meritorum in Reipublicam, nec cuivis licet illa portare tributa, quæ vult, sed oportet Magistratum ea imponere cuique pro ratione divitiarum quas possidet ac meritum quoque in Reipublicam: iustitiam ergo distribuentem exercere est superioris in inferiori, ac proprie Magistratus in Subditos, licet non nunquam illud quoque tribuatur parentibus in liberos, dominis in servos, præceptoribus in discipulos, sed improprie tamen: porro res communes, i. e. ad communionem aut contramunionem spectantes Reipublicæ, sunt vel bonæ, i. e. jucundæ ac grææ, vel malæ, i. e. injucundæ ac ingratæ, nam res malæ, i. e. inhonestæ ac turpes, distribui Subditis à Magistratu, nec possunt, nec debent; bona utilia distribui possunt.

sunt, quin & inutilia, seu cum aliquo damno privatorum conjuncta, ut si subditiis onera quædam ac vestigialia imponantur ferenda, aut sumptus faciendi pro publico mandato magistratus; hic enim valet. Publica privatis anteferenda bonis.

VI. *Συναλλαγμῶν*, sive *ἀπὸ τῶ συναλλαγμῶν*, sive *ἀπὸ τῶ συναλλαγμῶν*, derivatur, ex ex vi vocis, propriè significat, contractum, pactionem, permutationem; at *Arist.* ejus vocis notionem amplificavit, & extendit, ad significandum, non tantum contractum, sed & delicta, flagitia, omnia denique negotia civilia, ut testamenta, nuptias, aliaque id genus plura, sicuti observavit rectè *Giphanius in Comment. suis ad c. 2. l. 5. Eth. jam cit. Quæ*, inquit, *sam latè patens notio hujus vocis, ne scio, an apud ullum præterea scriptorem quam Aristotelem reperitur.* Ac præter hanc ex origine suâ restrictionem, ex *Aristotele* laxiorem vocis *συναλλαγμῶν* acceptionem, refert *Giphanius*, aliam adhuc angustiorē, & Juris civilis propriam, cujus *Doctores* interdum vocant *συναλλαγμα*, negotium, ex quo actio civilis oritur: qua ratione, pacta propriè dicta dicuntur carere *συναλλαγμῶν*, contractus dicuntur habere *συναλλαγμα*. Est & quarta notio angustissima hujus vocis, *Jurifconsultis* tantum nota, quæ non omnes contractus, sed certos tantum significat, ex quibus sc. utrimque nascitur obligatio, ut sunt, emptio, venditio, locatio, conductio, &c. *Prima* vocis notio omnibus scriptoribus usitata est. *Secunda Arist.* *Tertia & Quarta Jurifconsult.* propria. Nos ex *Aristotelis* mente hoc vocabulum usurpamus, quia commodius vocabulum hoc Græco, & Latino, *commutatio-nem* aut *contractuum*, non occurrit. Hinc manifestum est, quam latè pateat *Justitiæ Commutantis obiectum*: nempe, sive *συναλλαγμα* significet permutationem & contractum obligantem vel ex utraque vel ex alterâ parte, sive pactionem & conventionem, sive delictum, aut quippiam aliud, quod actionis civilis nomine contineri potest, quicquid tandem sub nomine *συναλλαγμῶν* venit, cadit in *Justitiæ commutantis*, cujus eadem est, quæ est *Juris civilis*, materia: quod enim *Juriscôn-*

sulti tribus verbis, *personarum, rerum, & actionum*, id una *συναλλαγμῶν* voce hic comprehendit *Aristoteles*. (a) Hoc igitur officium est *Justitiæ commutantis seu corrigentis*, ut emendet commutationes, contractus, actionesque civiles, quarum vi aliquid ab uno, vel homine, vel magistratu, habente rationem unius, transfertur ad alium: multum enim in hoc per inæqualitatem peccari potest, quæ inæqualitas per aliquam virtutem ad justam æqualitatem reduci debet. (b) Atque hinc discrimen liquet inter hanc & distribuentem *Justitiā*. hæc aliquid transfert à Rep. ad certos, illa aliquid à singularibus, aut eo, qui rationem singularis & unius habet, ad singulares & privatos.

(a) Quia in commerciis & contractibus vitæ civilis inter privatos sæpe non se vacuturios, sed unus plus refert, alter minus accipit, quam debet, in quo sita est injuria, necesse est ut aliqua Virtus doceat medium, quod his servari debet, ut nullus ab altero injuriam patiaturs hæc est *Justitiæ Commutans*, quæ, quia illam injuriam emendat, *Corrigens* dicitur.

(b) *Justitiæ distribuens* semper exerceatur à Magistratu, quia Magistratu in subditos, quæ subditos, habeturque hic semper ratio meritum & demeritorum in Republicam; sed *Justitiæ commutans* exerceatur à privato in privatum. aut si exerceatur in subditum, Magistratus spectatur ut privatus, nullaque hic habetur meritum aut demeritorum ratio, ut si Magistratus ædes conducat, aut aliquid à subdito emat; imo ne quidem ut Magistratus spectatur, quando pactum cum aliquo subdito in init de stipendio, quod pollicetur subdito huic aut illi pro opera præstanda, aut solvit pro præstita.

VII. *Συναλλαγμῶν* & *Aristoteli* sunt, vel *ἐκ φύσεως*, spontanea, vel *ἀπὸ πρᾶξης*, invita: *Jurifconsultis* contractus tantum est, qui est voluntarius ex parte utriusque contrahentis: *Aristoteles* etiam contractum vocat, non sponte initum, ratione unius partis contrahentis: quia enim, v. c. (a) inter pulsantem & pulsarum, inter furantem & eum cui furum fit, personarum quædam est mutatio (nam unus agit, & hujus ratione contractus est voluntarius alter patitur, & hujus ratione contractus est involuntarius) ne hanc commutationem omit-

tat, dividit Commutationem in Voluntariam & Involuntariam. *Voluntariam* dicit, cujus principium est voluntarium; ab utraque parte contrahentium, cujusmodi commutationis exempla ponit, *emtionem, venditionem*, &c. Vid. *text. Arist.* Huc refer, conducere milites, medicos, operarios publicos, &c. iisque dare stipendia, quæ omnia sunt iustitæ commutantis, etiam si Magistratu fiant, quia Magistratus habet hic rationem unius, eandemque servat mediocritatem, quam privatus cum privato in contractu. *Involuntariam*, ac non sponte sed invito, ratione unius partis contrahentis, susceptum commutationis genus est, cujus principium in commutante & contrahente uno non est, ut sunt contractus, qui fiunt, nobis, vel ignorantibus, vel nolentibus. Dicuntur *inviti*, quia una saltem parte invitati fiunt, & sunt invitati, non ratione agentis, qui sponte & sciens agit, sed ratione patientis, cui, per ejusmodi, live contractum, live commutationem, vel ignorantis, vel nolenti, fit injuria: contractus invitati per ignorantiam vocat *Clandestinos & Occultos* Philosophus: commutationes nolentibus nobis factas vocat *Violentas*, quia per vim instituntur. Commutationis *clandestine & occulte* ac per ignorantiam invitæ, exempla ponit *Aristoteles*: *Furtum*, quo res aliena clam surripitur à Domino; *Adulterium*, quo conjux aliena, sc. respectu mariti, aut etiam virgo, parentum respectu, occultè corrumpitur; *Veneficium*, quo vel incantationibus arcanis conficiuntur homines, vel abdito veneno epulæ inficiuntur ac pocula; *Lenocinium*, quo ad scorta & meretrices inscii perducuntur adolescentes, quod nonnulli voce *ἑταῖρις* significatū ab *Arist.* existimant, vel quo maritus propriæ uxoris adulterium fraude aliquâ deceptus ignorat, uti exponit *Eustratius græcus Aristotelis Interpres in Esb. Nicom.* Alieni servi corruptionem, quâ clanculum à Domino subducitur; *dolosam cadem*, quâ quis per aditas infidias fraudulenter è medio tollitur. Hæc omnia dicit esse *Philosophus* occultè involuntaria propter ignorantiam, quia, qui ea patitur, pestem occultam ignorat: neque enim maritus notum habet lenocinium, quo uxor ejus oc-

cultè corrumpitur, neque dominus fraudem scit, quæ servus abducitur, &c. Atque ex hisce id quoque patet, personam lædi in hisce contractibus involuntariis per ignorantiam, vel in se, ut in homicidio, vel in aliâ sibi conjunctâ, ut in adulterio, lenocinio, servi abductione, &c. Sed roget quis, *Quodnam hic est lucrum, quod damnum, quod tamen utrumque in iustitia commutari esse debet?* Resp. Qui alium occidit, pro lucro habet vindictæ aut odii expletionem: occisus pro damno habet amissionem vitæ: sic in adulterio, aliisque, similiter se res habet. (b) Commutationes per vim ac violentiam illatas, ait esse *Aristoteles*, verbera, vincula, mortem, sc. violentam, rapinam, &c.

- (a) Qui pulsatur, is sponte agit, qui pulsatur, invitus patitur; qui furatur, sponte agit, is, cui furto auferuntur bona, invitatus patitur: sic ut ratione patientis dicatur Contractus invitatus, aut Commutatio involuntaria.
- (b) In Commutationibus violentis, agens scit & vult id quod agit, patiens quidem scit sed non vult hoc, quod patitur; sic Commutatio vitæ cum morte violenta instituitur Sciencie & Volente Judice, sed qui mortem patitur violentam, scit quidem se pati, sed contra Voluntatem tamen eam patitur.

VIII. Commutationum hæc non sine ratione ab *Aristotele* fuit instituta divisio: voluntarium enim & involuntarium varias constituunt diversasque commutationum species: nam in commutationibus voluntariis, quia tantummodo intercedit rei, quæ commutatur, translatio, eam oportet per æqualitatem simpliciter compensari: At in involuntariis commutationibus, quia non tantum fit rei, quæ commutatur, translatio, sed aliqua insuper irrogatur injuria, non tantum res ejusque translatio per æqualitatem debet compensari, sed præterea debet is, qui commutavit rem & in se transtulit per injuriam, propter injuriam puniri; (a) quæ punitio, quia semper respicit injuriam irrogatam, ut ea pari supplicio (hæc paritas supplicii æstimatur ex damno, cui rescaciendo debet esse par & æqualis poena) puniatur, non tam ad iustitiam distribuentem pertinet, quam ad hanc commu-

tantem seu corrigenstem: inspecta enim rerum personarumque proportionem, rerum, quæ sunt commutatae, personarum, inter quas commutatio est facta, pro delicti atque injuriæ, vel magnitudine, vel parvitate, æqualis exigitur poena ac pars supplicium: & respicienda est hic proportio, non personæ commutantis ad aliam commutantem, sed personarum commutantium ad res commutatas: interim tamen, quia poena ipsa, quam justitia hæc vindicatrix ad ulciscendum delictum imponit, non compensat satis refarcitque damnum illatum (nam, qui vitam perdit, quia alteri eripuit, eo alteri vitam non restituit, nec qui ob bona alterius furto surrepta, & jam dilapidata, virgis cæditur, eo bona ipsi restituit) sed vero solummodo facit, ut tantum patiat reus, quantum pati potest & est æquum pro perpetrato crimine, à perfecta ratione justitiæ commutantis seu corrigenstis, multum ab hæc Ultrix justitia, quare, ne sub commutante quidem aut corrigente justitia continetur: Et fortasse non errant, qui eam inter partes justitiæ particularis propriè dictas non numerant, adeoque nec ad distribuentem, nec ad commutantem, propriè eam referunt, sed ad partes justitiæ particularis reducant *potentiales*, quas sic vocant *Scholastici ex Aquin. 2. 2. quæst. 101.* Nempe in omni virtute trium generum possunt assignari partes. (b) 1. *Integrantes*, quæ sic non dicuntur quasi virtutem ipsam componant, sed metaphoricè intelliguntur functiones, sine quibus non est perfectus virtutis usus. 2. *Subjæctæ*, i. e. *Potentiales*; hæc sunt virtutes, quæ quandam affinitatem & conjunctionem habent cum alia virtute, sicuti potentia cum anima; neque tamen perfecte participant ejus rationem, sicuti nec potentia participant rationem ipsius animæ: sed tamen ei in proprio suo actu inserviunt, sicuti potentia inservit animæ. Inter hæc Justitiæ particularis partes *potentiales* potest non incommode referri *Justitia ultrix, vindicatrix, punitiva.*

(a) Gravis questio est ad quam Justitiæ speciem pertineat Justitia Vindicatrix, quæ exercetur in poenis irrogandis, nam quia poenam irrogatio à Magistratu instituitur, videtur pertinere ad

Justitiæ distribuentem, hanc enim administrare Magistratus est, non privati; quia tamen inter poenam & delictum intercedit proportio Arithmetica, i. e. omnimodò æqualitas, & ipsa servari debet hic medium Rei, non Rationis, videtur ad Justitiæ Commutantem, quæ proportionem exigit Arithmetica, & medium Rei: itaque, si respiciatur proportio & medietas servanda inter poenam & delictum, locum habebit Justitia commutans; si respiciatur vero persona, quæ poenam infligit, quia illa publica est, nempe Magistratus, locum hinc videtur habere Justitia distribuens; sic ut ad partem directè, ad utramque Justitiæ speciem ex parte pertineat.

(b) Partes propriè ad ignantur substantiis corporis, non vero spiritibus, aut accidentibus, ideoque cum Justitia, & virtus sic accedens, improprie ei tribuuntur partes; quia tamen usus sic obtinuit, etiam partes assignari solent omni Virtuti: primò quidem *Integrantes*, quæ significant illas actiones, quæ requiruntur ad uniuscujusque perfectionem, quemadmodum exiguntur membra ad perfectionem totius integrantis: secundò, partes quædam virtutis vocantur *Subjæctæ*, sc. virtutes aliæ, quæ hinc aut illi virtuti, tanquam generi, subjiciuntur, ne species: Tertio, partes quædam sunt virtutis uniuscujusque *Potentiales*, quæ sic vocantur, quia sese habent ad virtutem unamquamque, uti potentia ad animam; quemadmodum enim potentia naturales animæ non sunt ipsa anima, ad eam tamen referuntur, ita quædam virtutes referuntur ad hanc aut illam propter affinitatem, ac cognitionem: & sic Justitia ultrix refertur ad Justitiæ particularem, tum distribuentem, tum commutantem.

IX. *Justitia Commutans seu Corrigenstis* in contractibus, tam spontaneis quam invitis, singulorum res spectat & æquale illud, quod est (a) *proportionis, non Geometricæ, sed Arithmetica*; cum enim nulla hic personæ dignitas, sed simpliciter rerum, quæ permutantur, æqualis inter id, quod plus est & minus, spectetur distantia, satis liquet proportionem hic esse Arithmetica: sicuti enim ejus hæc est natura, ut simpliciter numerorum inter se distantiam spectet, ita & hæc justitia medium querit & æqualitatem in sola distantia à lucro & damno, facitque, ut contractus omnis æqualiter utrimque absit. At justitia distribuens, quæ ordinem dicit ad Remp. quia meritum spectat & cuiusque dignitatem personæ, proportio-

portionem servat *Geometricam*: quemadmodum enim ista in eo est posita, ut, sicuti sese habet numerus primus ad secundum, ita tertius ad quartum; sic æqualitas distributionis in eo consistit, ut, (b) sicuti sese habet unius civis personæ ad personam alterius, respectu meritorum in Remp. ita præmium unius aut bonum à Rep. distribuendum respondeat bono aut præmio alterius: atque hac ratione, res, quæ distribuuntur, sunt æquales, pariter ac personæ, inter quas distribuuntur, & ipsa distributio est æqua: cum aliqui, si simpliciter rem spectes, uti inter personas, ita & inter præmia, magnum discrimen esse possit. Atque ex hisce omnibus liquet, in quo differant *Iustitia Distribuens & Commutans*, duæ Iustitiæ particularis partes: & quod non detur membrum tertium. Nam omnis æqualitas, vel ex dignitate, i. e. meritis in Remp. personarum æstimatur, vel ex rerum ipsarum modo ac mensurâ: tertium non datur.

- (a) Proportio Arithmetica dicit æqualitatem differentiarum, Geometrica rationum, utraque inter quatuor numeros; differentia apud Arithmeticos significat distantiam duorum numerorum à se invicem; ratio notat, quoties unus numerus alterum in se includat: inter quinarium & septenarium differentia est quinarium, quia distant à se invicem per duo; sed quinarium non continetur bis in septenario. ideoque inter illos non est ratio; at inter quinarium & denarium est ratio, quia denarius est duplum quinarium, & quinarium est dimidium denarii, denarius enim bis in se continet quinarium, non tamen à quinario per duo differt, sed per quinque: proportio Geometrica, significat æqualem intercedere differentiam inter bis binos numeros, i. e. ex quatuor numeris inter se collatis, bis binis æquali utrumque distantia à se invicem distat deprehenduntur, v. c. ut 2. ad 4. ita 6. ad 8. differentia inter 2. & 4. aut distantia quæ à se invicem distant est binarius, sed ut 6. differunt & distant ab 8. per binarium; verum inter hosce numeros non est proportio Geometrica, quæ significat æquali ratione ac modo ex numeris 4. bis binos discrepare inter se. neque enim ut sunt 4. duplum duorum, ita 8. sunt duplum 6. neque ut binarius est dimidium quaternarii, ita denarius est dimidium octonarii: sed exemplum proportionis Geometricæ est hoc, ut 4. ad 8.

ita 12. ad 24. quia uti 8. sunt duplum 4. ita 24. sunt duplum 12. & ut 4. sunt dimidium 8. ita 12. sunt dimidium 24. at hic non est proportio Arithmetica, neque enim æqualis est differentia, quæ distant 4. & 8. quæ distant 12. & 24. differentia enim inter 4. & 8. est quaternarius, at distantia inter 12. & 24. est 12. sed 4. & 12. non sunt numeri iidem: si id, quod in numeris est declaratum, applicetur rebus & personis, deprehendatur in iustitia commutante semper servari æqualitatem dederuntur ac proportionem Arithmetica, ut utraque pars contrahens æqualiter distet à damno & lucro; sed in iustitia distributive conspicitur æqualitas rationum & proportio Geometrica.

- (b) Exemplum proportionis Geometricæ servat, & quoad res, & quoad personas, in iustitia distributive. videre est inter Ajaxem & Ulysses, & inter arma Patrocli & Achillis; nempe, quæ est ratio meritorum Ulyssis ad merita Ajaxis in Republicam Græcorum, eadem debet esse ratio armorum Patrocli ad arma Achillis, quoad valorem & dignitatem ut præmiorum illis distribuendorum, h. e. si Ulysses duplo plus meritis est de Republica Græcorum quam Ajax, oportet ipsi donec duplo majus præmium præmio Ajaxis, & quia arma Achillis duplo sunt digniora armis Patrocli, exigit iustitia distributiva, ut arma Achillis cedant Ulyssi, & Patrocli cedant Ajaxi: hic proportio est ita in æqualitate rationum, & quoad personas, & quoad res inter se comparatas; ut enim se habet persona Ulyssis ad personam Ajaxis respectu meritorum in Republicam, ita se habent arma Achillis ad arma Patrocli, præmia illis distribuenda, & ut Ulysses se habet ad arma Achillis, ita Ajax ad arma Patrocli: atque hæc æqualitas est utrimque & armorum, quæ distribuuntur, & Ajaxis & Ulyssis, inter quos distribuuntur: at si quis extra computationem illam ac distributionem arma spectet simpliciter, certe magna interest in æqualitate, nam arma Achillis longe sunt præstantiora armis Patrocli; quemadmodum quoque si simpliciter spectentur merita Ulyssis & Ajaxis, illa quoque val se sunt inæqualia, nam Ulysses prudens: suo consilio longe plus meritis est de Republica Græcorum quam Ajax suis armis.

X. Nobilis hic sese offert quæstio, sed difficilis. (a) *Quæ proportio servanda in penis irrogandis, an Geometrica, an Arithmetica?* Resp. Penas non posse irrogari proportionem

Geometricā. 1. Quia hæc exigit, ut pro inæqualitate personarum inæqualia sint onera: & sic pro eodem delicto, nobilis ac liber mitiores, ignobilis & servus acriores ferret pœnas. 2. Distributio secundum proportionem Geometricam tum iusta est, etiam cum quis non tantum consequitur, quantum merebatur, sed quantum pro ratione circumstantiarum potest redundare: ita, si præda sit dividenda inter milites, & non satis magna sit ut uniufcujusque merito & virtuti respondeat, nihilominus distributio iusta erit, cum quis tantum capit, quantum pro rato capere potest. At pœnæ non irrogantur iuste, si infra meritum irrogentur. Et hæc sententia videtur esse congruentior *Aristoteli*, qui l. 5. *Ethic. ad Nicom.* c. 4. docet, *jam, quod in commerciis est servandum, esse æquum proportionem Arithmeticā.* Non autem distinguit istic loci inter commercia, quæ sponte faciunt homines, & quæ invitis ipsis efficiuntur: sed de commerciis lo-

quitur in genere. At emendare contractus invitos, quidnam est aliud, quam delicta punire? Ergo & in delictis puniendis servanda est proportio Arithmetica, quod erat demonstrandum.

(a) In pœnis irrogandis habenda est ratio distantie æqualis inter delictum & supplicium, ut non inferatur delinquenti plus pœnæ, quam peccatum ejus meruit: nec etiam minus: inquit non est necesse servari in omnibus Personis semper eandem speciem pœnæ, modo serventur idem gradus. V. C. Siquis Princeps, aut ex Magistratu & optime meritis de Rep. idem committat delictum, quod vir plebejus, non est necesse, ut eodem supplicii genere afficiatur, quo afficitur plebejus, modo servetur eadem ratio, & proportio; nam potest plebejus fustigari, aut virgis eadē ob delictum idem, propter quod Princeps abdicetur suo officio: hic tamen servata fuerit proportio Arithmetica, nam tam magna pœna est Principi, aut Magistratui, moveri suo munere, quam plebejo est, eadē virgis, aut fustigari.

DISPUTATIONUM PRACTICARUM

TRIGESIMA-PRIMA & ULTIMA,

DE

AMICITIIS.

THESIS I.

Excussæ sunt *disputationibus* ante habitis *virtutes* omnes & singulæ, quæ media sunt, quibus ad felicitatem, summum hominis in hac vita bonum, pervenitur: superest, ut agamus de *Amicitia*, quæ, si virtus non est, cum virtute tamen cognitionem habet summam, & si non est acquirendæ felicitatis supremæ, ejus tamen conservandæ, est medium, & virtutum explicatarum quoddam quasi effectum & usus: ut vero effectum sequitur causam, & usus rem ipsam, ita *virtutibus* explicatis recte subjungitur *Amicitia* explicatio: cujus necessitatem *Arist.* l. 8. *Eth.* c. 1. ostendit in omni vitæ statu, quam & potentioribus, & pauperioribus, & Senibus, & Juvenibus, convenire, ibidem docet. *Vid. text.*

Agit vero *Philosophus* de *Amicitia* l. 8. & 9. Quæ ibi fufe persequitur, nos summatim hac *disputatione* comprehendimus, exorſi, ut solemus, à voce.

11. *Amicitia* vocabulum significat, 1. *generalissime*, rerum omnium *συμπνοία*, qualis consensio est inter oleam & vitem, magnetem & ferrum: de qua consensione & *συμπνοία* multa habet *Erasmus* in *Colloquio*, cui titulus, *Amicitia*. 2. *generatim*, quemlibet appetitum societatis, qualis etiam in bruta cadit. 3. *speciatim*, mutuam benevolentiam, quæ intercedit inter homines quosvis, sive probi sint sive improbi, sive noti sive ignoti, sive cives sive peregrini. 4. *specialissime*, pro honestorum & proborum hominum inter se bene-

benevolentia, quam conciliat virtus, utilitas, voluptas.

III. *Amicitia*, sensu quarto, definiri potest, *Benevolentia vera, nota, aperta, & actiosa quorundam inter sese mutuo, ob bonum honestum, utile, aut jucundum.* Atque huic prout triplex est *Amicitia* obiectum, ita triplex ponitur vulgo *Amicitia*, (a) *honesti, utilitatis, jucunda*, propter solam honestatem & virtutem: *utilis*, propter quæsum aut lucrum: *jucunda*, propter voluptatem instituitur. *Arist.* l. Eth. 8. c. 3. Harum *Amicitia* specierum prima, *honesti* scilicet, per se & proprie est digna nomine *Amicitia*, quippe quæ sola est perfecta, constans, stabilis, ac genuina: reliquæ duæ improprie & per accidens *Amicitia* dicuntur, quippe quæ imperfectæ, instabiles, inconstantes, & spurix magis sunt dicendæ. In *amicitia* perfecta amicum, propter seipsum & propter virtutem: in imperfecta propter aliud, sive utilitas sit, sive voluptas, cum amamus. Sed definitionem *Amicitia* & allatam divisionem per partes explicemus.

(a) Divisio *Amicitia* in *Honestam, Jucundam, & Utilem*, non est divisio generis perfecti, vel univoci, quod ex æquo suis competit speciebus, sed est divisio generis imperfecti, seu analogi, quod speciebus convenit inæqualiter, uni magis, alteri minus, & uni per & propter alteram, quale genus est ens respectu substantiæ, & accidentis; accidens enim non est ens, nisi per & propter substantiam: sic *amicitia* non dicitur æquali modo de *Honesti, Jucunda, & Utili*, sed primario de *Honesti*, secundario de *Utili & Jucunda*, quatenus hæc aliquid participant de conditionibus *amicitiæ Honesti*: atque hæc etiam faciunt ad intelligendam thesin sextam numero.

IV. *Amicitia* genus ponimus *Benevolentiam*, quæ significat, propensionem voluntatis & amoris in alterum, quæ bene ei cupimus & volumus. Errant, qui *Virtutem* pro genere ponunt: nam 1. Virtus est fundamentum, cui *Amicitia* superstruitur: fundamentum autem rei, quo nititur, non est res ipsa: nihil enim sui ipsius fundamentum est. 2. *Amicitia* est effectus virtutis, Ergo non ipsa virtus: nam nulla causa, quatenus causa, est idem cum effectu: sic enim idem esset causa sui ipsius. 3. Virtus

cum suis actionibus in nostra est potestate, est *ἐφ' ἡμῖν*: est enim habitus electivus: at electio nostræ est voluntatis. Sed *Amicitia* non est *ἐφ' ἡμῖν*, non est in nostra potestate. Ergo. Prob. min. Quia requirit amorem & consensum mutuum, qui non est in nostra potestate. Nemo enim dominus est alterius voluntatis. 4. Virtus (a) bonum est internum, ad instar habituum aliorum. *Amicitia* vero est bonum externum, *Arist.* 9. Eth. c. 9. τὸς φίλος, ὃ ἐκτὸς ἡρώδης μέγιστον, inter externa bona maximum, appellat. Si dicas, *Amicitiam* esse laudem dignam & servare medium inter duo extrema: inde non sequitur, ejus esse genus virtutem: Nam & affectus quidam & actiones virtutem antecedentes laudem merentur ac servant medium inter duo extrema: nec tamen sunt virtutes.

(a) Bonum internum est, quod intra potestatem hominis est situm: Bonum externum non item.

V. *Differentia*, post genus, reliquis in definitione verbis proponitur. *Amicitia* est *benevolentia vera*: ut distinguatur à simulata & ficta, quæ aliud lingua promittit, aliud corde premit: uti virtus ipsa non verborum est aut linguæ sed operum ac cordis, ita & *amicitia*, virtutis fructus. Nota: ut *Amicitia* distinguatur à benevolentia, quæ ignotos complectimur, requiritur in *Amicitia*, ut Amico affectum & amorem nostrum exponamus, ac detegamus: possumus Christianis, longe remotis à nobis, bene velle, sed non possumus esse amici illis, qui nec nos illi, nec illos nos novimus. *Aperta*: ut excludamus amorem, quo quis occulte fertur in aliquem: potest quis recondito affectu & amore alium prosequi, quem nunquam ei aperuerit, atque hæc nunc non dum amicus est: *Amicitia* enim non latentem sed patentem exigit amorem. *Actiosa*: ut ipso actu *Amicitia* sese exerat & affectum mutet in effectum, ut non tantum bene velit sed bene faciat. *Mutuo exercitia*: ut significetur, in *Amicitia* exigi amorem & affectum & recipi: & φίλος & ἀγαπᾶσθαι: & φιλεῖν & φιλεῖσθαι: magis tamen consistit *Amicitia* ἐν τῷ φιλεῖν quam ἐν τῷ φιλεῖσθαι, in

amore activo quam passivo, præstantius enim est amare quam amari. Amor itaque, quo ferimur, in hostes, à nobis averfos, in res inanimatas, in animatas anima vegetante & sentiente, ut in pecunias, agros, hortos, plantas, canes, equos, &c. amicitia dici nequit, quia ista non redamant. Porro dicitur Amicitia, quorundam inter se, puta hominum: bestie enim non sunt subiectum amicitie idoneum: nec Angeli, quia de hominum virtutibus pertractat Ethica, quarum usus ac fructus est Amicitia. Denique, ob bonum honestum, utile, ac jucundum; quibus verbis ratio impellens & motiva Amicitie innuitur.

VI. Tres Amicitie species, honesta, utilis, jucunda, sub Amicitia continentur, (a) ut genere, non univoco, sed analogo aut æquivoco, prout istæ voces vel distinguuntur vel confunduntur: Nam Amicitia honesta sola vera est & per se Amicitia: utilis & jucunda spurie potius sunt species, & κατ' ἐννοίαν, amicitie: jucunda interim amicitia magis propius ad honestam accedit quam utilis, quia magis est ingenua & homine libero ac liberali dignior: sed in specie quædam de singulis videamus.

(a) Genus univocum dicitur, cujus & nomen & definitio ex æquo speciebus conveniunt: sed amicitie definitio ac nomen non ex æquo conveniunt, honestæ, jucundæ atque utili amicitie; cum enim amicitia sit virtutis effectum, sola honesta vera est amicitia, non item utilis aut jucunda, quia hæc in virtute non semper fundantur, nec ab ea causantur; genus æquivocum dicitur melius vox æquivoca, quia ejus nomen solum commune est, sic homo posset dici genus æquivocum hominis pæsti & vivi: sed amicitia utilis & jucunda plures habet communes cum amicitia honesta quam nomen, non tamen æquali modo amici iam aut ejus definitio prædicatur de honesta, utili & jucunda, ideoque amicitia illarum est genus analogum, quod vocant, cum non tantum nomen sed & definitio generis competit speciebus, verum non ex æquo, nec ob eandem causam.

Nam quidam Philosophorum illud genus, quod inæqualiter convenit suis speciebus, vocant analogum, non æquivocum; alii vocant æquivocum, non item analogum: quidam utroque appellant modo.

VII. Amicitia utilis & jucunda sunt & di-

λυτοι, i. e. facile dissolvuntur utilitas enim & voluptas sunt bonum instabile & facile cessant: non sic honesta, quæ solidiori innititur fundamento, sc. virtute. Amicitia utilis plerumque cadit inter senes, quia sunt φεικτα, minus lueripetæ, & in vulgus, quia nullus amicitias utilitate probat. Amicitia, jucunda potissimum inter juvenes viget, quia, cum alijs dibus multum indulgeant, fere voluptates sectantur & quod jucundum est. Honestæ Amicitia, quia propter virtutem suscipitur, tantum est bonorum, ideoque valde rara est. Rari quippe boni: vix sunt numero totidem, quot Thebarum porte, vel divitis ostia Nili. Hæc stabilior est, quia virtus bonum est stabile. Hæc omnia φιλία, amabilia, complectitur, (a) quippe virtus & honesta, & utilis, & jucunda est, tum sibi tum amicis: nam virtus mira jucunditate probos perfundit, & ipsa sibi pretium est. Sed & alias Amicitie divisiones expendamus.

(a) Hinc liquet divisionem Boni in Honestum, Utile & Jucundum, non esse divisionem generis in species, quia species oppositæ nunquam possunt prædicari de eodem: sed bonum honestum, utile & jucundum dicuntur de eadem virtute, ex diverso respectu; ideoque hæc divisio boni, est divisio subiecti per adjuncta.

VIII. Amicitia est vel æqualis vel inæqualis: illa colitur inter æquales, v. c. inter duos Seniores, Collegas, servos, aut quoscunque in eodem officio & dignitate constitutos: hæc colitur inter inæquales, vel ætate, uti inter juvenem & senem, vel dignitate, uti inter herum & servum, Magistratum & subditum: estque vel privata vel publica: Privata, quæ inter homines privatam vitam viventes colitur: estque vel consuetudinaria, quæ inter duos privatos, sed potentia, ætate, donis, vitæ conditione, dispares inuitur: vel consanguinea, quæ est, vel patria, inter parentes & liberos, vel fraterna, inter fratres & sorores, vel conjugalis, inter maritum & uxorem: publica, quæ inter personas colitur publicas, estque, vel Ecclesiastica, inter concionatores & auditores: vel politica, inter Magistratum & subditos: atque hæc, vel sagata, inter duces & milites, vel rogata, inter senatores & cives, &c.

IX. Extat

IX. Extat & alia *Amicitia* divisio apud *Aristotelem* l. 9. *Eth.* Quædam Amicitia sunt *ἐνυπόθετοι, homogeneæ*, in quibus utrobique eadem sunt amoris causæ: ut si uterque amet alterum propter virtutem, aut utilitatem, aut voluptatem mutuum: ita Theologus Theologum, Philosophus Philosophum, miles militem, mercator mercatorem, amat propter eorundem studiorum similitudinem: Quædam sunt *ἀνυπόθετοι, heterogeneæ*: ut si alter propter voluptatem, alter propter utilitatem bene amico velit: sed in *causâs* Amicitia penitus inquirere operæ fuerit pretium.

X. Causæ sunt Amicitia, vel *procreantes*, vel *conservantes*, vel *finales*. *Efficiens*, est vel *prima*, *Deus*, qui hominem condidit animal sociale, & ad amicitias colendas propensum: vel *secunda*, quæ vel *remota est*, vel *occasionalis*, vel *propinqua*: *remota est*, natura, dum fundamenta amicitia suppeditat, inclinationem, amorem, similitudinem morum, vitæ, actuum ac factorum: & est hominibus quædam quasi innata ad amicitiam propensio: *occasionalis*, procatarsica aliis, est indigentia, quæ ad usus nostros amicis indigemus, eosque quærimus: *propinqua*, est vel *generalis*, vel *specialis*: *generalis*, est æqualitas & similitudo, sive vitæ, sive morum, sive ætatis, sive muneris, sive studiorum: est enim amicitia istic, ubi aliqua est æqualitas; (a) in amicitia æqualium est æqualitas *ἡμοῖσι νόμοις, numeri*: in amicitia inæqualium est æqualitas *ἡμοῖσι ἀξίαις, dignitatis*, cum animi utrimque convenientia & accipiunt & reddunt. In amicitia æqualium est æqualitas *Ἀριθμητικῇ*, quia officiorum utrinque & vitæ conditionis est paritas. In amicitia inæqualium est æqualitas *Γεωμετρικῇ*, quia in statuum disparitate quæritur ibi æqualitas in proportionem rationum, quæ consistit in eo, ut convenienti officiorum proportionem personarum compensetur inæqualitas: sic, cum parentes liberis victum suppeditant, illi id compensant parentibus obsequi præstando: cum Magistratus subdito benefacit, ille cultu & veneratione respondet benefacito, &c. *Specialis causa* amicitia *procreans* est, tum conversatio ac consuetudo, quæ alterius mores explorantur, tum admiratio virtutis

in altero, tum actus officii & beneficii præstitus, tum cognatio & affinitas, tum nostra utilitas aut voluptas, &c. *Causa conservantes* sunt, convictus, familiaritas, beneficia, & officia mutuo exhibita. *Finales causa* sunt, gloria Dei, felicitas civilis, nostra & amici salus, &c.

(a) *Æqualitas numeri* dicitur in amicitia, cum inter duos amicos æquales æqualia omni modo beneficia conferuntur mutuo, unde hic dicitur servari proportio Arithmetica: *Æqualitas dignitatis*, cum inter amicos inæquales, seu ætate, seu dignitate, beneficia conferuntur mutuo, non eque semper magna, digna, aut præstantia, sed servatur tantum proportio Arithmetica, quæ officium redditur pro officio, minus interdum pro majori, quod tamen ad majus aliquam [dicit] proportionem, quia Persona reddens est minor accipiente.

XI. *Effecta* Amicitia, seu *adjuncta*, seu *officia*, sunt *amare & benefacere*. *Amandus* est amicus *sincere, impense, constanter*: *sincere*, ne amor in ore aut lingua natet, sed in corde & opere habet: *impense*, quia ames eum necesse est sicuti te ipsum; at te ipsum maximè amas: *constanter*, ne quovis vento excutatur aut levi de causâ dissolvatur amicitia. Ama tanquam nunquam osurum. *Benefaciendum* quoque est Amico, quo factis constet ipsi de nostro affectu & benevolentia.

XII. Amicitia *opposita* sunt vel *contraria* vel *privativa*. *Contraria*, sunt omnes res amicitia adversantes; quæ cum plures sunt, vel *directè* naturam amicitia dissolvunt vel *consequenter*. *Priori modo* id facit, inæqualitas morum, studii, animique disparitas, &c. Cum sc. alter quidem amat sed non redamatur ab altero: sic in specie, dissolvitur amicitia utilis & jucunda, cum non est par voluptatis retributio, & officii non æqualis redditio; & honesta, cum non est æqualitas virtutis, cum alter virtutem extollit, quam alter immittit: *posteriori modo* ac *consequenter* amicitiam dissolvunt, dignitatis variatio, locorum distantia, diuturna absentia, vitia naturæ, ut surditas, cæcitas, & moralia, ut superbia, dissimulatio, adulatio, contentio, querelæ, criminatio, vituperium, suspicio, menda-

mendacia, &c. (a) *privative opposita* Amicitiz sunt, quæ amicitiam ad extrema vel in excessu vel in defectu deflectere faciunt, & eam privant sua rectitudine. Excessus est nimium amicitiz studium, πολυφιλία, cum passim obvii in amicos & valde multi in amicos recipiuntur. Defectus, ἡφιλία, cum re ipsa omnes amici insuper habentur. Sed quæ de Amicitia ulterius disputari possunt, exhibent, quæ subjunguntur.

(a) Quamvis in amicitia detur excessus, & defectus, & sua quædam etiam mediocritas, non tamen ideo est virtus, quia hæc tria cadunt quoque in affectus; at affectus quoque virtutes non sunt.

A N N E X A.

1. *An vir bonus seipsum magis quam alium amare debeat?* Aff.

2. *An aliquando veritatem Amici causâ deferere liceat?* Neg.

3. *An vitam Amic nostræ præferre & pro salute ejus certam mortem eligere debeamus?* Neg.

4. *An benefactores impulsu amant beneficiarios?* Aff.

5. *An in omni fortuna opus sit Amicis?* Aff.

6. *An in prospera vel adversa fortuna magis ageamus Amicis?* Dist.

7. *An Amicitia sit præferenda cognationi sanguinis?* Dist.

8. *An Amicus Amico dona maxima optare, & si possit, procurare debeat?* Aff.

9. *An Amicitia vera ac perfecta sit obnoxia calumniis, & injuriis & querelis?* Neg.

10. *An amicitia vera ac perfecta possit esse inter malos?* Neg.

F I N I S.

